

Aves/Heer


Faint handwritten text, possibly a signature or title, in dark ink.

RISK 1300502



N M N

BIBLIOTHEEK



7 7496 00017619 6

NATIONAAL NATUURHISTORISCH MUSEUM

Postbus 9517 2300 RA Leliden Nederland

S

RISK 130050

N I N I N



NATIONAAL NATUURH

G. N. HEERKENS

AVES FRISICÆ.

THE NEW YORK

LIBRARY

C. J. H. H. H.
1775

GER. NICOLAI HEERKENS

GRONINGANI.

AVES FRISICÆ



ROTTERODAMI
apud C.R.Hake

M. DCC.LXXX.VII.

J. L. Anselin sculp. Parisiæ



VIRO AMPLISSIMO ET CONSULTISSIMO

PETRO VAN BLEISWYK,

ORDINUM HOLLANDIÆ ET WESTFRISIÆ
CONSILIARIO ET SYNDICO,

GÉR. NICOLAUS HEERKENS Sal. pl. dicit

Eam curam AMPLISSIME VIR, quam Reipublicæ
difficillimis temporibus, Veterum præstas literis,
Curator Academiæ Batavæ attentissimus. Nutri-
cula studiorum Batavia, ut eam superiore sæculo
literator Gallus Tanaquillus Faber vocabat, fa-
cis, quantum in Te est, dici etiam hodie ut me-
reatur. Foves, & omnes artes & scientias adju-

*

vas,

vas , literas Veterum præcipuè : quibus neglectis , aut cultis leviter , hominibus , sentis , etiam in qualicunque scientia summis evenire , quod ingeniis in adolescentia male educatis. Præter quòd incultius , sinisterius , & proluxius notissima quæque proponunt , iudicium quoque rudius , & ad vanas videntur deviasque sententias habere apertius. Reformidat eas melius , Veterum , cultissimorum hominum , exemplis imbutus animus , normaue videtur præditus ad dijudicanda quæque & proponenda utili. Idque rrsi Majoribus nostris intellectum esset , non tantum Veterum literis pretium statuissent. Eæ vero , quas Batavos coluisse apud exteros pro gloria , & quas neglexisse ingenuos pro vitio apud cives ducebatur , eæ literæ AMPLISSIME VIR ! quanta communi in
existi.

existimatione nunc sunt, Te cum gemitu, credo
perfontiscere. Fato pessimò, undique ad nos in-
vecto, & sinum quoque pectusque nēstrum vi-
tiantē, magis atque magis indies contemnuntur.
Eòque, jam versis ad læva exempla & frivola stu-
dia animis, perventum est, ut lingua, qua maxi-
mus civis Tuus Belli & Pacis jus gentibus dixit,
ad proferendas quascunque cognitiones uti, pæne
ridiculum habeatur. Quod infelix barbarumque,
licet fati commune, fastidium minimè vereor, si
quam ab annis jam vicens scriptori benevolen-
tiam, ejus operi tutelam indulferis.

Dono, dedico, dico hoc Tibi AMPLISSIME VIR,
quod, ob multa sicut Te venerabilem pridem ha-
bui, irruentem adversus barbariem Te statorem
quoque, & tanquam in ponte auctoritate Tua

pugnantem Horatium intueor. Et si Latinas literas perire, fatum est, extremæ Te venerentur, extremæ nomen Tuum apud posteros extollant, & quod maximè necessarium, extremæ Te sibi & Patriæ diu incolumem precentur. Quod vivacissimis sicuti votis nunc facio, extremis me facturum esse polliceor.

Groningæ, die XII Februarii, anno MDCCLXXXVII.

PRE-

P R Æ F A T I O.

Licet omnis scientiæ cognitio ipsumque studium post aliqualem profectum perquam jucundum sit, Naturæ cognoscendæ studium ea sibi peculiari abundat amoenitate, ut a principio sentiatur, & cum aliquantò procefferis, in eo studio animum, ut continēas distractum quamvis ante affuētis pridem diversissimisque studiis. Humanioribus literis, & quæ nunciæ dicuntur vetustatis, Historiarum scilicet studio, ab ætatis initio animum applicaveram. Cum vero octavum ætas mea lustrum uno aut altero excesserat annor, ab historiæ studio non tam mea quam aliena voluntatē detractus potius, quam revocatus fui. De celebribus quibusdam viris, & rerum nostrarum eventis judicia, studii mei fructus, literis Latinis ostendere, quum non satis quieti hominis videretur, animus ad inertiam videbatur damnatus fuisse.

Agro natali circa id idem tempus & propter hoc mandatum potius, quam datum, consilium me incluseram,

villæque Ovidianum istud hemistichium, *bene qui latuit, bene vixit*, inscripseram. Rusticæ vitæ, continuis ante & per decennium fere factis itineribus, lucique hominum deditus, nullis popularium meorum, & ne ipsis quidem propinquis idoneus videbar, eoque magis, quod & simul profitebar literarum studia displicuisse. Displiquerant: sed sicut hoc adjecto & fastio peccabam fastidio, vitæ genus elegeram multo dulcius, quam quod brevi fastidiretur, multoque rectius, quam ut longum pateretur cum Musis divortium. Nihil agere animus cum non posset; vacuæque in agris suis occupatissimo cum sint horæ, libros devehî in villam, sed clam & non ostensos, jubebam. Clamque aliquamdiu & tanquam interdictos retractans, sensim mihi necessarios esse, deinde etiam vidi animum scriptione aliqua, non tantum lectione, occupandum esse.

Augustæi regni historiam plusquam aliam doctus, videram causas, propter quas exulaverat Ovidius: carusque mihi ab adolescentiâ usque, & plusquam alius veterum poeta cum fuisset, de ejus exilio commentarius primum

num fuit opusculum, quod studia mea ad calamum revocaverat. Inque ea totus cura, cum tam extremam Augusti historiam, debilis senectâ principis, & metu privigni familiam suam verosque amicos abdicantis, tamque Tiberii notitiam, quam operum Ovidii extremorum explicationem & causas necessario darem, ostendebam, quare supremis temporibus nihil argumenti propemodum ipsius musæ superesset, quam ut animum ad describendos pisces converteret. Potuit existimasse, opus hoc curam suam mereri. Pisces viderat ad Ponticum mare innumeros, in nullis aliis aquis obvios, indeque, & ob singularem naturam ostendi dignos. Utque eorum descriptione gratiam a Plinio tulit, majorem tamen iniisset apud omnes posteros, perficiendo Fastos: quorum sex libros Augusto inscriptos & luci paratos habuit, cum fugeret; exulque septemii tempore edere, nisi mutatos & nisi extremo suo tempore, non ausus fuit. Mutatosque, & Tiberii laudibus plenos, displicuisse, aut causam saltem dedisse vero simile est, cur a momentofo opere ad halieuticum transfu-

gere satius duxerit. Tiberio rerum potito, quam in arcto musam suam viderit, apparet etiam ex scriptorum ejus paucitate. Triennii tempore, quod sub illo inimico sibi principe exegit, diligens ante in Ponto scriptor, non nisi unam aut alteram tantum ad potentes amicos dedit epistolam. Stylo parcens, non solum ob omnem reditus spem depositam, ut in alterutra epistolarum significare ausus fuit, sed quod supplicando etiam offensurus esset. Piscium natura & descriptis moribus suspicacem dominum, satis literatum & piscium curiosum, ut ostendi in commentario, aut oblectaturus aut saltem non offensurus videbatur. Sicut igitur prudentiam poetæ ob stultitiam exulis, sicut & quietum ipsius animum admirabar, jamque seposito historiæ studio secutus fueram, sequendum & illum duxi parili argumento Musæ meæ delecto.

Aves dixerat Ovidius *solatia ruris*. Utque ipsi jucundum silvis & innocuum genus, & mihi ab ineunte vita, felicissimæque animalium visæ fuerant. Invenio in adversariis ab adolescente me ad exemplum Drexelii com-

po-

positis, ad *Lemma*, *Poëtæ argumenti jucundioris*, Nican-
drum, quem apud Vossium de avibus videram scripsisse,
juxta Joannem Bisselium, qui *de delitiis Veris*, & *de deli-
tiis æstivis* libros composuerat. Inque iis libris IV, quos
de itinere Italico recte instituendo, utque antiquarius
totus dedi, me etiam memini in Italia ad aves adver-
tisse, & causas dedisse, quare in agro Romano rariores
quam in nostrate viderentur. Cum pisces igitur ab Ovi-
dio ob prudentiam, & quietis studiosum animum, de-
scriptos ostenderem, ostendi mihi, non pisces, sed aves
describendas esse. Piscium abstrusior videbatur natura,
& quantum ad humanos oculos, fors eorum minus
amoena. Quodque Ovidium ex Plinio, & ex mea divina-
tione ostenderam ad describendas pisces illexisse, non
me alliciebat. Alliciebat ratio ad materiem mihi jucun-
dam, & quæ ex obliquo publica non tangeret. Aves-
que pridem gratæ cum illam darent, selegi protinus,
quas magis noscerem, citiusque descriptas, ostenderem
Attico, Messalino & Sexto Pompeio meo. Juvitque
rude carmen &, in pauca exemplaria descriptum typis,

in tantum, ut qui pro Tiberio mihi erat, talia decantantem non duris oculis respicere dignatus sit. Juvitque sincerius, quod animum labor novus oblectaret. Avicula qualiscunque in silvulis meis obvia sequentem oculis per horulam sæpe & quam jucundissimè detinebat. Coëmeram ornithologos, quotquot dives libròrum dare posset Batavia: eorumque lectio, sicut juvabat plus quam alia, oblectabat audire interrogatos aucupes. Sed cum jam multas aves per aucupes, multas per ornithologos cognoscerem, hæsit animus dubitanti; utrum aves multas sigillatim paucis versibus, utrum paucas interius cognitatas multis versibus ostenderem. Multæ paucis versibus ex moribus maximè apparentibus descriptæ meliores versus pollicebantur. Paucae aves per cognitæ advertere ornithologos, & eos ad se trahere posse videbantur, qui præter cantum res in carmine desiderant. Versus, inopes rerum ignotarum, huic literis Latinis inimico sæculo ostendere, irritus videbatur labor. Videramque aves, quas describere cuperem, satis ignotas esse maximi nominis ornithologis. Gallos

lin.

linguæ Latinæ contemptores, & maximè utilis linguæ destructores pæne, ad legendum Latinum opus ex rebus prolatis cogere, dignus animo videbatur conatus. Quod ut obtinerem, attentionem præcipuam ad vicens tantum volucres fatis vulgo cognitâs restrinxi. Vulgo cognitâs prætuli, auxilio futurus instructior. Inter eas quidem loxia non est. Sed inter primas illam descripseram cognitâam ex captivâ, & cui deinde complurimas junxi feminas & mares; junctæque mores & descriptæ speciem non refutant, nisi quod rostra aliarum minus decussent, quodque minus ex facili cicurantur aliquæ, quodque crebrius solito ad nos transfugiunt, forte tamen ob crebriora, & insolita quæ tulimus frigora. Sicut igitur in hujus avis descriptione exiguum ab aliis auxilium, multum in cæteris habui. Amici & consulti aucupes cum nihil nisi attentionem & fidem darent, intumeri per plus quam septemdecim annos id idem præstiterè, quod Lionetus, quodque Vosmarius, & Nozemannus, viri de historia naturali scriptis suis optimè meriti.

Tan-

Tantum igitur adjuta, & tam diu ad vicinas aves cohibita attentio docuit, quod nullis in mentem venerat ornithologis; avium naturam pro earum patria non tantum variare, sed & diversissimam esse: avium perpauca in remotum peregrinari, quod pleræque sub autumnum facere videbantur, idque eas propter rationes facere non posse, quæ a nullis ostensæ erant: avium vitas longiores esse ostensa ab aliis experientia: avium conjugia aut perennia aut multo saltem diuturniora esse, quam creditum fuerat: aves denique hominum vitæ & saluti utilissima & propemodum necessaria esse animantia: stultis in eas legibus sævitum fuisse. Nova & alia lectoribus promitterem, nisi præfationem dictet verecundia. Extendat tamen illam tutela, quam quisquis author debet operi suo.

In Diario eruditorum Batavo ignotus, sed fatis benevolus mihi scriptor, inconsideratum & inconcinnum duxit, maluisse me ligata uti quam soluta oratione. At, qui gratuitam vineæ publicæ præstat operam, ut dextra potius quam sinistra laboret manu, inconsideranter exiges. Suo quisquis ut id faciat modo, concedendum est.

est. Carmina inter ambulandum proveniunt, piscatori etiam & venatori. Quatuor aut quinque versiculos domum reportans, qui nihil ceperat, lætus revertitur. Non comitari solet ambulanti cura solutæ orationis. Considerantur dicenda versibus & perpenduntur; cum festinet cura, cum in solutis metro scriptis, non satis sæpe consideretur. Lector versibus prosam eloquentiam præferens concedat scriptori libertatem ex animo & ex natura ipsius æque profectam, quam quod ille magis prosa delectetur. Cogitet esse etiam lectores, qui prætulerint versus, dolituri, si aut Gratius aut Nemesianus Cynegetica, non ausim dicere, Georgica sua si soluta oratione scripsisset Virgilius. Cultissimæ gentes, quæ unquam inter homines fuerunt, libertatem ingeniis auxere. Nicandroque & Æmilio Macro non objecerunt populares sui, quod uterque volucres versibus descripserat. Nec suo illi tempore tantum, sed & secuto, operæ pretium tulere à fama, & ab hominum doctissimorum existimatione. Cajus Plinius ex bis mille voluminibus suum naturæ thesaurum conficiens, habuit

cer-

certè, quod exciperet, & unde compendium suum ingentis famæ compleret. Macri tamen & Nicandri testimonia, cum de avibus ageret, non modo non rejecit, sed ex his mille scriptoribus cum centum diceret exquisitis se maximè usum fuisse, exquisitis Macro addidit & Nicandrum. Vides eorum nomina sicut decimo libro, qui Plinii aviarium fuit, & aliis libris plerisque, ut optimorum testium adjecta fuisse. Invenirem veterum judicia Macro & Nicandro non minus favorabilia & magnifica, sed cui non satisfaciat judicium Plinii, nihil satisfaciat. Nam sicut istud tam verum, quam admirabile in tribus extremis libris, in quibus de artibus agit, inventum est, non potuit istud acre & extensum judicium periclitari in discernendis avium scriptoribus. Quod præterea, ut dixi, consonans vetustatis fama, quantum ad Macro & Nicandrum, approbavit.

Licuit igitur, & successit quondam apud cultissimas gentes tam amoenam materiam, quam aves sunt, verbis tractare, & post renatas veterum literas quot non poetæ res naturæ multo abstrusiores versuum materiam

fe-

fecere? Eorum opera, & operibus meritam apud eruditos famam ante oculos ponere, sicut a præfatione mea res aliena esset: congruenter ostendam duos recentiores & Latinos poetas, qui etiam aves, avesque multo cum applausu descripsere. Inque ea illos cultissima gente ostendam, quæ merito jure nobis admodum non modo cara facta est, sed & exemplo influit moribus nostris. Indequè, ostendendo poetas eos, gratularer valdius mihi, nisi adjungendum esset, pæne suæ gentis extremos fuisse, qui Latinum carmen apud Gallos scripsere. Sunt enim Galli uterque, & Galli, qui me adhuc puero vixerunt. Unus Gallinam, alter Columbam cultissimis versibus, tamque bene descriptam dedere, ut apud nullum alium ornithologum penitus eas aves & plenius cognoris. Jo. Antonius Ducercæus, qui Parisiis anno sæculi trigesimo sexagenarius obiit, Gallinam: Columbam dedit Jacobus Vanierius, qui annos novem post Ducercæum Tolosæ decessit. Notus eruditis Gallis & exteris uterque. Notior Vanierius, quod Columbam suam XV aliis libris junxit, qui prædium ejus rusticum efficiunt. Ducercæus, qui
de

de rebus ad naturam pertinentibus nihil nisi Gallinam & Papiliones descripsit, poëtica laude & cognitione avis suæ æquavit Vanierium. Minor est apud Famam, quod minus scripsit. Vidi tamen in nostris regionibus, qui ad præcepta Ducercæi Gallinaria villis suis adjunxere, non qui Columbaria ad leges Vanierii. Quod tamen præferentiæ argumentum raritas videbatur fecisse Ducercæi operis. Ostendens Gallinarium, ostendebat, quod ob exempli raritatem, non imitabile, considerabatur attentius, & famam dabat villis. Sunt, qui voluere, ut Gallinam Ducercæi Avibus meis adderem. Sed non confulerem illis tam pulcra focia: & occasionem haud despero, si Deus vitam proroget, fore, Ducercæi opusculum dignis fociis junctum ut communius faciam. Sunt apud me Dinivillii aves ineditæ, Galli etiam & Latini poetæ egregii: præter & has Aviarium Joannis Rotei: & si hæc opuscula cum Ducercæi Gallina juncta, justi voluminis codicem non fecerint, addi poterint aliæ viginti aves, decem, dūodecim aut quindecim versibus a me descriptæ. Sed dum, de meis jam editis avibus quid
ju-

judicet fama, nesciam, non de pluribus ostendendis Latinis versibus cogitandum est. Ducercæus Gallinam sexcentis & sex hexametris versibus exposuit. Editum est poema Parisiis anno superioris sæculi nonagesimo sexto : & haud multo ante scriptum, fuisse, docent versus extremi.

Hæc ego Neustriaca degens tellure canebam,
 Attonitis Rheni dum Gallus victor in oris
 Festa triumphali præcingit tempora lauru.
 Jam Stinkerkæi fumarant sanguine campi.
 Tu quoque, prætentas muris dum fulminat arces,
 Et trepidum aspectu Lodoicus territat hostem,
 Ingens corrueras (triplici licet ordine vallum
 Surgeret, & grandes regnarent undique fossæ)
 Spectante Auriaco, Batavo indignante Namurcum.

Vanierii Columbæ quantumcunque cognitæ & nonnihil
 possum adjungere, plerisque amatoribus ejus ignotum.
 Scripserat (& ediderat hanc credo) Tolosæ, cum an-

num vix excefferat vitæ vigefimum. Prima editio, (quam ex dedicatione fecundæ editionis præceffiffe credo) nunquam oculis meis, diligenter licet in Galliis perquifita, offenfa fuit. Offenfa eft fecunda, quæ anno fuperioris fæculi nonagefimo fexto cum Vitibus & Vino, duobus alteris Prædii ejus Ruffici libris, cumque Ducercæi Gallina, Parifiis data eft. Dedicationem habet hæc editio, quam, fi tum facta primùm effet, non in tertia editione, undecim annos poft fecuta, rejeciffe author videretur. Potuit Tolofanæ curiæ præfes, cui infcripta fuerat Columba, è vivis deceffiffe. Sed prioris patroni intra undecim annos facta oblivio tam præceps videtur, ut dedicationem antiquius credam factam fuiffe. Tum fcilicet, cum fcripta, & forte Tolofæ edenda fuerat Columba. Quo anno Columba fcripta fit, teftantur extremi poematis verfus, in fecunda editione & qui in nulla poft fecuta videntur. Ideoque oftendi merentur: funt novem, & tales.

Hæc cecini fuper ingenio cultuque columbæ:

Bello & pace potens placitas quo tempore leges

At-

Attonito magnus Lodoix dabat arbiter orbi.
Jamque triumpharat domitis prædonibus æquor,
Et conjuratas inimica in foedera gentes:
Junxerat & geminum nova per commercia pontum.
Cum majora movens animo fortissimus heros
Hæreticam oppressit pestem, victorque volentes
Et Christo populos & avitis reddidit aris.

Sicut ex iis versibus vides Columbam anno sæculi prioris octogesimo quarto scriptam fuisse, indeque scriptoris ætatem colligis, qui viginti annos ante die nono Martii haud procul Biterris in vico *Causès* natus fuerat: vides ex rejectis in tertia editione versibus, authorem aut invidiosos versus damnasse, aut jam intellexisse Regem, revocati Nannetensis edicti pænituisset. Tertia Columbæ editio novem alteris Prædii Rustici libris juncta, data est Parisiis anno sæculi hujus septimo apud JOANNEM LE CLERC, via Jacobæa, ad insigne Sancti Lamberti e regione Sancti Yvonis. Estque hæc pulcherrima omnium, quam vidi, five typos, five figuras, decem libris præ-

fixas, vides. Propterea etiam pretiosa, quod aliquot versus aut omisso habet, aut post ita mutatos, ut omisso videantur. Sicut editio Columbæ, quam secundam habeo, versus trecentos tantum & viginti tres completur (connumeratis novem versibus, quos author, ut dixi, rejecit) tertia versus habet quadringentos & viginti sex. Credo secutas fuisse editiones ante ultimam authoris, mihi non ostensas. Ultima autem ab auctore anno sæculi trigesimo data, versus continet quadringentos & quinquaginta sex. Essetque hæc auctior & correctior & extrema authoris, omnium optima, si figuras haberet figurarum editionis secundæ bonitate pares, & si typis majoribus esset facta. Novem licet annos post author vixit, Columbam nullo post versiculo, nec & ullo etiam ceteros Prædii sui libros inauxit. Nam si quos emendatiores versus reliquisset, operi celebrato, ab ejus societas hominibus additæ fuissent editionibus, quæ crebræ ejus mortem, Parisiisque, secutæ fuerunt. Longior in utroque scriptore ostendendo fui, quoniam ad eorum exempla descriptiones avium mearum, præcipue extremas, direxi,

rexī, maxime etiam, ut a tantis exemplis argumento meo accederet dignitas.

Nolo fidem visis, aut mihi ab alio quoviscunque relatis, adstruere. Judicio in accipiendis relationibus me usum puto: & veritate scio in iis, quæ juxta oculorum meorum fidem retuli. Nihilque de ulla ave tam prodigiosum habent versus mei, quam quod de Polonis vulpibus in suo refert Antilucratio Poligniacus: & qui tamen a nullo non creditus fuit. propterea, quod ligata narrator usus est oratione. Cumque, de vulpibus quod refert, doceat, quadrupedes æque ac volucres, pro patria variare, vulpes Polonos ejus ostendam. Multo eos numero esse scribit in iis Sarmatiæ partibus parum ab hominibus infestis; congregari, gregesque gregibus bellum inferre, pugnantisque misceri sic, ut in acie non nisi hostem lædant aut interficiant: victoriæ propiores de captivis cogitare, captosque hostici gregis seponere: non ut eos post sævius trucident, sed ut grex victor servitiis non indigeat, quibus & mox ad ampliandas foveas utuntur. Captique non modo stipulas, ad ster-

nendos fovearum lectos, sed & remotiorem prædam ore ad foveas contrahere jubentur: prædæque aut palearum devectio ob subitum frigus si moram non patitur, domini captivis pro plaustris utuntur: sternuntur supini, interque erecta supinorum crura coacervant, quidquid oneris ventres ferant. Tum caudas onustorum ore corripunt,

Erasoque vias miserorum tergore verrunt.

Id se non accepisse ab aliorum ore, sed oculis suis vidisse testatur Poligniacus,

qua turbidus ire Danastris

Incipit, & patulos Daëcorum allambere campos.

Quid ad hoc vernæ hirundines, lacu emergentes Norvagica, aut cavo arboris trunco in nostris terris prodeuntes? Versus & notas legerit, dabit fidem illustrissimus Guenaldus relatis & visis meis. Novi, & vidi humanissimum ejus animum. Contigit enim Parisiis, aves in regio imaginum museo pulcerrimè depictas, unà ambo ut videremus. Mihique tam ignotus cum esset nomine,

ne, quam ego ipsi; contigit, postquam de patria me interrogasset, aliquas aves, quæ apud nos essent, & quæ non essent, ostendere ut rogarer. Proptereaque & me ignotum in Turdis, puto, allegavit, sicut nominatim in Hirundine & Ciconia. Ego autem simul ac de fasciculo avium, in pergamenopictarum, discesseram, ejus nomen à custode regio accepi. Gratulatusque mihi sum non semel, ornithologum illustrem etiam ex vultu innotuisse, quem multa sæpe cum jucunditate legi. Sed à scriptore tantæ authoritatis negata versibus meis fides, cum notæ videbatur avibus meis necessarias facere, notæ judicia ipsius, sicut aliorum scriptorum & Nozemanni carissimi viri impugnarunt. Idque negatæ fidei nimis memores, si acrius interdum fecerint, profitetur serius scripta præfatio, illustrem scriptorem merito suo maximi a me fieri, & cordi mihi ejus amicitiam, promptumque obsequium fore, si hoc uti forte voluerit in ulla re, aut in habenda nostratis aviculæ notitiâ.

Dixi jam superius me præter has nunc editas, alias decem aves scripsisse. Earum quidem plurimæ typis
jam

jam sigillatim ostensæ: non vero, ut nunc sunt. Dies diem docet: &, si non multo emendatior, plenior facta est descriptio. Gaviæ hexametris plusquam septingentis, & Anatem haud multo minoribus numero descripsi. Cæteræ octo aves elegis ostensæ: & hæ Alcedo sunt, Ciconia, Turtur, Cornix, Corvus, Passer, Fringuilla & Perdix. Sed harum priorum decem auctior editio, annis plusquam tribus & propemodum quatuor sub prælo alsit magis, quam sudavit: tamque algens si sequatur distributio, non sperem fore, alias decem junctim recusas ut videam. Notas saltem seniori addere displicuerit: eoque magis, quod opusculis aliis pridem a me scriptis, corrigendis, edendis aut conjunctim recu- dendis impendendus est labor. Pigrum tamen me, anno licet jam sexagesimo impleto, non esse, ostendent Icones quædam illustrium virorum, intra paucos menses lucem visuræ. Dabam hæc Groningæ die XXXI Januarii anno MDCCLXXXVII.

GER. NICOLAI HEERKENS

A V E S F R I S I C Æ.

A L A U D A.

Prima avium nostris dicetur Alauda libellis,
Omen felici nomine quod det avis,
Quodque licet multum de frigore, deque malignis
Aucupibus tulerit, mox' tamen astra petit.
Prima avium, simulac de frigore bruma remisit,
Sol simulac pisces tangit, alauda canit. (1)
Nec placet ulla magis, quam quæ super æthera summum
Vecta canens, hiemem præteriisse monet.
Suspicit ad primas, quas audit ab æthere voces,
10 Ac cecinisse domi narrat arator avem.
Estque dies anni pro tempore lucida, cantu
Quam recreat, pluvio non subit astra die.

A

Uni-

Unica tam recto contendit in æthera gyro,
Unica dulce, volans, inter & astra, canit.
Singula quæque dies, non solo ut teste refertur,
Septena volucrem ducit in astra vice. (2)
Temporaque observat, Sicala messoribus ora
Cessandi tempus voce filente dabat.
Postque dies medios audita messor alauda
20 Ad falcem rediit & grave ruris opus.
Curfibus aëriis & frigus cantibus obstat,
Quod per humum cogit pabula sola sequi.
Quæque canunt, ab amore calent; frigusque reversum
Igne novo focias forte calere vetat.
Non minus ad venerem citius nidumque vocatur,
Quam, qui describunt, testificantur, avem. (4)
Martius extremus mihi præbuit ova volucris,
Ante dies Maii quam peperisse negant.
Nidificat segetes inter, perque herbida rura,
Quæque frequens juncus stirpsque palustris obit.
Quos ponit nidos, inflexo gramine condit,
Arva quibus radens falco timendus erat.

Et

Et pluvias arcet visendo tegmine nidis, (5)
Quos nimis efuriens sæpe relinquit avis.
Ovaque dicuntur per solis habere calorem
Plus animæ, incubitu quam daret ipsa parens.
Sed quibus ovorum non provida mater habetur,
Dicetur pullis consuluisse suis.
Tacta hominum manibus simulac cunabula sentit,
40 Sentit enim, implumi cum grege carpit iter.
Pectoreque & rostro provolvere corpora mater
Dicitur, ac tutam non prope credit humum.
Ter parit, & curas æstatem extendit in omnem,
Sirius ut cujus sæpius ova coquit.
Bis matrem Saxo, semel & Silesius auctor (6)
Scribit avem fieri, frigore nempe poli.
Sed si nullum animans natum borealibus oris
Foecundum minus est, cur minus esset avis?
Frigidior nostris quantum Silesia terris,
50 Saltem ubi se planis Odera fundit agris?
Terque, fatis constat, nostram peperisse volucrem,
Ausoniis partu matribus ergo parem.

Affervatque suum constans natura tenorem,
Alterat & causa nulla creata levi.
Adde, brevi numero quod parturit ova, brevique
Quod cubat, & teneras tempore pascit aves.
Adque sui curam cursumque repente valescunt,
Et Majis volucres idibus esse solent.
Quid faceret, dulci caritura libidine mater?
60 Post cantum cælo nec genus ulla daret?
Tamque frequens quinis avis aspiceretur ab ovis?
Omnia quæ testem mente carere docent.
Et tamen huic testi tam vano præbuit aures,
Buffoni celebres qui modo finit aves.
Plus apud authores dubiis obnoxia res est.
Transfuga sitne latens per grave frigus avis?
Nil primum statuas, volucris quod in omnibus oris,
Conveniat, juveni conveniatque seni.
Non latet ulla locis, fugit & neque frigus in illis,
70 Quæ semper victum dant loca, quæque tepent.
Sed minus apricis tepidisque recessibus, algens
In vicina fugit; parsque manere solet.

Pars juvenilis abit, seniorque pericula cursus

Quod timet, aut frigus quod ferat acre, manet.

Nullas fervat hiems, quàm montibus ardua tellus,

Aut boreæ propior frigora sæva facit.

Sopita Agricolæ, cui testi credere fas est,

Visa fuit scopulis Saxonis ora tuis. (7)

Contra ubi Vandalicum se Vistula fundit in æquor,

80 Fert hiemem planis aptior ales agris.

Kleinus inde avibus nunquam fugientibus addit,

Gallia quam profugam nostraque terra videt. (8)

Nos profugam scimus, quod, hiems ut fervet alaudas,

Ter numerat plures Pleiæas orta greges. (9)

Pars igitur fugit, vicino inducta tepori,

Aura simul nostris prima rigescit agris.

Credere non poteris per frigora prima latentes,

Vandala quas cælum bruma tenere videt.

Sed quoque Vandalicæ per frigora sæva lateſcunt.

90 Sub faxis. junctas arboribusque vides.

Nec procul a vero est, quod avis, magis Arctica quæ sit,

Intensum frigus condita vitet aquis.

Per similes vidit stagnis latitare sub altis
 Borrichius, Dano clarus in orbe senex; (10)
 Atque ubi longam hiemem bene sturnus, hirundo, va-
 Cur ibi longam hiemem non & alauda ferat? (nellus,
 Adde, quod & frigus gelidis ita prævenit oris,
 Non ut se tepidis inferat ulla locis.
 Nec dederint contra penetrabile frigus asylum,
 100 Quas scopulus sedes & cava quercus habent.
 Una palus igitur susceptas protegit undis,
 Exurgens terra servet ut æstus avem.
 Sed dum testis abest, non divinata tuemur,
 Fama quibus veniens forte datura fidem est.
 Nostra avis, ut dixi, per frigora nulla latefcit,
 Sed quæ turba manet, fert grave frigus agris.
 Et quæ tum volitant, cicures velut, horrea circum
 Rustica, perque vias perque salicta volant.
 Passeribus volitant, spizis, & acanthide junctæ,
 110 Noctibus auxilium sint ut utrimque sibi.
 Noctibus omnis enim tam dissona turba coire,
 Angustæque solet, quæ cava cunque patent.

Foeni ingens cumulus, cereali stramine tectus,
Qui stat agris, junctas sæpe recepit aves.
Noctibus exactis, quæ lucem tertia cælo
Reddidit hora, greges radere cogit agros.
Graminibus segetumque herba vescantur, oportet,
Juncta quod inventas turba flagellat opes.
Ergo ut dura avibus, nec larga manentibus est fors:
120 Quas vetulas auceps calcis ab ungue videt.
Quæ fugiunt, nostrisque locis per frigora defunt,
Discedunt, strepitum non faciente fuga.
Advena turba tamen per Gallica rura notatur,
Aucupibusque frequens præda venire solet:
Nec minus a Batavis capiuntur vere propinquo,
In patriam reduces dum mare versus eunt.
Sed quibus hibernas coquus interfecit alaudas,
Corpora macra, veru non meritura, necât.
Adde, quod infelix male mansis ossibus esca
130 Sæpe comestori viscera tota fecat.
Quæque canit volucris tam dulce diuque per auras,
Septembris primos nec filet ante dies, (11)

Instar lusciniæ, per leges tuta volare,
Debueratque ævum vivere posse suum.
Destruitur nostris minus, & si præda fit, oris,
Præda fit, ut caveis singula sola canat.
Prima est cura marem legere, & cura altera pullum,
Aut ætas cujus non sit adulta nimis.
Spernit enim senior caveam, spernitque doceri,
140 Si quid avem cantus forte docere voles.
Sub cauda maribus brevis una nigerrima pluma est,
Et macula auriculis nigra subesse solet.
Quemque senem noris prælongo calcis ab ungue, (12)
Vitalis, cavea nec tibi cantor erit.
Vimina, seu caveam virgarum argenteus ordo
Formet, avi ut bene sit, nec dabit, unde canat.
Sed, sit ut ampla domus, purgataque sæpe, necesse est,
Puraque captivæ sternat arena solum.
Sæpe virens cespes, renovetur sæpius unda,
150 Efferat utque solo se viror ille, juvat.
Cumque salutari super omnia gaudeat aura,
Plurima, des, caveam perflet ut auram tuam,

Vere novo imprimis, fac, pendeat ante fenestras:

Mirum est, ut streperis urbibus inde canat.

Dicitur expertis, tricenos posse per annos

Vivere. Vixit avis cognita quinque minus.

Hordea nec præter, paleis mundata, dabantur.

Raraque de trita cannabe mensa fuit.

Nec tamen arguerim, quod brassica secta minutim,

160 Herbaque, si desit brassica, detur avi. (13)

Corдаque subjungas conscissa, minutaque valdè.

Libera vermiculis, ut bene vivat, eget.

Liberaque in bruchos fertur, viridesque locustas,

Quosque oblectat avis carmine, purgat agros,

N O T Æ.

(1) *Versu* 6. Sol pisces subit apud Frisios circa diem XX Januarii. quo circiter tempore interdum, frequentius tamen cantus incipit alauda ineunte Februario. & apud Silesios secundo mensis hujus die consueſſe cantus incipere scribit Jo. Colerus. OEconomia ruris Lib. XV. 475.

(2) *Versu* 16. Qui testes dicunt septies de die alaudam canere, inveniuntur apud Aldrovandum, tom. II. lib. X. pag. 836.

(3) *Versu* 17. Alaudam nunquam meridiano tempore canere, & cessandi tempus messoribus Siculis silentio suo fecisse, scripsit Theocritus Eydillio VII.

(4) *Versu* 26. Scriptores avium, prope ad unum omnes, dicunt mense Majo prima vice alaudam parere: qua in re docti viri, qui se exseriunt, rusticorum pueris refelluntur.

(5) *Versu* 35. Nidi habent aditalem viam ad duos pedes longam, gramine inflexo connectam, nidoque premunitam, ut avis ex alto ad ova sua descendens, accipitri aut speculatori insidioso nidi locum non ostendat.

(6) *Versu* 45. Frischius Lipsiensis imagines avium dedit, coloribus diversissimas plumas vividè imitantibus, sumptuosum opus, nec minus in descriptionibus adjectis curatum; sed in quo contra experientiam communem duas tantum cubationes dedit alaudæ. Unamque cubationem

nem Silesiis alaudis dat Suenfeldius in Aviario suo Silesiæ, quod opus edidit anno tertio superioris sæculi. fuit medicus Hirsbergenfis, quod eum vixisse denotat in Silesia plana minusque frigida.

(7) *Versu 77.* Georgius Agricola scripsit de animantibus subterraneis commentarium, inque opere isto notissimo de alaudarum somno hiemali loquitur quod tamen ornithologos nequaquam advertisse videtur: quamvis opus a viro non minus probo, quam physicarum rerum scientissimo scriptum sit. Vixit in Saxoniae parte maxime montosa, quæ Misnia dicitur, jamque annos ante ducentos & quinquaginta,

(8) *Versu 81.* Jac. Theodorus Klein attentus avium observator, scriptorque brevis & minimè nugæ sequens, dicit alaudas in agro Gedanensi per hiemem videri; frigore autem intentiore sub arborum veterum radicibus, subque faxis in agro obviis latescere. Indeque avem minime transfugam & erraticam credit. Quod verum est in omnibus terræ partibus, præterquam in iis, quæ ad vexandam avem satis gelidæ sunt, sed ex quibus volatu unius diei in tepidiora loca perveniat. dicendum igitur, uti sæpe de ayibus Aristoteles: non peregrinatur nisi in vicina.

(9) Initia autumnii designat Ovidius plerumque per ortum pleiadis, quæ apud nostrates ante Septembris idus videtur. ab iis vero idibus usque ad idus Octobris maximi greges alaudarum apud nos videntur & in Silesia, uti Colerus testificatur.

(10) Operæ pretium est Olai Borrichii verba adducere. In commen-

tario de animalibus hieme sopitis ita loquitur pagina 310. „ neque in
 „ Dania nostra alienum est videre, extrahi paludibus sturnorum, vanello-
 „ rum, hirundinum manipulos, fundis earum impacta fuscina piscatoria.
 „ Stupetque nauticum genus, pro anguillis hærentem ferro videns lon-
 „ gam volucrum sibi innexarum seriem, quam foco admotam ex ista
 „ hiemali morte resuscitant” in academia Hafniensi commentarium præ-
 legit, virumque gravem summa fide & eruditione notum, ita apud suos
 loqui & scribere velle, ut mentiri videatur, quis credat?

(11) Alauda juxta Colerum canit usque ad diem Bartholomæi in Silesia.

(12) Kleinius scribit alaudarum ætatem cognosci ex calcis ungue longo aut brevi. avi ambulatrici is unguis ad incedendum datus. Conrado Gesnero visus est æquasse duorum pollicum latitudinem.

(13) Quæ de alaudarum domesticarum victu dixi, licet ex propria experientia habeam, confirmantur testimonio Coleri. vide ejus Oeconomiam Ruris libro XV pagina mihi 475. corda etiam minutim conscissa dabat Romanus observator Olina. sed huic soli non fideres, quod aviculis suis semper minus ævi attribuit, quam apud bonos custodes habeant.

L O X I A (I).

Loxia, mandibulis se decussantibus ales

Unica, habet pennas vireo pene tuas.

Corpus habet majus, caput & pro corpore magnum,

Congener unde tibi pyrrhula visa fuit.

Sed neque passeribus caput est pro corpore parvum,

De quibus, ex facili quod cicuretur, habet.

Turdis, non video, similis quod dote sit ulla,

Et genus inde etiam ducere fertur avis.

Quidquid id est: silvis ætatem degit in altis,

10 Piniferis gaudens æriisque jugis.

Nidificat nostris igitur procul absita campis,

Transfugaque autumnis, nec nisi rara, venit.

Cumque venit, totis eviscerat omnia ramis

Poma, cibum rapiat semen ut inde suum.

Nec minus obstrepitans ceraso super arbore, gemmas

Nascentes ramis depopulatur opes.

Non nimis unde hortis venit acceptabilis hospes,

Ultra quam credas, queis dare damna solet.

Sed

Sed non sæpe venit, numerosaque turba moratur
20 Tam nihil, ut, longum quem premit, ales, iter.
Vidit hiems caveis habitantem tertia nostris,
Quas hospes domui plus ave carus habet.
Non quod dulee canit, lieet omni tempore læta
Voce fonans, nullo sit taciturna die.
Sed quia sponte cicur facta est, & pervolat ædem,
Mille jocis omnem quam recreare solet.
Noscit amatque suos, humerisque superstat eorum,
Quos, vehementer amans, gaudet adesse sibi.
Nocte subit caveam, seque in sua tecta recepat,
30 Nulla ubi membra domûs aut nimis aucta videt.
Tamque cicur visa est, non intellecta, feroxque
Cum nimis, & rupto carcere visa foret.
Sæpe quidem caveam rostro vexarat adunco,
Sæpe omnes virgas, quæ loca fedis erant.
Tandem Indos postes & ahenea clatra peredit,
Vestibulumque domûs pervolitabat avis.
Sed simul altorem conspexit amata ferentem
Semina, signa metus nec dedit ulla fugæ.

Bis

Bis ter ubi recipi manibus se passa fuisset,
40 Janua captivæ semper aperta stetit.
Post neque vexavit caveam virgasque sediles,
Nec sibi plus alio visa placere loco est.
Exit avis, quoties vultum resalutat amicum,
Caraque præ solita cannabe fercla videt.
Fercula cara nuces nucleique & femina pomi:
Nullaque araneolo carior esca venit.
Itque ruitque foras, quoties venit ante fenestram,
Quà mea per brumam pabula passer habet.
Sed fatis ante oculos avis unica. Qualis in altis
50 Montibus, & volucris sit fera, scire cupis?
De Gothicis, scopulisque tuis Norvegia ad Helles
Litora, silvosis fertur inesse jugis.
Omnibus autumnus pars plurima montibus exit,
Sed nimis Arctoïis non sit ut ulla super.
Forte jugis Gothiæ profugas Germania servat,
Teutonicisque jugis nostra fugatur avis.
Nam si, quæ Gothica est, nimis austrum versus abiret,
Tam fuga, quam reditus vix faciendus erat.

Non

Non natura jubet, quod sit grave, sitque periclo;
60 Partubus & vernis cur mora sæpe foret.
Turba deinde fugax tantum in vicina recedat,
Ne patriæ pereat sensus & aura gregi.
Non mihi aves vernas quisquam Nilotide terra,
Deque tuis revocet Guinea terra jugis.
Tam procul unum hominem spes impia distrahit auri.
Proximior patriæ, quod juvat, ales habet.
Quod si ita non esset, vix avia turba rediret,
Terraque multa sua sæpe careret ave.
Tot semel in Batavo fringillas litore mersas
70 Vidimus, Arctōo vix quot in orbe volant.
Æstu projectæ stadia ad bis fena tegebant.
Litus: & has turbo straverat unus aquis!
Quid, si bis species tantam ferat una ruinam?
Casibus immensum sæpe subesset iter.
Non ergo ulterius, quam sit fatis, ulla recedit,
Hæret & in primis transfuga forte jugis.
Sed mea de Gothicis, seu Loxia Teutonis ales,
Tres annos magni pars fuit ante gregis.

Grex

Grex ut multus enim, magnus venit: itque per hortos,

80 Pomiferumque brevis destruit hora nemus.

Abstinet & volucrem strepitus nec ab urbibus ipsis,

Innatam silvis sepositisque jugis.

Dicitur hiberno nidum sibi condere Jano:

Fabula Vandalico credita jure seni. (2)

Nulla suis hiemem præsumit amoribus ales:

Nec velit hoc gelidis vivere fueta jugis.

Si tamen hibernis pareret glaciata pruinis,

Ad Veneris, credo, vere rediret opus.

Nam quæ de parvis ales vice parturit una,

90 Et quatuor tantum, quina vel ova parit?

Congeneremque author parientem vidit Aprili,

Undique cui nostram scripserat esse parem.

Non dare conor aves, quas ingens educat orbis,

Sed data sollicitæ pagina mentis erit.

Autumnis, dixi, patriam quod transfuga mutat,

Æstus id fieri tempore teste caret. (3)

Præveniat paucis autumnum solibus ales,

Præcoce de patriis frigore pulsa jugis.

Et projecta noto, distantibus adsit ab oris.

100 Sed messis profugum non videt hora gregem:

Messis, & id tempus, volucrum quod servit amori.

Tam natura nihil, quod prope pugnat, habet.

Gefnerus nutrit avem, mutamque per æstus

Afferit: una quasi denotat omne genus!

Naturæ errorem putat alter acumina rostri:

Curva tamen terris omnibus esse solent.

Erraretne parens rerum tam semper in una

Alite? cui præstat, quod fuit error, opem.

Aspice vefcentem. nucleis ut acumine semen

110 Extrahit! ut pendet, quâ male stare, avis!

Psittacus in cavea non tam bene pendet ab ore;

Unguibus inquirens scilicet o e locum.

Unguibus hæret avis, cum tollit acumine rostri

Difficilem ramis corticibusque cibum.

Psittacus arte pari filvis sibi consulit Indis.

Cui rostrum vitio quis putat esse suum?

Psittacus utque, cibum sibi Loxia porrigit ungue,

Psittacus & dici Teutonæ illa solet.

Teu-

- Teutonia, dixi, profugam me credere nostram,
120 Amasis ad fontes, quamque Visurgis habet.
Tamque prope est nobis, licet annis pyrrhula raris, (4)
Visaque sub brumam non numerosa venit.
Unde, frequens volucris natalibus an sit in oris,
Haud numero veniens turba minore docet,
Pyrrhula, quod scimus, Cheruscis plurima restat,
Tum quoque, cum visa Pleiade multa fugit.
Alpibus in mediis turdos merulasque November (5)
Pene mihi medius sæpe videre dabat.
Et tamen, ut notum, pars plurima montibus exit,
130 Ad primum planis tradita frigus agris.
Quod qui perpendes, juvenes discedere forte,
Et si non juvenes, dixeris ire senes.
Forsitàn & media volucres ætate morantur:
Turbam omnem haud peregrè semper abire, fat est.
Dicimus, haud semper: quia, quæ fera frigora regnant,
Non peregrè solitas ire moramur aves.
c Loxia plus aliis tamen acris frigora perfert,
Ut quam etiam pelagus trans glaciale vides,

Anglia Gronlandis transmissam accepit ab oris. (6)
 140 Scis, quàm sub gelido terra fit illa polo!
 Tamque parum accessio quæ conditur orbe volucris,
 Certa parum numeri dat tibi signa sui.
 Arctos præcipuè si devia mittat eandem
 In nostras profugam Vespuciique plagas.
 Censet enim id fieri scriptor, cui deses habetur
 Loxia, natura nec numerosa sua.
 Sed nimis attineor scriptorum erroribus. Ales
 Notior haud alias, quam celebramus, erit.
 Dicitur Houtuno priscorum Loxia. Priscis (7)
 150 Loxia, non video, cognita quod sit avis.
 Non Aldrovandus, non Olina pinxit eandem,
 Ovaque Zinnannus, qui sibi nota dedit.
 Unde jugis Italis ignota vel abdita valdè est,
 De qua tam Veterum quam nova fama filet.
 Olina congenerem, Græcisque Belonius oris
 Vidit, Aristoteli quam latuisse putes.
 Nam, licet haud rostrum cruciet peracumina, rostro
 Præsignis crasso est, indeque dicta foret.

Cum

Cum tamen haud patrias habitet, neque pervolet oras,
160 Quæ restant, nostræ verba dabuntur avi.
Pene videretur quod vireo, diximus: estque
 Persimilis, vultus quæ sedet ante meos.
Sed virides inter conspectas Pleiade rara,
 Pars prope canescit, pars prope tota rubet.
Observatque ididem filvis Melibocus in altis, (8)
 Qui tamen à viridi tegmine dicit avem.
Nidus ibi, pini sub ramis abditus imis,
 Visus Marte novo est, ovaque trina tulit.
Testibus id didici: sed quis color esset in illis,
170 Nesciit hæc referens, quod rude vulgus erat (9)
Ad quam avis ætatem, caveis rarissima, vivat,
 Quis nisi pro certis dans sua visa canat?
Olinæ congeneres ad septem credidit annos
 Vivere, sed volucrum non probus altor erat.
Nam minus assignat plerisque volucris ævi,
 Quam scio, servatis non malè, posse dari.
Ætas grandis avi sua lumina contrahit, inque
 Palpebris rugas seriatim monstrat anus.

Idque valet: quantoque magis venit ales ad annos,
180 Apparere magis tradita signa vides.

Nondum signa oculis habet hæc mea Loxia: nondum.

Seria, nec, tanquam cogitet usque, sedet

Lasciva est, ut pullus, avis. Sponderet & augur,

Quod saltem captæ vita bilustris eat.

Mansus deinde cibus, moresque & fortia membra

Non ævi volucrem perbrevis esse docent.

Vivacemque facit, quod Psittacus esse videtur,

Sed tibi pro certis non mea visa cano.

NOTÆ.

(1) Loxiæ nomen recens. Avem veteribus indiçtam, denominavit Gesnerus; Hominisque Germani Latinum vocabulum secutis scriptoribus placuit. Neque durum est, & infelix; carmini certè convenientius coccothraustis non fuisset: quo nomine ab Hesychio & a recentioribus loxiæ congener denotatus fuit. Coccothraustes Loxiæ satis similis, excepto rostro, quod per acumina ille non decussat, & quod crassius est & brevius, quam in Loxia. Unde pro eadem prorsus volucre sumi non potest. Quantumque à congenerē differat, argumento est, quod, ob rostrum se decussans, unica avis Loxia ab aliquibus est appellata. Et in omnibus linguis hodiernis proprium sibi vocabulum accepit. Belgicè *Kruisbek* dicitur, Gallicè *Bec croisé*, Germanice *Kreusnabe*, vel etiam a viridi colore *Grunits*.

Sicut vero libenter utramque avem congenerem dici sino. Sic ridiculum habeo, congenerem Loxiæ pyrrhulam dici, rostro, colore, cantu & magnitudine differentem! congeneres dixit homo Gothus, & imitatores non desunt.

(2) *Versu* 54. Non unus avium scriptor media hieme Loxiam dixit parere. Quod fabulam esse primus scripsit Kleinius, civis & senator Gedanensis, iudicio suo optimo hac in re usus.

(3) *Versu* 96. Loxiam nulla certa peregrinationis tempora habere conjectantur Edwardus & illustris avium scriptor Buffonius. Sed ex hac opinione consequitur, avi certum nidificando tempus non esse, quod omnes habent aliæ volucres. In Suecia certe hiemem nidis non eligit, ubi avem frequentissimam per æstatem esse, scribit Linnæus.

(4) *Versu* 121. Pyrrhula (quam Belgicè Fringillam auream, credo ob cantus excellentiam, dicimus), licet per omnem Europam, & ad Visurgin frequens sit avis, nostras oras raris autumnis per transit, Loxiis tamen frequentius, anno seculi octuagesimo nostratibus visis: aucupesque seniores dicunt, eas non ante, nisi bis observatas fuisse, sua memoria.

(5) *Versu* 128. Anno sæculi sexagesimo primo, e Italia discedens, mensequæ Novembri per Allobrogum Alpes iter faciens, quod octo circiter est dierum, in omnibus diversoriis præcipuum non modo ex turdis & merulis cibum inveni, sed & eas aves complurimas vidisse me volitantes commemini, licet omnia, tam valles quam juga, nivibus essent contexta.

(6) *Versu* 139. Edwardus Avium descriptor Anglus ex Groenlandia accepit Loxiam per piscatores balænarum; indeque avem credidit ex Europæa septentrione tam in Americam quam in nostras terras diffugere.

Quam

Quam sententiam amplectitur Buffonius, licet avem sedentariam & parum numerosam sibi videri scripsisset.

(7) *Versu* 149. Houtuinus, medicus Amstelodamensis, commentarium dedit, Belgice scriptum, de Avibus Linnæi, in eoque dicit avem nostram priscorum Loxiam esse. Priscis vero scriptoribus nostro tempore relictis non nisi coccothraustes, loxiæ congener, uti jam dixi, cognitus fuit.

(8) *Versu* 175. Melibocus, mons in Cheruscorum terra positus (hodie incolis *der Hartz*) pars veteris Hercyniæ silvæ, & fagis & pinis nunc etiam ubiquaque constitus, patria videtur avium, quas per autumnum nostras oras transfugere videmus.

(9) *Versu* 170. Ad urbem Groningam quotannis fere ex Meliboco veniunt homines, qui aves (pyrrhulas tamen & passeris canarinos præcipue) nostratibus vendunt. Ex iis intellexi, ineunte Martio, nidum loxiæ visum ab ipsis fuisse, tribus vero ovis impletum, sed matrem recentem plura parituram fuisse existimabant. colorem ovorum non adverterant. nidi vero positionem dicebant fuisse, uti eam descripsi, & uti eam scripserat esse illustrissimus Buffonius. Coccothrausten dicit Aldro-

vandus in cavis arborum truncis nidificare. Quod si verum est, differre & hac consuetudine congeneres videntur.

(10) *Versu* 187. Psittacos inter vivacissimas volucres esse, nostratibus satis cognitum, ut quorum in domibus avis est frequentissima, annosque ad centum interdum vivere visa. Loxias in plurimis Germaniarum regionibus Psittacos vocari, vericulis superius dictum est.

P I C A.

Omnibus Europæ populis modo nomine Picæ

Nota, libris veterum vix celebratur avis. (1)

Pica loquax veterum scrutatur in ilice vîstum,

Altisque in filvis, non super arva volat.

Glandibus hæc gaudet, sic ut, quum prævidet illas

Defore, congesto parcat avara cibo,

Glandivora hinc Italis, nobis silvatica, multis

Dicitur à raucis, quos dat ab ore, sonis. (2)

Et color huic alius, rufus cervice, per alas

10 Cærus: incanum tergus, & alvus avi est.

Nostra nigra est per tergus, & ala & pectore candet.

Caudaque præsignem longa levisque facit.

Hanc sine fine movet saliens, & in alta reflexam

Tergora, si falco desuper urget, habet.

Falco ruit, tergumque ruens fregisse videtur,

Cauda sed infensæ vim remoratur avis.

Cauda volat per agros, aut unguibus hæret aduncis:

Picaque querceto se propiore tegit. (3)

Ir.

Irrequieta, loquax, & non nisi ludere visa,
20 Plus ave, quæ damno sint sibi cunque, cavet.
Arbore nidificans summa, ne vulturis ungues
Horreat, implexis sentibus ova tegit.
Juncta luto fornix habet ostia bina, sedentis
Unde caput, longæ caudaque prodit avis.
Nidus & æria tam summus in arbore pendet,
Raptor ut è terrâ nullus obesse queat.
Visus & haud alti nemoris super arbore nidus.
Undique inaccessum sed nemus illud erat.
Versus agrum solet is, filvarum in margine, poni,
30 Longius insidias ut speculetur avis.
Præcipue insidias volucrum, quas longius inde
Absens, & nido fixa venire videt.
Atque ubi se è nido visam à cornice tuetur,
Cornicem nido quæ fugat ira, vide.
Constat & hoc : nido turbata prioribus annis,
Post binum soboli callida ponit opus. (4)
Sæpe super vacuum genetrix sedet improba nidum,
Vera, latente loco, dum fovet ova pater.

Ova-

Ovaque tacta manu non ales ut altera linquit,

40 Unguibus in tutum sed vehit ipsa locum.

Nec laqueis deprensa, pedes aut colla movebit,

Semper & ex illis viva trahetur avis.

Quinque fere, aut quatuor parit ova: immaniter errant,

Qui dant huic volucris dena vel ova novem. (5)

Nec partum repetit, saltem nostratibus oris,

Aufoniæ tribuit quod bonus author avi. (6)

Testibus infidis deceptus scripserit: omnem

Picam aliam Æmiliis quod daret esse locis. (7)

Nostra suas pia mater aves docet, erudit, adque

50 Tres saltem menses concomitatur agris.

Non media his curis habet, ut meditetur amores.

Sollicitum superat nec pietate marem.

Junius Aufoniam matrem si invenit in ovis,

Dissectos habuit sæpius illa lares.

Quos non una dies reficit nec & hebdomas una. (8)

Suspice mirandæ molis & artis opus!

Forſitan & vanis exercita partibus ales,

Ova brevi reddat non sibi rapta die.

Se.

Serius inde parens infederit Itala nido:

60 Quæ genus in nullo bis alitura loco est.

Omnibus, humana, notum est, quod voce loquatur,

Picæ etiam Veteres quod tribuere suæ.

Tempore sed nostro Veterum crepat avia filvis,

Ulla locuturo nec subit ore domos. (9)

Non quoniam, ut. perhibent peregrè, perrara Bata-

Sitve parum pulcri visa coloris avis. (vis, (10)

Sed quia naturæ vox est inamabilis, & quod

Fetidior mundos lædit odore lares.

Altera munda potest, aviumque hilarissima dici;

70 Altera custodem noscit amatque suum.

Altera, præcipue cavea si sæpius exit,

Mille jocos totam scit recreare domum.

Sive caloris amans pennas ante, explicat ignem,

Et capite inflexo, quam juvat ille, docet.

Sive canem notum rostro cautissima vexat,

Seu nova miratur, quæ nova cunque videt.

Tamquæ beata domi, quam libera pica videtur,

E remore ad dominum visa redire suum.

Nec

Nec modo voce homines, sed oves imitatur & hædos,
80 Quosque sonos audit sæpius, ore refert.
Corvus & huic docili concedunt Psittacus ore,
Sed melius Pica, quod didicere, tenent.
Docta fit in primis, tamen obliviscitur, annis;
Si non assiduo fiat ab ore memor.
Sed, puto, talis avis nunc gentibus agnita latè,
Quod vix sit priscis obvia facta, stupes.
Plinius assignat, quo primum tempore Pica
Circa urbem & Latio cognita rure fuit. (11)
Appenninicolam putat ille, & montibus illis
90 Delapsam, ut Latio rara maneret agro.
Notior his terris hodie, & fortasse Pelasgis,
Tempore Aristotelis non ubi venit avis.
Primum ubi par venit, vicinis venit ab oris,
Quod brevis ad longam non valet ala viam.
Progeniesque fuit: nova quæ sibi condere regna
Gaudet, & a cunis millia pauca fugit.
Servaturque locus, primo quæsitus amori.
Dum modo pace placet, tempus in omne placet.

Cir-

Circa umbras villæ, non tristibus avia filvis,
100 Montibus & solis obvia non fit agris.
Quodque avis est minimè montana, sit unica forte
Causa, quod Æmathiis non fuit ante jugis.
Thessala Teutonica nunc voce per arva vocatur,
Credita Teutonici quod fuit ales agri. (12)
Fertur amare greges Gallorum pica per oras. (13)
Nostra fui generis vitat & odit aves.
Conjuge cumque una colludere prole videtur,
Cum quibus, ut dixi, ludit uterque diu.
Conjugii memores sunt illi, omnemque per annum
110 Perpetui comites culta per arva volant.
Mense nec hiberno rus, quod coluère, relinquunt.
Villa sibi notas usque moratur aves.
Dicitur in summo tamen ales frigore, paucos,
Abstrusus filvis, delituisse dies.
Abstrusus filvis, vel quoviscunque locorum.
Unum hoc scitur: agris per grave frigus abest.
Proximus est mihi rure senex, acerrimus auceps,
Spectandisque avibus qui sine fine vacat.

Is genus alituum, circa sua prædia nascum,

120 Tanquam vicinos noscit amatque suos.

Sæpe mihi dicit, meus hic ligurinus & ille,

Vireoque est nemoris filius iste tui.

Frigillasque tui querceti novimus: horis

Cottidie certis ad fata nostra volant.

Nullam ex his capimus. Mea gaudia, suntque tuorum,

Ars mea longinquis non nisi sævit agris.

Utque genus parvum, sic pluma nescit ab omni,

Distinguit melius quas grave corpus, aves.

Ostendit Picas, quas jam ter quinque per annos

130 Vidit in arboribus nidificare suis.

Non, ait, illuxit, quin cernere detur utramque,

Aspera per nimium sit nisi bruma gelu.

Tunc silvis, inquit, latitant majoribus; utque

Æstimet hoc, silvas non procul esse videt.

Solivagam nec credit avem, nisi conjuge rapto,

Perque hiemes rapto conjuge, fata sequi.

Mitigat autumnus jacturam & lætior æstas,

Forfan & à nidis obvius alter amor.

Quatenus ante alios sit deditus ales amori,
140 Si liquet: ex Græca voce liquere nequit.
Nam si ignotus erat Græcis, cur nomen ab illis
Scriptores! teneri nomen amoris habet? (14)
Sed quoniam affectus patitur, nec lenibus ardet,
Dixeris, & veneris non minus igne calet.
Credo equidem, petulanſque avis & laſciva videtur,
Mille modis, quam ſit ver ſibi dulce, docet.
Una nemus ſtrepitans cum conjuge, & una patentem
Implet agrum, totum credis aſeſſe gregem.
Cogit apud Gallos volucrem grave frigus amare,
150 Februus hanc nidos ſi fabricare videt.
Id fieri ad Beſedum Zinannus vidit Aprili. (15)
Tardius & noſtris luxuriatur agris.
Martius hic audit ſtrepitantem, & condere nidos
Aprilis feros non ſolet ante dies.
Tempore quo toto petulans, ſtudioſaque furti eſt,
Quæque placent uſu, quæque nitore, rapit.
Sæpe domos ac templa ſubit, remque auribus aptam
De volucris furto Grunonis ora refert.

Judicis ampla domus, totis adaperta fenestris,
160 Stabat agro: gemmis cella referta patet.
Involat, ac natum per litora rubra monile,
Expositum thecis, improba tollit avis.
Quæritur in famulos: poenæque ancilla paratur.
Ante oculos miseræ jamque catasta fuit;
Cum super injusta, virgaque parante catasta
Vidit cum gemma ludere prætor avem.
Non tamen à furtis, sunt qualia dicta, meretur
Proscribi, patrio sæpius ut fit agro. (16)
Litora navifragis non hospita quando videmus;
170 Legibus innocuas patria terret aves.
Quod fieri cultas qui cernis utrumque per oras,
De culto populo quis tibi sensus erit?
Non numerosa avis est; physicamque scientis agello
Pro vix censendo dat bona multa malo.
Furtaque gemmarum si latis legibus arces,
Præveniet damnum clausa fenestra tuum.
Deinde per æstatem tantummodo furta timentur.
Algida lascivis lusibus obstat hiems.

- Verbaque nostrâ domi conari audita volucris;
 180 Frigore dediscit, quos dedit ore, sonos.
 Quæris, avi quæ vita datur? diuturna videtur
 Corvinum, partu nec nimis aucta, genus.
 Servat enim natura ferè per longius ævum,
 Quas sibi per sobolem non nimis auget aves.
 Nataque vere novo tam tarde increfcit, ut anno
 Extendatur avi non nisi cauda novo.
 Anglus homo cicuri vicanos præstitit annos,
 Fecerat incanum cui data vita caput. (17)
 Sed non ex cicuri, quam fit longæva, videtur.
 190 Præcanamque fames & cibus ipse facit.
 Ævum avibus cunctis cibus & non libera vita
 Carpit; & ante alias, pro dape si qua caro est.
 Nam cibus, ut nimius, datur unicus ille subinde:
 Tantum ad delitias quem fera Pica capit.
 Pascitur infectis, ranisque & muribus agri,
 Pascitur & pomis arbor agerque tuis. (18)
 Illic & glandes, & amat purgamina villæ,
 Ovaque nidorum pignoraque ipsa rapit.

Vidimus & rapido cancrum quod tolleret ore

200 Ex his, Amiseus quos mare versus habet.

Sed dum per ramos correptus ab alite fertur,

Complicuit collum litoris hospes avi.

Illa pede obluētans collumque evellere chelis

Nisa diu, ramis exanimata cadit.

Francigenis cibus est. Venetusque ad fercula festa

Servat avem, mensæ fercula dira meæ. (19)

N O T Æ.

(1) *Versu* 2. Picam caudatam Aristoteli, Græcisque scriptoribus huic tempori relictis incognitam fuisse, & ab unico Latinorum veterum Plinio indicatam fuisse, observarunt plurimi. Summa nihilominus inconsiderantia caudatæ attribuunt, quidquid de glandaria pica apud veteres scriptum invenitur. Pertinetque incogitantia non modo ad primos recentiorum, sed ad extremos etiam, nostræque ætatis scriptores. Aldrovandus, qui circa finem scripsit sæculi XVI, primus indicavit veteres legentibus differentiam adnotandam esse, & tamen fatali socordia illam differentiam ipse mox confundit. Aldrovandi indicia spreta, aut non accepta fuisse non mirarer. Extremis annis suis scripserat, ob seniumque ut socors, aut ut nimis etiam prolixus potuit contemni, ejusque immensa volumina, licet bis edita, ad omnes nequaquam pervenere. Sed visum creditumque indicem fecisse quidem, ut tanquam bona repetantur indicia, mox tamen etiam a repetentibus spernantur, est hoc profecto quod, advertendum in scriptoribus, magni nominis viris. Sed advertendum simul, eosdem polygraphos esse, tempusque ad revidenda scripta non habere. Quæ pulcris interim typis edita, pulcrisque figuris additis superba, posteris testantur, nihil certi ab æstimatissimis scriptis disci posse, oculosque avertunt ab opusculis minore fastu veritatem docentibus.

(2) *Versu* 8. Italis dicitur hodie *Gazza chiandaja*, Nostratibus *Houtaakster*, id est Pica silvestris, Germanis *Holt Schreyer*. Et sunt inter nostrates, qui illam picam quiritantem dicunt, *Krytaakster*. Ovidius

dius sibi viſas *nemorum convitia picas* vocavit, hemiſtichio indicans, ad quiritantes ſe reſpexiſſe; quod & confirmat, caudatas ipſius tempore nondum Romanis agnitas fuiſſe, & rectè Plinium ſcripſiſſe ſuo primum ævo obſervatas eſſe.

(3) *Verſu* 13. Nihil magis picam diſtinguit, quam quod ſaliens, caudamque motans graditur. Surinamenſibus noſtris quædam avis eſt, per inferius dorſum totamque caudam fulva, perque alas lætiſſimis coloribus variegata. Quam, ſimulac coloni noſtri ſuperiore ſæculo ad oram iſtam advenerant, picam dixere, quod ſaliens & caudam motans per agros gradi videbatur. Avemque verè de picarum genere eſſe, oſtendit ex variis ipſius moribus Philippus Ferminius, qui aves Surinamenſes deſcripſit. Linnæus ex pennis caudæ, dimenſisque & enumeratis, alio picam nomine induit, & ad neſcio quod genus tranſtulit. Quod tamen genus picæ abjudicavit Briſſonius. Quæro autem ego, an non melius phyſicorum iſti anteſignani aves cognoscere volentibus, conſuluiffent, ſi picam aut ſalientibus, aut caudam motantibus avibus annueraſſent? ex quibus diſtinctis, facileque mente retinendis notis, avis coloribus di-verſiſſima, ſed tamen vere pica, ſtatim agnita fuit rudi populo, ut certe nauticum genus, fuit, primum in Americam a noſtratibus tranſmiſſum. Nihil dico de jure, quod a ſignis tam incertis ſibi arrogavit Linnæus avem novo nomine deſignandi.

(4) *Verſu* 18. Tameſi ex prælio, ut a me viſum eſt, relato, inviam vides, picis & falconibus mutuo adverſus ſe inſitam; operæ præ-tium erit commemorare alteram pugnam, anno MDXXXIX. in Germania picam inter & duos falcones pugnatam, elegisque Jacobi Micylli poetæ ſatis celebris decantatam: quam & pugnam ipſe ille cum multis ſpectaverat. Aucupes enim principis Heſſi haud procul Francofurto in

patentissimo ad Moenum campo falcones quamplurimos solverant, venantili peritissimos. Qui dum longo per cælum euntes gyro campum undequaque circumspicerent, in prato pascens pica videri se a falconibus advertit. Tardè volanti in silvas procul dissitas effugium non erat, quin hostibus ad deiciendum se promptissimis tergum præbuisset. Omni igitur quâ potuit, celeritate in altam se immisit, ut falconibus adversum se ituris in æqua altitudine minor & obliquis impetus, motuque sui corporis, & solis radiis esset incertior. Ab omnibus falconibus licet pica se extollens in cælum, & clangore informi periculum suum testata advertebatur, duo proximiores adversus inimicam tantum se expediunt, tantoque in illam deferuntur impetu, ut cum picam contingerent, pectora ipsæ sua utrimque colliserint, fractisque animæ nervis è cælo deciderint, picam tamen detentam unguibus secum ferentes; quæ morientium rostro & unguibus se extricaverat, volatumque capiebat, cum canis accurrentis absumpta dentibus, decerperetur. Postquam hæc scripseram, video ex Micylli elegia, nonaginta sex versuum, viginti duos excipi posse, qui rem melius ante oculos ponunt, quam a me narrata est, Ecce igitur illos

Jamque solutæ ibant, dempto velamine, in altum,
 Et solito in gyrum more feruntur aves.
 Ecce levis campi sublimis ab æquore pica
 Fertur, & informes obstrepat ore sonos.
 Hanc duo falcones, dextra lævaque volantes,
 Ut fuit in prædam missus uterque, vident.
 Nec mora: ventosas acuunt stridoribus alas,
 Et volucrem rapidis unguibus ambo petunt.
 Fit sonitus, crebrisque gemit clangoribus æther,
 Et percussæ leves concitat aurâ notos.

Illi autem nimio dum cædis amque feruntur,
 Et gravis exstimulat pectus utrique furor;
 Dumque timent ambo, ne prædam vindicet alter,
 Aut fugiens unguis evolet illa suos:
 Præcipiti inter se collidunt corpora motu,
 Et secat alterius pectus uterque suo.
 Mox unde è cælo proni, languentibus alis,
 Inter quos medios tertia pica, cadunt.
 Sed dum viva strepit, seque unguibus explicat uncis,
 Jamque adeo incolumem se levis ales habet:
 Accurrere canes, unoque ex ungue contentam
 Morsibus arripiunt dilanantque suis.

Cum Micylli silvarum libris quatuor, semel tantum editis, nihil pene
 librorum sit rarius; altera visa est causa, cur hos versus apponi posse
 judicaverim, tertio libro excerptos, relictis superfluis, qui falcones
 Achilli & Patroclo comparant, & superstitiosa continent vaticinia, ex
 discordia tum Germaniæ principes agitante; quæ quidem discordia no-
 vem annos post stragem illis principibus fecit, sed picæ & falconum
 horum stragi nequaquam persimilem.

(5) *Versu* 36. Picas seniores ob nidos ante spoliatos ad fallendas
 hominum insidias, binos post nidos construere observaverat Albertus
 Magnus, sæculi decimi tertii scriptor. Et plus semel vidi fidem egre-
 gii observatoris relationem esse. Nec non verissimum est, quod & idem
 ille scripsit, picarum superius fornicatos nidos duo ostia habere, alte-
 rumque inurantibus, alterum exeuntibus servire.

(6) *Versu* 44. Aldrovandus omnia fere sua ex aliena fide compilans
 quæ septem octo & novem picas parere dixerat: sed cum post in su-

burbano suo nidum hujus avis singularem valde invenisset, quinque ovīs impletum, subjungit descriptioni suæ appendicem, inque illa recte scribit Albertum hunc numerum avium illarum ovīs dedisse. Nihil vero de novem illis loquitur, quæ picas parere caudatas & glandarias scripserat. Septem etiam & octo picis ova dat Guenaldus.

(7) *Versu* 46. Semel anno picas genus educere saltem apud Nostrates dixi, non quod eas id alibi frequentius facere credam, sed ut Josepho Zinanno observatori optimo lenius videar contradicere, qui id anno bis picas facere scripsit. Semel etiam in Galliis parit teste Guenaldo.

(8) *Versu* 48. Vixit & observavit Zinannus Ravennæ: quam Italiæ urbem in Æmia regione positam esse, satis constat. Opus vero ipsius, magna cum cura scriptum, editum est Venetiis anno sæculi hujus trigesimo septimo.

(9) *Versu* 55. Intra diei spatium picas nidum pro destructo reficere solere, scripsit Guenaldus. Quod a dexterrimo homine, vel si collata haberet omnia ad opificium necessaria, multo minus fieri posse crediderim a binis avibus: nisi si nidum fecerint, qualis apud Aldrovandum libro XII pagina 690 depictus est. Nidus is in vetere suburbani ipsius malo ita erat a natura reclusus & factus, ut mollicella tantum materia opus esset ad stratum ovīs emolliendum asportanda. Sed nonnullis additis manibus, ultra necessitatem nidum suum exornaverant. Picas, igitur & luxui studere, aut potius nidos earum id varios electæ sedis, designat. Et quod pro diverso tempore, proque natura electæ sedis, plus minus temporis ad structuram habeant, compertum est mihi per certissimos testes. Nozemannus noster, qui aves Batavas tanta cum cura & fide scriptas dedit, nidum uno ostiolo instructum, alterumque vidit intra sextum diem a picis finitum. Ego in haud alta nemoris mei arbore avem nido insidentem, rostrumque & caudæ extremum nidi ostioliis

exferentem, non semel vidi. Alterumque nidum, quatuordecim dierum spatio confectum esse, per testes scio fide dignissimos. Ramorum natura, quibus illigatur nidus, potest differentiam inter structuræ difficultatem & tempus, ut differentiam fecisse inter ostiorum numerum. Potest obstitisse truncus aut ramus, ne nidus a Nozemanno ad Roteram visus, duo habuerit ostiola. Nidusque in apice arboris positus, ramisque tenuibus illigatus, potest alia firmamenta, aliamque compaginem, operique tempus desiderare longius. Cumque duos interdum picæ nidos faciant, ut superius vidimus, potest nidus ad imposturam constructus longe altus, quam necessarius, factus esse videri. Nidus ante triennium pulis spoliatus, indeque post a parentibus contemptus, decessa nunc bætula, in qua positus fuerat, ante oculos est scribenti. Licet decessa fornicee per ventos, aut per eum, qui pullos extraxit, tanta etiamnum est firmitate, ut post alterum triennium inferior nidi pars avibus parituris utilis videatur. Habet tantum inter festucas infernas luti, ut inversum inde pileum impleres. Lutum illud basis est nidi. Nonnihil luti immixtum est lateribus orbem oblongum nidi sepientibus, Luto interiori, quæ basis est nidi, inserta video quereina folia. Hisque foliis superposita sunt siferis & pastinaeæ semina ad duorum pollicum crassitudinem. Quæ seminum mollium & latorum copia, nonnulla lana scisq; poreinis oblecta, nido pro culcita fuit. Copia quidem ista avibus nidificantibus haberi potest in vicinia, cum pastinaeæ & siferes eodem tempore ferantur. Sed statim ab olitoribus obvoluta terris, quanto temporis spatio colligantur? Credam igitur facile notæ probitatis testibus, qui nullum ovis utilem nidum intra decimum dlem confectum esse contendunt. Et sunt, qui multo longius tempus structuræ impensum, impensumque esse viderunt a picis numero quaternis. Duas earum dicunt esse juniores; a parentibus quas adjuvari, inque operis perfectione crudiri existimant. Idque confieri qui viderunt, Martio dicunt mense visum esse; antequam parentes ad proprium construendum aut resiciendum nidum voeantur.

(9) *Versu* 64. Non modo ego nullam glandariam picam in caveis loqui apud nostrates, sed neque apud Gallos, Italos, eosque Germanos vidi, quos mihi adire contigit. Quam pulcram in silvis, tam sordidam in caveis esse scribit *Salengius*, ornithologus Aurelianensis; qui forte eam cognoscendi causa avem in cavea habuerit. Vide ipsius Avium Historiam Gallicè scriptam. Pagina 96.

(10) *Versu* 65. Nullas apud Batavos glandarias picas esse, scripsit Aldrovandus. Quod ejus credo tempore verum fuisse. Habuit secum Bononiæ cruditum Batavum, Delphis natum, qui eam illum instruxit scientia, ut de nullis frequentius & fidelius, quam de nostratum avibus loquatur. Luscinias etiam terris nostratibus abesse annotavit: quod & in sua Batavia commemorat H. Junius, qui triginta ad minimum scripsit annos ante Aldrovandum. Idque testatur idem pervetus lapis, perveteri domo insertus Roterodami, qui pro insigni istius mercatoriae domus fuit, tribusque ranis insculptus est; quas ad risum faciendum luscinias Batavas esse, dicit subscriptio. Nunc vero luscinias, glandarias picas, aliasque silvaticas aves ad Batavos commigrasse non est mirum, tanta nunc nemorum gaudentes amoenitate & varietate, ut cum maximè silvestribus terris contendant, nemorumque varietate plurimas superent.

(11) *Versu* 88. Operæ pretium erit, verba Plinii adducere. Vetusissima picæ sunt mentio „Nuper & adhuc tamem rara ad urbem „versus cerni capere Picarum genera, quæ longa insignes cauda, variae appellantur.” Quodque jam Plinio pernotæ erant, significavit verbis sequentibus. „Proprium his callescere omnibus annis, cum ferantur rapa.” Hist. Nat. lib. X. cap. XXIX.

(12) *Versu* 104. Germanis dicitur pica *Agelaster* & per syncopen *Algafter*: Græcis hodiernis *αίγαστρα*. Vocabula propemodum unisona,

& certè eadem dicenda pro diversitate tam diversarum gentium. Videtur pica nostra maxime in Thessalia: quæ terra, uti notum, omni reliqua Græcia minus est montana. An & ibi antiquitus fuerit, Aristoteli incognita, an recens avis adventus sit & nomen, non est, quod dijudico. Potest Aristoteli, licet ornithologo, Thessala avis incognita fuisse: sicut ornithologo nostrati Martinetto incognitum fuit, picas esse apud vicinos sibi Batavos. Actis Eruditorum Harlemensium haud ita pridem inferuit quæstionem illam; quare in Batavis non videatur pica? Quod doctum virum proposuisse quidem est mirum, sed magis admiror quæstionem insertam esse actis. Nunquid imponent illa acta posteris, ad quos non pervenerit sumptuosum opus Nozemanni, aut quodvis aliud Batavis avibus dicatum? Plura scripta ornithologica Græcorum perire, quam hætenus edita sunt de avibus in Batavia. Unum Aristotelem habemus superstitem, qui in Macedonia, remotior a Thessalis, quam a Batavis scripsit Martinettus, in Gelria vivens. Dicam alio loco; quare multa Græca avium vocabula ex Germanica lingua videantur derivata. Magis enim diceretur credibile, avem apud Germanos frequentissimam præstitisse nomen Græcis, quam perraram in Græcia Ægastram vocabulum suum propagasse ad extremos Germaniæ populos; cum nostratum *Agelakster*, Germanico vocabulo per simile, inter synonyma sit, quibus apud nostrates pica indicatur.

(13) *Versu* 105. Dicit picas gregatim per hiemem volare Dominus Guenaldus (de Montbeillard) in continuatione operis Buffoniani. In tantum Gallicas a nostratibus differre, creditu fuisset difficile, nisi, qui novem hiemes in Gallia traduxi, satis meminissem, me picas sæpe conjuges per agros vidisse, nusquam vero gregatim volitantes. Deceptum igitur illustrissimum virum, quem avium studiosissimum esse scio, iis exiguis fociis opinor, quæ Martio mense, quinque sex aut septem numero, junctæ volant: cum inter eas, juniores pleraque, de conjuge

ha-

habenda lis est. Id idem & illis forte evenerit in summa cibi egestate, cum hiems fuerit, præter solitum sæva aut longa, agrique diu sub alta nive delituerint. Cujusmodi tempus aves quodammodo natura sua exuit, insolitosque iis nec ab ingenio natos mores imponit. Vidimus hac durissima hieme, jam sinj proxima, in nostra habitatissima terra omnia pene accipitrum genera, nunquam prius incolis visa, eaque tam proxime domos accedentia, arboribusque, quæ tuguriis rusticanis addi solent, tam diu insidentia, ut spectatoriis ad conveniendum tempus fuerit, multique frigoris vi & mora jam conterrita mente, ab aspectu hujus generis prodigio flentes domum reverterentur, præfagientes nescio quas malas naturæ conversiones. Cynum suum ab accipitre maximi generis delacerari vidit mense Januario amicus quidam, meusque per ætatem vicinus. Alter agricola, agrique mei ididem vicinus, cum mense Februario multa jam nocte intensissimo frigore domum suam circumiret, buteonem muro adstantem in terra vidit, quem pro gallo Rhodio (nos Anglicanum dicimus) manibus feliciter munitis, deprehendit. Avem non fame, sed frigoris vi ad insolitam sedem pervenisse, ex eo constat, quod per octo post dies nullo sumpto cibo vixit; licet carnes objectæ parvæque alites fuissent. Mortua, circa domum projecta, jamque (impetita cornicibus) erat semilacera, cum nono Martii sereno admodum die ad agrum meum devecto asportata mihi, ex satis magnis reliquiis buteo videbatur. Quod si quis buteoni ejusmodi mores, tantamque cum casis villaticis necessitudinem ut solennia adscriberet, erraret, ut qui picis gregariam naturam daret, aut urbibus diceret frequentissimis gaudere: quod hac hieme eas audere, & in nostræ urbis hortulis vidimus. Aucupi vicino meo quod de picis scripturus essem, proposui. Interrogatusque, an unquam congregatas vidisset, respondit, quæ superius retuli, ididemque: se picam triduo ante ab alteris picis circa silvam meam interfici vidisse, quam, (loci cædis haud immemor) inventam ex minore cauda & pedum colore juniorem esse ostendebat.

(14) *Versu* 142. Picarum luxuriam ex vetere Græco vocabulo, tanquam ideo ipsis indito, apparere non unus scripsit ornithologus. Sed ferri non potest, id eos dicere, qui descriptionem picæ incipiunt, admonendo, avem veteribus Græcis incognitam fuisse.

(15) *Versu* 151. Besedus annis ad Ravennæ urbis dextrum latus defluit, sicuti ad sinistram Vitis. Uterque annis Plinii commemoratione est nobilis. Sed quod Besedum haud uno amoenissimo nemore, picarum nidis apto, consitum vidi, hunc potius, quam Vitem credidi nominandum esse.

(16) *Versu* 168. Hotunus enumerat varia, & sæpius iterata edicta, quibus in nostris provinciis ab annis centum & triginta infestatae sunt picæ. Nozemannus longus est in commemorandis damnis, quæ ab illis, tam hortis quam agris inferuntur. Modos capiendi, ferro & venenis interficiendi docent ambo, ut si nulla animantium nobis essent perniciosiora. Quod viros physicarum rerum peritissimos, præcipuè Nozemannum scripsisse admiror, qui me descriptione sturni occupatum admonuit, avem ab injuriis edictorum per versus meos vindicare ut conarer. Atqui in ea semper opinione fui, aves plerasque beneficentissimas, præcipuè tamen nostratibus esse: quibus in paludosa terra positis, si qua calidior est æstas, pestilens sit cælum ab infectis volucribus: quibusque ranæ, bufones, limaces foricesque peringrata sunt & incommoda animantia. Hæc omnia picis in cibum venire ipsi illi docti viri referunt. Quantaque a minoribus muscivoris & vermivoribus avibus bona nobis præstantur, ubi versiculis meis occasio sit, ostendam. Sed longum res propriumque mereretur commentarium. Illud addidisse sufficiat, haud facile legistatores natura sapientiores esse.

(17) *Versu* 186. Is homo Anglus, qui Picam domi ad viginti annos nutritus, jamque ut cano capite esse inciperet, nominatur in Ornithologia Eleazaris Albini. Fuitque vir physices peritus, W. Derhamus nomine. Signum vero hujus peritiæ non est, quod a canitie judicavit avem ad finem pervenisse ætatis, a natura præscriptæ. Cogitare enim debuisset, quam in animantibus ut in homine, dubium ætatis signum sit canities, quamque difficulter victum domesticum carnivoræ ferant volucres, quamque eum victum, ex carnibus sæpe solis appositum, prorsus non ferant ex mixtis cibis sustentandæ.

(18) *Versu* 196. Rapas poma agrestia vocavit Plinius, quibus quantumvis Picæ vescantur, cupidius vescuntur illis agrestibus pomis ab America in nostros agros delatis, & tanta copia feri solitis.

(19) *Versu* 206. Picæ in Gallia ab infima plebe, Venetiis vero comeduntur à cujuscunque ordinis hominibus: avesque in Venetæ urbis macellis in cibum venales vidi, nullibi terrarum in victum humanum vendibiles, veluti ardeas, mergos, aliasque marinas volucres. Cujus rei cognitio cum me per tres menses, quos Venetiis transegi, abstinentissimum faceret ab omni volatili carne, tam admirandus videbar Venetis, quam nostratibus videretur, qui picis pro cibo uteretur. Itali reliqui, licet Venetis minus pamphagi, complurimas etiam in cibum sumunt volucres, quæ multis gentibus in mensa viderentur abominabiles. Eæ volucres cognoscantur apud Aldrovandum, qui miratur cuculum Germanis pro cibo abominabili esse, Italici inter mensarum delicias haberi solitum. Vide de Cuculo ejus librum V pagina 425.

H I R U N D O.

Pene omni populo quæ nuncia veris hirundo,

Pene omnes penna præpete vincit aves.

Nunciâ grata ferens, haud limina nostra veretur,

Quæ sua nidificat, seu modulatur, habet.

Jus vetus hospitii, quod in omnibus obtinet oris,

Non bene munditiis dedita villa negat.

Parcendum est volucris, circum tua testâ canenti, (1)

Seque, genusque suas, quæ tibi credit, opes.

Nulla avium de rure sibi minus arrogat omni.

10 Omni rure nihil, cui nocet illa, feris.

Sed, quæ vix videas, infecta volucris, muscæ

Tipulaque & culices, sunt cibus unus avi.

Pestiferum genus hæc animantia: quæque paludis

Accola plus aliis credat obesse feris. (2)

Vitæ igitur villæque tuæ muscaria Progne

Consultit, & tutam nidificare vetas!

Tempora si observas, pluviam tempusque serenum,

Ætheris hæc variis cernere volare viis.

D

Cum

Cum volat alta, fides constabit folibus : imbres

20 Exspectat messor, si vaga radit humum.

Quippe ubi sunt muscæ, volucris se ostendit ; & illæ

Altius, ut cælum est, inferiusque volant.

Pascitur una avium, dum perfecat aera pennis,

Pastaque carne, uncis unguibus una caret.

Flectit & in medio cursu propè sola volatum,

Obviaque accipitri sæpe propinqua volat.

Corporis exigui, non totum est uncia corpus,

Caudaque & pennis plurima constat avis.

Cauda bifurca, licet cælo, spectatur, in alto,

30 Lataque non longam, quæ facit ala, viam.

Nam non sæpe procul patria, & vix avolat ulla.

Res semel est doctis illa videnda viris.

Conditur ante hiemem, semestri obnoxia somno,

Conditur, & variis condita visa locis.

Est, ubi se scopulis per frigora sopit, & antris,

Est, ubi structuris ruderibusque latet.

Straminis alta strues, viciosæque arboris alvus,

Condit & urendi cespitis agger avem. (3)

Ami.

Amisei ripis, jacet altis subter arenis,
 40 Quas per radices silva cavare solet.
 Connexas quandoque vides, rostra indita rostris.
 Est quoque sola, suo quæ jacet orba viro.
 Res est mira, latet gelidis quandoque sub undis,
 Ut propè cognatam piscibus esse putes.
 Id facere Arctoas bis centum scripsit ab annis;
 Extractas & aquis vidit Olaus aves. (4)
 Vidit & Upsaliæ quod episcopus, Arcticus orbis
 Vidit. Aquis testas protrahit omnis hiems.
 Protrahitur puteis, ubi Vistula Sarmatis errat,
 50 Cisternæque, foris ostia cujus erant:
 Surgentesque lacu Norvegia tempore verno
 Mirata est totis excita nuper agris.
 Pars quasi mentis inops, sopitaque litore stabat,
 Captabatque auras, piscis ut exul aquis:
 Scabere pars alas, pars altera pene resecta,
 Rostello socios visa juvare senes.
 Tandem ubi multa dies recreaverat omnibus alas,
 Omnis in æthereas sparsa caterva vias. (5)

Et nisi sic fieret, latebris nisi verna propinquis,
60 Primo sole frequens unde veniret avis?
Turdorum adventus, cornicum, anatumque notatur.
Adveniunt toti prætereuntque greges. (6)
Una vel in cælo rediens volat altera Progne.
Adveniunt nulli prætereuntque greges.
Transitus est avium res omnibus agnita terris.
Sed per quas veniens carpit hirundo viam?
Credere si fas est, Afros quod agatur ad illos,
Quos sibi vicinos torrida zona videt;
Ecquibus in terris non aspiceretur? & unde
70 Pabula continuum suppeditaret iter? (7)
Per mare per terras septem est via longa dierum.
Terra igitur muscas & mare semper habet?
Quantaque sint præsto muscarum examina! nusquam
Copia deficiens iusta moretur iter.
Crede mihi, sapiens incommoda tanta volucris
Providet, & patrio præferat orbe moram.
Nec latuit Veteres res hoc dubitabilis ævo. (8)
Tam nihil a proavum lumine lucis habet!

Edor-

Edormire apodes hiemes, patriamque tenere,
80 Ad Mauros reliquum qui genus ire jubent.
Sunt apodes genus illud, acuta voce, Groningæ
Quod circum turres altaque templa vides.
Quodque quiritantes hoc dicimus orbe: sed omnes
Funere semestri sopit & abdit hiems.
Omnibus una datur natura volatus & esca,
Omnes certa abigit, certa refertque dies.
Cur peregrinatrix pars esset, & altera deses?
Cur mora grata, quibus longior ala, foret? (9)
Utraque per varias latebris hiemalibus oras,
90 Nec semel, aut uno visa decembre, jacet.
Frigoribus mediis latebris avulsa, loquace
Fota, reviviscit, si qua tepente fuit.
Nec moritur, quæ clausa volet, gelidumque per annum
Inveniat solitos per loca clausa cibos.
Quà vetus Hercinia Melibocus ab ilice frondet,
Et longas multo calfacit igne casas, (10)
Vivere fertur avis per frigus adempta cavernis,
Perque novi pullos veris habere dies.

Scilicet immensis crebrescit aranea tectis
100 Nec cibus a muscis, quas foveat ignis, abest.
Inde etiam totus volucrum videt annus in oris,
Quas Pharius tepido flumine Nilus alit. (11)
Præter enim frigus, nullasque per aëra muscas,
Non est quæ volucrum causa latere jubet.
Sed gelidis progne non altera tecta sub undis,
Quam quæ Manalio nata sub axe, jacet. (12)
Inter aquas, cælumque madescens imbre perenni
Differt, sed gelido differat orbe minus.
Tum, nisi subter aqua, volucris foret Arctica nullis
110 Tuta locis. Terras alta perurit hiems.
Tuta jacet terris nostratibus, arboribusque
Tuta cavis, calido silva ubi posita loco.
Sed placido quacunq; Jovi vicinior orbis,
Structuras, scopulos, & cava quæque subit.
Tam sibi dissimiles faciunt dubitare latebræ,
Credereque, ante hiemes quod procul ales cat.
Quod quis enim, patriæ terras scrutatus & undas,
Non reperit, vanam credit habere fidem.

Nec

Nec quoque percipias, ut sol calefactet in undis, (13)
120 Suppositamque alto cespite tangat avem.
An quia grande animal, proprioque animata calore,
Sentit ubi soles, intima spirat humus?
Plurimus est terris calor interioribus, unde
Vivat, & è fomno forte resurgat avis.
Saltem animam recipit, docet experientia: deque
Dictis ne dubitem, pars mihi visa fuit.
Stat vetus ad nostram quereus densissima villam,
Cujus obit partem pene cacumen agri.
Ante meos ortos, natalesque ante parentum,
130 Arbor erat, proavum confuta virga manu.
Lata licet vireat, ramoque vigescat in omni,
Ævo truncus erat factus & imbre cavus.
Quod tamen haud scissem, ramis nisi servulus altis
Immissus, nidos qui removeret, erat:
Cornicum nidos: nam quàm se plurima cornix
Detinet, haud unus gratior ales abest.
Jusserat extrudi nidos Februarius: ovis
Ne simul aut pullis vis nocitura foret.

Quod cum fit, puero per ramos calceus hærens
140 Excidit, & trunci lapsus in antra cavi est.
Non inducta manus, non hamo prædita virga
Reddiderat gelido tegmina cara pedi.
Longior inserta est, curvoque armata tridente,
Pertica: calceolum, quæque retraxit aves.
Sopitas, & aves connexas, os ut in ore
Conspiceres fociaë quamque tenere suæ.
Pars ita juncta tamen, pars non connexa, sed unctis
Glutine mandibulis singula ducta foras.
Unica protracta est prope nudo corpore plumis,
150 Sed nova per totam pluma redibat avem.
Nomen avis fentis. Pars sanguine summa notarât
Pectora, pars infra candida corpus erat.
Nolumus quercum spoliare volucris omnem,
Extractas lecto reddidimusque suo.
Sed simul Aprilis sudum caput extulit arvis,
Extendi trunco retia parva super.
Inque orbem extendi super, ut quæ carperet auras
Clausa, & perspicuo carcere clausa foret.

Ter-

- Tertia post nonam mensi lux ibat, & ales
160 Luce ferè media prodiit una foras.
Trunco instabat hians, soli latera utraque vertens,
Motus & in pigra visus is unus ave.
Postque duas horas tepido se reddidit antro,
Sole suum gelida nube tegente jubar.
Admovi trunco scalas, auremque cavernis:
Perceptum vocis sed nihil aure fuit.
Postera lux soles, & quinque caverna volucres
Edidit, æthereas quæ petiere vias.
Retiaque, ut possent ire ad sua vota, reduxi.
170 Protinus & caelo, qua via facta, volant.
Quà licuit, profugas spectavimus ipse, meique;
Una austrum, quatuor versus ière notum.
Servitia apposui, reduces speculantia, trunco,
Et si post illas surgeret ulla cavo.
Unica de profugis remeavit, & altera trunco
Surgere visa, cavo mox reditura suo.
Post hanc, quæ mensi sequitur, Tiburtia lux est. (14)
Illa dedit trunco surgere pene gregem.

Concava vix illas ceperunt retia , cunctis
180 Est data porta fugæ , detinuique duas.
Una erat agrestis, signataque sanguine pectus
Altera, sed corpus pingue duabus erat.
Lumina languebant, pituitaque clauferat orbes ,
Plumaque erat tanquam tacta frequente manu.
Cætera persimiles æstivis. Quæque per auras
Pars iit, haud ulla dispare visa nota est.
Tricenis plures licet auras carpere visæ,
Nondum omni truncus se vacuarat ave.
Altera lux septem, lux tertia quinque volucres
190 Retibus ostendit. Parsque suprema fuit.
Omnibus his talo filum nexavimus aurêum:
De quibus ante oculos post fuit una meos.
Ultimus Aprilis dederat succedere Majo ,
Jamque diu nullas rete videbat aves;
Cum variis trunci fundum tentavimus hamis:
Multaque cum paleis edita pluma fuit.
Nulla educta avis est sopita aut mortua. Fœni,
Plumarumque fide copia major erat. (15)

Quod

Quod velut haud multum docuit, mihi causa videtur,

200 Post habuit nullas quod mea quercus aves.

Forte & reticuli pressæ meminere volucres,

Omnia reddidimus nam sua strata cavo.

Quid quid est, melior spectator hirundinis inde,

Veris & autumnus tempus in omne fui.

Somnum autumnalem quoties per viscera sentit,

Aspice, venturi signa soporis habet. (16)

Languor inest pennis, seu tecto ad structa caminis

Culmina, seu stipulas perque simeta sedent.

Coge volare; brevi pendebit in aëre cursu,

210 Cui modo continuus pene volatus erat.

Nec jam iter inflectit volitans, vigor excidit alis,

Sanguis hebet, culicum nec super ulla fames.

Conveniuntque: fugam quod non designat, iterque

Longum: semianimis non procul iret avis.

Conveniunt, mussantque anni transisse labores, (16*)

Bellaque cum muscis nec super esse famem.

Forfitan & languor communis, & ipse ciborum

Contemptus socio jungit amore greges.

Fri-

Frigida prima dies nostris Octobris in oris

220 Unâ omnes toto cernit abesse polo.

Quarta fugæ vel quinta datur persæpe: semelque

Post idus mensis, visaque mane novo est. (17)

Nec revidebis avem, nisi postquam Aprilis ad idus

Venerit, & magnis lassâ sit ira notis. (18)

Aëre Romano, Februarius alite gaudet. (19)

Marticolam reditu Gallia credit avem. (20)

Suecia, quæ feros zephiros habet avia tellus,

Serius hanc Majo sæpe venire videt.

Et tamen his aliisque locis properantius, utque

230 Læsa novo pereat frigore sæpe, redit. (21)

Stratos extincta progne Reamurius agros,

Cum nova Parisiis vere redisset hiems;

Vidit & ante id idem, gelidis hiemare sub undis

Qui primus docuit Suecicus author avem.

Cumque redit cælo, non multa, sed unica tantum

Facta vigil focias cernitur ante suas.

Nempe procul positis sola illa veniret ab oris?

Sola peregrinam se fatis una negat. (22)

Alta

- Alta nec illa volat: seu primum exerceat alas,
240 Pabula seu terris tunc propiora legit.
Sæpe dies, iterumque dies & plurima transit,
Ante frequens totum quam per inane volet.
Cumque venit tandem, gyrare per æthera turba
Cernitur, inque suas sæpe redire vias.
Miscuit & multum postquam se plurima multis,
Una avis interdum sola, repensque fugit.
Forte avis hæc frustra veteres quæsit amoris:
Effera, quodque velut de grege pulsa, fugit,
Quodque ferè recto se proripit una volatu;
250 Fecerit hæc longam, si facit ulla, viam.
Quippe & idem armentis, & idem spectatur in orba
Conjuge quâque ferâ: par furor inflet avem.
Constat enim expertis, longi quod tempore somni
Immemor haud facta est conjugis ulla sui.
Conjugibus plerumque domus revidetur eisdem:
Nidus & artifices novit ubique suos.
Re super hac dubius, captis talaria nocte
Conjugibus; junctas vere videbis aves.

Vere

Vere tamen reduces, aliquanto tempore cernes,
260 Ante solent nidos quam reparare suos.
Nidi pingue lutum. Festuca sed indita firmum, (23)
Inque annos plures utile reddit opus.
Glutine saepe novo nexatur fabrica pendens.
Strataque restaurant interiora ferè. (24)
Rara prius Majo de nidis cogitat ales.
Ovaque quina ferè, dat quoque sena parens.
Plurima pars nidum bis implet, & ultima proles
Sextilis medios ut volet ante dies.
Non volat, ac nidum, juvet ut se sola, relinquit.
270 It comes, & victum præbet uterque parens.
Videris arbutea positos in arundine pullos,
Utque alternatim dona parentis hient!
Cur soboli indulgent tam fera alimenta parentes?
Nempe quod haud facili pascitur illa cibo.
Difficilis culicum venatus in æthere. Multis
Flexibus, & penna præpete docta volet.
Ultimus & partus cura potiore fovetur,
Non, quod in hac potior stirpe moratur amer.

Sed

Sed cibus, autumno sub proxima tempora rarus,
280 Destituat sobolem, sollicitatque patres.
Utque homo qui feræ veneris sibi præmia spondet,
Nec se, nec sobolem sæpe valere videt:
Sic prius ac lateant, tenera cum prole, volucres
Spe citius veniens sæpe necavit hiems.
Quippe aliquas vires; hiemis passura latebras,
Plumatum & corpus pingue requirit avis.
Est mihi per nostras, ut multas visa per oras,
Cui niveus toto corpore candor erat.
Non tamen inde putes Arctoæ gentis alumnam,
290 Quodve per immensas venerit illa vias. (25)
Non migrant lepores, nec transfuga passer habetur,
Sæpe tamen nostris albet uterque locis.
Vidimus albentem propè toto corpore sturnum,
Candida cui patrio nata sit ala polo.
Naturæ lusus cum tot miracula fecit,
Progenie nigram dispare donet avem.
Adde, quod Arctois non sic distamus ab oris,
Hic nihil ut longo frigore possit hiems.

Sci-

Scilicet ex nimio quod frigore candet hirundo,
300 Magnus Aristoteles, vulgus & omne putat.
Forte sed hoc certus faciat cibus. Unde volucris
Sæpe Samo, Thraciis non datur alba jugis?
Frigore si Samio canderet, proxima tellus
Cerneret albentes & quoque ferret aves.
Sed non alba Thasö, Lemnoque, videtur & Imbrö.
Una Samos placido sub jove mutat avem.
Sed licet haud cupide, nec sæpe per æquora migret, (26)
Ut Samium, in patria non manet omne genus.
Qua volet usque, famem non passa, aut effera luctu,
310 Una sed e multis transferet una larem.
Proxima nec tantum, sed & absita limina cunis,
Vere parem quærens, aut vaga forte, petet.
In Morinis capta est, Aquitanis cognita progne,
Externam docuit tessera nexa pedi.
Friscius hinc Saxo mendacem dixit Olaum, (27)
Tessera quod nullis merfa fuisset aquis.
Nec sub humo fuerit. Varias quod Hirundo latebras,
Ut docui, varia pro regione subit.

Omne

Omne genus dixi, tria sunt diversa, latere.

320 Primum est, quod canimus, præcipuumque genus.

Scilicet hoc illud, quod sanguine colla notavit,

Quodque fere simile est, pectoraque alba gerit.

Cognatum genus hoc, & multis dotibus unum:

Conjunctum & trunco vidimus ante meo.

Dicitur agrestis, volucrisque domestica: quamvis

Utraque gaudet agris, & tua tecta subit.

Sanguinea Terei natam de conjuge, Naso,

Sub trabibus cunas ovaque ferre, canis. (28)

Non habitare domos tamen hanc, & dicere agrestem

330 Sustinet, haud aliam qui male novit avem.

Utraque tecta subit: sed agrestis sæpe fenestræ

Aut luteum externis ædibus addit opus.

Nonnihil & minor est: mentumque & candida propter

Pectora, congeneris non sit habenda foror.

Cætera persimilis; cantumque interque volatum,

Junctas sæpe vides, una videtur avis.

Sed multo minor est de ripis dicta, cavisque

Ut ripis hiemat, nidificare solet.

E

Hoc

- Hoc genus amnis Hafæ, ruit altis septus arenis,
340 Extraxi oculis, quos avis ipsa facit. (29)
Quaque inter scopulos meat Olena, Neuftrius amnis,
Plurima de petris pendet ut uva cavis. (30)
Tertia gens apodes: quæ corpore major, acuta
Voce gemit, Belgis nomen & inde dedit.
Aëria hæc volucris, sublimibus addita templis,
Persequitur nubes inter & astra cibum.
Qui cibus ante diem gelido quod in æthere desit,
Plus toto ante alias mense latefcit aves. (31)
Nec reditum properat, Majali obnoxia somno.
350 Binaque de ternis, quæ parit ova, foveat.
Scilicet hoc satis est super alite, mentio cujus
Non nisi cognatæ nomine facta fuit.
Illa semel nonum sua testa revêdit ad annum:
Aurea quod docuit fimbria nexa pedi.
Fimbria tot pedibus nexata est aurea notis,
Ut Pandionis vita sciatur avis;
Significetque ævum, quæ dicitur hospes agrorum.
De reliquis minor est notio habenda feris.

Et

Et dare conor aves, per prædia nostra frequentes,

360 Inque dies oculos quæ tenuere meos.

Rure mihi labor hinc jucundus: & otia fallunt,

Cumque observantur, cumque canuntur, aves.

Perdita restituam, non est, ut carmina Macri. (32)

Unde animum subeat spiritus ille meum!

Sed, licet haud plumas avium numeremus in alis,

Multaque sollicitus menfor omiſſa putet;

Quas dedimus, placuistis aves, & Hirundo priores

Cum deceat, tenuis fama sequatur opus.

N O T Æ.

(1) *Versu* 7. Hirundinibus domesticis, quibus ego ob cantum parcendum dixi, obstreperam molestissimamque garrulitatem attribuit Aldrovandus. Fateor alios etiam ornithologos ob cantum illas non laudare. Sed licet auriculis meis non nimium arrogaverim, laudari ob cantum posse, non modo ab omnibus video veterum poetis, sed ab ipso etiam Platone: qui hirundinis cantum, præcipue vernum, haud inamabilem existimavit, minimeque flebilem. Flebilem vocem hirundinibus adscripsisse poetas cogitandum est, quod ad Prognem lamentabilis memoriæ respexere, uti jam observavit Tzetzes, sæculi XIII scriptor. Græci poætæ eas minuire, id est blæsa voce canere, regulumque & rubro pectore prognem Zinzizulare dixerunt Latini. Quodque Zinzizulare in laudem hirundinum accipi debet, vides ex adjuncto regulo, qui apud Authorem Philomelæ certe inter aviculas suavissimè canentes habendus est.

(2) *Versu* 14. Muscas & volucris insectis nusquam plura quam in paludoso & æstuoso aëre, & nusquam noxiora esse, res est in confesso. Contraque hoc malum, hominibus & armentis pestiferum, sicut in remedium a natura muscivoræ aves datæ sunt, ita inter beneficentissimas habendæ sunt hirundines: quas in muscarum venatione per omnem diem, adque seram usque vesperam occupatas vides. Guenaldus, illustrissimi Buffonii in scribendis avibus socius, qui Monbeliardum in Burgundiæ finibus versus Vogesum habitat, hirundines scribit granaria oppidi sui subire, granaque curculionibus purgare: quæ observatio eas

stan-

stantes vesci doceret, Pliniumque & Aristotelem refelleret, qui solum eas inter volatum pasci scripsere.

(3) *Versu* 38. Cespes ustilis, (quem inter hiberna hirundinum conditoria esse dixi) antequam effossus, inque lapidum lateritiorum formam descissus est, alta & spongiosa terra est, facile a pluviis & animalibus terrestribus exesa. Utque creberrimis fossis, quæ possessoribus pro terminis sunt, adque siccandam superficiem, perscinditur, in marginibus fossarum, creberrima habet foramina: ex quibus haud semel hirundines sopitæ, tam agrestes quæm domesticæ, per hiemem extractæ sunt. Cumque cespititii lateres in certæ magnitudinis cumulos congesti, empturis ad navigeras fossas venales prostant, & in eorum foraminibus per hiemem latitasse visæ sunt. Dictum mihi est, & in templorum parietibus apud nos repertas fuisse, quod tamen non ita sæpe audiui, ut veritatem affirmare auserim. Sed qui hirundines in Batavorum arundinetis, subque dejectis vetustæ arboris radicibus latitasse sciunt, vivunt Hagæ Comitum: suntque probitate & scientia nobiles, physicis præcipuè notissimi viri, Petrus scilicet Lyonet, & Arnoldus Vosmar. Hic in ipso Hageni foro cum ad prætorii fossam Martio mense eradicari arborem vidisset, ex cavernis, quas arbor per radices fecerat, tricenas circiter evolare conspexit hirundines, alisque nondum ad volatum agilibus, solum ad certam tantum distantiam radere: sic ut pleræque a circumstantibus prehensæ, domesticæque & agrestes hirundines ex propinquo cognitæ sint. Lionetus, haud procul Haga, cum in amici viri suburbanum per hiemem divertisset, asportari ad dominum villæ complurimas vidit sopitas hirundines, manibus servitorum arundinetis extractas: quas dominus villæ in hypocaustis exoticarum arborum somno suo hibernali excitavit, diuque vivas & volucres conservavit. Uterque

testium, quasi opinionem aliquam sibi caram tueantur, suspectari non possunt. Vofnarius de exoticis aliquot animalibus, nihil unquam scripsit de hirundinibus. Lionetum unica sua immortalem fecit cruce. Sapeque vir studiosissimus veri inculcavit mihi, hominem naturæ cognoscendæ deditum debere animum paucis tantum studiis intendere, posteris si velit ex cognitionibus suis consulere. Idque consilium vir septuaginta septem annorum, cum & hoc anno iteraret mihi, ostendebat Reamurii quæstiones per epistolas creberrimas ad ipsum missas, addebatque rescriptisse se identidem: „ honoraris me per illas domine, sed nimium multis animum „ & oculos applicas, si ab exigua perspicacitate, quam debeo fidem, „ expectas.” Eam tamen se Reamurio semper præstitisse ajebat, sed diligentia ultra modum aucta: quod viro per se meritiissimo, & studia sua depercunt gratificari cuperet. Tali igitur testi non credere, sicut inhonestum, plane barbarum fore existimo. Nec honoratissimo apud nosfrates Vofnario minor debetur fides. Post quos allegare obscuros homines, qui in nostris tractibus ex cespitiâ terra traxere hirundines, neque decorum, neque juvaturum: quod tales magno numero testes adduxisse, Kleinio frustra fuit.

(4) *Versu 46.* Olaus Magnus, qui ante ducentos & triginta circiter annos vivere desit, primus sub aquis septentrionalibus hiemare scripserat hirundines. Virique gravis autoritas (erat enim Upsaliæ Archiepiscopus) licet ultra meritum explosa sit ab iis, qui aviculis peregrinantibus addunt hirundines; tanti tamen prima hujus rei mentio ab aliis æstimata est, ut in gloriam Kircheri attributa sit, cui nequiquam competit. Centum annos post Olavum vixit Kircherus. Neque Olai libri XX, in Italia, & in Belgio editi, tam ignoti sunt, ut verisimile sit Kircherum eos non legisse. Cum vero Kircherus Jesuita a sui ordinis missionariis con-

fir-

firmari audierat, quod Olaus primum de hirundinibus scripserat, non modo eas latitare in fretis stagnantibus, inque paludibus, sed & in puteis scripsit & in cisternis: nec tantum id Suecicas sed & Sarmaticas, Moravicas & Silesias folere. Et hoc ante Kircherum indieaverat Aldrovandus, qui certè ab eo lectus fuerat. Sed Kircheri competit, primum indicasse, Arctos hirundines solas sub aquis latere, quod Aldrovandus non viderat, licet avibus per longissimam ætatem intentus. Kircheri distinctio viam ad veritatem ostendit. Proptereaque laudem meritis est. Sed illam nullo jure, quæ à sui ordinis scriptoribus & hoc sæculo plenissime ipsi admensa est, licet Olaus XIX libro hæc clarissima verba scripserat.

„ Septentrionalibus aquis sæpe a piscatoribus extrahuntur hirundines in
 „ modum conglomeratæ massæ inter se connexæ. Post principium au-
 „ tumni ore ad os, ala ad alam & pede ad pedem se colligant, inter
 „ cannas descensuræ. Suavissimoque completo cantu descendunt; inde
 „ iterum post principium veris pacificè evoluturæ. Nidosque notos
 „ unamquamque repetere a rusticis hominibus notatum est.” Nihil falsum, nihil non verissimum scripserit Olaus docuerunt secuti scriptores complurimi: sed qui crediti sunt, uti ille, & uti hoc sæculo Jacobus Kleinus, senator Gedanensis, centum adductis testibus omnem fidem meritis. Cum colligeret illos testes, qui rustici erant Vandali se ab illis irritum fuisse scribit, ut relaturum eruditissimis hominibus tam cognita. Quam vero testes illi, & Vandalum omne vulgus eruditos homines suspicerent, Kleinio cum tot suis testibus fidem denegantes!

- (S) *Versu* 58. Quod de hirundinibus verno tempore ex Norvegica lacu prodire visis scripsi, de verbo ad verbum sumptum ex commentario hominis Batavi, paulo ante undecem annos, quo tempore Hirundinem meam scripsi, Amstelodami edito. Ex Norvegia tum scriptor commen-

tarii istius redierat, seque cum centum testibus relata sua vidisse commemorat. Decem versibus dicta hominis ignoti, sed a nullo apud nostrates non crediti, contraxeram, scriptumque meum, sine notis ullis editum, ex manibus illustrissimi Buffonii, cui illud paulo post Parisiis dederam, ad oculos venit illustrissimi amiei ipsius Guenaldi, de Hirundine tunc scripturi. Ille, (secutus Buffonium) cum hirundines agrestes & domesticas peregrinari opinatur, nihil non omisit, ut quam fovet uterque sententiam, vero similem faciat. Maxime tamen ad hoc facere, videri sibi scribit, quod nullus eas ex latebris scriptor, aut ex aquis ipso extraxit, nullus commemoret, quomodo verno tempore ex aquis prodeuntes se habeant, seque exsiccent & in auras extollant. Scire se equidem me unicum hoc referre, sed in poemate. De veritate questionem esse, non de fabulis. Atqui versiculos meos de Hirundine quisquis legerit, videt me fabulis aut fictionibus minimè deditum, sollicitè occupatum de veritate, aut oculis meis visa retulisse, aut lecta & audita per testes confirmasse, quatenus id haud barbare scribenti liceat, deinde rationes attulisse, nec nimium vanas, modo illas perpendere voluisset Guenaldus. Nemo certè ante me aut versibus aut prosa scripserat, peregrinantibus in aethere cibum defore, peregrinaturis præcipue ad ultimos Mauros: ad quos hirundines Gallicæ & a Buffonio & a Guenaldo ablegantur. Vellem istam versiculis expositam rationem infirmari videre. An æqui ponderis est ratio, quod nullum scriptorem ex latebris hibernis hirundinem extraxisse, nullum dicit vidisse ex aquis prodeuntem. Demus Studiosis (plerumque sedentariis hominibus) id ostensum non fuisse. Ostendat vero ille, qui gregatim peregrinantes has aves vidit, ostendat, qui eas, ut anseres, anates, turdos euntes per cælum, & ex immensæ distantiae locis revertentes illis in terris, ullo in mari conspexit. Atque hoc ab attentis philosophis non modo, sed ab omni spectatum vulgo fuisset, si spectari posset. Spectatum vero & a scripto-

ribus, & ab innumeris testibus: quod plus quam temerè spectatum negat. Ut de versiculis meis taceam, quos sibi pernotos esse scribit, quoties adducit Kleinium? Centum apud Kleinium testes, & ex aquis, & ex arundinetis & ex quibuscunque latibulis extractas ostendunt hirundines. Obitusne fuit Guenaldus Kleinium, quem toties allegat, a se perlectum fuisse? Sed sui ipsius videtur oblitus fuisse. Ipse domesticam hirundinem, ex trabe domus in vas aqueum delapsam, perque tres horas extinctam, animam recipere, resurgere, revolare, & in auras ire conspexit. Tamque singulari fato scriptori in ipsa ipsius domo ostensus casus documentum non fuit, avem habere pulmones cum aquis admodum familiares. Nihil submersæ adjumenti administrari potuit. Auraque, & aura autumnalis sola reficere gelatas & rigentes morte fibras potuit. Est hoc certe aliquid: & quod ad Kleinii & tot testium experientiam accedere videatur, argumentis quidem gravissimis non adnumerandum, nisi ex similibus Guenaldus ad tuendam opinionem suam faceret ponderosissima.

(6) *Versu 65.* Optimi scriptores aviam, eas tantum transmigrantibus addunt, quæ vere & autumnno gregatim peregrinari videntur: cæteras omnes per hiemem latitare credendum est. Neque transmigrantibus addendæ hirundines, in apricam viciniam, sive mari sive terra (veluti ex Thracia in Ægyptum) devolantes. Neque locustas aut papiliones persecutæ, ventisque ex litore dejectæ, vel si procul a terra perque oceanum à nautis videntur, transnigrantes habeantur: quod aviculis tam per æstatem quam autumnum accidit. Hirundines vero, si ex Gallia in Mauritaniam Tigitanam quotannis discederent, uti Buffonius & Guenaldus existimant, omnibus annis & quam immensi greges viderentur. Sive terra sive mari iter facerent, sive, ut exiguæ aves pleraque, litus le-

gerent, tam a Mauris omnibus, quam ab Hispanis, pelagumque semper tenentibus nautis agnita, famam facerent, famamque jam diu ereditam. Secus undique cum sonet fama, super profundum oceanum, inaspectabile per inane ablegantur, ubi nullus ipsis cibus, nullaque subministratur requies, licet id miserarum iter, septem dierum esse scripserit Buffonius.

(7) Versu 70. De cibi penuria hirundinem non modo, sed plures avium a peregrinatu absterrente, mirum est tam Veteres quam Recentiores non cogitasse. Veteres quidem non ita multas aves peregrinatum misere, sed recentes ornithologi innumeras: quibus necessario de viatice providissent, si quod scriberent, satis perpenderent. Modo typis editus sit liber, mansurus creditur. Tanque sollicitos scriptores ab inventa typographia non esse, quam veterum tempore, querela est jam facta, nec satis iteranda. Sed neque de ratione aves complurimas necessario ab ~~iterationibus~~ impediende cogitarunt Veteres. Dixi mirum esse. Nam si hujus rei mentio facta fuisset, haberetur apud Plinium: ipseque Plinius ciconias in longinquum amandans non scripsisset: „nemo vidit agmen „ discedentium, cum descensurum appareat. Nee venire, sed venisse „ cernimus. Utramque nocturnis sit temporibus.” Sic tamen de die vise fuissent, aliquas ad terras quietis causa, aut ad cibum delapsæ. Quæ cogitatio prius & facilius in mentem veniat! Sed quid mirum? ~~nam~~ ~~et tamen~~ scriptoribus nondum ineidisse. Cum ego rationem illam versiculis satis clavis in Hirundine mea exposueram, tam parum a Guenaldo perpenſa, tanque contempta est, ut ne ulla attentione quidem dignam habuerit. Tamen ratio versiculis edicta semper ratio est. Neque Lucretio contemptum, sed rationes opposuit Poligniacus.

(8) Versu

(8) *Versu* 77. Aristoteles omnia propemq̃dum de Hirundibus aliisque avibus hieme latentibus nunc nota, verbisque clarissimis scripserat: quæ talia „ Avium complures hieme conduntur, non, ut aliqui putant, „ pauca. Nec omnes ad loca tepidiora abeunt: sed quibus loca ea „ sunt vicina solitæ sedi, iis secedere libet. Quæ autem procul locis „ tepidioribus morantur, non mutant sedem: sed se ibidem condunt. „ Jamque satis multæ visæ sunt conditæ hirundines in angustiis convallium, nudæ atque omnino implumes.” Nesciit Aristoteles eas etiam sub aquis latere, quod primum docuit Olaus: idque tantum Arctos facere, quod primum vidit Kircherus: proque regionum varietate varia esse latibula, quod primum distinxisse me existimo. Sed facile est aliquid inventis addere difficilius impedire, ne cognitiones licet certissimæ, iterum ab incredulis, leviterque contradicentibus, mergantur.

(9) *Versu* 88. Apodes longissimis alis natæ sopiuntur ab illis, qui reliquas peregrinatum mittunt. Iidemque nihilo minus scribunt, alas longiores ad peregrè eundem volucris datas fuisse. Omnibus quidem hirundinibus alæ tatis longæ sunt, ideo verò a natura extensæ, ut victus inter volatum pascendis sufficeret. Quæque in summo æthere difficillimum cibum habituræ essent, pennas apodes acceperere longissimas.

(10) *Versu* 96. Quod de Cheruseis montis Meliboci hirundinibus, in hypocaulis, (quæ ad ferri officinas ibi immersæ sunt) per hiemem viventibus scripsi, ex ore habeo hominis ob probitatem & historie naturalis scientiam fide dignissimi, qui ex locis iis oriundus, jam pridem Groningæ cohortis est prætoris ad Principis custodiam præfectus. De cætero Guenaldum ego non imitabor, in uno aut altero ignorato teste,

teste, apud posteros non valituro, in favorem opinionis meae adducendo. Quis enim homo Norvagus nullo nomine, aut obscurus Muscovita? si sub aquis nullas videre Hirundines, Kleinii testes innumeri mentionuntur? Nescire hoc fieri, an tantum haberi debeat, quantum se vidisse qui dixerit? ego vero Domino Reber, (sic enim Cheruscus testis meus nominatur,) ut facile credam, facit Martialis: qui hirundinem Romae, in thermis forte moratam, ab aliis verno tempore reversis, in earum nido laceratam fuisse scribit. Laceratam credo apud Martialem significare nido depulsam, scilicet ut fatum haberet, Itis matri debitum, sed ferius, quam meruerat, datum,

(11) *Versu 102.* Hirundines in Ægyptho perennare scripserat Herodotus. Verumque ab illo antiquissimo teste scriptum fuisse, receptis avi peregrinatores videre, interque eos Belonius Gallus. Nihilominus perennare eas tantum ad Nili fontes scribit Guenaldus: quos fontes Herodotus & Belonius sæculi XVI scriptor ignorare, multo minus videre. Perennant in ea regione, quam veteres Deltam dixerunt, adque Nili ostia. Numeroque ibi majore per hiemem quam per æstatem videntur: quod itidem in colonia nostra Africana Bonæ Spei observavit Kolbius. Non vero ideo inferendum, avem peregrinatricem esse, vel cum tepens vicinia in propinquo non sit. Non defunt vel & in ea parte Africae saltus admodum frigidi, qui hirundines per hiemem non ferrent, indeque illas necessario fugent.

(12) *Versu 106.* Regiones Moenalias, in quibus sub aqua hiemant hirundines, a Suecia ad Poloniam, Silesiam, Moraviam & ad Bojohemiam usque extendit Kircherus in quarum tamen regionum partibus, forte

forte magis apricis, & in puteis latent & in cisternis, uti a testibus fide dignissimis se comperisse scripsit Aldrovandus. Nec secus avibus eas in longinqua discedentibus annumerat. Quod vero hominem sic sibi contradicere fecit, idem esse existimo, Quod & Buffonium & Guenaldum a vero videtur seduxisse. Naturam pro aliis locis aliam esse, haud iis in mentem venit; quod tamen physicam docendi inter elementa necipiant, necesse est.

(13) *Versu* 119. Duas causas; quibus sub aquis sopitæ reviviscant hirundines, in versibus meis, ut divinationes proposui: quibus videtur addi posse, quod forte calor centralis (sic nunc vocant illum ignem physici terris interioribus abditum) ex annua rotatione terræ in iis partibus augeat, quæ verno tempore solem versus inclinantur, ignemque abditum secum vergant. Quod si ita fieret, necessario illas partes, verno tempus habituras, tam ignis calefaceret interior, quam exterius sol. Certum est ex affirmatione eorum, qui altissimos puteos habent, aquam putealem inclinata hieme minus frigidam sentiri & esse, quam mensibus æstivis, quibus se incipit a sole tellus avertere. Fossores metalliferi ididem affirmant, & sicut a docto Meliboci montis incolæ accipio, mense Martio in tantum augetur calor subterraneus, ut in fodinis altioribus intermitteri propterea labor debeat. Parvum est, sed tamen aliquid, quod in nostris tractibus fossæ in tantam altitudinem cavari autumno non possint, quam mense Aprili, aqua se versus supernam terram mense Augusto referente, uti omnibus notum fossoribus, & uti ipse in villæ meæ fossoribus non semel expertus sum.

(14) *Versu* 177. Kalendas & mensium dies non tam eorum numero, quam

quam Divorum nominibus designari, mediis avis per omnem Europam invaluit. Inque nostris fastis ididem non modo obtinuit, sed in hunc usque diem & acta publica & privati contractus inde tempus suum designant. Constantius tamen veterem consuetudinem servare video Arc-toam illam Germaniam, quæ ab Amisso versus mare ad Vistulae ostia extenditur. Jo. Colerus, scriptor ad Spream amnem natus, qui me multa in rebus rusticis, aliqua ad cognoscendas aves docuit, dies anni plerasque Divorum natalibus insignit: sic ut in operis ejus lectione perpetuo ad Kalendarium operi præfixum respiciatur. Tiburtius & in eo Kalendario diem XIV Aprilis grandibus literis designat.

(15) *Versu* 198. Si quotquot hirundines in cavis arborum per hiemem conditas videre, enumerem a Claudiano ad nostrum tempus scriptores innumeros ostenderem. Unicum operæ pretium est indicare Georgium Majorem, quod is interpret est sacrarum literarum, quodque, non multum lectus, a nemine fortassis inveniretur; quodque sicut Vosniarius noster, hirundines reperit in arbore urbis habitatissimæ, qualis certe Wittenberga fuit sæculo XVI ob studiosorum tum ibi confluentium multitudinem. Est ad Epistolam Pauli primam Corinthicam, versu XV, quod istud testimonium Majoris reperitur. Addiditque ex actis antiquis Divorum, ejus generis inventa primitivis Christianis pro argumento contra Ethnicos fuisse, ad mortuorum resurrectionem ipsis ostendendam

(16) *Versu* 206. Signa venturi saporis, quæ in hirundinibus conspectui nostro auferendis per autumnum dixi videri, descripsi, prout illa a me nec semel observata sunt. Licet poetica & ficta Guenaldo
visa

vifa ſunt, hiedem propemodum verbis deſcripſit illa ſigna Kleinius, cujus opus eo tempore nuſquam videram, & quod, uti notum, ſoluta oratione ſcriptum fuit. Valet aliquid ad perſuadendum incredulos, tam conſona noſtra eſſe teſtimonia. Sed quid valere poſſe exiſtimem, apud quos Kleinius, vir probus, ſcriptor nobilis, Senator Gedanenſis, centum adductis teſtibus nihil valuit.

(16*) *Verſu* 215. Hirundines jam jam cælo abituras convenire, interque ſe de finitis anni laboribus muſſare eum dico: poetice id quidem, ſed verum dicere videar, hominibus ſaltem non planè barbaris, verbaque poetica poetæ non adempturis. Apud Virgilium apes non modo de laboribus ſuis muſſant, ſed caſtris audebant vellere ſigna, grandævique curam tuendi & muniendi oppidi aſſignabant. Dicit Kleinius, quod ego in verſibus, illasque tum nullas in æthere muſcas perſequi, & ad volatum vix cogi poſſe. Dicit præterea captas pinguiſſimas reperiri. Exque illis inertie & jam congelati ſanguinis ſignis, evidens argumentum deducit, quod ad immenſum iter nequaquam ſint idoneæ.

(17) *Verſu* 222. Licet ſtatis propemodum diebus apud nos cælo abeant, ſtatisque redeant, ante undecim annos (anno ſeculi ſeptuageſimo tertio) hirundinem unam & alteram in cælo vidi die XVI Octobris. Quod & tum memini inſtar miraeuli & ab aliis viſum eſſe. Sed mirum magis, ad eum uſque diem apud Gedanenſes plerisque annis ſupereſſe: id enim teſtatur Jacobus Kleinius. Nec non notabile eſt Aldrovandum ſcribere, Hirundines circa finem Auguſti aut primas ſeptembris dies cælo Bononiënſi diſcedere, Martio menſe ineunte reddi. An Semeltrem ſomnum per omnes terras ut compleant neceſſe eſt?

(18) *Verſu*

(18) *Versu* 224. Circa diem Aprilis XII. XIII. aut XIV, ocius & raro serius apud nos revidentur. Anno tamen præterito die prima Aprilis unica a me visa est, promeridiano & sereno tempore, super fossam publicam navigeram volans, villæ meæ præterfluentem. Tribusque aut quatuor diebus post haud paucæ visæ sunt ab hominibus agro meo vicinis. Sed eodem anno abfuere ante primam Octobris, hiemis rigentissimæ utrum præfensione, non dixerim. Rediere hoc anno die decima tertia Aprilis sub vesperam, tonitru mox subsequente, sed minore numero, uti ab omnibus notatum, rediere. Imminuta sine dubio frigoris insolentia, quæ complurimas alias aves, sturnos tamen inprimis notabiliter imminuit. Constans & hæc est observatio, in versibus meis memorata, visis vere hirundinibus ventos violentissimos cessare, qui ante earum adventum perque complures dies cælum nostrum commovent. Forte per eos ventos sicut tenuatur aer, tenuatur & in sopitis volueribus sanguis. Ei certe venti, qui earum adventum proximè præcedunt, omnèque Batavum & Gallicum litus & mare commovent, iter facientibus immanem in modum obflarent: adeoque illas pelago aut terris adsternerent, ut nullas ex Mauritania reduces acciperemus.

(19) *Versu* 225. Ovidius Romæ hirundines vigesimo sexto Februarii, Julius Cæsar apud Plinium, libro XVIII capite XXVI, revideri illas dicit vigesimo secundo. Et eos ego dies Romæ transegi, sed de earum reditu, deque avibus describendis tum non cogitans, observavi tamen, avium omne genus Romæ, quàm in nostris locis, infrequentius esse. Qua de re post sæpe cogitanti, visus est Romanus ager, multo minus quam nostratum cultus, granivoras aves ideo minus invitare, humusque cæmentis saxisque contritis plusquam alia omnis tellus imbuta, nec propterea vermivoras aves pascere posse.

(20) *Versu*

(20) *Versu* 226. Aldrovandus hirundines Bononiæ mense Martio in-
eunte, in Galliis versus meridiem circa mensis idus, versusque septen-
trionem sitis post æquinoxium, circaque finem mensis Martii revi-
deri scribit Guenaldus.

(21) *Versu* 230. Quotquot ab Ovidio ad nostrum usque tempus de
hirundinum reditu commemoravere, magnum testantur numerum perire
a frigore, quod in cælum reduces nonnunquam sentiunt. Magnum etiam
numerum interire sub aquis scribit Kleinus, a cancris quod comedan-
tur, cum se condunt, cumque resurrecturæ sunt: mediis frigoribus
cancros se, ut ipsas hirundines, non commovere: hostes vero aqua-
ticos quod timendum habeant, præscire videri dicit idem optimus
observator, quod hirundines arundiferis & ulvosis aquis, pisces & cancro
non perviis se plus quam aliis condere ament fluctibus. Idque asseve-
rari constante gentium Arcticarum observatione video.

(22) *Versu* 238. Quod reduces solæ aut saltem non numerosæ viden-
tur, attentos scriptores docuisset jam pridem, eas ex longinquo non
revolasse, nisi præconcepia opinio contumax & validior esset, quam
ulla ratio. Quin vero in Asiæ litora, vicina Nilo, numerosæ redeant,
numerosæque abeant, nullus dubito. Sic recedunt & veniunt in colo-
niam nostram Americanam, quæ Suriname dicitur, inque illam Africa-
nam, quæ a bona spe denominatur. Americanæ autem tam prorsus no-
stratibus dispares, ut vix congeneres videantur.

(23) *Versu* 261. Hirundines luto construunt, stramento roborant. Si quando inopia est luti, madefactæ multa aqua pulverem spargunt. Verba sunt Plinii : qui lutum vocavit terram pinguem, qualem per omnem Italiam, præterquam in Pomptino vidit & in Campania; quæ terra nigra est, similis Ægyptiacæ, similis Batavicæ, & illi terræ, quæ in provinciæ nostræ partibus, inque meo agro invenitur. In talem aliamque terram excutit madefactas plumas hirundo, nisi ex fossarum marginibus illam quærat. Plinius in omnes prope Romani imperii provincias, inque nostras transque Amasim positas terras venit, sed credo de avibuseum, uti pleraque, ex observatione aliorum scripsisse. Æmilium certè Macrum, & Nicandrum poetam Græcum non dedignatus est consulere in confectione libri decimi. Non creditus fuit de firmitate nidorum Ægyptiacorum, qui ab hirundinibus nidi innumero numero inter se connexi, molem evaganti Nilò inexpugnabilem ad stadii unius spatium opponunt. Sed relata ejus verissima esse vidit & scripsit Belonius.

(24) *Versu* 264. Nidum veterem reficientes consulunt partibus maxime necessariis. Sciunt nidum pendulum periclitari in connexionem ad trabem, utque hac scientia judicium, sic memoriam admirabilem ostendunt ad sua opera post semestrem somnum reversæ!

(25) *Versu* 290. Ex hirundinibus albis, in terris tepidioribus aliquando visis, migrationem earum qui ostendere conantur, refelluntur maximè ab hirundinibus Samiis, quas Ælianus scribit per sæpe candidas videri. Nullæ sunt candidæ in vicinis insulis, quarum aliquas tantum

nominavi, Thasum Imbrum & Lemnum. Quod si avis alba peregrinari amaret, in iis certe Ægæi maris insulis videretur. Dicit Aldrovandus albas fieri in terris australibus, modo ova oleo olivarum intinxis. Dicit Racineſius Polonus ex nigræ matris nido, Torunii ad Viſtulam viſo, tres albos duosque nigros pullos evolaffe. Atqui æquum illæ aves frigus ſenſerunt! non ne igitur verifimilius aliam cauſam, quam frigus, canitiem in alitibus, ſicut in hominibus facere?

(26) *Verſu* 307. Litoreis in locis verſantes incolæ hujus provinciæ, teſtantur hirundines agreſtes & domeſticas perraro ſuper mare vel ad viginti paſſus volitare. Unde, quæ in inſulas venire, aut tempeſtate dejectas, aut nimis diu muſcarum nubem perſecutas fuiſſe, credibile eſt. Et ipſa hæc infecta marinum iter non carpunt, niſi ventis impulſa, ex pinguis terræ, non ex maris aere tenui paſcenda.

(27) *Verſu* 315. Friſchius ornithologus Lipſienſis, ex filo rubro pedibus Hirundinis annexo, quod nullis aquis decoloratum revidit, mentiri judicavit Olaum. Felixque illud Friſchii oſtentum admiratur Guenaldus. Vide, quam levis ratiuncula a vero ſeducit vel illuſtriſſimos ſcriptores! Guenaldus ipſe ſcripſerat, Kirchernum Arctoas tantum hirundines mergere, cæteras eum arboribus & ſcopulis condere: in quibus & Saxonicas hirundines conditas vidit Georgius Agricola. Quid igitur Friſchii Lipſienſis facit obſervatio? propter eam obſervationem an Olaum Archiepiſcopum dicat mentiri? & quot innumeris propterea aliis affricat mendacium, interque eos Linnæo! quem ſe ſuſpicere & ut maximi ponderis

testem considerare scribit Guenaldus. Sed æqui ponderis testes tot Italos, tot celebres Gallos habet, qui sub aquis patriæ nullas reperiere hirundines. Vel si in illorum patria reperiri sub aquis possent, non æqui ponderis essent, testis inveniens, & non inveniens: quod ille de sua assertione convictus, hic dubitans loquatur, quodque illi fides non nisi cum exprobratione mendacii, huic vel ab æquissimis detrahi possit, si non inveniens latentes, propterea levi sententia, in longinquum scribat profectas esse.

(28) *Versu 327.* Ovidius sicut omnes Latini & Græci veteres Poetæ hirundines vocant domesticas, quibus mēto subest sanguinis macula.

— Testa petunt, nec adhuc de pectore cædis

Excessere notæ, signataque sanguine penna est.

Quæ nunc agrestes vocantur, testa pariter subeunt, tamque solenniter, ut sint scriptores, qui Terei de conjuge natas domibus excludant. In quorum numero Aldrovandus, & Jacobus ipse Kleinius, quem ut singulari diligentia & judicio scriptorem, honoris gratia haud aliam male avem nosse, in versibus meis dico.

(29) *Versu 340.* Hæc amnis est Westphalicus, ab Eginartha in vita Caroli magni commemoratus, prope Meppenam Amiseo confluens: in quo oppidulo cum puer apud Jesuitas, tunc ibi domum & scholam habentes, Latinas literas discerem, & de ripariis hirundinibus didici, quod de iis in versibus meis ut verissimum retuli, quodque nihilo minus non modo a maximi nominis scriptoribus, in dubium trahi, sed ut rem incredibilem negari, dolens video.

(30)

(30) *Versu* 342. Petrus Daniel Huetius Episcopus Abrincensis, postquam de hirundinibus Gothicis (Sueciam enim adierat) idem quod Olaus scripserat, de iisdem patriæ suæ avibus ita loquitur in commentario, quem de vita sua scripsit. „Nec non in nostra Neustria observatum est, intra concavas rupes, quæ Olenæ fluvii ripis adjacent, Cadomum inter & mare; hirundines immuni numero in uvæ modum collectas, & conglobatas pendere è summo fornice per totam hiemem.” Vide librum ejus operis II. pagina 98. Utque poetis fidem denegare omnes Gallos non putes, confirmat observata sua Pedonis Poetæ veteris Versiculo.

Conglaciuntur aquæ, scopulis se condit hirundo.

(31) *Versu* 348. Hirundines apodes, quas ob acutam vocem, quiritantes (Gierzwaluwen) dicimus, circa ultimos Augusti mensis dies turribus & templis nostris tanquam ablata videntur. Cumque domesticæ & agrestes ob mitiores auras differunt cælo decedere, ab attentissimis templorum & turrium accolis audio, apodes raro aut nunquam ultra diem suam in cælo videri.

32) *Versu* 363. Æmilius Macer, Augustæi sæculi poeta, de Avium cognitione ad exemplum scripsit Nicandri: qui eandam materiam apud Græcos, tantaque felicitate tractaverat, ut in Georgicis illum Virgilius, sicut Homerum in Æneïde secutus sit. Et Macrum id felicissime fecisse testatur Quintilianus: quantaque historiæ naturalis amatoribus in perditâ ipsius Ornithogonia jactura facta sit, ex Ovidio, sed potissimum videtur ex Plinio, & in Avibus, & in pleraque materia Macrum allegante.

Neque enim de Avibus tantum, sed & de Serpentibus venenosis, deque Herbis juvantibus scripserat. Quæ vero de Avibus, carminibus videtur Hexametris scripsisse. Unica saltem, quæ de ipsius ornithogonia per injuriâ temporis reliqua habemus, duo sunt quantivis pretii Hexametra, ab Isidoro Hispalensi & a Servio, sed varia lectione nobis conservata, sic vero, ut sequuntur, legenda:

Cycnus in auspiciis semper lætissimus ales.

Hunc optant nautæ, quia se non mergit in undis.

A N S E R.

V atibus est odio clangore molestior anser, (1)
 Carmine, digna tamen, quæ celebretur, avis.
 Vel quia dat pennas, veterum quæ carmina vatum (2)
 Pelliceis fervant intemerata libris.
 Vel quia, defendens vigili Capitolia voce,
 A Jove servato nobile nomen habet.
 Vel quia condiscit, quæ vix discenda volucris,
 Ore molam visus, vertere & ore veru.
 Vel quia præcipuo dominum compensat amore,
 10 Gratus & ante omnes Anser habetur aves.
 Et quoque villarum custodia dicitur ales,
 Unicus exiguam Baucidis ante casam.
 Si de gente fera villaticus Anser habendus,
 Inde vides, veteri quam cicur arte fuit.
 Et quod apud gentes tam prisco tempore visum,
 Arguit hunc domino præmia ferre suo.
 Chortis aves omnes per præstita vinceret Anser
 Commoda, si tam agris omnibus aptus erat.

- Non bene enim ficcis nec agris habeatur in altis,
20 Per cautes liquida quàm meat amnis aqua.
Amnis & herbifero sunt stagna ubi plurima fundo,
Inque paludosis gratitet Anser aquis.
Talis & est patriæ cum plurima villa per oras,
Talis villa tamen quam grege sæpe caret!
Cauda virens faciat, spatietur ut omnibus agris,
Qui strepero Pavus non nimis ore placet.
Atque ibi cum pullis non candidus ambulet Anser,
Qui, quo displiceat, te tamen ore juvet?
Nam juvat, utque sono (mox posse placere videbis)
30 Per sua te pennis brachia ditat avis.
Cernis &, ut bifero plumosa in corpore messis
Crescit, Hiperboreo messis amica thoro!
Pascitur exiguo per humentia gramina sumptu,
Et tamen immensum quot bona corpus habet!
Aspice, brumali quam corpora cara macello!
Missa peregrinis nec leve munus erunt.
Et farto pomis, & latis ignibus affo
Anser, quid melius mensa Novembris habet?

Lacte

Lacte iecur volucris distentum, ut spongia crescit,
40 Et sapit, & regum fercula prima decet. (3)
Sæpius hinc Romam Morinorum venit ab oris,
Et pede tam longum grex peragebat iter. (4)
Tardior ante alias procedere iussa volucris,
Agmine propelli visa sequente fuit.
Quique Italis placuit tam Belgicus Anser, ut esca,
Carus erat plumis non minus ille suis. (5)
Ganza vocabatur, quo nunc quoque nomine Belgis
Dicitur, & populis Teutonis ora tuis.
Cognita res cunctis, & multo semper in usu,
50 Nomen apud cunctos tempus in omne tenet.
Rarior Europæ reliquis in partibus Anser,
Omnibus amisit nomina prisca locis.
Alitis & nomen Germania forte Latinis
Præstitit: Helveticum Ganfer & Anser idem.
Quodque ibi nomen avi est, servatur ab ansere multo:
Ut fera quæ sedes & cicur ales habet.
Utraque gens eadem: sed tempore plenior esca
Majores cicures, vitæque pigra facit.

- Utque ferus pisces, pisces amat altilis Anser,
60 Haud oblitus, avis quam cibus almus erant.
Piscinis igitur procul est, & habendus ab horto:
Omne tuum perdet per breve tempus olus.
Sed bona compensant vitabile plurima damnum.
Anser non careas, villula cui dat aquas.
Nam licet a furtis nihil & latrone timebis,
Pone fores, opus est, janitor ut sit agro.
Vultus ubi non visus adest, clamabitur absens
Villicus, haud frustra clangere doctus avem.
Omne quod insolitum tam sentit, ut illius ipfas
70 Nuntiet examen fundere clangor apes.
Chortis & est custos, præsente cui Anser vanas
Mustella infidias accipiterque parant.
Si non ipse juvat, monet, & sua pignora circum
Compellit matres, voceque subdit opem.
Cingit & ipse ferè pullos plaudentibus alis,
Præcipue pullis si qua pericla suis.
Sed quamcunque juvet pascendus, inutilis esset,
Sis nisi curator doctus & aptus haræ.

Cura

Cura gregem semper circumstet plurima, ab ovis

80 Incipiens, vetulas quæque sequatur aves.

: Ne tennes pigeat per carmina discere curas,

Si tenuis cura est, unde parantur opes.

Pars avis est rerum, quas patria gentibus offert, (6)

Nomen & unde, procul vix bene nota, facit.

Quisque aliquid præstet, sua terra celebrior ut sit.

Scripta damus, pennas & dare scriptor amat.

Contemptoque lucro tantum ut tua gaudia spectes,

Obletetur vacuum sæpius ales herum.

Notitiasque facit res, exiguißima quamvis,

90 De quibus ad magnas surgere mente potes.

Nulla per hibernum tempus peragetur in agro,

Quæ lux Anseribus non bene tota datur.

Propria subicies & pauca cubantibus ova;

Quæ nunquam partu dent tibi plura novem.

Semper enim pariet, dum subtrahis ova parenti.

Rectius hinc nidis illa relinque suis.

Non numerum excedet justum, sua viscera frangens.

Quæque juvenca parit, vix tria sæpe dabit.

Vespe-

Vespere tentanda est semper parientibus alvus.
100 Nec prius, ac peperit, plena relinquat haram.
Quæque suum dederit numerum, non exeat ales;
Assuescat nidis ut magis inde suis.
Si locus aptus haris est pluribus, una cubanti
Cuique datur, vili quam struis ære, domus.
Flumine prætexta silvarum in margine, quæque
Prata vident, aptæ constituuntur haræ.
Sed tot haras loca quando negant, fatis unica saltem
Ampla sit, & nidos separet illa suos.
Nidus enim invidiam timeat de matre propinqua,
110 Quæ tempus nimium dulce cubantis habet.
Quà finit ergo locus, nidos sejungite, quæque
Non finit, invidiam non male vela cavent.
Sic velare tamen, nidosque locare necesse est,
Ne pede per tenebras obterat ova parens.
Tricenos plerumque dies avis incubat ovis,
Vere novo incipiens, aut genitura perit.
In tantum violavit avem cicuratio, vivax
Crescat ut in morbis, vixque senescat avis. (7)

Cum-

- Cumque nives ferus inter eat glaciemque boræam
120 Pullus; in hoc ullum non ferat orbe malum.
Læsa malo quocunque perit, seu plumbeus ær,
Seu cibus aut noxam det leve frigus avi.
Optima quæque parens avis est provectior annis,
Quæque bene eduxit jam genus ante suum.
Illa, ubi selectu quærenda, bene ambulat, estque
Tarda minus reliquis, nec violata tacet.
Estque cubans ovis tam dedita, non fit ut agri,
Nec prope fit potus aut studiosa cibi.
Villicus interea matris non immemor, omni
130 Sole dat & panem, quamque requirit aquam.
Ad quartumque diem miseram deducit in agros,
Tempore quo nidum culcitra calda tegit.
Jamque ubi lux abiit vicesima pene cubanti,
Molliter & tepidis ova lavantur aquis.
Pullus, & inspicies, num se commorât in ovis;
Quo minus haud cochleam ruperit ille suam.
Lotioque ovorum repetitaque tersio præstat,
Exitus infirmæ mollior ut sit avi.

Ova cubaturis, sunt, qui vel & ante lavarunt.
140. Successumque habuit res repetita suum.
Progenitis, pullisque novam spectantibus auram,
Prima dies prohibet, quæque secuta, cibum.
Tertia lux tenuem dabit, & siquando negarit,
Non nocet. Hinc mixtum farre juvabit olus.
Nata recens cum matre cohors non exit in auras:
Ad decimumque diem contineatur hara.
Emissisque foras non humida convenit eos,
Humida, nec frigens, aut sine sole dies.
Convenit urticis neque sentibus area mordens:
150 Ut quæ mox tenero est exitiosa gregi.
Nil minus emissis, & haram fervantibus absit,
Quam quæ continuo pene bibatur aqua.
Far ubi per mensem tritasque objeceris herbas,
Hordea tum pullis granaque pauca dato.
Mox stomacho firmis & avenam & quælibet offer,
Cum grege spicilega dum spatientur agris.
Pinguior autumnus, quo quisque est junior anser.
Sex vincat libras pondere bisque decem.

Talis

Talis & hic quatuor florenis venditur ales.

160 Unde vides lucro quam sit alenda tuo.

Pascitur utiliter vel ad ultima fercla Decembris:

Tempore quo venerem fœmina sentit avis.

Primaque post idus Jani nostratibus ova,

Et primo pullis ultima Marte dabit.

Vili opus est esca victuris tempore brumæ,

Area quos paleis nutriat una suis.

Addere confectas rapas, & agrestia poma,

Et tua rejecit si qua culina potes.

Et reperit per agrum, per aquas, silvasque, repertum

170 Quod juvat, & cupidæ sit cibus almus avi.

Sed cum bruma diem nebula contristat olenti; (8)

Omnis turba sua contineatur hara.

Discitur exemplis, volucrem hinc ut peste perire,

Contra, quæ plumas ventilat aura, juvat.

Non sit avarus, avem qui pascere gaudet, amator,

Nec gregis ille mares nec cito macet anus.

Vivere ad extremum plures permittimus ævum.

Compensant multo pabula sumpta bono.

De-

Delectant dominum, lateri prope cujus inhærent
180 Ut canis; & comitem non grave lassat iter. (9)

*M*His senior tutela gregis, per & invia dux est.

Et sua plus curat pignora mater anus.

Quærit uterque cibos, qua non avis altera speret,

Quaque alii pereunt, sospes uterque fuit.

Sæpius & vetulis, quam vellas corpora pullis,

Vulsaque restituit ter tibi pluma cibum.

Deinde diu qui servat aves, doceatur ab illis

Ætatem, & mores, & mala, quæque juvant.

Anser avis vivax, hominumque superfuit ævo:

190 Testatur certa quod tibi fama fide.

Bis sex Alberto sua cognita vixerat ales

Lustra, bis octo aliis cognita vixit agris.

Cujus agris quæris? Bavarus quos Isara lambit.

Ipsa mihi ostensa est, tacta manuque fuit.

Est avis Insubriæ longè vivacior oris.

Suntque libris testes Alderovande tuis. (10)

Hinc si tricenos infra tibi deperit annos,

Casus avi infelix aut tua cura fuit.

Sitne

Sitne domi natus, ferus an vivacior anser,

200 Qui rogat, interius noscere poscat avem.

Nulla magis volucrum pituitæ obnoxia, longam

Quod facit ad vitam, sed quoque sæpe necat.

Mitigat humores, pituitaque reddit inertes.

Rectè igitur notis utile quid sit, habes.

Sufficit auxilium natura volatibus actæ,

Damnaque, segnities cui nocet, addit avi.

Aspice, smegmaticus cicuri cinis usque paretur,

Quo sine sæpe perit pullus & ipsa parens.

Nil servat, recreatque feros, qui semper ad Arctum

210 Indeque, bis fessi, corpora tarda vehunt:

Quique nives inter sua corpora pascere jussi,

Dant sibi perrarum difficilemque cibum;

Dant simul & soboli, quæ duriter, altaque parcè,

Mox longum teneris viribus audet iter.

Vix finem sextilis habet, super aëra surgunt,

Nosque idus circa mense sequente vident. (11)

Non solos juvenes, solamque venire senectam,

Utraque nos ætas de grege capta docet.

Tamque senex capitur, centum offeus anser ab annis,
220 Ut cibus impasto vix queat esse cani.

Sunt nervi pectus, caro nulla per omne videtur:

Hirtaque longævo tergore pluma riget.

Vultus & ætatis sunt tristia lumina signum.

Moeror & iratus lumina moeror habet.

Fert sortem juvenis, data pabula sumit; haræque

Affuetus, cicures gaudet in arva sequi.

Sed senior commissus haræ, moerore fameque

Mox perit, & fociis terror & hostis adest.

Est enim, ut omne animal quod fert mala, mente feroci.

230 Ærumnam in cunctis vindicat ille suam.

Forte & avem tristemque facit tetricamque senectus.

Mens hilaris pulli, quod mala lenit, habet.

Voce pari lætatur hara, & cum prodit in auras:

Utque cicur, natitans, cum cicurique coit.

Deque ovis paribus pullos produxit, in agris

Haud procul a nostris, quosque Groninga regit.

Est in Cheruscis locus udus, & ad situs Albi,

Anser ubi innumeras pascitur inter haras. (12)

Cum-

Cumque sub autumnum numerus per aquatica magnus
240 Prata sonat, gregibus jungitur ille feris.

Tamque bene inter se diversis convenit illis,
Omnis hara ut cicures augeat inde greges.

Per breve tempus hara fervatur, & advena lautè
Pascitur. est, ala qui quoque mulctat avem.

Sufficit ad multos vel amor vel & esca tenendos:

Agmina nec curant, vere reversa, sequi.

Bis genus, ut Zinanne doces, ferus educat anser:

Datque, doces, partus singulus ova decem.

Sed duo eunt menses, det ut ova, excludat & anser,
250 Mater enim alterno non nisi sole parit.

Utque domi natam per cuncta imitatur, ad ovum

Lux quoque poscetur tertia sæpe novum.

Tardius & forsan gelida parit ales in aura,

Tardius & rumpi forsitan ova videt.

Utque juvet pullos, videatque volucris alis,

Bini iterum mensis tempora poscet avis.

Non video spatium, quod ad altera pignora restat:

Grandia quæ certè non nova cernet hiems.

Si tamen, imprimis credi ut Zinanne mereris,
260 Bis Appennino, bis & in Alpe parit:
Non facere hoc volucrum poterit pars maxima, partus
Cui vetet Arctoo frigus in axe novos.
Scilicet Arctois pars maxima provenit oris:
Densior incassum nec data pluma fuit.
Magno ad nos numero, lato numerosa sub axe,
Gens nec & una sono, parque colore venit.
Est neque pondus idem: species ego quinque notavi.
Omnis sed gelidis gens venit orta locis.
Sternit turba lacus, hiememque morata per omnem,
270 Colligere est, pretio quam sit habenda levi.
Cum volucris nostras adit, aut prætervolat oras,
Rustica gens humilis spectat an alta volet.
Et bona gens hiemem de lato pectoris offe
Prævidet, & signum certius esse negat.
Tota per ossa rubor longum fore frigus & acre:
Lene gelu & brevius candor in offe notat.
Quod nihil augurium est, negat omnis docta vetustas.
Aëris & vires ossa per ima meent.

Sed

Sed fallare licet, modo det convivia, prodest.

280 Annua Martini lætior inde dies.

Certius est certo, patriam repetente boræam

Anfere, non glacies, non revidetur hiems.

Aura levis zephiri quæ prima perambulat Arcton,

Sentitur volucris, fit via, clangor, eunt.

Littera longa avium summum per inane videtur,

Quæque viam, clangens, nocte dieque facit.

Sæpe fit, una gregem volucris quod in æthere linquat.

Pascua quæsitum fertur & ire lacus.

Sed gregis unde sui releget vestigia cælo?

290 An' prope conductis grex manet omnis aquis?

Scitne, sibi cognatus ubi grex hæreat alter?

Deferere hanc comites verius esse reor.

Pacifica est volucris, neque multo prædita sensu,

Saltem sub vitæ tempora prima suæ.

Junior & cum sit, non agmina cognita tantum,

Sed sequitur similes quos sibi cunque videt.

Non tamen & Brantis cælo aut Vulpanfere juncto

Gaudet. Congeneres provolat inter aves.

Agmina grex natitans admittit aquatica quævis,
300 Participesque sui gaudet habere cibi.
Lenis hiems servat volucres ad stagna lacusque,
Sævior ad nostro litora pulsa mari.
Litoraque ex pingui terra cum muniit agger,
Inde, vel æquoreo munere vivit avis.
Si tamen aggeribus junctum mare congelat, ut fit
Non semel; australes visere gaudet aquas.
Retibus ut vivæ, captantur & alite ferro,
Præda sed ex cæsa vilis habetur ave.
Scilicet arvinam sapit immittenda culinæ,
Et vix servitiis apta fit esca tuis.
Præstiterit vivas cepisse, & farre repastas
Post aliquot mensis apposuisse dies.
Quod memorans cogor dubium tibi triste fateri,
Tam vivax quod avis iussa perire facit.
Pescere jure animam poteris, cui longius ævum
Lætius & forsan quam tibi Parca dedit?
Pescis & hoc ob vile lucrum, quod ad unius horæ
Gaudia momentum sit leve, si qua facit.

Sub-

- Subdita quondam homini testans animalia, nostras
320 Laudavit vires ingeniumque Deus.
Sed rex concessis bene viribus usus, ut omnis
Subdita sit felix salvaque turba, facit.
Non a subjectis animam, nec ab hospite poscit,
Rex ut Cannibalum, quem ferus orbis alit.
Vis, age, si qua jubet, liceat te sanguine pasci.
Non jus hoc ludus, nec bene luxus habet.
Concessisset enim lex numinis æqua, ferocem
Quod faciendo, minus te finat esse bonum?
Averso quod quisque animo facit atque rebelli,
330 Una ferè vitii certa mihiq̃ue nota est.
Quis primum gaudens animam, quis sponte trucidat?
Infitum erat teneris mentibus, esse pium.
Sed mox, exemplis & consuetudine, fuso
Attonitos sensus sanguine nullus habet.
Mox quoque ridiculum est, quod, ut a bonitate pro-
Utilius nostris mentibus esset ali. (sectum,
Non miserante animo lanionem vidimus ullum.
Par agit in silvis turba Diana tuis.

Multum animo rapitur, quoties miseratio rapta est.

Juncta quod hæc variis dotibus una bonis.

Aut homines inter quod sanctum ducis, inane est,

Aut vetitum, bonitas quod vetat, esse puta.

Num tamen interea non sanguine vesceris, inquis?

Vescor, ut autosophi mens mihi prorsus abest.

Nolle parum docili consensu accredere turbæ,

Dat male nati animi difficilisque notam.

Et vis est, servos quod vivis & inter amicos.

Quos, plus quam miseras cogor amare feras.

Quà licet ergo, sequor placitum commune, meumque.

350 Lumina & abstineo cædibus usque manus.

Naturaque feras spectans sibi sæpe nocentes,

Pene tamen vetitis vescor ut inde cibus.

N O T Æ.

(1) Dictum est Palladii : Anserum lætamen fatis omnibus inimicum. Quantumque poetis displicuit, intelligitur ex epithetis ab iis anseri non benignè datis. Ea nimirum apud veteres talia. Clamosus, stridens, garrulus, raucus, & improbus. Sed sicuti præ omnibus ejus voci infestus est Virgilius, fati anseri placabilis invenitur Ovidius. Nunquam avem depreffit, nec semel etiam a voce vigili, præcipue tamen ob mores laudavit. Quibus ita videtur captus fuisse, ut Inachidi, cujus Ægypthiacæ Deæ festo die anser immolabatur, invidiam propterea hoc disticho fecerit.

Nec defensa juvant Capitolia, quo minus anser

Det latus in lances Inachi lauta tuas.

Cumque Dis hospitibus a Baucide & Philemone minimæ villæ custos immolandus esset, Deos scripsit parcere avi jussisse. Verum ne Virgilio credar vitio vertisse, quod anseri minus benignus existimetur, improbus, quo epitheto in Georgicis designatur, non significat, quod malis sit moribus : sed quod improba, id est, impensè natura ovet, clamet, voret & quodvis exsequatur.

(2) *Versu* 3 & 4. In Anseri meo jam ante XII. annos scripto & typis vulgato displicuit, anserinis me pennis adtribuissè conservationem poetarum veterum. Usus quidem pennarum ad eorum tempora referri non potest, sed superstites esse per codices pelliceos Anserinis pennis scriptos, non est quod dubites. Nam si ante Caroli Magni tempora earum pennarum ad scribendum usus invaluit, uti plusquam verosimile

fecit Hermannus Hugo, poeta, & antiquitatum scriptor scientissimus : si ab IX. sæculo pellicei codices, quot quot habemus, anserinis pennis scripti sunt, veterum scriptores plerique per eas servari videantur. Quid si vero ego, verosimile faciam, pennarum anserinarum usum multo antiquiorem videri debere. Satis notum mihi fuerat, quidquid de stylis, deque arundineis calamis operosè ostensum fuit. Hujus notitiæ plane expers censoribus meis videri non debuissim, qui Herculanenses non modo libros, sed & stylos & calamos, magno numero reperi-
tos, in loco vidi. Nihil pennarum ibi repertum. Itaque instrumentum scriptorium esse quod possent, Herculanensibus Titi cæsaris tempore incognitum fuerit. Sed militibus Romanis in omni Belgio tanto numero versantibus diu earum usus incognitus fuisse non potuit. Calami arundinei pennarum & forma crassitudine, sicut pennæ, secabantur, & sicut illæ in acumine findebantur. Titi cæsaris tempore Romani, ad jam prope centum annos in Belgio versati, quatenus usum, qui ex anseribus fieri posset, intellexerant, ex Plinio percipiatur. Plumis non modo ad thoralia, sed jecore & palmis pedum ad delicatissimos cibos, hodie ignotos urebantur. Tamque earum avium cupidissimi fuere, ut militum præfectis nihil sapius crimini esset, quam Anserum rapina, totis cohortibus ad hæc aucupia demissis, ut Plinii verbis utar. Quid ni igitur perspicacissimi illi prædones mature intellexerint usum ex alarum pennis, magis visibilem, quam quem ex palmis pedum jam Tiberii Cæsaris tempore invenere. Eaque ciborum delitiæ tam desiderabiles non erant, quam scriptura, omni propè militi, ne dicam præfectis necessaria : quos inter eruditissimi sæpe viri, primo saltem sæculo, fuere, uti memoria docet Germanici, Pedonis, Gatulici, Taciti & ipsius Plinii. Omnes illi, & quot non alii ! quorum nomina possem ostendere, non ad tempus breve, sed in Germania pluribus annis reipublicæ causa positi fuere. Eosne usum, qui ex anserinis pennis fieri posset, difficulter cre-

credis intellexisse? usum certe viderint eo citius, quod arundinei calami ad scribendum habiles ex ultima Ægyptho petebantur. Et si primoribus necessaria copia affuerit, in tot militibus, quotidie scribentibus, nonne egestas acuerit industriam? nec tamen usum pennarum Plinii tempore ostensum aut communem fuisse, velim ut credas. De iis aliquam dedisset notitiam, qui de arundineis calamis tam scripsit sollicitè. Sed intra quadringentos annos, perpetuo quibus incolatu Belgium omne & vicinam Germaniam tenuere Romani, inventum fuisse pennarum scriptoriarum usum, videor affirmare me posse. Certum est, Romanos scribendi scientiam Belgis ostendisse. Eadem hodie, qua istius ævi Belgæ, uimur lingua. Omniaque vocabula, quæ aliquem cultum, vitæque commodioris usum significant, ab Romanis linguæ nostræ constat addita fuisse, quod earum rerum anterior usus barbaris atavis nullus fuerat. Ex antiquissima lingua intelligimus, quantum victoribus nostris ex ipsa illa servitute debeamus, quam tam inviti subivimus, tamque sæpe intoleranter tulimus. Rudes omnium bonarum rerum, & ad feritatem usque inculti, qui longas noctes nostras nullo lumine illustravimus, sicuti ab iis lampades, cereos, candelabra, ab iis, accepimus, quid quid ultra ferream vitam hominibus fuit necessarium. Goroppius Becanus linguam nostram ut antiquissimam terrarum haberi debere ostenderet, immensa eruditione sua sortè abusus fuit: sed pereyerem & prædivitem esse, nullus sit, qui neget. Ei linguæ certe olim desuere, quæ ab Romanis addita sunt vocabula, sonusque & scriptura earum vocum Romanam originem unicuique indignant. Ex iis igitur vocabulis, quæ multa numero sunt, & sæpe me ad maiores nostros respicere iusserunt, ex iis, inquam, sicuti videmus a Romanis nos ad scholam & ad templa perductos fuisse, ex iis intelligimus nos scribere a Romanis & scribere pennis didicisse. Nam si ante eorum adventum aut scribere aut alio scivissemus scribere instrumento, lingua tam dives, tamque casta.

osten-

ostenderet ab ore Belgico natum vocabulum. Sed *scribere penna, papyrus*, uti Romanam in nostra lingua originem, sic nullum synonymum ostendunt. Verum est igitur, non tantum vero simile, nos a Romanis usum scribendi pennis accepisse, qui nos paulo post Honorii imperatoris saeculum deseruere. Et antiquissimus Virgilii codex, in Medicæa Bibliotheca superses, paullo post Honorii tempora scriptus, nonne penna scriptus videatur? certe stylo exaratus non fuit. Stylo debili ceræ, nunquam membranis inscriptum fuit. Neque calamo videri potest Ægyptiaco exaratus; cujus acumen rigens (nequaquam flexile) pertenuis illas exarabat literas, quas in codicibus Herculaneis vidi. & quæ in Virgiliano codice jam tenues, jam spissæ, veluti literæ a penna flexili exaratæ sunt. Consule codicem Florentiæ anno hujus saeculi XLI editum, in cujus præfatione Fogginus tres Virgilii versus are faberrime ad verum exemplar exscriptos dedit. Inuenies in tam paucis lineis literas omnes nunc graciles, nunc spissas, nunc spississimas, prout flexile acumen pennæ illas magis aut minus membranæ impressit. Ab arundine rigido, & si flecteretur, frangendo, ea literarum inæqualitas fieri non potuisset. Neque ferreo aut aereo stylo effectum putes, quod literæ codicis Medicæi membranam inediisse videntur. Atramenti virus hoc fecisse, in omnibus aliis Veterum pelliceis codicibus, res est ab antiquariis omnibus bonis intellecta. Stylus igitur & arundo si Virgiliani codicis iniquissimas literas non exaravit, quid restat, nisi anserinis pennis Romæ scriptas fuisse? & scriptas a Turcio Rufio Asterio Aproniano, qui una cum Præfidio Romæ consulatum gessit anno Christi CCCCXCIV.

(3) *Versu* 3. Jecur anseri exemptum lacte mulso augeri, legitur apud Plinium. Sed lac quodcunque, cum mulsum sit, antequam mer-
sum

sum in suo latice jecur extendat, aliqui Plinium scripsisse putant lacte recens musto. Sed istud recens magna additio, neque tepidum, an aliquamdiu mustum fuerit, videtur ad extensionem Iecoris multum fecisse. Plinium igitur scripsisse existimo: *lacte & musto augetur*, neque dubitarem, quin ea recta sit lectio, si primum lacte, tum musto inmersum jecur augetur. Anseres occiduntur, quo tempore mustum in vitiferis terris habetur. Verno autem tempore, quo mustum nos accipimus, anseres ad cibum inepti sunt. Debet igitur in aliis, quam in nostris locis probari divinatio mea.

(4) *Versu 42.* Morini, ex quorum regionibus anserum greges pedibus iter Romam usque confecere, & qui hominum extremi Plinio dicti sunt, non alii, quam qui nunc Flandri & nostri Zelandi sunt. Vidi Medioburgi in Valacria, quæ nunc insula, mappas Geographicas, sæculo duodecimo pictas, quæ Zelandiæ terram, non modo majorem longèque aliam, quam nunc est, sed Flandriæ continentem ostendebant. Quod terrarum abest hodie, marimersum fuit, quodque superest, tumulos sepulcrales, multaque alia Romanorum vestigia & reliquias ostendit, nec minus terram ostendit anseribus alendis aptissimam, persimilem nostrati, in qua tot anserum greges aluntur. Sed operæ pretium adicere Plinii verba, istud longum ex Morinis iter brevissimè describentia.
 „ Mirum in hoc alite a Morinis usque Romam pedibus venire: fessi
 „ proferuntur ad primos: itaque cæteri stipatione naturali propellunt eos.”

(5) *Versu*

(5) *Versu* 46. Quam carus Romæ anser ob plumas fuit, docet iterum Plinius „alterum, dicens, vestigal in plumis (scripserat enim „ prius de earum in cibis utilitate) mollior quæ corpori quam proxima, „ & è Germania laudatissima. Eoque delitiæ processere, ut sine hoc „ instrumento durare jam ne virorum quidem cervices possint.” Male hunc locum intellexit Belonius, avium scriptor Gallus: inde cervicalia ostendens tantum Romanis plumea, non culcitra & plumeos thoros cognitos fuisse. Sed si præter Plinium, Veteres scriptores, præcipue legisset poetas, vidisset non modo plumeos thoros, sed & plumeas vestes in usu fuisse, quæ neque nunc, neque Francisci regis sæculo Gallis cognitæ sunt. Sicuti vero Gallis plumeithori cognitissimi sunt, cervicalibus tamen ex lana bene pexa ad salubritatem utuntur. Quod & Romanis ob eandem causam placuisse ante Plinium existimes. Sui vero temporis viros exagitabat, molliem salubritati præferentes.

(6) *Versu* 83. Pennarum & plumarum anserinarum exportatio ultra centum mille florenos provinciæ nostræ importat, uti a dignis fide accipio. Urbisque nostræ mercator, qui pennas tantum Britannis communicat, ad coëmendas eas X mille florenis utitur. Quod vero in pentametro de merce patriam celebrante diximus, non est ita ridiculum, quam leviter rem intuentibus visum fuit. Addit urbibus celebritas, quod unicuique nobilitas.

(7) *Versu* 118. Licet proverbium sit, consuetudinem alteram naturam fieri. Cicuratio Anserum ter mille annis vetustior, nihil aves ju-
vare

vare videtur, ut ideo ad annos ipsis a natura constitutos perveniant. Et quin nostra a prisca hominum longævitate degeneratio easdem causas habeat, nullus dubito.

(8) *Versu* 171. Andreas Engel in Annalibus Marchicis pagina 395, anseres, prope Brandenburgum ad Spream, ex olenti nebula testatur omnes periisse. Nihilque magis iis noxium esse scribit Joannes Colerus, qui multa egregia de anserum cura habet in istis rusticis libris, quos superius laudavi. Cumque pituitosum animal sit anser, nebulam gravem huic nocentissimam esse debere, res est ex facili credenda.

(9) *Versu* 180. Procurator coenobii Benedictini, quod ad XII leucas Oeniponte diffusum in Bavaria vidi, indicavit mihi inter anseres suos aliquem ita ipsius amantem, ut in longissimis ambulationibus, quos tantum non quotidie faciebat, comes nunquam deficeret, saepeque voce & extenso collo ostenderet, quantum societate domini sui gauderet. Plinioque teste, potest & anseribus „sapientia videri intellectus „esse; ita comes perpetuo adhæsisse Lacydi Philosopho dicitur nusquam ab eo non in publico, non in balneis, non nocte, non interdum digressus. Argisque dilecta forma pueri, nomine Oleni, celebris anser fuit.”

(10) *Versu* 196. Testes isti apud Aldrovandum sunt celebrati nomi-

minis viri, Cardanus scilicet & Gulielmus Gratarolus. Cardanus diu avium nullis longævitatē adjudicaverat. Sed cum anserem silvestrem, tribus perpetuis diebus excoctum, non potuisse emolli, canibusque objectum mansisse intactum vidisset, se mutasse sententiā scripsit. Neque mutatæ sententiæ rationem levem habuit Aldrovandus, avi longævitatē nequaquam denegans, sed Gratarolo, qui anseris vitam ad ducentessimū annum porrexerat, neque juranti scribit se crediturum esse; incredulitatē illam nulla fulciens causa, quam tamen me vidisse existimo ex multa operum ejus lectione. Gratarolus, medicus Bergomas ad Lutheranos defecerat, quod Aldrovandus hoc tempore vivens Gratarolo, condonasset. Sed popularium suorum, præcipuè magnatum opinionī, & tempori inserviens, contreranei, hominis transfugæ, fidem elevando, prudentiam esse duxerit. Eo enim ingenio fuisse, non ex illo solo loco ostendi posset. Gratarolum vero ut noris, ob scientiam & scripta maximi apud Thuanum æstimatur. Ejus scripta nunquam ad meam, neque in publicam urbis bibliothecam pervenire: inter quæ notabilis argumenti videbuntur ista: de memoria reparanda, augenda, servandaque. De prædictione morum, & hominis naturæ ex inspectione partium corporis. De regimine iter facientium, nave curru, equitum & peditum. Multa præter hæc alia ab ipso scripta enumerantur, sed nulla titulo ornithologico. Neque Aldrovandus adnotavit, quæ inductus ratione anseribus ducentos annos vitæ adtribuerit. Sed ejus temporis vitam avibus aliquot denegari non posse, posterior docuit experientia. In fossis Delphos, urbem Batavam cingentibus, cygnus ad ducentessimū annum pervenit. Intraque quod jam præterit decennium Legatus Batavus e Suecia ad Haganos Patres scripsit, Aquilam ibi tum captam fuisse, quæ inter aves venatrices fuerat Frederici Henrici Arausiæ Principis, quem anno constat quadragesimo octavo prioris sæculi vivere desuisse, nomen veteris domini in tessera avis pedibus

annexa inventum fuisse. Adde annos huic aquilæ, quos apud Fredericum transegerat, quosque habere potuit, in ejus potestate deveniens; ad cygni Delphensis ætatem quod accefferit, videbis. Anferque quominus aquila aut cyeno minus vivax habeatur, me iudice nihil sit, quod obstat.

(11) *Versu* 216. Anferes boreales in nostris terris sæpius post, quam ante Idus Septembris videntur. Anno octuagesimo tertio ad dies octo ante eas idus mihi & omnibus visi sunt; hiemsque, quod notes, durissima illa secuta est. Autumno autem præcedentis anni circa initium Octobris primi advenæ sunt visi: hiemsque jam vergens satis mihi, per omne finem tempus anferes in nostris lacubus habuit, sic ut die Januarii vicesimo, greges literali agmine per cælum hue illuc volitantes visi & nocte auditi sint, quod media hieme raro observatum. Autumnales advenæ per tres septimanas cælum nostrum pervolitantes videntur. Quod si autem solito serius veniunt, intra duas tantum transfugæ observantur. Tempore Belonii isti advenæ non violabantur a Gallis, quoniam cicures & ad dominum pertinere habebantur, quod ignorantiam & simplicitatem populi, sed amabili probitate conjunctam; ostendit.

(12) *Versu* 238. Ista terra (in Cheruscis posita) quæ altiles greges feris advenis auget, Joanni Colero libro XIII, Hamburgum inter & Luneburgum sita esse dicitur, & Marsatica vocari. Quo nomine veteres Germani pascuam & paludosam terram designabant. Sic Marsatos Tacitus in Vestphalia, & in aliis Germaniæ terris alii scriptores alios Marsatos invenere.

Hiscæ super Anferæ a me, jamque per typographum descriptis, allatus est Anser a Guenaldo recens descriptus: virumque facundissimum vidi eadem

dem de ejus pridem cognita utilitate, facili & vili nutritione, eadem de indole & ejus moribus, deque memori erga hominem gratitudine, quæ & a me adducta sunt, referre. Vindicat etiam cibus destinatum Anserem a tortura, barbaramque & homine morato dicit indignam, illicitam igitur & detestabilem. Adstruit vero, quod ego adstruere non auderem, antiquam ejus cum homine familiaritatem minus, quam Gallinacei generis, antiquam esse. Idque adstruere videtur, quod minus feram Anseres naturam, quam Galli & Gallinæ, amiserit; quodque verno & æstivo tantum partu, ut cæteræ aves, non perenni & prope continuo, ut Gallinæ, commodis nostris infervire docti sunt. Sed perennem eam fecunditatem nonquid naturæ suæ debent Gallinæ? Sunt in aliquibus Indiæ locis & aliæ continuo parientes aviculæ, sunt & in America; quod ab educatione & cibus, tepidisque nostris hibernaculis non habere videantur Gallinæ. Anseremque videtur nimis deprimere, cum ad cynum, veluti asinum esse ad equum declarans. Nihil habet asinus de Anseris bonitate, nihil de ejus viva & memori erga hominem amicitia. Intelligentiaque, & relata ad usus nostros utilitate longè cynum superat. Nec tantum cyno deformior mihi videtur, quantum asinus equo. Quod vero Guenaldus nequaquam mihi & nostratibus universis persuaserit, feros Anseres, a boræis regionibus ad stagna nostra per hiemem transfugas, ad interiorem dicit Africam, Bonæque Spei promontorium pervenire. Negant id singuli nostratium, qui in ista nostra colonia, inque terris ejus interioribus ævum propemodum exegere. Neque Anserem Ægyptiacum, quem Sanleci haud procul Parisiis dicit captum fuisse, ex Ægyptho credibile est provolasse, sed ex nostratibus aut Anglorum sepibus. Transferuntur enim & a Nilo & a Bonæ Spei promontorio ad nostrates sepes Anseres plurimi. Anatem Guinæam cum conjugè octoginta florenis emptam, alis male mulctatam, ex amici Batavi sepibus fugam hoc ipso vere vidi carpere, tamque alto euntem caelo, ut intra breve tempus non modo Sanlecum, sed & in ultimam Galliam pervenire posse mihi visa fuerit. Peregrinari aves nimium putat Guenaldus, transfugasque veras in nimis sæpe amota loca amandat.

RE-

R E G U L U S.

Regulus in nostris avis exiguiſſima terris, (1)
 Sive, per antiphrasin nomina regis habet,
 Sive joci cauſa minima eſt ita dicta volucris,
 Seu populis, regum queis grave nomen erat:
 Libertatis amans, infeſtaque terra tyrannis,
 Regis avi nomen Græcia prima dedit.
 Utque memor populus data nomina regis amaret,
 Quæ valet ad populum fabula ficta fuit.
 Inter aves regnum cum nempe vacaret, & æquum
 10 Jus genus alituum crederet eſſe ſuum;
 Altius ad Superos regnum promiſit eunti
 Jupiter: omnis aves ſpes fugit unde graves.
 Cumque ad certamen pauciſſima turba veniret,
 De minimis Trochilo ſpes ſuper una fuit.
 Pone aquilam erecta ſtetit inter gramina cauda,
 Parvaque res per ſe, teſtior inde fuit.
 Cumque miniſtra Jovis de terra exſurgeret, alas
 Expandens, latæ terga premebat avis.

Utque latens oculos, aquila sentitus ab ipsa
20 Non fuit, aërias dum fecat illa vias.
Cumque propinqua sitis summo æthere venerat astris,
Et reditum ad victas illa pararet aves;
Subsultu exiguo se Dīs ostendit, & armos
Vectoris Trochilus mox premit inde sui.
Jamque fatigatum sua terra receperat agmen;
Vita fatigatis pene superstes erat.
Spiritus armigeram Jovis haud defecerat omnis:
Sed Trochilum regis nomen habere videt.
Jupiter æquus erat; neque gens, quæ postera venit,
30 Detrahit merito nomen ab arte datum.
Plinius, & Latium Græcis scriptoribus omne
Assensit. Latias rex fuit inter aves. (2)
Omnibus & populis, quorum modo cognita lingua est,
Regulus Europæ dictus in orbe fuit. (cavit,
Quodque Europa vetus volucrem, ut modo nostra vo-
Per senis Alberti scripta légenda vides. (3)
Rex prope non fuerat de nomine certior ullus,
Quum cui illud veteri fabula jure dedit.

Et

Et tamen inventus, volucris qui nomen avitum
40 In neque cognatam tradere nifus avem
Parvula avis visa est, raris erratica filvis,
Inque quibus nata est, vix bene nota, locis.
Assimilem paris, quibus aurea vitta per alas,
Moribus aspectis congeneremque putes.
Sed quia parva avis est, striaque aurea vertice quicquam
Regis habet, dicta est regulus esse vetus.
Non venit in mentem, quod parva volucris Achivum
Dotibus ingenii nomina regis habet.
Ars Jovis armigeræ vires, & amabilis astus,
50 Non vicit, parum quæ stria vana decet.
Omnibus & terris accepto nomine, nota,
Non donata avis est, quæ vel ubique latet.
Cantat amabiliter Græcorum regulus, author
Quod Philomela tuus zinzizulare vocat.
Alter solivagus, neque dote celebris ab ulla,
Tam prorsus cantu, quam prope voce caret.
Tamque carens cantu, donatur nomine, cantu
Quod, velut ingenio, nostra tuetur avis.

Orchilus in numeris Cilicis vocitatur Arati:
60 Niligenis Trochili nomen in ore fuit.
Et quoque Trochloditen dialectus Ionica dixit.
Cætera sed regem Græcia fecit avem.
Linguaque post omnis nomen quod adoptat Achæum,
Ante oculos primum res quasi mira venit.
Sed latè Europam peragravit lingua Quiritum,
Et dederit populis nomen ubique suum.
Resque minus mira est, si fabula juncta popello,
Tamque prius notam nobilitavit avem.
Nota minus, populoque semel conspecta per ævum,
70 Nomine communi non celebranda foret.
Ex facili contra nomen commune recepit,
Quæ plus quam regno rex propè nota suo est.
In se oculos quoscunque trahit, totiesque revisa,
Non sine conspectu visa sequente fuit.
Moribus & propriis lingua dignoscitur omni,
Nomine avis quoties non manifesta suo est.
Parva avis ad Nilum Crocodili persiluit ora.
Dicta licet trochili nomine, nota fuit.

Nulla

Nulla minus velox stet in illo tuta periclo

80 Sola evasuram se fore speret avis.

Orchilus ante canit lucentes sole fenestras,

Caudam agitans, minimam quam leve corpus habet;

Sed, simul imber adest, sibi proxima fertur in antra.

Quisquis & hinc volucrem norit Arate tuam.

Illa sed aurato quæ virtice, cætera parus,

Ostendi populis rara nequibat avis.

Utque ideo nequit mansuro nomine dici:

Sic, quibus aspecta est, rex neque dicta fuit.

Civis ut obscurus de vestibus, est, ubi silvæ

90 Incola, de vestis dicta colore suæ est. (4)

Pluribus in terris vix nomine nota: mihique

Visa semel nostris, credita parus erat.

Nec merita est factis aut moribus, unde vel ipse

Qui regem fecit, pingat & ornet avem. (5)

Rex contra verus, morum monumenta suorum,

Gentibus, & tempus pene per omne, dedit.

Oppida sæpe quidem volucris, populosaque visit.

Frigore præcipuè si qua fugatur agris:

Sed semel hanc populis urbs confertissima Roma,
100 Fataque portantem Roma videbat avem. (6)
Laureolam ore premens Pompeii fedit in æde,
Cæsare, Pompeii, qui superatus erat.
Dumque videt populus, quid ferret? projicit illud.
Ante pedes statuæ dux superate tuæ.
Postera lux docuit Superiorum numine missam,
Ultima nam Cæsar lux fuit illa tibi!
Exanimisque jaces statuam ante necatus eandem,
Rostris avis exiguæ cui data laurus erat.
Romaque, suspiciens Superos! ave dicta tyranno
110 Fata tyrannioli nomen habente videt.
Sed quod nomen habet, non præstitit impia causa.
Indole nulla minus nata nocente fuit.
Solam aquilam irritat, violentam nempe perosa est:
Non quia devictam pungere gaudet avem,
Frigoribus quoties aquilam, & genus omne rapinis
Intentum, villis advigilare videt, (7)
Nil nisi prædonem spectat, loculumque relinquit
Cum strepitu, volucrem si qua pericla premunt.
Tum

- Tum celer objectat se prædæ, altumque quiritanis,
120 In se prædonis provocat ora feri.
Tum pugnare putes, & milvum lædere rostro,
Tum rapidos unguēs inter & ora volat.
Sed simul in tuto est & acanthis, & omnis alaunda,
Se recipit cantans, condita moxque cavo est.
Pugna mihi decies conspecta, & sæpius, omni
Eventu trochilo semper inulta fuit.
Ales & est nostris populo carissimus oris,
Lædere quem pueri vel scelus esse putant.
Nec magis est prognè, tutoque ciconia nido.
130 Tutior & eycnus non parit urbis aquis.
Nec capitur caveis, nec tanta licentia mensæ est,
Ut regem verubus destinet ullus avem.
Quis ferat authores, celebresque senesque, referre,
Ut cibus hæc fiat, quove sit assa foco.
Sunt quoque, qui vivam depilavere, veruque
Induerant vivam, vertat ut ipsa veru.
Res odiosa mihi, tam nulla mente sacerdos, (8)
Tam fera qui populum per sua scripta docet.

Talibus ut possis vir sanæ ignoscere mentis,
140 In tempus tales desipuissè putes.
Non hac barbarie veteres sua scripta lutarunt.
Gratior his volitans, quam cibus ales erat.
Obvius in silvis per inertia tempora brumæ,
Regulus eruget vel senis ora sophi.
Quot folia invergit, movet ut pede præpete terram!
Inventoque cibo quos dat ab ore modos!
Ad festas veniens citharistria pulcra fenestras,
Grata minus, modulis quam venit ille suis.
Præter enim cantum, dat & auræ signa serenæ,
150 Nubilaque & duros signat abesse notos.
Quique rudes aures incantat voce perenni,
Suavius hiberno regulus ore canit.
Si qua dies hiemis mihi tempore transeat agro,
Projicit huic aliquas nostra culina dapes:
Viscera pisciculi, bene sectæ frustula carnis,
Exta avium, & quidquid conterat apta manus.
Inde fit, ut volucrum dulcissima gaudeat agro,
Compensans numero munera parva suo.

Quem

Quem tamen imminuit sævissima frigore bruma,

160 Heu mihi, quot dulces illa peremit aves! (9)

Frustra munificas se turba recepit in ædes,

Frustra ignes auxi, constituique focos.

Singula quæque dies volucrem monstravit adeptam,

Non semel & letho nox dedit una duas.

Par mihi vere tamen, par dulce superfuit unum,

Et sua quod muris addidit ova meis.

Perficus hos ramis umbrabat odorea vincis,

In quibus oblongum condidit umbra globum.

Factum opus inveni: sed captum vidit Aprilis

170 Idibus, arboribus cui data cura fuit.

Mensis abhinc spatium cum fugerat, omnia nondum,

Sæpe absens nido, fecerat ova parens.

Extremum Majo sua tempora finiit ovum.

Affixit nido Junius omnis avem.

Sic tamen: extremis ut mensis utramque diebus

Spektaret pullis pabula ferre suis.

Creditur hic paucis de nido fama secundo,

Quam dedit Albertus non levis author avi.

Bis

- Bis implet nidum rarissimus ales eundem. (10)
180 Regis & exiguo tempore non fit opus.
Noctis, ut, oblongum nidus formatus in orbem,
Ad latus angusto limine solis hiet.
Noctis, ut exterius mucosus, plumeus intus,
Pro modulo volucrum, sit spatiosa domus.
Pullorumque licet numerus quandoque repertus
Auctior, hos digito sensimus esse novem.
Corpora sed tetigi tenues ut habentia plumas,
Post horam pullis nidus inanis erat.
Lignorum dissecta strues, non absita muro,
190 Ad sua nutrices post cava vidit aves.
Fertur, & intactos sua tecta relinquere pullos
Ocius, ac salvos quos sua penna facit.
Perque fere terram nostris avis incubat oris,
Ut repetat nidos turba tenella suos.
Utque ferè semper, per frigora semper & imbres,
Fossarum ripis antra frequentat avis:
Fossarum ripis, quas ardua quercus obumbrat,
Multaque cum querna fronde rubeta tegunt:

Sic

Sic illis sua sæpe cavis cunabula ponit,
200 Quæ mira variis usibus arte struit.
Non sine vestibulo domus est, longoque canali
Jungitur interior qui capit ova thorax.
Vestibulum patet ore brevi, quod frondibus abdit,
Venatum muscas cum jubet ire fames.
Sic nostris nidi plerumque struuntur in oris,
Saltem ubi terra nigra est, & satis extat aquis.
Rarior aucupibus, muris affixus, habetur,
Subditus imbricibus tegminibusque casæ.
Rarior & situs est in sepibus, inque rubetis:
210 Rarior est nidus, quem cava malus habet.
Quas tamen ad nidum sedes sibi regulus optat
Exterus, ut scriptum fama per omne docet.
Ad fossam nidos amat indiga vermibus ales
Insectisque, quibus sic sita semper adest.
Adde, quod æstivis se mergere gaudet in undis,
Quodque magis sitiens nulla videtur avis.
Maximaque exstructi per subterranea nidi
Causa sit, hæc hiemis quod cava tempus amat.

Nus-

Nusquam avis immodicum peragat cum conjugē frigus

220 Tutius: ut quæ hiemat dissita sæpe casis.

Turbæque se juncto coit adjutura calore:

Albertus trochilo quod super unus habet. (11)

Regulus in tantum loca servat cognita cunis,

Ut corvum patriæ vincat amore suæ.

Transfuga nulla avium minus est. Latissima regna

Quæ tamen, ut meritis nomina regis, habet.

Omnibus Europæ, quod sciri sufficit, oris

Cernitur, exceptis Moenalis urfa tuis.

Cimbria spectat avem tamen, ut per frigus in auras

230 Non nisi post medii tempora solis eat.

Dicitur & Canadam venisse, simillima plumis, (12)

Quæque scolopacem tota colore refert.

Et maris & color est per corpora conjugis unus,

Vividior tantum pectora regis obit.

Mira fides in amore avibus plerisque videtur. (13)

Conjugis exemplum rex dat & ipse boni.

Nam duo cum capti fuerant per tempora brumæ,

Tota diu focios viderat ire domus.

Per-

- Pertenuis fiscella pedes aurata notavit,
240 Quintaue post junctas bruma notavit aves.
Terra ubi clausa diu nivibusque geluque, volucrem
Vermivoram quid alat, quærere cura tua est.
Corticis arborei conduntur hiatibus ova,
Omne tot insectis post venit unde genus.
Inde cibos per frigus habet. Minus indiga pungit
Sorborum & baccas oxyacantha tuas.
Pascitur & nivibus; nivibusque insecta quod insint,
Illa nives perarans, multaque prodit avis.
Plus frigus nocet acre fame; quod ut alite vitet
250 Callidius, regem sæpe caminus habet.
Plura relaturi super alite parva, timemus,
Ne putet hæc oculis fama minora suis.
Et levibus videor nimis otia perdere curis.
Quid faciam? suavit talia scripta quies.
Regulus est quidam nostræ notissimus urbis,
Umbram qui famæ pertimet usque suæ.
Quique putans satyris me nomen habere Curilli,
Nomine quo celebres Arcades inter eo,

Histo-

Historiam patriæ scribentem infamat, & aulæ
260 Læsurum dicit nomina clara virum.

Jamque susurrando me dixit & illa Curillum.

Probro esset tamquam nomen Honore datum.

Post tamen in culpam, si tangam publica, verti

Possit. Et hæc Patriæ, non mihi, scripta forent.

Sepositus labor est. Et aves describere cæpi.

Pica meum & corvus jam puto carmen amant.

Utque oculos cantata trahat, petit æthera summum,

Dulcius & solito cantat Alauda melos.

Sperat & hæc volucris melius tua Lector habere

270 Lumina, quam Patriæ regulus ille meæ.

NOTÆ.

(1) *Versu* 1. Qui minimi generis parum, pennis auricoloribus istaque fulva decorum, veterum existimant regulum esse, existimant & illum veterum vero regulo minorem. Sed & id, incertum mihi, si certum sit, regulum verum exiguißimum in nostris terris avium dicere liceret. Sicut enim nusquam hic nascitur regii nominis usurpator, adeo inter autumnales transfugas non compareret, ut nullis aut aucupibus aut avium amatoribus ostensus sit. Mihi vero uni, divinitus tanquam, non modo apparuit, sed & in manus venit. Hieme anni octuagesimi quarti sævissima illa, in publico suburbano nemore dum pransus exspatior, virgas visco a pueris oblitus, inque illis aviculam video, in museis Batavorum non semel a me spectatam; quam postquam cristatam reguli æmulam satis, fatisque diu videram; pedibus visco exsolutis, liberati & coelo a me reddita est.

(2) *Versu* 32. Aviculam, quam cum omni Europæ populo regulum habeo, Græciæ antiquæ populus universus non modo regem, sed regem ab eo denominavit tempore, quo per fabulas ei prima instillata fuit cognitio sapientiæ. Aquilam ante fortissimam, & dominam avium norat: sed ut disceret artem & consilium viribus esse potentiora, excogitata est fabula, quæ apud sensu plenissimam gentem eatenus valuit, ut aviculam late regem dixerit & senatorem, quæ supremæ potestatis nomina sola cognita fuerint antiquissimis Græciæ incolis. Non igitur, ut Guenaldus sibi persuasit, erravit Aristoteles, qui constituta pridem nomina aviculæ adscripsit. Nec illa tamen reticuit, quæ Cilix poeta Aratus, quæque Niliacus populus avi dederat. Sed regis, regisque cum aquila pugnantis

nomen (quod ad designandam avem non frustra Aristoteles addidit) vulgatus fuisse nomen, exinde conjicias, quod hoc in linguam Latinam, non orchilli nomen & trochili acceptum sit. Cumque nomine avis, fabulam Romanos accepisse, & meminisse, credibile est: quod illa excogitata a Græcis fabula omnibus percognita est populis, qui authoribus post Romanis aviculam denominavere. Authoribus dico Romanis, quia non alias omnes linguæ in ave pariter dicta consensissent. Ad quos enim Europæ populos pervenere Romani, pervenitque notitia linguæ Latinæ, invaluit regem dici aviculam. Et hoc certe nomen accipi a gentibus, & perennare apud eas non potuisset, si in aviculam cecidisset invisam, gentibusque perraris cognitam. Id unum si considerassent scriptores, qui Parum cristatum veteris Græciæ regulum fecere, id certe non fecissent. Id vero potuisse eos facere, qui mirabitur, mirabitur magis, omnes veteri regulo ab Aristotele & Plinio inditos mores, novo prorsus diverso regulo a recentioribus additos fuisse. Novus regulus avis est gregaria, folivaga est vetus. Patriam hæc & nidi confinia nunquam derelinquit. Altera transfuga est, cumque transfugis paris per autumnum in quibusdam terris videtur. Veterum Regulus cantat: cantuque tam destitutus est recentior, ut pene mutæ & vix auditæ vocis avis sit. Possèm antithesim extendere, nisi avem undique diversissimam esse, satis constaret, & ex sequentibus etiam videndum esset.

(3) Albertus Magnus, qui Sæculo XIII in Germania scripsit, multa de quadrupedibus, multa de Avibus tradidit haud quaquam spernenda. Quod quidem non ideo dico, quoniam veterum Regulum agnovit, sed quia recentiores ornithologos hunc non legere video, & tantum ex Gesneri eum aut Aldrovandi scriptis allegare. Ejus deinde agnitio alicujus momenti est propterea, quod & illam avem ita appellasse sæculo suo scribit Germanos. Et scripsit hoc Albertus in Bavaria, ubi auricolores pari
fre-

frequentiores sunt, quam ulla alia in terra. Vidit igitur necessario aviculam observator avium attentissimus, sed non, ut regem, aut regio nomine ex crista dignam judicaret. Ne quidem ut commemoratione dignam vidit: quod pari speciem esse crediderit, ut revera est. Satisque propterea habuit, de paris loquens, varios dicere paros esse, innumera varietate, omnes singulari coloris pulcritudine. De Regulo autem loquens Albertus longus est. Nihil tamen inter multa notabilius, quam quod ex Germanis regulum avem dicentibus videas, appellationem perveterem esse, & à Romanis necessario apud eos relictam. Nomenque perennat in hunc diem apud omnes Germaniæ populos, sicut & perennat apud nostrates, levī tamen inter Batavos & Frisios differentia, illis hiemis Regulam dicentibus, quem urticarum regulum Frisii dicimus. Eaque nostra appellatio, quod per omne oceanī Germanici litus & quidem Rostochium usque producit, apud Aldrovandum video: qui data avibus ab hœdleris linguis vocabula diligenter adnotavit: pari attentione nequaquam usus in comparandō veterum regulo cum illo, quem Gesnerum secutus regem fecit.

(4) *Versu* 90. Parulus silvaticus (sic enim vocatur a Suenkveldio in Aviario Silesiæ) nusquam nisi a colore plumarum per hodiernas linguas dictus fuit: nusquam rex aut Regulus. Male enim Guenaldo nuntiatum fuit, in Belgio Regulum dici. Nomen Belgicum, quod parulo tribuit, vero Regulo a Belgis datur. Neque apud Anglos regina, sed *Neinmurder* dicitur, uti Turnerus Anglus memoriæ testatum relinquit, primus post Albertum recentioris avi ornithologus. Gesnerus & Belonius scripsere post illum. Turnerus regem Aristotelis & Plinii regulum pro vero Regulo habet. Alterum scribit se nec in Anglia nec in Germania vidisse. Vixit enim multum temporis Colonia Agrippinæ, ubi igitur paruli non sunt, quos ornithologi recentiores frequentissimos di-

cunt esse in Germania. Sed video Germaniam illam Bojorum & Noricorum finibus contineri, nec se quidem ad Tigurinos extendere, ubi aviculam Gefnerus, quam regem fecit, perraris autumnis scribit videri. Turnerus, quem primum dixi recentioris ævi ornithologum fuisse, Coloniae anno M. D. XLIV commentarium suum edidit, de Avibus inscriptum, quarum apud Aristotelem & Plinium fit mentio.

Versu 94. Conradus Gefnerus, qui primus parulum silvestrem regio nomine donavit, quique in illam opinionem se venisse scribit ab Æliano persuasus & ab hominibus coætaneis, nostro ævo incognitis, detraxit aviculæ proprios mores, nempe quod turmatim volat, moresque veteris reguli regulo a se creato adscribit, nempe quod suaviter canit, cantuque soles hibernos & silentio imbres præsignat. Ovaque dat ei, ut veteri regulo, novem, cum qui ejus sententiam secuti sunt, ova tantum sex aut septem illam aviculam parere viderunt. Tam qui statim in descriptione reguli sui erravit, quod sequaces, & eruditos viros habuerit, mirarer, nisi, quam inconsiderate scribant polygraphi, & ille me & Aldrovandus docuissent. Aldrovandus Gefnerum secutus est, magisque, quam antesignanus ipsius, utrumque regulum confudit. Regulum verum scribit turmatim volare, qui magis ipso corvo solivagus est; statimque subjungit, eum adeo societatis impatientem esse, ut, quotiescunque congeneres offendit, conflictetur, quod verum est. Sed quid facies scriptori tam sibi in tribus exaratis lineis contradicenti? quamque parum regulum verum norat, & exinde videas, quod eum quidem cantare, sed tantum Majo mense scribit cantare, & tamen se a Belonio scribit accipere, eum etiam hieme cantasse. Atqui regulum verum noscentibus in comperto est, eum per hiemem & ficcum frigus cantare suavissime, tempore vero incubationis non audiri, quo
tem-

tempore ovis incubat cum conjuge, ut nempe ova numero multa junctione corporum exiguorum calefiant.

(6) *Versu* 100. Quod ex Suetonio, de Regulo Romam veniente, & in media urbe super Pompeii curia viso, in versibus meis exposui, exponit luce meridiana clarius, qualem avem veteres pro Regulo habuerint. Nominis ejus usurpator recens, id certe non fecisset, ut, qui mores silvaticæ avis cognitos habent, haud dubiè vident. Suetonius quidem Romæ visam aviculam Regaliolum vocat. Sed hoc nomen liquet Reguli synonymum esse. Venit enim per hiemem in urbes quam frequentissime, caminis Groningensibus illapsus non semel. Eratque diebus hiemis extremis Romæ, cum Cæsari fatidicus veniret.

(7) *Versu* 137. Quod de Regulo scripsi cum avibus rapacibus pugnante, sicuti intellexi, post primam scripsi opusculi editionem jam ante quatuordecim annos factam. Inter villæ meæ vicinos aucupem habeo, virum honesto animo & acri judicio, seque minus aucupio alentem, quam oblectantem. Habet ex agris pascuis, unde vitam commode ad annos perduxit jam senio gravescentes. Huic cum, de Regulo quod scripseram, interpretatus eram, omisisse me dixit pugnacitatem ejus, quam cum avibus rapacibus solennem non sine oblectamento ipsi centies hibernum tempus ostenderat: aspecturum me istas pugnas fore, si per hiemem ad villam veniens regulos interdum sequeretur. Neque temporis multum intercessit, quin pugnam illam observarim, semelque illam bis cum milvo tridui tempore pugnatam. Relegens propterea ornithologos, vidi mentionem ejus rei Aristotelem fecisse, solumque ex recentioribus Belonium retulisse, quod ab Aristotele acceperat. Adnotaverat & hoc Plinius, addens tamen, si credimus. Nemini non constat, Plinium nihil ex suis, omnia ex aliorum observationibus compilasse. Virum tamen

veri studiosissimum vel ex hac dubitatione vides. Belonius videtur hujus rei certior, & Aristotelem & observationes suas secutus esse. Neque ex illis est Belonius, qui Regulum verum non agnovere. Licet Aristoteles, paucis tantum verbis inimicitiam Reguli notabilem indicarit, ex illis doceamur tamen, quam vera & notabilia veteres posteris tradiderint.

(8) *Versu* 137. De regulo vero & falso cibus utili, nihil veteres, multa docent recentiores, sed unde quis tanto numero regulos veros habeat, ut viri docti rem tanquam utilem videantur docuisse? fatentur difficillime avem capi posse, capi multo numero posse, res est quæ fieri non potest. Est enim ex avibus maxime solivagis, & quarum decem paria non sint in villis maximis, & maxime silvestribus, & quæ decem paria decem peritissimi aucupes per integram hiemem capturi non sunt. Quid igitur nugivenduli docent scriptores? Et regulos vivos verum insigi debere, doctrina non tantum est barbari alicujus Massagetæ, sed quæ profecta ex sano capite negetur. Et tamen Magnus hanc doctrinam tradidit Albertus, per hoc sæculi sui testatus barbariem. Quoniam vero Albertus non tantum sacerdos, sed & Episcopus fuit, ornithologi, qui sacerdotes fuere, mansuetudinem duxre ecclesiasticam esse, doctrinam illam stolidam, feram, Massageticam non modo post illum commemorare, sed & commemorare, se experimentis suis didicisse verissimam esse. Veritatem illam videre Kircherus, Schottus, Rhacincius, omnes priore aut hoc nostro sæculo sacerdotes! Regulum vivum, deplumatum, sale obrui debere scripsit Aldrovandus, idque medicinam nescio cui malo conferre. Erat ille medicus, sed quem ab artis suæ exercitio sevocavit ornithologia. Ne vero frivola & stolidam non scriberet interdum, sevocare ornithologia non potuit.

(9) *Vers-*

(9) *Versu* 160. Sicuti hiems sævissima anni octuagesimi quarti Regulos, rubeculas, sturnos & hirundines notabiliter imminuit, sic & exiguas aves transfugas, turdos præcipue, autumnò insecuto perexiguo numero ostendit. Notatum vero a complurimis, luscinias, quas inter latentes habeo, æquo numero nec tardius vere insecuto cecinisse. Et hæc præterlapsa hiems ad idus Februarii satis mitis, indeque per has & alias Europæ partes intenso frigore & altis longisque nivibus sæva, quin avibus nocuerit, non dubitamus. Luscinia tamen, quæ recinere cœperunt, æquo non modo numero, sed & prius solito recinere. Et ad solitos dies redierunt hirundines, nec minore numero quam observatæ sunt anno priore.

(10) *Versu* 179. Bis quidem raræ, sed aliquæ aves bis nidum implent eundem, quæ operosius eum construunt, non vero Reguli. Augetque verisimilitudinem hæc experientia, eos partum non repetere, quem duplicem regulo dedit Albertus, raro alias falsis testibus usus.

(11) *Versu* 222. Albertus regulos scribit nidos superstites per sæviorem hiemem repetere, & aliquo etiam numero se in illis constipare. Avis est quidem regulus sociorum minime patiens, dum ipsi bene est, sed mutat naturam miseria. Quinque socios regulos in villæ meæ horreo vidi per frigus anni octuagesimi quarti, vidi & eodem tempore passerès ibi & duas fringillas. Omnes, credo, tepidior secessus allexerat. Videtur igitur mihi, fidem mereri Albertus. De cætero constipare se aves complurimas per sævius frigus, quæ alias per hiemem non latent, res est, quæ negari non potest. Eadem penultima hieme unus ex senatoribus nostræ urbis reticulo ceperat ad centum passerès, quos summis domus suæ tabulatis, per ea interdum spatari solitus, imposuerat, conspectu avium se recreaturus. Seque pastu & conspectu volantium aliquamdiu recreaverat,

sed cum per aliquot dies intensiore frigore in tabulatum non venisset, aves largiter licet passas, ad eas reversurus, non reperit. Persecutus igitur, an per aliqua tecti aut tabulati foramina essent elapsæ, invenit inter putridas trabes antrulum, in quod omnes, quot quot fuerant, se agmine facto constipaverant, sed durissimo frigore interfectas reperit. Quod vero Albertus de regulis per frigus in nidis se constipantibus memoriae prodidit, licet admodum notabile sit & ad notitiam avis faciens, unus scriptorum avium Jonstonus rememoravit.

(12) *Versu* 231. Notabile est admodum, Regulos per omnia nostratibus similes, reperiri in Canadensi regione, quæ Americae pars est septentrionalis. Charlevæus, jesuita Gallus, author satis omnibus a bona fide notus, id in sua Historia testatum reliquit. Unde, uti bene observat Guenaldus, Americam, per aliquem haud nimis frigidum terræ angulum, Europæ continentem aut esse aut fuisse existimes. Avis enim minime transfuga, frigidissimæ terræ impatiens, non nisi paulatim se in istam alias terram extendere potuisset.

(13) *Versu* 235. Nihil, postquam aves observare cœpi, verius inveni, quam quod de certis fidisque earum conjugis in Regulo meo dixi. Et sane ea fides talis est, ut stuporem videatur mereri. Neque picis tantum illa, corvis, perdicibus, cæterisque alitibus perpetuo per hiemem in eodem loco visis, sed & latentibus & transfugis constat. Adnotavi miraculum hoc in avibus a me descriptis. Notam tamen hanc extenderem, nisi unicuique hujus veri facilis esset experientia. Capiantur in nidis, quæcunque capi aves in nidis poterint. Nectatur pedibus, quodcunque sine incommodo earum necti pedibus in signum potest. Experiri volentibus jucundior erit sua, quam quæ ab aliena fide veniet, credulitas.

C O T U R N I X.

Ruris aves inter, caveis & in urbe celebres,
 Sit tua cara mihi matertera Phoebe coturnix: (1)
 Sit, quia muscivora est, segetesque & pascua purgat:
 Sit, quia voce placet, designans lucis & anni
 Tempora, designans pluvias, tempusque ferenum,
 Sit tamen inprimis, quia, quam fuit ante, volucris
 Notior esse potest, & det mihi carmine famam.

Nullaque sperari si gloria carmine possit,
 Scribere, quod juvit, mea præmia sola vocabo.
 10 Commoda voce fuit, caveis detenta volucris,
 Mane vocans lecto, juvenemque laboribus illis
 Assuescens, dulcem faciunt qui nunc quoque vitam.
 Quantaque ruricolis, ubi turba perambulat ædes,
 Gaudia quanta facit! corrugent ora puellæ,
 Corrugentque, soporiferum qui me dixere, sodales.
 Vita bonis uti docuit me rebus, ut illos,
 Non tamen aulæis opus, ut vestigia ponam,
 Sub tecto si ruris eam. Domus amplior agris,

Amplior inque ipsa luxus mihi verus in urbe est.

20 Quid vetat, ut prope sit conclavia munda, cubile
Solibus expositum; quod quales cunque receptet,
Et bene pascat aves. Stratumque, ubi verris, arena,
Nullius offendat, neque Frisonis ora puellæ.

Est bene, sitque diu, parili mihi sede coturnix
Plurima, quæ notis manibus sua granula sumens,
Clangit, & extremæ recreat mihi tempora brumæ.
Singula quæque suas habet & quia cantibus horas,
Tempora quæque notat sine gnomone iusta diei, (2)
Est quoque jucundum, sua tergora quamque scabentem
30 Cernere, & adstratis mergentem corpus arenis.
Hæc inter non cura subit, timor, ira, cupido
Nec fentis, quod bruma tuas ferit imbre fenestras.
Parrieti insertus domini conclavia fornax,
Illarumque suo calefactet ab igne, lacusque
Fagineo sit munda labro, neque desit & herba.
Cespes & herba virens, vernum renovata per annum,
Mirum est, ut cantum festinet! & ante quietos
Ad fera bella mares, illæta, diurnaue cogit.

Ex-

- Excipe prævalidos, & prælia semper amantes,
40 Clangorem in caveis repetant, quem propter aluntur.
Grana nigræ fegetis (Saracenam Gallia dicit,)
Alituum cibus est. Miscetur cannabe, segnem (3)
Ut cantum recrees. Vox est sua conjugibusque:
Nec gravis auriculis, nec displicitura propinquis.
Utque mares reticere vetat, stimulare putatur
Ad cantum omnigenas plus quam vox ulla volucres.
Altaque turba dabit tibi foemina rure, maritos
Ut quoque voce sua per agrum vel convocet ipsum.
Credereque haud facile est, quam vox tenuissima longè
50 Deque domo auditur! sub Aprilem ea turba minurit:
Subque idus mensis, nisi frigora fera, per agrum
Prima avis adveniens, circum & tua tecta sonabit.
Turba sed adveniens non intellecta per auras,
Nec cum hiemem fugeret, tibi venerit unde, requiris?
Qui Latii mecum peragrasset litora, mecum
Rudera vidisset, quæcunque Lavinia tellus,
Ardea, castrum Inui, vetus Antî ostendit & ora,
Non dubitaret aves remeare australibus agris.

Pene dies aderat, quæ tempora findit Aprilis,
60 Cum mihi mane novo spatianti in litore, latum
Per mare turba redux visa est, quam credere posses
Orbis aves omnes. Neque nostris Nestor in oris,
Vel si colligeret spectatas omne per ævum,
Tot se visurum credat fore. Litus, & alga,
Lataque defesso constrata erat alite tellus, (rum,
Prensaque nonnulla est manibus, comitumque meo-
Sed quæ macra mihi, fociisque est visa Britannis,
Utque cibus, visa est gustu nostratibus impar.

Sed quæ avis ex Libya (nam creditur inde venire)(4)
70 Agmine tam magno Latias revocatur ad oras,
Cur fugit hinc nunquam, nunquam redit ulla gregatim?
Nocte iter hoc faciens, gens advena vere fuisset,
Aut profuga ante hiemem populofo in litore visa,
Utque mare à nautis vigilacibus omne secatur,
Per mare, visa foret, fugeret licet una coturnix:
Turbaque magna volans peregrè bis omnibus annis,
Auribus atque oculis deprensa frequentius esset,
Quam mare Thyrrenum cum maxima Roma teneret.

Sed

Sed si perquiris venientes undique nautas,
80 Nullus avem autumno, neque nostras vere per undas
In velis vidit; qui vela per omnia fidens, (5)
Plinius ut perhibet, naves & aplustria merfit.
Nubem avium, qualem Fortuna mihi obtulit Antī,
Duceret ostentum, quod navita sponte referret;
Quodque videns, stupuit Bellonius; Æoniumque
Par docet examen bis pertransire quotannis.
Disparitas igitur sit nostras inter & illas
Magna coturnices; quam terræ partibus illis
Non faciat numerus: nostris volet æquus in oris.
90 Et quia plana sequens volucris fata læta frequentat,
Pascuaque; apparet, quod forte frequentior hic sit;
Quam, quacunque videt lapidosos surgere montes,
Saxaque dumetis aut densis obsita filvis.

Neve magis tepidos videatur amare recessus,
Consule Linnæum. Totam illa perambulat Arcton, (6)
Nec Ruffos metuit, nec & aspera rura Getarum;
Estque, ubi vix ullo glacies liquefiat ab anno.
Quanta per has terras a terræ partibus illis,

- Si frigus fugeret, turba iret & omnibus annis?
100 Sed tardam brevibus pennis, pinguedine tardam,
Abdita quæque fatis per & æstum defidet omnem,
Frigora cum veniunt, subitanea sæpe per Arcton,
Ne, tu illam credas gelidum per inane, per auras
Ventosas aut velle vias aut carpere posse.
Græca avis, & cursum regionibus audeat illis
Omnibus, unde gregem brevior fuga tradat in oras,
Quas nullum vel frigus habet, vel mite perurit.
Threjicias sic Nilus aves, sic forte Pelasgas
Cinyphus, aut Cercina videt: quæque Africa Thufcis
110 Objacet, exsulibus det diverforia Thufcis.
Venit & a Gallis, citra juga longa Cevennæ
Ad Rhodanum positis, Numidas aditura coturnix.
Illa moram tamen ales habet, Balearibus, inque
Corforum scopulis, Sardoaque litora propter,
Haud alias factura viam, visuraque Mauros.
Nam, modo flectit iter, caurisve relinquitur ales,
Decidere in fluctus & in obvia vela videtur. (7)
Harum igitur volucrum quicunque pericula cernis,
Qua-

Qualia nostrates, & ab axe Lycaonis ursæ
 120 Venturas maneant? superari posse negabis.
 Frigora cumque neges mansuras vincere posse
 Quid restat, nisi somnus aves ut fervet opertas?
 Grata parum est, video, magnis scriptoribus illa
 Tam multa ratione licet sententia nixa.
 Sed quidament nisi verum homines, tam cernere verum
 Non modo qui digni, sed & apti, jure videntur?
 Verum & ego cum fester, ab his, & ab omnibus oro,
 Nequis me famam meritis oppedere velle,
 Scribere neu quis aves, faciam ut miracula, credat,
 130 Detineamque animos paradoxis. Cognita prisca
 Pleraque me testor scripsisse, inventaque pauca :
 Inventumque novum non est, sopita coturnix.
 Res latuit veteres terris australibus ortos.
 Sed si de Græcis, volucres curantibus, unus
 Teutonicis, patriæque meæ vixisset in oris,
 Non nescisset avis latebras studiosa vetustas.
 Albertus, rerum bonus observator, ad Istrum (8)
 Qui vixit Bavarum, & Rheni quandoque per urbes,
 In-

- Invitis sæcli tenebris oculatus, & acer,
140 Vidit aves non posse suis discedere ab oris.
Vandalus &, nostro qui scripsit Kleinius ævo, (9)
Condidit in patria, patriæ regionis alumnas.
Sed quod utrique fidem detraxit, uterque negavit
Et procul Aufonias, procul & migrare Pelasgas.
Deprensusque error vestigia pone sequentum
Tam procul avertit, scrobis ut formidine, plures
In præceps lapsi: minus unde innubila veri
Lux fuit ante oculos, quam vulgo apparet inerti.
Sic bene naturas avium venator, & auceps,
150 Non bene vir spectat celeberrima scripta secutus:
Sicque coturnices discedere doctus, ut ingens
Ostendit signum, quod, quæ sopitur in agris (10)
Sub Jove, clausa domo volucris bene vixerat. Atqui
Non obftet, quod clausa domo bene pastaque frigus
Et somnum vincat. Volucris quota vincit utrumque,
Quæ jove sub gelido semestri obnoxia somno est?
Nec, quæ avis in cavea sub brumam, comparet ullus,
Et patitur nudis quæ pernox libera pratis.

Mille avibus, cavea vigilantibus atque canoris,
160 Mille feris sopor inde venit, sub tegmine clauso
Non dormituris: quarum si cognita nulla est,
En, populi ante oculos, fera fulva perambulat urbem,
Rictus vincta, gradusque pigros ululatus urgens,
Quæ ceriè Arctoïis, venit unde, quiesceret oris.
Ipsium hominem ad somnos perlestat frigus, & acri
Frigore perstricto sensus, dormire, necesse est.
Nec refert, somno quod non expergeris illo;
Somniferum frigus modo credis, frigus & omnem
Spissare in nervis, venisque fibrisque liquorem.
170 Scilicet inde sopor sequitur: quem forsitan auget,
Securumque facit præsumta animantibus esca, (11)
Aut anima exsurgens terris. Sed quisque refellat,
Pro sensu lubituque suo, quod opinio tantum est,
Dummodo visuris volucrem non esse, vel esse
In latebris, ratio quod jussit, accipiatur.
Non sit in his terris, nisi condita dormiat ales,
Quod, putò, monstravi; nam transfuga visa fuisset,
Visa fugax, aut visa redux: quod utrumque negabit,

Nostra coturnicum quæ gens habeatur amatrix.
180 Nam Saracena seges, seges ultima, quando secatur,
Sæpe sub extremis quod fit Septembribus horis,
Tempore tam pigra est, messoris ut arma propinqui
Non metuens, densas inter cædatur aristas
Plurima, quæ coenam vel et hoc mihi præbuit anno.
Quodque tibi messor, nostris testabitur oris.
Qui tardam venator avem vix pellit in auras,
Admorsamque refert canibus. Neque clangit, & illo
Tempore sponte sua nudos volat ulla per agros.
Per tamen & stipulas, per agrestia poma, per, orta
190 Plejade, quæ fruticant, & rapa moratur, ad idus
Octobris. Quæ fera dies mihi præbuit inter
Perdices illam, venantis ab alite ferro
Tum quoque percussam. Munusque insigne Dianæ
Quod faceret, comes ales erat, quæ dicta Pelasgis
Ortygometra, greges Danaum ducebat ab oris,
Rexque coturnicum Batavorum & ab ore vocatur. (12)
Sed gregibus procul, & diversum cæsa per agrum
Dux profugarum avium fuit illa: sapore coturnix,
Plu-

Plumisque & cauda, neque multum dispare rostro:
 200 Corpore sed major, pedibusque extantior altis.
 Utque coturnicum de stirpe per omnia differt,
 Quinque dat ova ferè, parili nec & illa colore:
 More coturnicum nec pulvere mergitur ullo,
 Nec stipulis nidum, segetemque ferentibus arvis,
 Sed semper pratis, & humentibus instruit herbis.
 Unde coturnices ubi duxerat ales euntes,
 Jungitur his, ut amans, ut virco passere multo,
 Ut merulus turdis, embryzaque gaudet alaudis,
 Brumaeque fringillis profugis ut acanthida jungit.

210 Sed quæ per nostros tam fera moratur agellos, (13)
 Serius & forsan, quam cum mihi cæsa coturnix,
 Omnibus haud abitum meditari posse videtur.
 Quaque sub autumnum fugit, oëusⁱ avolat ales.
 Deferit extremis Thraciam Sextilibus horis,
 Et Latium mensis sub tempora prima sequentis.
 Longior in Latio mora si perfringeret alas,
 Inque propinqua abitum Neptunia saxa vetaret, (14)
 Quid faceret medius nostris Oëtober in agris?

Quæris, ubi credam latituras posse manere?

220 Cinctus ager fossis, fossarum in margine dumos

Sæpe videt: densisque rubis intersita forbus,

Frangulaque & terram siccantes bætula, celsis,

Silva extensa locis, dant tecta latentibus apta.

Det quoque procera cava terra sub arbore sedem,

Detque caverna locum, magnis non unica filvis,

Quam vacuam vulpes cum conjuge cæsa reliquit.

Cuncta, sed ostendens peridonea strata latebris,

Non ego finire: quandoque ostendero cuncta,

Altera forte tamen sibi cognita quæreret ales.

230 Antraque vere prius, vox agnita quam sit in agris,

Solibus icta, fugit. Prius & quam clangere curet,

Aspecta teneros de conjuge sentiat ignes. (15)

Aprilis fini rarissima præcinit ales,

Præcinit interdum: facit & saracena ferantur

Ut prius, ac fulcis alias ea femina credas.

Nemo reversuras tam festinante pruinas

Voce timet: serumque gelu vox fera minatur.

Indicat & soles & nubila sæpe diei.

Sera canens, soles, Auroram quæque salutat,

240 Illatum sine sole diem præfagit & imbres.

Namque diem volucris cum non canat ulla per omnem,

Cumque per imbriferas male vocem everberet auras,

Cantibus antevenit, si quos præsenferit imbres.

Exspectans soles, ut cantibus atque calore

Uxori partus sit mollior, inchoat illo

Tempore contentus, quo tempore clangor & æstus

Se juvat & matrem, matremque levamine juncto.

Nidificat prati per gramina rara coturnix,

Quæ parit orbe meo. Cerealibus incubat herbis

250 Tutius, & ventos & defendentibus imbres,

Grande malum nidis, omnique æstate timendum

In terris, Hyades ubi possis credere natas.

Bis parit, & partus sedena dat ova parenti (16)

Singulus: à cantu quæ conjugis edere primo

Mater amat: numero sed sæpe minora videntur:

Pluraque Sedenis rarissimus invenit annus.

Quæ simul exclusit novus omnia Junius, omnis

Currit progenies, matremque patremque sequendo

Quærere discit opes, insecta volucra quæ sunt,
260 Et vermes, oculis vix nota animantia nostris.

Nascitur unicolor foboles, prope furva: colorque
In plures manet ille dies: nec deficit, ante

Corpora quam iustum prope pondus habentia cernis.

Quodque brevi spatio sibi consulat, altera proles

Visa docet: Cereris quam munera prima secando

Julius extremis ostendit sæpe diebus

Currentem, falcisque metu sua corpora culmis

Abdentem: culmosque pia si falce relinquis

Exiguos, fossis cincto manet omnis in agro

270 Progenies, domino crescentia corpora monstrans.

Clausaque reticulo caveis nisi clangere discat,

Post idus Auguste tuos sibi consulit ales,

Corporis ad plenum nondum tamen aucta vigorem.

Partus & involcris spectatur ferius agro. (17)

Primaque messâ seges pro pullis detegit ova:

Quæ prope semper avis culmis detecta relinquit.

Candidus his color est, viror ut subluceat albo,

Distinctus punctis; quæ dicere nigra volentes

Altera fusca vident, clarescunt altera pene.

280 Durior est cortex, quam tanti ponderis ovis

Esse solet: sint unde diu substrata parenti:

Ovaque vivacem dant tarde exclusa volucrem,

Clausula tamen caveis quod non docet: ante senectam

Sive perit muscis, carituraque vermibus ales, (18)

Sive nocet vegetum venus interdicta per ævum;

Copia sive cibi sit inertibus unica damno,

Plurima pars caveis tempus perit ante bilustre;

Cui spatium tamen una duos superaddidit annos,

Quattuor extremis tantum intermittere visa.

290 Sunt, quibus hæc avium de raris creditur, una (19)

Conjuge non usis, gallumque imitantibus: & quæ

Insuper haud multis genus augeat acre maritis.

Sed quicumque mihi nidus per retia captus,

Transiit in sepes, sexum ostendebat utramque,

Tamque pari numero, quam quem gallina, vel ales

Qualiscunque daret. Nec adultera debet haberi

Alite plus alia. Comes indivulsus amatae

Conjugis est conjux, contentus jugere parvo

Tempore nidorum. Materque paterque per arva
300 Progeniem sequitur, donec sibi consulat alis.

Dumque cubat mater, mas jugure gnavus eodem
Solatum ex cantu, vermesque aut femina præstat.

Labitur interea tempus, quod amoribus aptum,
Luxuriaret avi. Nec enim lasciviat orta

Plejade torpescens, aut frigore veris aquosi.

Sed sequitur moechas imitantia sibila, dicis, (20)

Perque æstum cupidas his vocibus arrigit aures.

Nonne igitur volucres misereri credis, & ægræ

Congeneris plangore trahi? Sonus aucupis illum

310 Plangorem simulet, quem non tua judicet auris.

Quid, si animæ melioris avi videatur amica

Conjugis auxilium poscens, videatur & uxor?

Certa fides in amore avibus quod constet & illis,

Ex nidis doceor, quos se contingere vidi.

Haud ita se ferret, bene ni sibi conscius ales,

Moribus ex propriis nuptam & censeret amicos.

Jamque coturnicem, volucresque relinquere nostras

Cogimur, & studiis forte omnem imponere finem,

Mar.

Marte quod urgemur, cives & in arma vocamur,
320 Patria quotquot habet, meque armat publicus ensis
Contra vicinos agitantia Cæsar's arma.

Vatum animæ fortes, Tyrtæi animæque minaces
Alcæi, memores, colui sacra vestra quod olim, (21)
Non finite, immemorem patriæ, me tangat ut agri
Vel studii quoque dulcis amor: facite, arma ferentem
Non fugiat vigor, & duodeno proxima lustro
Vita det, ut, quoniam canos Phæbeia capillos
Lauræa fera decet, contingat Martia vati.

N O T Æ.

(1) *Versu* 2. Coturnix matertera Apollinis a poetis dicta est ob Latonæ sororem Asterien, quæ in insula Delo regnans, sororem amatam a Jove, minasque Junonis fugientem recepit, ideoque in Coturnicem a Junone mutata est. Unde & Delos insula non modo Ortygiæ nomen, sed & fatum accepisse credita est, ut coturnicibus maxime in omne ævum frequentetur, quod incultæ insulæ in hunc usque diem per hiemem evenit. Æstate, ut cultu segetum, ita & a coturnicibus deserta est. Alterum vero vocis canoræ meritum, quod dixi carmine dignum videri, saltem a nostratibus avi non detrahetur: quibus in tantum propterea placet, ut vix domum, caveis non prætextam, videas. Et vox certe, quæ rudes agricolarum aures ex segete & pratis veniens oblectat, urbis vicos ex caveis audita exhilarat, vicos tamen præcipuè matutinis horis populo infrequentes. Non equidem recordor me avem in aliis terris ex caveis audivisse. Tacenteque de ejus vocis laude ornithologi plerique. Sæculo tamen decimo sexto exeunte alebantur ob vocem aves Bononiæ in caveis patriciorum, uti apud Aldrovandum legitur: sed qui, auribus natus valde morosis, vocem coturnicis, ut cuculi semper eadem repetentis, absonam & inconcinuam judicavit.

(2) *Versu* 28. Sicuti veteres primo secundo & tertio Galli cantu diversa noctis tempora metiebantur, sic & amatores coturnicum observant in caveis detentas non modo certis singulas horas clangores suos repetere, sed & æquis intervallis unumquamque clangere, quod ultimum horologio ante me posito verum esse non semel expertus fui.

(3) *Ver-*

(3) *Verſu 42.* Semina cannabis & Saracenæ fegetis, quam noſtra-tes ſagineam dicunt, coturnicibus captivis cibus quidem diurnus: ſed vermiculi & locuſtæ ſubjunguntur ab amatoribus. Interque vermicos maxime vermem amant in farina proveniente, & qui luſciniis quoque captivis ut cibus amiſſimus datur.

(4) *Verſu 69.* Coturnices, quæ menſe Aprili ineunte ad Italica maris mediterranei litora tanto numero veniunt, dicuntur ab incolis & a ſcriptoribus rudem famam ſecuti non modo ex Africa, ſed ex Africa in Italiam una nocte pervenire. Tantum vero aſt, ut immenſum iter ab avibus tardis una nocte fieri poſſe perſuadeat, ut etiam valde dubitem, an ex Africa quantocunque tempore adveniant. Tempore enim quo adveniunt, ſegetes prope maturæ ſunt in Africæ litoribus. Ineunte & toto menſe Majo omnes ſecantur. Cur meſſem non modo optabilem, ſed & nidos aves defererent? Pullos certè nondum volucres, nondum ad tantum iter aptos deſtituerent. Iter deinde immenſum an ab iſtis parentibus conſiciatur, quod velociſſimæ naves quinque dierum & quinque noctium ſpatio vix perficiunt? Veteres huius inconsideratæ opinionis authores non fuere. Plinius coturnices in navigia ſcripſit incidere, ſed cum prope terram ſunt navigia, tum illa ab illapſis gregibus interdum ſubmerſa fuiſſe. Additque noctibus tantum imminere navibus hoc periculum, de die & in alto maris non formidatum fuiſſe. De die igitur veterum tempore non pervolitarunt mare, una nocte non pervolitandum. Et ſi una nocte ab avibus tardis pervolitari potuiſſet, navigiis & in alto maris ab earum gregibus fuiſſet periculum. Avium terreſtrium parvas vires agnovit & ante oculos ponit Plinius. Non ſublimes, ſcribit, non altivolas fuiſſe, quas ſupra nubes vehi ſcribunt regentiores, qui ne gregem quidem radentem terras viderunt. Plinius ver-

nis

nis advenis per hospitia certa iter esse adnotando, videtur insulas indicasse, quæ in alio maris, Africam & Italiam inter, non sunt: sed quæ plurima Italiæ litora prætexunt. Atque in illis insulis coturnices Italas hibernare non modo ex avium parvis viribus, sed & ex insularum quoque nominibus persuadeor, quæ sæpe Ortygiæ, coturnicum sedes, a veteribus dictæ sunt. Habent istæ insulæ, ut ipse in aliquibus vidi, scopulos prope ex cochleis contextos: cochleasque perdicibus amatissimum cibum fuisse scripsere Aristoteles & Athenæus. Quem igitur cibum vermivoris coturnicibus placere quis est, qui dubitet? Nullo hiemis tempore in scopulis admodum apricis istæ cochleæ deficiunt. Cibusque per Italiam hiemis tempore, licet aliquæ coturnices in Italia perennent, immensis gregibus deficiens, velocioribus iter in vicinas insulas persuadeat. Easque transfugas ad cochleas ire ostendere videntur transfugarum sociæ aves aquaticæ, otis, cynchramus, & ortygomëtra, quas Aristoteles & Plinius profugis comites adjungunt, non vero revertentibus: nam in insulis illæ diutius se detineant, herbarum & seminum cibo non ut coturnices indigæ. Quodque illo necessario cibo coturnices diu caruerint, testantur reduces macredine, testantur & gustu, quem parum laudabilem me invenisse in versibus dixi, Antii ex illis largitur pastus. Neque laudavit Belonius gustum earum, quas ab insula Rhodo in Ægyptum navigans in navigio per autumnum ceperat. Scribit se in stomacho comestorum integra segetis nescio cujus granula invenisse: quod iter illas longum confecisse nullatenus docet. Aldrovandus vero in coturnice, Antium recens advecta, Basilici semen invenit, quod terræ datum fruticavit. Et tamen vernas proficisci docet ex Africa. Tam inconsequenter illum naturæ interpretem scribere, quis seriat? Semen istud Basilici, quod in petrosis locis egregie provenit, non ex Africa, sed ex vicinis insulis Pontia & Pandataria allatum fuerit, quas insulas coturnicibus abundare docet Varro, & quod in iis illæ per hiemem abundant,

intelligimus ex scopulosa earum natura, per aestatem segete & omni herba carentium: quæque, uti avium pullis victum, nidis locum non darent. Unde igitur in illis per hiemem nisi ex cochleis se sustentarent? quodque illum cibum minime fastidiunt coturnices, testantur Zoologiæ Britannicæ scriptores. Abundat coturnicibus Britannia. Sed ex interiore insula omnes versus hiemem ad ejus litora maxime aprica secedunt, marinis aviniantibus sustentandæ. Indeque per hiemem gregatim quasi in alga pascētes videntur. Suntque propterea, (uti observat Guenaldus) per omnem terram in litoralibus locis frequentiores. Quod si vero Britannicæ coturnices percurrent in litore, quare Italicæ longius iter, quam Britannicæ, facerent? quare tardissimæ aves in Africam tanto suo periculo contenderent? Sed tot abundantibus mihi argumentis, quibus Italicas coturnices Africæ litoribus excludam, cur nulla eorum in versibus facta est mentio? Communem opinionem tanta gravissimorum virorum pertinacia apud omne vulgus stabilitam sequi, quam nimis lacerare malui. Unico tamen versiculo coturnicibus ex Italia profugis Neptunia saxa ostendi. Sufficere indicium posteris credidi, si forte coturnicēs melius quam hodierni scriptores noscerent. Hodiernæ vero gravissimorum virorum authoritati contradicere, frustraneam operam duxi fore. Et serius didici segetes mense majo in Africa secari. Quod si prius ad noticiam meam pervenisset, versiculis non nihil audacioribus indicassem forte, parum mihi verosimile videri, coturnices, qui in Italiam & Galliam vere adveniunt, ex Libya aut Mauritania profectas fuisse. Sed Horunus, Avium descriptor Amstelodamensis, qui me Africarum messium tempus, docuit, hoc ipsum tempus pro certissimo argumento habet coturnices Italas & Gallicas ex Africa venire, & is idem scriptor Aprilem dicit, cothurniceum mensem apud Gallos vocari. Tam inconsequenter cum scribant & judicent homines, cumque præjudicia inter illos argumentis etiam maxime contrariis stabiliantur, quid meis ego versicu-

lis efficerem, quibus fidem gravissimus scriptor Guenaldus non habet, eo ipso quod versiculi sunt?

(5) *Versu 81.* Coturnices, quæ circa Italiæ litora numero suo intuitam navigationem fecere, nullisque nostratum in navibus per ver & autumnum videntur, magno sane argumento sunt, postrates non peregrinari: quod notabile nostratum discrimen licet satis clarè in versiculis meis exposuerim, ut iis fides sit, soluta oratione verba metro ligata confirmo.

(6) *Versu 96.* Linnaeus scribit coturnices in omni Suecia frequentissimas esse, & Horrebovius Danus eas in terris magis septentrionalibus vidit: Illæne aves frigore autumnali subitaneo perstrictæ, illæne gregatim avolarent? avolantes non quid in mari Balthico, inque maris Balthici litoribus, nonquid in citeriore Germania viderentur? & quas Horrebovius in Yslandia vidit, nonquid in oceano ab ulla navi per coelum euntes viderentur?

(7) *Versu 117.* Quod si in mari mediterraneo tot insulis distincto fatigati greges in fluctus labuntur, uti Guenaldus testatur evenire, quæ ratione profugos non modo in Mauritaniam, sed & in Africam Nigritanam, ultraque zonam positam amandat?

(8) *Versu 137.* Cum gravissimus scriptor Guenaldus mentionem de Alberto facit, qui primus, uti in versibus dixi, latere coturnices vidit,

dit, & latere, ut *superfluitates viscosas digerant*; insanam dicit opinionem veteribus in mentem non venisse, recentioribus, ut delirarent, servatam. Quod si vero fas sit, Albertum Magnum insanum & absurdum scriptorem dicere, dicere recentiorem & hodiernum non potest, quem constat ante quingentos & tres annos vivere desisse.

(9) *Versu 141.* Jacobus Theodorus Kleinus, qui in magistratu urbis Gedanensis hoc nostro ævo consenuit, & qui egregio mihi scriptor judicio videtur, non modo argumentis, sed multis testibus ostendit coturnices Vandalas non peregrinari: interque testes scriptorem Anglum, peregrinatorem hominem, adducit, qui coturnices boreales sub terris per hiemem vidit latentes. Neque Kleinus & ejus testes soli sunt, quibus latere eas persuasum fuit. Belonius Gallus id idem multis suo ævo & gravissimi judicii viris persuasum fuisse scribit, ipse licet avem peregrinantem haberet, quod Græcicas peregrinari viderat.

(10) *Versu 152.* Dum coturnicem non modo, sed coturnicem describens Guenaldus omnem aliam avem per hiemem negat sopiri, oblitus videtur Buffonii sui, oblitus & sui ipsius. Buffonius riparias hircundines per hiemem sopiri posse concedit, ipse vespertiliones. An vespertiliones aves non sunt? & quo argumento certus est, illas sanguine, quam alias aves esse frigidiore? ut vero coturnicem per hiemem sopiri reget, tanquam favorable opinioni suæ & ingens signum ostendit, quod Horrebovius per hiemem in domo maxime septentrionali viventem vidit coturnicem currere, bene scilicet pastam & bene refectam, habentem igitur omnia, unde & vitam suam Libyca coturnix sustentet.

(11) *Ver-*

(11) *Versu* 172. Quod si hirundines sub aquis Suecicis latentes per calorem verno tempore terris exhalantem in vitam revocantur (videtur enim ea causa id maxime efficiens) cur aura & vapor terræ per autumnum non habeat, quod soporiferum sit animantibus? Apes per hiemem latituræ extremis suis excursibus cibos advehunt, quos nullo alio tempore in alveare conducunt. Multa hominibus liquida & edulia soporem conferunt. Cur non sit in rerum natura, quod ididem præstet animantibus? Videmus sturnorum greges alio longè volatu & tanquam efferos per autumnale cælum ruere. Nonquid jam gustatus, somnumque venis concilians cibus id videri potest effecisse? Ostendam in Merula mea sturnos nostrates per hiemem sopiri: non in ipso Sturno meo, quoniam scriptus fuerat, ante quam latitantes sturnos ipse oculis meis vidi, multisque testibus circumcinctus.

(12) *Versu* 195. Ortygometram, prægrandem coturnicem dixit Hesychius; crecem lingua Latina. Unde & Belgica denominatio videtur profecta. Consonum enim *Schreeke* & crece, constat quoniam literam C apud Latinos, uti nostrum K pronuntiatum fuisse. Avis satis frequens in agro Groningano, frequentior tamen est in vicina Frisiae provincia, utpote magis palustri & humida. Licet Galli creces rostro nonnihil vario, in terrestres & palustres distinguant, quæ crex genistarum apud eos dicitur, veterumque fuit ortygometra, palustribus avibus accensenda est; pedibus extantior, quam ut terrestris, videri possit. Uti vero a nostratibus *Schreeke*, ita & rex coturnicum dicitur *Kwartel Koning*.

(13) *Versu* 210. Ab aucupibus & venatoribus audio coturnices in agris

agris nostris per omnem sæpe Novembrem videri, November nimirum quotiescunque tepidior, ventis & omni glacie caret. Segregesque tum videntur; avesque tam sero segreges, & solo junctæ conjuge quando in greges coeant? qui, sicuti dictum in versibus, nunquam in his terris visi sunt.

(14) *Versu 217.* Propinqua litoribus Neptunia saxa, insulas voco, quæ Italiæ litora prætexunt. Neque enim aliud sunt Æthalia, Pontia, Pandataria & Ænaria, quæ nunc, uti Varronis tempore, coturnicibus per hiemem abundant. Caprea præfulem Episcopum coturnicum a Neapolitanis dici scribit Guenaldus. Sed uti insula coturnicibus per hiemem abundat, nullas vidi, licet bidui tempore sub finem Aprilis omnem insulam perreptarim, Tiberii Cæsaris villas, magnis ruderibus exstantes, ut conspicerem.

(15) *Versu 232.* Canere incipiunt circa Bononiam Aprilis initio: ante tamen advenisse creduntur. Verba sunt Aldroyandi: cui facile credas, quod ante auditum cantum in agro Bononienſi videantur. In nostro agro exeunte Martio, si mensis tepidior, ab aucupibus, quotquot consului, visæ sunt. Plerumque sub finem mensis audiuntur. Toto igitur mensis ferè tempore nostrates indigent, ut latebris excitatæ & cantum & nidos ordiantur, qui post primum cantum uno aut altero ovo impleti sæpius inventi sunt. Hirundines quindecim fere die ab apparitione earum nidos ordiuntur, quod pluribus notum, quia, sicut apparitio earum ab omnibus adverti solet, nidificatio in rusticorum hominum domibus fieri solita, ab omnibus pariter advertitur.

(16) *Versu 253.* Bartholomæus Anglicus, qui circa sæculi XIV medium tempus in Britannia vixit, in opere de Proprietatibus rerum, novendecim libris distincto, primus est, uti existimo, qui sedecim ova coturnices parere, & partum eas repetere scripsit. Author suo & se-

cuto sæculo magni nominis fuit, quod ex ejus operis versione Gallica, jussu regis Caroli V facta, & ex altera apparet satis bona versione Belgica, quæ inter primos Typographiæ libros sub finem sæculi XV Harlemi edita fuit. Multa de rebus rusticeis monita continet hoc opus, quæ vulgi nostratis memoriæ in hunc usque diem tradita experior. Non deberet vero ab ornithologis creditum fuisse, quod super coturnicibus scripsit, bis in nostro, bis in altero orbe parentibus. Verius, quod de ovorum numero tradidit. Sedecim ab aucupibus nostris non semel inventa sunt, sed is heroicus numerus, & partus avium vegeto ævo fecundissimarum. Juniores & ævo defectæ ova pauciora creduntur parere. Atque ad eam ætatis differentiam, alteramque a turbatis nidis ortam in aliarum etiam avium partu aspici debet. Inde non cogitantibus de vario avium partu toties disceptatur.

(17) *Versu* 274. Diu verosimilius esse duxi, coturnices partum non repetere, perdicum, quibus ab omni ævo persimiles & quasi congeneres habitæ sunt, aviumque aliarum volucres pullos alentium & semel tantum parentium exemplo in hanc opinionem deductus. Sed ut corvi per omnem ætatem, & sicut perdices per hiemis etiam maximam partem pullos volucres comitantur, ita coturnices cum pullis volantes non videntur, eosque bene volucres a parentibus deferi, ego, & aucupes vicini mei, ad hoc attendere jussi, experti sumus. Inveniant in avenaceo jugere, spem messis non faciente, duos coturnicium nidos undecim passuum intervallo a se distitos. Rarissimam segetem ad faciendum scænum demessuri, partem agri nidos habentem avibus intactam reliquerunt. Et videbatur seges in illa densior, sed cum cæterum agrum circa idus Junias demessuerant, scænum facientibus pulli apparuere perexigui. Erant illi progenies nidi unius, in altero matrem ovis incubantem viderunt, & mihi ipsi ostendere, quæ & illa ova die mensis vagesima sexta excluderat. Ut vero utraque progenies in jugere, fossis

licet latioribus clauso, se contineret, in parte jugeris demessa, stantique segeti vicina, nonnihil cespitis inversum factumque nigrum est, cui areolae indies grana faraceae & cannabis, linaces, locustas & vermiculos conscissos injecimus. Praestitaeque copia utrumque nidum non modo continuit, sed & comesta cibum avibus proprium docuit. Visaeque sunt obvia illa dape in tantum gaudere, ut cum fossas pulli volatu jam transcenderent, ad annonam paratissimam identidem & jam maximè volucres reverterentur. Sed qui tamen parentes visi sunt deferere, prout unaquaeque avis viribus suis consideret. Minuebatur indies familia: & parentes utriusque nidi per aliquot dies quinque quatuor & tribus tandem maxime involucribus pullis cincti per agrum subvolitantes videbantur, licet hi quindecim, illi undecim ante pullos ostendissent, circaque Quintilis idus tardissimus etiam partus se disperferat. Utque progenies utraque se removissè in longinquum crederetur, duo tantum mares circa agellum clangere post sunt auditi. Vocesque videbantur aucupibus meis eadem, quas ab ineunte Majo audiverant. Credi igitur potest, tum de altero eos partu cecinissè. Partumque fecundissimas matres repetere, non modo cantus marium, ad dies primos Septembris continuati indicant, sed & pulli circa idus Septembris involucres, a me ipso & centum aliis visi. Pullique feri eodem, quo primi partus numero, conspiciuntur, unde neque ob turbatos saepe nidos a parentibus dilati, neque pulli pullorum videantur. Et certum habeas tam, quam quid in ulla re certum est, coturnices non modo, sed & feros alites quoscunque partum non dare eodem quo nati sunt anno. Unde enim in primis coturnicum nidis quinque sex & septem saepe ova reperiuntur, nisi ab anni prioris sobole nondum satis valida edita fuissent? Sicut in omnis generis animalibus, ita & in volucribus natura certa habet pubertatis initia, certaue maximae & defectae fecunditatis tempora. Quae & aliae notiones universales, licet captu faciles & undique bonis ingeniis obviae, quoniam tamen saepe non con-

fiderantur, in stolidam credulitatem & vanissimas opiniones viros seducunt etiam doctos, & verum cernere dignissimos.

(18) *Versu* 284. Inter varias causas, quæ captivis coturnicibus brevius, quam feris, ævum faciant, cibi necessarii penuria videtur maxime spectanda. Feras muscis locustis vermibus & cochleis vesci ostendimus. Quid earum rerum in cavea detentis datur? ex captivis igitur avis vivacitatem merientes, argumentis nituntur, ut lenissimo verbo utar, inconsideratis. Neque consideratius eas brevis ævi Artemidorus judicavit, ob rixosam naturam, cujus somniorum interpretis sententiam laudat Guenaldus; avem non modo rixosam sed & tristem agnoscens. Avis vivacissimis oculis, perpetuo fere, vel & in caveis cantans, & quam Guenaldus avium lascivissimam habet, qua ratione tristis ab illo judicetur, non video. Neque ex captivis ægre sortem suam ferentibus veram ejus naturam vidit Artemidorus. Rixas & lites libera coturnix non amat, ut quæ vitam omnem cum solo propemodum conjuge transigit in terris avem hieme sopientibus. Quæque in australibus terris Artemidoro visa est, per ver & autumnum congregatur, sociabilis igitur est & sui generis amans. Et si natura rixosior esset, quæ in caveis sine socia detinetur, vivacior Guenaldo quam libera videretur, Artemidorum tamen laudanti sine exceptione. Ego coturnicem, quæ cum pluribus sociis captiva detinetur, licet tristem minime vidi, irritabilem & pugnacem video, neque tamen exinde, uti Artemidorus & Guenaldus, conjector avem esse brevis ævi. Pugnacitas cordis vim ostendit, eoque meliore nixus argumento, coturnicibus Ovidius ævum prorogavit, easque ad Vulturis Milvii & Graculi annos pervenire miratur. Erat Ovidii tempore, quod aliunde quam ex ipso scimus, magno Romæ ob pugnacitatem in pretio, & Augusto Cæsari avis in primis accepta, quod effecisse potuit, ut ad cibos avi necessarios sagacius à custodibus aspectum fuerit. Erantque Romani avium æstimatarum sagaces & solliciti

cus-

custodes: quod ex turdis docemur, gregatim diu in ornithone pastis, indeque pinguibus ad cibum divenditis, quod eorum peritiam eo magis mihi ostendit, quoniam nostrates, sæpe licet experti, turdum ex gregibus autumnalibus captum vix quindecim dies vivum in cavea detineant. Sed qui in conservandis turdis felices non sunt, plerasque avium & coturnices etiam diutius servare docti sunt, quam prioris sæculi Romani. Ut hoc ex omnibus avibus visum est, ab Olina & a me descriptis, videatur etiam ex coturnicibus: quibus in cavea sæpe decennium, semelque (quantum ad notitiam meam pervenit) duodecim annos nostrates dedere; cum Olina illas intra quartum aut quintum annum mori docuerit. Sed ad Ovidii testimonium respicienti, veteres Romanos in conservandis coturnicibus nos superasse, credibile est. Scimus enim, quantum avi a veteribus plerisque vulturi Milvio & Graculis tributum sit, quibus coturnix ab Ovidio accensita longius videtur tempus ostendere, quam bilustre aut duodecim annorum. Ovidius deinde argumento satis physico sibi persuaserat aves natura pingues propterea sæpe anus fieri, quod in captivis sæpe prælio exercitis hoc naturæ vitium corrigi deberet. Quantum vero coturnices in angusto carcere detentæ, saracenis tantum & cannabis granis, nutrirî solitæ patiantur, ex gallinacei generis avibus docemur: quæ, si per hiemem ex villis in tabulata urbanæ domus transferuntur, largiter licet & ampliore in loco arenisque substrato pastæ, macrescunt, ægrotant, & languentissimæ ad villas veris tempore remittuntur. Nulla certe in tabulato, solibus licet exposito, & quantacunque cura pastæ, ad annos sexdecim consenesce-ret, ad quos rusticam Gallinam pervenisse expertus sum.

(19) *Versu* 290. In nulla re coturnicem minus novere ornithologi, quam in moribus cognita maxime necessariis, quippe qui ad generationem, earumque perpetuationem spectant. Mares omnium avium lascivissimos esse, mares multa conjuge luxuriare, mares denique in hæc

unico genere perraros esse, sunt qui, hujus rei certissimi tanquam, docuere. In quibus paradoxis opinionibus omnibus amplectendis, quarum tamen aliquæ secum videntur pugnare, Guenaldus cæteros inter scriptores excellit. Negat ullos in hoc genere conjuges videri, mares lascivissimos multis conjugibus non modo sufficere, sed ex ea naturæ singularitate avium harum frequentiam designat. Videamus vero, an non altera illustrissimi viri opinio alteram destruat. Demus, mares immodice lascivos esse, quid de foeminis statuendum? a maribus, sicuti earum fratres productæ, nihil immodicæ libidinis a communi natura acciperent? Quod si cum iis, sicuti cum animalibus cæteris, actum & pari natura uterque sexus præditus fuit, foeminis in vexam & perniciem tributum est, quod sapiens naturæ institutum credit Guenaldus. Essent miseræ virgines innumerae, quæ mares non invenirent; essent, quæ ad unum alterumque ovum invento mare, deinde oblita, desiderio & libidine furentes nidum proprium deferrent, alterumque ditius impletum turbarent, quæque rarissimum conjugem ad sedecim fecundanda ova invenerant, incubationis tempore non haberent, a quo palcerentur, conjugem, ejusque cantu & longæ sedis fastidia lenirentur, & ejus auxilio exclusa progenies aleretur. Hæc necessaria non considerans Guenaldus, quotis foeminis imprægnandis a natura marem existimat tributum? Gallinaceus decem uxores chortales circum se prurientes faciliè imprægnat. Totidem coturnices, diversissimis nidis affixas, mas suos accersurus, nidos non modo egregie memor reperiat, sed & temporis recorderetur, quo ipsius opera diversissimæ uxores indigeant. Quid si vero tot conjugum maritus, cantu aucupes ad se alliciens, in reticulum inciderit, quanta inter feminas turba, quanta nidis impletis & semiplenis oriretur perniciēs? Sed ad insidiantes maribus aucupes non respexerit Guenaldus. Mortalitem aliunde venire posse existimet, ægritudinem saltem, si tot conjuges forte non nisi senem repererant, longo semper itinere fatigatum; omne enim genus, & mares tam caros in hoc

genere, Africano itineri exponit Guenaldus. Quam ab iis remotis terris fessi ipsius mares ad tot uxores veniant! præcipue si & in Africa complurimas conjuges parere jufferant, uti vero simile arbitratur. Maribus quidem in Galliam reversis inertiam & somnum tribuit. Uno lateri expansis alis solem versus per quatuor horas incumbentes scribit vivos esse. Sed illum in Gallia, & in hisce terris aspectum torporem in tot conjugum maritos amoris & incubationis tempore cadere posse qua ratione existimat? nostris maribus unica conjuge contentis id licet. Non recedunt a nidis, nisi ut se & incubantes matres pascant, quas allatis vermibus & cantu consolantur, & pluvio die utrumque conjugem vidi communi nido incubantem, & quin noctis tempore id idem faciat coturnix, nullus dubito. Utrumque conjugem a nidis loco per noctem excitavi, data mihi hæc opera, ne describendam avem minus novisse deprehenderer. Ex duobus tamen nidis, quos sæpius acceffi, justum incubationis tempus discere non potui, quod in utroque nido inchoata illa fuerat, antequam observatio posset institui, sed unius nidi incubatio, postquam observata fuerat, ultra diem quindecimum perduravit. Plenior deficiens notitia vetuit extendi poëma duobus versibus avem notiozem facturis: quos tamen addi posse non desperem, si ad secundam editionem coturnix nostra me vivo perveniat. Ex nidis vero mares & sæminas æquo numero prodire, eosdem conjuges, si per aucupes licet, partum repetere, postque serum partum in eodem fere loco ad hiemis diem socios manere, ad certitudinem usque didici. Per Octobrem in rapis & terrestribus pomis, unice per agros eo tempore fruticantibus quotiescunque per canes excitatur coturnix, spem certam experiris alterius in eodem jugere excitandæ. Gregem adultarum avium nemo per autumnum aut veris tempore in nostris agris vidit, & quod se conjuges plurium nidorum fatis ferant, nullaque inter se invidiant, aut pugnatitate,

Ex nidis docuit, quos se contingere vidi.

diffidiant

(20) *Versu* 306. Imitatione vocis fœminæ avis mares capi Albertus jam docuit semiantiquus scriptor. Mirum vero, & scriptoris ejusdem doctrinam esse, mares in hoc genere avium perraros esse. Non eos tamen adulteros & salacissimos suspicatus videtur, propterea quod ad fistulam properant fœminæ vocis imitatricem. Eam consequentiam non vidit exinde scriptor logicæ non minus, quam physicæ peritus. Viderat ad turdum in laqueis quiritantem turdos ire, adque vexatæ cornicis vocem cornicum greges convenire, & miserantes id eas facere solere, Alberti perspicacissimi viri oculis non opus est, ut videas. Unica coturnix ad vocem fœminæ properans, salax propterea & adultera esse coarguitur, tanquam fœminæ vocis significatio melius a scriptoribus illis sciolis, quam ab alite intelligatur. Conjugem deinde audientes mares fistulam non vocare, res est aucupibus pernota.

(21) *Versu* 323. Cum nihil unquam popularibus nostris tam injustum accidisse videbatur, quam bellum per Cæsaris minas hac hieme nobis intentatum, omnis ordinis cives ipso præeunte magistratu arma induere, & ad tacticam tractare jubebantur. Quod licet satis per terras etiam vicinas notum sit, eveniet tamen, quod hujus rei notitia oblitterata carmen superstes ad lectorem perveniat, avium magis quam historiæ Belgicæ curiosum. Visum igitur necesse, per notam repetere, sexaginta annis propinquos, & sexagenario majores, non modo arma tulisse & ad tacticam tractare didicisse, sed & ea arma in hunc usque diem, pace licet propemodum restituta, ferre & statis per septimanam diebus tractare. Vaeuum aliquod igitur nunc tempus fuit, ad aves meas respicere, & ad editionem Lyricorum meorum, quæ Groningæ prælo dare inchoaveram. Tyrtæum & Alcæum Lyricos poetas & milites fuisse, satis, credo inter omnes constare, qui hæc nostra legere voluerint.

S T U R N U S.

Sturnus avis varia est pennis, mutatque colorem

Non modo, sed cantum, sed quoque sæpe cibum.

Nec solita se sede tenet: nunc incolit urbes,

Nunc rus: & coelo, cum riget annus, abit. (1)

Vere redit, sed veste nigra: nec pifitat, alta

Sed super æde, tumens gutture, dulce canit.

Dulce canit, nostris saltem auribus. Italus author

Ridet inargutum posse placere sonum.

Et streperis Latias vexari vocibus aures

10 Scaliger, ipse author non numérosus, ait. (2).

Natus in Urbe tamen cantantes Olina laudat,

Utque marem eligeres, hunc tibi nosse facit.

Omnibus & Latii, nostris velut obtinet oris, (3)

Pendeat ad summos ut brevis olla lares.

Olla, domus Sturno, pariturae ostensa volucris,

Ut prope, quæ nidum dant loca, vere canat.

Sed quia passer idem nostratibus obtinet oris,

Forte habet hoc, hominum tecta quod hospes amat.

Quidquid id est, laudare licet, recalentibus auris
20 Cognata merulis quod tibi voce canit.
Cognatum merulis sturnum forma arguit omnis,
Et cibus & varios vox imitata sonos.
Arguit & rostrum: senibus flavescere sturnis
Quod solet, & merulae vincere fertur ebur.
Vincit & hoc merulam, linguis quod ab omnibus ales
Verba hominum docilis qualiacunque refert.
Sed tamen a cantu laudatur latius, ut qui
Omnem avium cantum dicitur ore sequi.
Quam placet hinc Gallis, amisso nomine prisco;
30 Cantatorque omni dictus ab ore, docet. (4)
Excipitur nido implumis, cantare docendus,
Fistula nec pullum juverit, ante ferum.
Pabula nulla ferè spernit, prope pamphagus ales:
Vermiculos inter cætera pullus amat.
Sturnus apud Veteres caveis fuit altus oryza,
Et cibus hic volucris non alienus erat.
Vidimus Insubriae sectantem hæc pabula campis,
Sed cibus involucris durus oryza foret.

Aspice vere novo pascentes pignora matres,
40 Volvocem & erucas nil nisi nidus habet.
Arboribus primum cibus hic & edulibus herbis,
Posteaque in pratis crebrior esse solet.
Cumque dies nidis, quos partus tertius implet, (5)
Transierit, sturnos non nisi prata tenent.
Prima per extremas videt agmina Junius horas,
Primaque nonnunquam Julius ire videt.
Utque per æstatem cerasos, à Pleiadis ortu
Sectantur baccas forbe rubelle tuas.
'Sola videtur hiems, hiemem quibus aspicit oris,
50 Pascere avem inventis culta per arva cibus.
Est, ubi arundinibus, campisque moratur oryzæ,
Est, ubi messorum grana relicta petit.
Est, ubi oves sequitur sub aprica rupe vagantes,
Et quoque bacciferis sepibus esse solet.
Sic per Picenos, quos Adria suspicit, agros,
Mite hiemis tempus, grex mihi visus, agit.
Circa Urbem Tiburque ovium per terga sedentes
Vidimus, infectis quæ vel & implet hiems.

Per

Per Batavas Mosæ ripas, villatica circum
60 Culmina, se per agros, perque fimeta tenent. (6)
Nos, licet appositos Batavis, ad prima relinquit
Frigora, quæ Bacchi lenia mensis habet.
Quam procul ales eat, non est mihi dicere, si non
Secessum & latebras per loca sola pctat.
Sed puto, mitis ubi est, volucrem vicinia ducit,
Quæque riget, latitat plurima sicut avis.
Frigida Saxonia est, circumdata montibus altis,
Quæque minus gelida est, non prope terra subest.
Illa igitur terrâ scopulis se condere visa est,
70 Quà findens scopulos rima dat alta locum.
Eligiturque locus, qui ventum & frigus & imbres
Arcet, & a primo lumina sole ferat.
Frigus ibi edormit, tenero circumdata musco,
Et nisi cum multis, compare juncta suo. (7)
Non tamen amittit, mutatas antea plumas,
Dedita quas somno plurima mutat avis.
Forte ubi mons procul est, templis conduntur & altis
Turribus, aut tacitis tecta per ipsa locis.

Sunt

Sunt quibus hoc, dubium tanquam abforet omne, re-
80 Et res credibilis, certaue pene mihi est. (fertur,
Nam quæ alias, ubi prima dies post frigora ridet,
Protinus haud una sturnus in æde canat?
Nocte una Batavis ad nos referatur ab oris,
Non tamen ad Gothicos tam cito transit agros.
Atque ibi, vere diem tepidum referente, per ædes
Improvisus, ut hic, cantor ubique sedet.
Sed velut aëria de turre & ab ædibus altis,
Et redeat terris, quas minus urget hiems:
Sic videt hunc lacubus stagnisque resurgere Cimber,
90 Nam nisi subter aquas non ferat acre gelu.
Connexas piscator aves pro piscibus aufert
Retibus, admoto queis data vita foco est.
Qui negat hoc Gothica visum esse in hirundine, spernet
Id quoque de sturnis, Cimber Olæ, tuis. (8)
Et loca juncta peti, volucremque latere negavit,
Quod videt apricis hanc hiemare locis.
Miratur Tiguri latitantem ad frigora brumæ,
Cælo hibernantem Gallia nempe tuo.

Miratur testem Linnaëum scribere posse,
100 Tranfigat Arctois quod breve tempus agris. (9)
Sicut homo, terra non noscitur ales in una,
Altera terra homines, altera mutat aves.
Quisque gregem vidit fugere aut latitare volentem,
Et quod diversa tum quoque lege volet.
Circinat æstivas, cum prata supervolat, auras,
Circa hiemem refonus grex, velut hasta, fugit.
Si quibus arboribus tunc incidit, incidit isto
Impeteque & strepitu, terror ut esse queat.
Vere gregem nemo videt aut per inane redire,
110 Verius hunc latebris unde fuisse putēs.
Sæpe per extremas ridens Februarius horas,
Sæpius incipiens Martius audit avem.
Nullas insidias veniens, fugiensque, moratur,
Cumque venit, veris nuntia, cuique placet.
Nec numeratur avis nostratibus inter edules,
Esca placens Græcis Asia visa tuis. (10).
Haud tamen horrorem data mensis fecerit: author
Quod tuus, ut certum, Felsina docta refert.

Fur-

Furcis & crucibus nostro nunquam institit orbe,

120 Ufa cadavereo nec mihi visa cibo.

Estque data & mensæ, ceraso super arbore cæsa

Junior, & succi dicitur esse boni.

Junior est furvo per corpora tota colore,

Iliacus qualem tergore turdus habet.

Sed simul ostendit se Plejas in æthere, furvus

Ille color niger est, albaque puncta vides.

Inter aves sturno cunabula primâ struuntur,

In quibus ante idus Martius ova tegit.

Haud volucres plerasque tibi persuadeat ullus

130 Edita vicenos ova cubare dies. (11)

Plus opus est multis, minus & quoque temporis: omnes

Exiguæ brevius poscere tempus amant.

In quibus est sturnus. Cubat hic sua plurimus ollis,

Ovaque ter quino cernis hiulca die.

Utque domos sequitur, ponitque sub imbrice nidum,

Nidus & hic filvis arboribusque datur.

Sed truncos subit inde cavos, dat & ova vetustis

Cornicum nidis, & quoque pica tuis.

Non

Non lutat hos reficitque lares nidumque per altos
140 Dispositum ramos condere nescit avis.
Ter parit, & toties terras fecunda per omnes
Septem ova & nidis non semel octo dedit.
Inter aves parvas tamen est, quæ prorogat ævum,
Fertur enim, parvas vivere sine brevi.
Vicenos caveis & sex servatur in annos,
Ut novus Amstelia scriptor ab urbe docet. (12)
Lustra dat alter avi quatuor. Credendus & ille:
Mille datas caveis vixerat inter aves.
Verum omnes alii, quorum ingens copia, sturnum
150 Septem annos ultra vivere posse negant.
Consensus causa est, sese exscribere, quod omnes,
Et longum, expertos consuluisse, putant.
Experti, terras quos consuluisse per omnes
Est opus, experti talia verba dabunt.
Plus habet in caveis, quam vulgo creditur, avi,
Et plus, quam caveis, libera vivit avis.
Est mihi nostratum Sturnus modo captus in agris,
Cui caput incanum longa senectæ dedit.

Plu-

Plumis puncta nigris interstita, latius al bent,
160 Per similem reliquis cætera cernis avem.
Circum oculos rugæ, caput & contractius omne
Corpus, & ætatis signa dat oris ebur.
Multiparas igitur vivaces inter habenda est,
Si verum est, toties quod reparetur avis.
Quatenus hoc verum est, aliorum publica fama,
Non temeranda mihi publica fama, docet.
Famaque credatur, cum plurimus æthere toto
Sturnus, & Europæ cuncta per arva volat.
Ales & ille frequens gelidas tepidasque per oras,
170 Per similes nostris, frigore sæpe perit. (13)
Mensibus hibernis Gothiæ se servat in undis,
Et tepido cælum tutius orbe tenet.
Sed tectam imbricibus penetrabile frigus adurit,
Nec semel immensa strage notavit avem.
Ultima vix cælo Sturnum spectaverat æstas:
Nulla magis volucrum senserat acre gelu.
Credidimus nostros carituros alite campos,
Meque greges vita non revidere mea.

Audiimus Sturnum nec & hoc prope vere canentem,
180 Et revidet magnos Julius ecce greges.
Neve greges dubitem pullis constare renatis,
Turba docet visco plurima capta meo.
Tam subitos igitur volucris recreata per auctus,
Non mirum est, toto quod sit in orbe frequens.
Dicitur Americae loca per diversa videri,
Quodque fatis mirum est, pene colore pari:
Utque Magellani, regiones percolere urbs
Sidere subiectas, Gallia & ante tuas.
Dicitur & tepido rura adfita pascere Nilo,
190 Multaque Cinyphios turba frequentat agros.
Quaque Jubæ regnum Nigritanas attigit oras,
Plurimus ut nostro sturnus in orbe volat.
Transit & zonam per litora Maura flagrantem,
Transit & fines aurea terra tuos.
Vicinusque Indis, Maurorum regnat in agris,
Quos, tanquam Batavus, credidit esse suos.
Estque frequens Asiae, quod Homerus cantat, in oris:
Videriat immensos non semel ire greges.

Nubem avium haud alias tam pinxerat ille ruentem:

200 Sed cur Teutonico nomine dixit avem? (14)

Omne latus Scythiæ cum percolit ales aquosæ,

Et Scythia trans Istrum Teutone natus erat,

Haud unum populis quoque Græcia nomen ab illis

Sumpserit, ut volucrum nomina plura docent.

Nomina præcipuè volucrum, magis uda Getarum,

Quam quas alta jugis terra Pelasga videt.

Viderit Æsonides per Colchica litora sturnos,

Græcus & Æmonium nauta secutus iter.

Cumque greges, patriæ scopuloso in litore raros,

210 Nauta redux Asiæ sæpe videret agris,

Dixerit hos Scythico Spares de nomine; quodque

Teutonici Staren cernis habere sonum.

Quidquid id est: nubes avium quas vidit Homerus,

Viderit haud scopulis Hoeme vel Oeta tuis.

Aptior his gregibus Mæandro proxima tellus,

Campus Orontæa quique rigatur aqua:

Mæoniæque ferax regio, perfusa Caystro,

Camporumque patens Asia quidquid habet.

- Vixit in his Vates, si non fuit ortus, in oris, (15)
220 Rarius aspectam non ita norat avem.
Proruere in Troes Agamemnona dixit & Argos,
Impete brumales quo prope Sparaes eunt.
Sed, quæ de vita tibi quicquam ostendit Homeri,
Ostendat, ruri commoda quam sit avis.
Ostenfum hoc certè vel & hoc nostratibus anno, (16)
Quo caruit foliis arbor & herba suis.
Ultima vix volucres cœlo quæ viderat æstas,
Et raras agris hoc quoque vere dedit,
Certa tot omnigenis insectis femina fecit,
230 Certa fit unde satis arboribusque lues.
Quisquis ali nidos per Aprilem viderat hortis,
Jure gregem cerasis possè volebat emi.
Discite venturæ post sturnis parcere leges,
Inquinat aut merdis has avis æqua suis. (17)

NOTÆ.

(1) *Versu* 4. Sturni descriptionem a singulari varietate ad omnem avem pertinente exorsus, dixeram eum peregrinari, cum annus apud nos rigere inciperet; idque in duabus dixeram editionibus opusculi, quarum altera in Gallico Eruditorum Diario facta, ita publica est, ut, qui me nunc avem inter latentes ponere vident, mutatae opinionis rationem exigant, si forte ad prius dicta respexerint. Ratioque exigitur eò justius ab iis, apud quos Sturnus inter transfugas aves recte numeratur. Dicam igitur, quod correxi, verius tantum esse de Sturno nostrate, quem australis cœli sturno similem credidi, cum me ad scribendas aves accingerem, deque sturno opus, viginti aves complexurum, inciperem. Didiceram ab Aristotele & Plinio, eum versus hiemem, sed tantum in vicina peregrinari. Videbamque, ante sexdecim annos opus ineiciens, exeunte mense Decembri sturnorum gregem ad Batavas Mosæ ripas Gaudam inter & Roterodamum. Credebam igitur patriæ sturnos, (quos mensis October ante suas idus & sæpe prius cœlo nostro videri abesse) ad Batavos ire, parisque cœli viciniam: iis sturnis dissimiles, quos Georgius Agricola in scopulis Misniæ, & quos Jonstonus in Silesia sub imbricibus turrium, intraque cavos altarum adium muros per hiemem sopitos viderat. Quoties verò cunque hieme exeunte serenior dies unum mihi alterumve sturnum in testis urbis nostræ offenderet, dubitabam gregem advenisse; & aliquas hujus gentis avium latere, aliquas peregrinari suspicabar. Olai nempe Borrichii opus de animalibus hieme sopitis inscriptum, in manus meas ineiderat, Sturnumque docuerat sub aquis Daniae, per hiemem latere:

hirundines propterea, quas latere certum mihi erat, sturnis nostratibus non nimium differe augurabar. Ob gregem tamen hibernum in Batavis visum, de sturno peregrinante nihil mutandum duxi, secunda licet hujus avis editio, certum esset versibus auctior facta. Sed vix illa ante quadriennium publici juris fuerat, sturnos plurimos in hibernis latebris domui urbanae meae appositis vidi. Tertiam sturni editionem non secuturam fore veritus, Merulae meae, cujus revisio in manibus erat, & quae avis sturno satis cognata ducitur, auxui, quod de sturno videram. Cumque Merulam meam secunda vice editurus essem, a typographo Roterodamensi ad colligendas aves a me descriptas invitor. Sturnum quidem propterea in manus resumpsi, auxique versibus plus quinquagenis, sed qui ad alteram avis notitiam exinde partam faciunt, sturnumque docent maxime ob frigus pati, & maxime passum fuisse a frigore anni octuagesimi quarti. Dubia priora de hibernis latebris in opusculo reliqui, ex quibus liquebit me pedetentim avem nosse coepisse, neque ad aves carmine describendas venisse, ut novis & paradoxis opinionibus miracula facerem, aut ut ullam mihi in carmine licentiam contra historicam fidem arrogarem. Addidi tamen de hibernis avis latebris paucos versus minus dubios, sed qui simul alios mores notiores faciunt, & qui pertinere possunt videri ad sturnos sub septentrione certe latentes. Dubitantibus propterea de avis latebris tam diversis, respiciendum est ad australis coeli sturnum non minus per hiemem varium. Ex Graeciae & Italiae montibus secedens in apricam viciniam, perennat in Gallia, nulloque patriam secessu fugit. Sed licet id per omnem Galliam de sturno verum esse Guenaldus affirmet, an in Arvernia avem & Cevennae montibus per hiemem inveniat, valde dubito.

(2) *Versu 10.* Julius Cæsar Scaliger adversus Cardanum scribens dixerat argutas & Italas aures vexari sturni vernantis earmine. Idque homo ad Benacum in agro Veronensi natus in Gallia scripsit, ubi eo, sicut nostro tempore sturnus plus quam alia avis ob cantum in caveis habebatur. Morositatem igitur superbam, vulgoque semper contraria dicentem, quam homo alias doctissimus per judicia sua nimis sæpe ostendit, & hujus judicii causam fuisse existimo. Sed si optimis auribus suæ auris judicium de sturni cantu approbat, certe iis non prober, carmina a se ipso data, numerosa esse. Eaque tam immensa scripsit multitudine, ut vernam sturni garrulitatem per ea longe superaverit.

(3) *Versu 13.* Ollas, quæ Sturnorum nidos invitant, Itali non modo altissimis ædium muris, uti nostrates, sed & arborum ramis altioribus appendunt. Quod, licet Aldrovandi tempore novum & insolitum, apud Batavos tantum fieri ab ipso scriptum sit, viginti circiter annos post ejus obitum Romæ solenne fuisse ostendit Olina, sturno suo appingens ollam, iis ollis, quæ apud nos in usu sunt meliorem. Additæ enim a figulo ansulæ pertusæ, quibus virga immitatur, parentibus ad nidum accedentibus insidenda. Dicit tamen Olina vascula a Batavis inventa fuisse.

(3) *Versu 30.* Gallis Sturnus, *chançonner* sive cantator, dicitur. Estque ita domesticus Gallorum cantator, ut Parisiis vix sine Sturno ædiculam videas. Caveæ sunt magnitudine & per omnia similes iis, quæ apud nos captivis alaudis inserviunt. Credo Sturnos operosius quam alaudas ali. Olina Sturnis conscissa corda, omnemque Luscinia-

rum cibum, præscribit. Avisque vermivora ostendit hæc sibi necessaria esse. Quanti vero pretii apud Gallos & jam ducentis ab annis cantor Sturnus sit, videtur apud Belonium, qui in nescio qua Galliæ curia nobilem litem fuisse scribit, intentatam ab homine, qui Sturnum educatori pullum dederat, merulamque receperat. Merulam se accepisse, & docuisse, contendebat educator, merulasque discipulas Sturnorum pullis colore simillimas esse. Et vero simile est, educatorem causâ non occidisse.

(5) *Versu 43.* Partum tertium Sturnis Aldrovandus dant & Olinæ; nosterque Nozemannus eos bis ad minimum scribit parere. Differt ab Aldrovando Nozemannus in numero ovorum. Septem ille & octo, hic quatuor tantum & quinque Sturnis tribuit. Sicuti vero aves juvenecas ab adultioribus numero ovorum differre superius docui, uterque potest credi verum scripsisse. Josephus Zinannus, qui de nidis & ovis avium peculiariter scripsit, Aldrovandi sententiam tuetur. Sturnis & ille tertium cedit partum. Eorum experientiam non meam in versibus secutus sum, & veracem existimo. Aves sunt partu admodum præcoci, quibus tamen nidificandi tempus extremis Junii aut primis Julii diebus præterit, ut qui eo semper tempore congregatæ videntur,

(6) *Versu 60.* Dixi me in Batavis Sturnorum gregem exeunte mense Decembri vidisse. Idque licet interdum in Bataviæ parte maxime australi eveniat, intelligo tamen solennius, & ad Mosam, Sturnos latere, semperque latere per eam Bataviæ partem quæ borealis vocatur. Horum ipsi in stramineis scribit rusticarum ædium tegminibus sopitos

quot.

quotannis inveniri. Tam exigua igitur locorum intercapedo tantam inter avium naturas differentiam facit! Borealis enim Bataviæ principia a Mosæ ripis vix decem distant leucis.

(7) *Versu 74.* Surnos Saxonicos in angustis montium specubus, inque cavis nonnunquam arboribus per hiemem latere & sopitos inveniri, scripsit Georgius Agricola, idque ineunte scripsit sæculo decimo sexto. Tanti viri auctoritatem neque a Gesnero neque satis ab Aldrovando consideratam fuisse, nulla alia potest causa excogitari, quam quod in suis regionibus id Surnos facere non viderent. Ejusque quantitatis pretii opus *de animalibus subterraneis*, ab illis, qui de avibus recentius scripsere, nequidem inspectum fuisse apparet.

(8) *Versu 94.* Olaus Borrichius, quem in versibus (ab Olao Magno cum distincturus) Cimbrum Olaum voco, Olao Magno cognitionibus undecunque partis instructior, inter cruditos Danos unus ex paucis eminentioribus, de *animalibus hieme sopitis* commentarium dedit, quem anno sæculi prioris octuagesimo prælegit Hafniæ non modo academice, sed & aulæ proceribus, & qui commentarius Hafniæ cum aliis docti viri opusculis argumenti singularioris anno sæculi hujus decimo quarto editus est. Sed opus editum, multaue de avibus cognitu dignissima continens, ita scriptoribus avium recentioribus non agnatum est, ut primus in avibus meis Olai hujus Secundi testimoniis usus videar. De Surnis, ut rem in Dania percognitam & quotannis visam, ostendit, eorum inter se connexorum manipulos stagnis lacubus & paludibus extrahi, quoties fere piscatores anguillarum fuscina glaciem per-

tunderent, eosque manipulos foco admotos ex hiberno suo somno ut alias complurimas aves expergisci, pari modo aquis extrahi solitas. Possentne homini docto apud gentem & aulam suam æstimatissimo in mentem venisse, ita scribere, ita coram auditoribus patriæ suæ nobilissimis loqui, si se falsa loqui aut crediderat aut dubitaverat?

(9) *Versu* 100. Quod si Sturnus Gallicus per omnem annum in cælo suo perennet, vivat & vigilet, nosterque mensem ultra quantum cælo absit & sopiatur, non est mirum per tempus admodum breve in cælo Suecico Sturnos videri. Alias aves semestri, alias trimestri tempore latere Aristoteles dicunt & Plinius: id quidem illi de varii generis avibus, prout nempe una species altera alacrior, alteraque esset vegetior. Sed & ea differentia in ejusdem generis avibus obtineat, necesse est, ob maximam patriæ indeque & earum differentiam. Non enim sola corporum inertia, sed & frigus & cælum suum aves ad latendum invitat. Homines hyperborei longiore somno indigent, & graviore premuntur, quam quibus sub australi cælo experrectior est animus, & alacrior omnis natura. Non moror Franciscum Cinesium, qui sub extrema Arcto homines sopit somno quinque mensium continuo. Quadrapedia certè sub eo cælo sopiuntur longius, quam quibus sub Jove minus duro per hiemem somnus est necessarius. Ecquod igitur argumentum, aves non sopiri, quod de somni mora differant testes?

(10) *Versu* 112. Galenus Sturnos inter attenuantes optimique alimenti cibos laudat, cibumque aliò loco calculosis utilem dicit. Cum vero Sturni, ut omnes edules aves, pro locis bonitate saporis differant.

scien-

sciendum est, Galenum Pergamo natum, in patria plurimam vitæ partem transegiſſe, indeque videri Aſiaticos eum Sturnos laudaſſe. Quod ſi diſcretum eſſet a medicis, de iudicio Galeni apud Aldrovandum litigantibus, minor inter eos lis fuiſſet, litemque Aldrovandus melius dijudicaſſet. Avis eſt vermivora & baccivora: ſed quibus baccis, uvis, olivis, utrum ſorbis per multum tempus utatur; varium inde ſaporem varianque inde ſaporis bonitatem ſequi neceſſe eſt. Diſſerre iudicia credit Aldrovandus, quod alii de junioribus, alii ſententiam de vetulis tulerint. Tantum juniores Sturnos ab aliis, & ab aliis tantum vetulos guſtatos fuiſſe cum credat, omnes iudicii præcipitis fuiſſe, exinde ſequeretur. Neque ſanius examinat, utrum montani campeſtribus Sturnis præferendi ſint? ignoravit tantus Ornithologus avem minime montanam eſſe. Montanis, quæ nuſquam ſunt, campeſtres dicit præferri, tantaque eos ſuavitate haberi, ut vix a turdis diſcernantur. Quod ſi ita eſſet, noſtrates Sturnos quantivis pretii iudicaſſet, eosque ut cibum Batavis abominabilem viſum exponit, quod furcis & crucibus inſisterent, ſæpeque reorum cadaveribus veſcerentur. Potuit ipſi relatum fuiſſe, Batavos ſui temporis a Sturnis abſtinuiſſe, aliquos etiam abhoruiſſe: ſed propterea quod furcis inſisterent, incredibile videri debuifſet Ornithologo, qui ut aves cognoscereſ, ſe multum diſque peregrinatum fuiſſe ſcribit, Sturnosque nuſquam viderit furcarum cadaveribus paſci. Hodie certe Sturni apud Batavos abominabili illo cibo non utuntur, hodieque eos Batavis in menſam venire ſcribit Nozemannus: capi innumero numero per retia in arundenitis poſita, cibumque autumnii tempore in deliciis apud Batavos Boreales eſſe. Credo tamen boreales iſtos Nozemanni Batavos populum minoris ordinis dici debere. Ego ſaltem apud australes Batavos nunquam avem in menſis vidi, quarum tamen lautiffimas ſatis, & per omnem vitam acceſſi. Neque, ab amicis, qui ruſſicantur, Sturnos capi audivi. Saltem in nullis lacuum arundenitis apud noſtrates Groninganos capiuntur, niſi qui rari turdorum laqueis

illabuntur, aut ex Cerasis hortensibus Julio mense interficiuntur. Ii ab aliquibus in experimentum gustus comesti, præbuerunt iudicium, quod in versibus dedi, de sapore eorum. Autumnalibus; audio, non abesse extraneum illum saporem, quem Julius Alexandrinus Casareus medicus saculo decimo sexto Sturnis comestis dedit, in libris, quos Salubrium inscripsit.

(11) *Versu 130.* Aves plerasque per viginti dies incubare scripsit author maximi nominis: credo id illum in Vanello dixisse. Sed siue hanc sententiam ad ejus magnitudinis aves restringit, siue ad minores aut majores extendit, veritati id minime consentaneum est. Sturnos per sexdecim dies incubare intelligo ab iis, qui columbaria habent: & aves plerasque Sturno minores quindecimo die ova excludere dicunt aucupes; idque de compluribus veritati consentaneum esse ipse vidi.

(12) *Versu 146.* Sturnos Amstelodami ad viginti & sex annos in caveis vixisse scripsit Horunus in commentario suo Belgico ad aves Linnæi. Avesque vigesimum annum in caveis expleffe testatur Bommarius: quem Parisiis credo etiamnum vivere, itaque, ut in versibus dixi, inter mille datos caveis Sturnos. Vanum igitur aut nullum Olinæ testimonium est, vitam Sturni captivi sextum intra annum terminantis. Atque istum in vita avium designanda saepe vanum auctorem in versibus queror exscriptum esse ab Ornithologis ipsum secutis.

(13) *Vers-*

(13) *Versu 170.* Sturnos sæpe asperarum hiemum frigore per plagas cœlo nostris similes perire ostendi in versibus. / Et si asperior hiems se ad tepidiores extendit plagas, in quibus cœlum tenent, quin pari & majore forsitan clade pereant, nullus dubito. Quod si enim cornices bicolores & nigre, quæ in his terris per hiemes maximo numero videntur, avesque duriores quam Sturni sunt, frigore anni octuagesimi quarti ante oculos complurium maximo numero periire, Sturnos credam haud secus periisse in Gallia, ubi cœlum tenent, & ubi frigus idem æquo propemodum sævit rigore. Essẽ potest, quod picarum nostratum instar per sævissimum tempus se & in eo cœlo condant: sed licet magno numero congregati se conderent, & latentes aere frigus adureret. Sturni igitur, avesque Sturnis congeneres, aut natura persimiles, tutissimæ videantur in illis regionibus, in quibus hiems aut semper mitis, aut ita quotannis dura est, ut natura jubeat eas sub aquis sibi consulere. Et si animalium conservationi, uti mihi persuasissimum, ita à natura prospectum est, ex utroque tepido & gelido climate reparentur clades, quæ per durius frigus intermediis plagis eveniant. Sicuti hiems ultra modum sæva adjunctis plerumque nivibus sævit, animalia, quæ cœlum tenent, & a frigore & a nivibus quantum patiantur, colligis, maximè certe a nivibus, quæ cibum imminuendo calorem naturalem imminuunt, quo imminuto facilius nervos & fibras sævissimum frigus adurit. Cornices è cœlo labi & aliquas vidimus in nivibus immobiles stare, vivas utrasque, domumque & in hypocausta deductas, cum calorem possent recepisse videri, cibos circumjectos non appetere. Rostroque granulum aut carnis frustulum sumentes sumere id visæ sunt, ut ægri propinqua morte in agonis levamen vini guttulam. Pleræque haud secius, tantum non omnes, moriebantur: quæque ex plurimis paucae servatae sunt, alis in multum tempus manca videbantur. Cogitandum itaque, paulo post morientibus nervos aut fibras vitæ necessarias frigore prius enectas fuisse. Indeque mors avibus frigore morien-

rientibus veniens, indieat, ex latebris ligneis aut stramineis non semper sopitas resurgere. In concavis tabulatis, quæ adversus pluvias caminorum spiracula coronant, latentes vidi, uti in merula mea exponam. Inque stramineis rusticarum domuum tegminibus latitantes per Borealem Hollandiam vidit Hotunus. Quomodo in iis latebris ab acutissimo frigore non ad intima usque viscera perstrictæ credantur?

(14) *Versu* 200. Busbequius, scriptor magni judicii, Scythas non modo trans Istrum & Borysthenem, sed & trans Tanaim eolentes, Germanicæ originis ostendit ex lingua Germanica etiamnum apud eos supersistere, ipsosque Persas ostendit Germanicis uti vocabulis. Eaque & in suam linguam Græcos accepisse exponit Reitsii nostri Belga Græcificans. Certe avium, quæ trans Istrum & Borysthenem frequentiores, quam in Græcia sunt, complurima vocabula in lingua Græcorum antiquissima invenio, quæ Germanicam sonant originem. Exempli Gratia Tetrao, qui nostratibus *Oerhaan*, Germanis *Urhahne* dicitur, Atticis Urage aut Urago dicebatur. Quod si quis non ignorat, Germanos Orientales, versusque Pannoniam positos linguam aspirationibus adiectissimam habere, non dubitat, *Urhahne* pene ut Uragen pronuntiare potuisse. Adde, quod avem in Moesia frequentem esse scripserit Athenæus, Græcis vero ita raro obviam, ut eam inde crediderit Aristoteli ignotam fuisse. Vide librum Athenæi nonum.

(15) *Versu* 219. Homerum Asiaticum fuisse arguebat Asia, ora ditior, ideoque cultior ante Europæam Græciam: arguit & validè comparatio ex Sturnorum volatu sumpta. Nam si ætatem in Europæa Græ-

cis

cia exegisset, sicuti volatum Sturnorum autumnalem vix aut ne vix quidem novisset, eum lectoribus Surnos vix videntibus non exposuisset. Non videntibus, dico: quia in saltuosis & montanis locis, qualis omnis prope Europæ Græcia, perrari sunt Sturni. Et Græcorum Asiatici poætæ, Homerum secuti, Surnos sæpe militibus impetum facientibus compararunt, uti apud Quintum Smyrnæum sæpe, & apud Europæ Græciæ poætæ nequidem semel videas. Majus tamen argumentum Asia prius culta, & commercii gentium & scientiis dedita, & poëtarum Asianorum antiquissimus numerus, Mimnermusque Croesi tempore vivens, tamque cultis elegis, quam Homerus Epico carmina nobilis.

(16) *Versu* 226. Dixi in versibus Surnos æstate anni octuagesimi, quarti vix visos fuisse: avesque complures muscivoras, frigore forte pariter extinctas vix visas fuisse, adjungendum est. Quod muscarum culicum & insectorum reptilium ovis eum numerum fecerit, ut hoc anno vix solum in arboribus nisi æstate jam adulta viderimus. Volvices, qui crucæ sunt circum ramusculos sese volventes, non modo pomaria, sed & silvas & ipsa quereeta ea possidebant multitudine, ut suo sese numero ex ramusculis extrudentes ambulantes in silvula sua cooperirent. Aves muscivoræ, Surnique ante omnes perrari, ab ipsa ineuriosa alias plebecula desiderabantur: magno sane argumento, avium numerum hominibus pernitem esse. Suntque utilissimæ propterea, quod præter oculis nostris visa, animantia etiam invisibilia, & saluti hominum nocentissima, destruant.

(17) *Versu*

(17) *Versu* 234. Paulo post annum sæculi hujus trigesimum, extremum a magistratu hujus provinciæ contra Surnos, ut damnosās aves, decretum evulgatum est. Illudque cum a præcone nescio cujus vici populo pronunciaretur, famā est, vulgi vocibus identidem repetita, Surnum supervolitasse præconem, chartamque generi suo fatidicam merdis inquinasse, dum prælegebatur: famamque fecisse, sunt qui credunt, extremam illam Surnorum proscriptionem fuisse. Ego vero persuadeor, cognitam avis utilitatem abrogatæ proscriptionis causam videri debere. Avesque, quibus sacrae literæ pastum & incolumitatem videntur indulgere, forte etiam visæ sunt, legibus urgendæ & destruendæ non esse. Urgebatque lex non modo avem, solis cerasis nocentem, sed & rusticanam plebem cerasos non ferentem.

T U R D U S.

Turde, per autumnum mihi jucundissimus ales,

✓ Litore ab externo nunc celebrandus ades!

Quanta per aërios se pandunt agmina tractus!

Hinc turba ante oculos, major & inde venit.

Una avis, & summo volitans auditur ab axe: (1)

Vox eadem dumis arboribusque redit.

Ad quartam de luce nova fit in æthere cursus:

Altior hora vagum non videt ire gregem.

Omnis enim ad pastum tum se dispergit in agros,

10 Turbaque per stipulas & nova culta salit.

Quæque sub auroram, vel & ipsa nocte profecta est,

Luce nova silvas festâ subire solet.

• Illa tamen silvas, mox excita sole, recultis

Mutat agris, pinguem queis pede versat humum. (2)

Sol vergens properare vagas, pluviamque timentes

Ingenti silvis agmine reddit aves.

Sed quibus is numerus, mora nostro talis in orbe,

Omnis an is generis mos numerusque? rogas.

N

Tres

Tres varii generis turdi numerantur: in illis (3)

20 Ut geminus minor est, corpore major adest.

Tanto ad nos numero soli venire minores:

More alio & numero magne minore venis.

De minimis uni flavescit penna sub alis;

Penna eadem alterius sanguinolenta rubet.

Tertius assimilis picæ, si pondera spectas, (4)

Quo vincit minimos, nil nisi pondus habet.

Impositus mensis, minor est bonitate saporis,

Et post congeneres advena tardus adest.

Primus conspicitur, cui flavet penna sub alis;

30 Pluribus hunc mensis lux Michaëlis habet.

Ocior ad silvas, quas Vistula spectat Herulus, (5)

Adque Oderæ fauces ocior ille venit.

Alter, & hic minimus, penna rubriore sub alis,

Post primum decimo gaudet adesse die.

Tertius, in patria feram qui invenerat escam,

Vix rigidi nimbos ante Novembris adest.

Nec spectatus adest: nec turbam turba fugacem

Sæpe premit, laqueos bisque semelque subit.

Fri-

- Frigoribus mediis sed grex aliquando videtur,
40 Cum procul a nostris jam minor omnis agris.
Perque hiemem visus solito numerosior est grex,
De quibus augurium rustica turba capit.
Cum sedet, & summa grex clangit in arbore, longum
Frigus, & æstatis tempora ferus habes.
Sin mediæ ramos tenet arboris, inque propinquam
Spectat humum, vernos signat adesse dies.
Prima sedens sic forte soli spiramina captat,
Deque recludenda pabula sperat humo. (6)
Sed capitur laqueis forbi deceptus ab uvis,
50 Pascitur & baccis oxyacantha tuis.
Viscum amat inprimis, visco lætatur: & inde
Viscivorum veteres, nostraque sæcla vocant.
Cætera Pilares gens Iliacique vocati,
Omne genus baccas, vermiculosque petunt.
Vermiculos per agrum per silvam Octobribus horis,
Turbaque vermiculos vere reversa legit. (7)
Quod placet autumnio silvestris aranea, vidi;
Textaque & artificem prima laceffit avis.

Quodque placent tinea scutato tergore, scutis (8)
60 Indicat & stomachus, quæque referta gula est.
Sed quod utramque potest minimam duxisse videri,
Dives & his terris plurima forbus habet.
Illa greges uvis quos detinet, implet amaris,
Deterior captis nec venit inde sapor. (9)
In melius saltem discrimina rara notavi
Inter aves, peregrè quas mihi mensa dedit.
Forte, quod hic liquido butyro aspergimus assas,
Det notum a teneris præplacuisse cibum.
Distet enim gustus varias pascentibus uvas,
70 Nec pretium turdis constat & inde suum.
Viscivorum reliquis præponit idoneus auctor,
Gallus homo, & variæ qui regionis erat. (10)
Germanis nostrisque locis præponitur ales,
Qui minor: huic melior quod fuit ante cibus.
Viscivoros, credo, minus uti vermibus. Altis (11)
Arboribus fessi, bacciferisque sedent,
Et prensi laqueis alta super arbore pendent,
Ramo oblata humili pabula rarus adit.

Nec,

Nec, quantum memini, per humum se pascere visus:
80 Unde minor cupido gens legit ore cibum.
Deque aliis turdis quod victu differat, ejus
Serus ut adventus, mansio fera docet.
Terra subest nivibus, glacieque obstricta rigescit,
Et circum filvas grex per inane volat.
De quibus occisum mensis ubi Februus offert,
Fert stomacho baccas oxyacantha tuas.
Nullaque nostratum lecturus in arbore visca, (12)
Haud alias, video, quod sibi speret opes.
Forte tamen superest piccis & in abjete victus,
90 Pascit & hunc nucleis fagus hinlea suis.
Faginea, vidi, caveis quod vescitur esca.
Et plus, quam caveis cætera vivit avis.
Per quemcunque cibum notum se cætera pascat,
Ter quinum caveis deperit ante diem. (13)
Illa reclusa hiemis tempus prope sustinet omne,
Et minus aspectu territa visa meo.
Altera turba ferox caput & sua pectora frangit,
Plusque minor cunctis se feritate necat.

Unde ad nos veniat gens hæc & cætera, quæris?

100 Confule, quæis ventis advena fertur avis.

Pilaris borea, pilaris ducitur euro,

Sed minimum boreas, eurus, & auster agit.

Turdus is Iliacus, penna rubriore sub alis,

Quique tenet fontes plurimus Albi tuos.

Pannoniamque colit, Gesneri testibus utor,

Carpatem nidis implet & ille suis.

Et nidis saltus Leucorum plurimus implet: (14)

Proximior nostris non sit, opinor, agris.

Quod si pars igitur sub frigora montibus exit,

110 (Frigus, & haud paucos cogit abire fames)

Quod si iter instituunt vento indice, ventus euntes,

Tunc sæpe Arctous, quo ferat, ipse vides.

Forfitan in cursu divergia grata placebunt,

Utque Mosella, greges ducere Rhenus amet.

Vitis uterque ferax, profugi bonus agminis hospes,

Non nisi nudatq; palmite mittat avem.

Et quæ trans Gothicum mare nidificare videtur,

(Nidificat silvis, Suecia, nempe tuis)

Hæc

- Hæc si avis ad nostras, tam diffita, provolat oras,
120 Mille via causas, unde moretur, habet.
Utque ambage brevi, Mænum, Baccheia Rhæni
Litoraue & Nicri vitis amore petat.
Non, tantum iliacis, doceo, placuisse viarum;
Nec quibus ex terris advena noster eat.
Sed certè ferus venit, & vinacea secto
Quæ reperis stomacho, grana frequenter habet.
Omne genus secui: nunquam Pilaribus uva,
Et nunquam stomacho grandibus uva fedet.
Cumque adfunt grandes, vix grandibus uva supersit,
130 Quarum alias stomacho sapius uva foret.
Australes adventus aves suos esse fatetur,
Pilares gelidis ut docet ire locis.
Pilares, credo, gelido sibi in orbe placere, (15)
Nec nimium tepidi climatis esse genus.
Saltem ad nos profugi gelido magis orbe fugantur,
Pilares boreas semper & eurus agit.
Primus adest, quia pulsus abit regionibus ales,
Vermibus & baccis quos prius orbat hiems.

Et quoque primus adest fortasse, quod altera & ingens
140 Turba boræa sua sede fugarit avem. (16)

Est super immensos, quos Vistula permeat, agros
Horrida silvosis Livonis ora jugis.

Plurimus his turdus, turdusque innascitur ille;
Omnibus & Gothicis plurimus ille plagis.

Si profugas ad nos tam dissita terra propellit,

Quot dives profugas Vistula debet aves?

Et quot proximior nostratibus Odera debes?

Nidificat silvis plurima turba tuis.

Herciniumque jugum, Melibocus, fervere nidis

150 Dicitur: unde greges per breve tempus habes.

Sed quia frigus aves fugat acrius: arctica plures

Terra det, ut nullas cui sua fervet hiems.

Quid? cum altis, ut fama refert, ibi condant in undis,

Tam procul autumnus quas male mittat aves?

Quid? cum Saxonici positas bonus auctor in antris

Vidit, Hyperboræo poscis ab orbe greges?

Persimilis sturnus, victuque, & corpore, & ipsis

Moribus, & latebris hunc mea terra videt.

Vis

Vis minor est turdo, saltumque imitante volatu
160 Non æquat volucrem, quæ velut hasta, fugit.
Cur iter immensum faciat, sturnusque late scat,
Qui non a tardo nomen, ut alter, habet? (17)
Tarda citam, pinguisque macram, fragilissima fortem
Vincat avis; vincat, cui minor ala data est?
Ille ego, qui pennas numero, neque metior ullas,
Pene pares, sturni vincere testor opes.
Haud igitur testor, Gothicos ad nostra venire
Litora turdorum Sarmaticosque greges.
Indeque si fugerent, quis credat velle reverti,
170 Gavisos zephyris & meliore cibo?
Palladis & Bacchi depastos munere, credam
Ad Gothiæ vermes & remeare famem?
Anser Hiperboreas repetant anatesque lacunas,
Queis fatis est vili piscis & alga gulæ.
Et bicolor cornix reditum meditetur ad Arctum,
Vermibus australi corpus adesta solo. (18)
Perbene se turdus sustentat in aëre quovis,
Quaque libet, teneras perbene nutrit aves.

Utque cibi cupidus varia recreatur ab esca,
180 Et varium nidis gaudet habere nemus.
Cumque canit, melius decantat in æthere puro,
Quam quâ per crassum vibret inane sonum.
Quâque sibi placuit, maneat quod transfuga, nostris
Turba manens terris, quantulacunque docet.
Majales refugi nostris spectantur in oris:
Et pariet Gothico tam pigra turba solo?
Si qua tuas videat silvas paritura, Visurgi,
Transferit certe non, Meliboce, tuas.
Indeque sub brumam nec multo longius adsint,
190 Per nostros profugi qui referuntur agros.
Illaque longa foret fuga continuata volucris;
Substiterit mediis, nec semel, ante locis.
Nam cum ad nos borea soloque feruntur ab euro,
Spirantis venti pone sequuntur opem.
Unica nox, longosque notos, austrosque secuta,
Quæ dederit boream, dat genus illud aves.
Cesset & hic ventus, gens advena cessat: & ingens
Non nisi perpetuum flante caterva venit.

Ma-

Maxima turba tamen veniens, non agmina Kleini,

200 Non Oderæ numeros æquat, &, Albi, tuos. (19)

Nullaque quod nobis avis his descendat ab oris,

Utraque gens veniens & fugitura docet.

Nam simul apparet, terrisque moratur utrisque:

Cumque suam Batavus, Sarmata perdit avem.

Conspiceret primos mea terra Novembribus horis,

Credere Sarmaticos posset adesse greges.

Terra igitur propior sua dividat agmina nobis,

Et propior cunctis dat sua, credo, locis.

Quaque greges feri silvis pascuntur apricis, (20)

210 Saltubus appositis ferior esca fuit.

Quosque per omnem hiemem silvosa Britannia servat,

Credo, Caledoniis deproperasse jugis.

Cur hos, ut perhibent, Gothus & Norvagia mittat?

De fociae plena est insula gentis ave.

Frustra aliquid sapiens faceret Natura, gregesque

Objiceret longæ dux male suada viæ.

Non gaudere vagis, nec & ætheris invidet usum,

Qua tepet, & tellus proxima pascat avem.

Sed

Sed quacunque fuga nivibusque fameque periret,
220 Trimeitri vitam funere turdus habet.
Neve fides ea senfa recens obscuraque firmet,
Magnus Aristoteles sic quoque servat avem.
Idque senem, credo, Scythicae docuere volucres,
Namque in aprica suis praestat asyla fugam.
Cognitus hic turdus, praesturno frigora perfert, (21)
Nec debet latebris, quos avis illa, dies.
Iliacus nostrum patitur quandoque Novembrem:
Primaque Pilarem tempora mensis habent.
Viscivoros hiemem vidi mansisse per omnem:
230 Frigoribusque aptum creditur esse genus.
Hibernos igitur servat Germania turdos,
Plinius ut verè per sua scripta docet.
Sed lustrata viro Germania proxima Rheno:
Non hiemes Oderæ vidit & Albi, tuas.
Nec retulit, quales servat Germania turdos,
Nec longas illo duxit in orbe moras.
Mitis hiems spectat solitos miranda per annos,
Durior ut solito frigore, mira videt.

Quo-

Quoque loco, interdum grave frigus habente, perennat,

240 Nulla minus tuta est, quam vaga turdus avis.

Nec latebris, sturnos nostro claudentibus orbe,

Si qua hiemat pariter, tutior esse potest.

Quæritur aucupibus, cur sæpe frequentior ales,

Sæpe per has terras non numerosus eat.

Cum peteret Romam gens Arctica, gens hominumque,

Cæca per haud unum turba rucbat iter.

Nunc ventus, nunc casus avem divertit, & ipsa

Cura cibi varias cogit inire vias.

Hispidus October, pluviisque aquilonibus horrens,

250 Per cælum volucres lætius ire jubet.

Continuique nocent soles, quibus aëre summo

Provolat: alternus detinet imber avem.

Adde, quod haud semper populus proficiscitur idem:

Sæpe tenet patriam, qui vagus ante fuit.

Nam nisi vis hiemis, nisi montibus acris egestas

Pellat avem, planis haud juga mutat agris.

Terra opulenta subest licet Alpibus undique, turdos

Vidimus libernos omnibus esse jugis.

Per-

Perque hiemem asperior servat Melibocus & Albis,
260 Nec, nisi vis, patria cedere cogit avem.
Justa per hos annos si turba negatur adesse,
Fecisse id luxum, Russiacumque, putas.
Discat avis pretium sua patria, saltubus altis,
Seque, suumque genus, quo tueatur, habet.
Nec nocet, aut cladem faciat doctissimus auceps,
Tempore quo turdum spargit, & abdit amor.
Cumque greges coeunt, & perderet agmina Russus,
Agmina præcipiti, credis, abire fuga.
Non tam igitur Russus luxu crescente noceret,
270 Quam sibi Russiaco gens fugitura solo.
Vistula transitur profugisque Silesia, credis:
Quanta per has pridem facta ruina plagas! (22)
Per mensem turdis Odera pascente colónos,
Nullus ab his quondam turdus adesset agris.
Me puero, his terris plures venisse recordor:
Sed quæ, me puero, sæviit acris hiems!
Judicio egregio (nam nunc quoque cognitus inde est,
• Lustra bonum quamvis tot rapuere patrem)

Judicio egregio, quod & ipse probavit, ut auceps,
280 Frigora perdiderant has mihi, dixit, aves.
Oftodecim autumnos vivens post frigora, dixit,
Extinctum video nunc remeare genus.
Tempore post certè rediit genus omne secuto:
Viderat & solitos jam mea silva greges.
Sed, quod præterito cœpit grave frigus ab anno,
Perdedit, & turdis perdedit omne genus.
Ver hiemem immanem, nova tanquam bruma, secutum,
Vix turdum cœlo, vixque revidit, avem.
Quosque daret sua terra greges Octobribus horis?
290 Unus per silvam turdus & alter erat.
Nec jam me silva memorem testabor amicis,
Pro turdis lignum det nisi silva suum.
Silva stat incassum, rubicunda tot undique forbis,
Tamque per autumnos quæ mihi cara fuit.
Sed docuit clades, quod conjectura parentis:
Auctius & melius turdus habebit opus.
Guenaldus vati dabit & Buffonius aurem:
Arctois certè non venit ales agris.

Si-

Kleinus Arctois genus hoc crebrescere terris,
300 Vix maris ut numerum vincat arena, docet. (23)
Defecit laqueis genus insuperabile nullis,
Frigoribusque: eadem turba ibi semper adest.
Credo equidem, Kleini: Gothicis latet abditus oris;
Sed petat australes turdus ab axe plagas.
Teutoniæ tepidos, & dispergatur in agros,
Ubere quos gleba Gallia dives habet.
Pars apud Angligenas hibernet, in Arctica regna
Post favas hiemes ecqua rediret avis?
Et redeat fugiens, maneat pars magna sub Arcto,
310 Quod tamen ut faciat non latitura, doce.
Haud mihi comprehensa turdus ratione supersit:
Nullus in hos profugus cur modo venit agros?
Turba petens Gallos, & te duce missa per Alpes,
Divideret solitos per loca nostra greges.
Cur genus extinctum, quod venerat, omne, Groningæ
Non modo, sed tellus proxima quæque videt?
Quosque videt, servarit hiems: sed ut Arctica, nullos:
Servarit, sturnos ut mea terra tegit.

Servatos melius sua patria vere revidit:

320 Disperiit latebris pars male tecta suis:

Et fuga fervarit paucos, reducesque revidi,

Sed potui digitis quos numerare meis.

Non igitur speres, veteres nisi tempore longo,

Postque meos annos, hic revidere greges.

Quid? breve tempus & hoc, terras reparare propinquas

Extinctum, dubitas, tam cito posse genus?

Sed quæ terra dedit turdos, vicinior Arcto est,

Et terris, melius gens ubi tecta latet. (24)

Ut recipit profugos, solet hæc retinere colonos:

330 Semper aves terra divitiore manent.

Diviteque & vacua tam transfuga gaudeat ales,

Quam vagus ad Batavas qui venit hospes opes.

Cum Batavos Indus, sua terra obnoxia morbis, (25)

Marsque haufit, terra Marsque secutus aqua:

Tanto ad nos numero Germania fertur, & Arctos,

Amstela vix populum noscat ut ipse suum.

Quid mirum est igitur, vacuis si saltubus Albis,

Odera, nonnullas jungat & Ister aves?

Iliacus certè turdus defecit, ubi ante
340 Non nisi Pilaris visus habere genus. (26)
Nam qui olim decima est Pilares luce secutus,
Nunc minus amotam bis comitatur avem.
Utque diu plures Pilares cepimus olim,
Nunc æquat numerum gens laqueata fuum.
Quàque novum se parte genus Pilaribus addit,
Auxerit & proprium gens peregrina genus.
Adde, quod & cupidè genus augeat ipsa: quotannis
Bis parit, & toties fex habet ova thorus.
Dicitur abbietum per summa cacumina poni:
350 Et numerosa suosnectere turba lares.
Laudat Aristoteles, & hirundinis arte lutatum,
Ventos ferre, licet mobile, scribit opus.
Sed genus Iliacum sic nidificare videtur,
Innatum Græcis Pannoniæque jugis.
Viscivori nidos, Rheni nascentis in oris
Teste bono visos, concava malus habet.
Nec minor huic testis per summa cacumina fagi,
Perque humiles ramos textile vidit opus. (27)

- Talis, uti merulæ, est nidus, sed mollior intus;
 360 Fulcitur plumis, ovaque quinque fovet.
 Perque humiles frutices, majoris & avia silvæ,
 Pilaris nidum turturis arte struit.
 Sed tamen ut muscum ramis arentibus addat,
 Junctius & totum constituatur opus.
 Sic saltem his terris rara mihi forte repertus
 Nidus erat, volucres sexque ferebat aves.
 Perque Amasis terram, silvas spectantis opacas,
 Arte pari nidos crebrior ales habet.
 Crebrior ad Paderam, superique Visurgis in oris,
 270 Crebrior Herciniis nidificatque jugis.
 Sed loca, quæ nidis magis omnibus una frequentat,
 Versus Hyperboreum diximus esse solum.
 Viscivori nidos nascentis ut accola Rheni, (28)
 Galliaque & Latium nidificare videt.
 Utque avis illa frequens australibus aptaque terris,
 Non veterum mensis advena turdus erat.
 Advena carus erat: neque quem denarius emit
 Tertius, æstivum per nemus omne fuit.

- Cur, quem silva daret, Pompeio debuit agro
380 Luculli caveis, non aliunde peti? (29)
Pilares Italos adeunt, &, ut Olina scribit,
Montibus Hetruscis nidificare solent.
Sed cur Pilaris nidum Zinannus habere,
Nec potuit scriptor Felsina docta tuus? (30)
Estque ibi sub brumam non creber, ut ipse notavi.
Iliadum plures Tusca macella dabant. (31)
Utque cibum, cunctis Pilares Olina præfert,
Prætulit & Gefner, qui Tigurinus erat.
Non tamen Iliacus mihi vilior esca videtur;
390 Romulidum mensis aut placuisse minus.
Pastus erat certè, quam qui optimè, & unde per omnes
Laudatum mensas nunc quoque nomen habet.
Illyricis genus hoc, Græcisque ut abundat in oris,
Sæpe per Æmilios inde volarit agros. (32)
Pinifer & ramis habet Appenninus in altis,
Unde fatis Latium Romaque vidit avem.
Utraque avis veterum fuerit carissima mensis,
Iliadem caveas sed male ferre reor. (33)

Tur.

Turdus & ob pretium quibus asservatus in usus
400 Æstivos[caveis, forte docendus eras.
Sed post Varronem quotus hæc super alite scribam?
Quale Macer dederit, me brevę poscis opus.
Dicendum tamen, ut volucris capiatur. Ab alnis
Quæritur, in vacuo silvula quæ sit agro.
Saltubus assuetas solis, hominumque fugaces,
Proximior villis silvula terret aves.
Non nocet, iliceis si sit circumdata dumis, (34)
Totaque bacciferis horrida facta rubis.
Sed plures fac inesse vias, quarum unica saltem
410 Latior, & nigro sit perarata solo.
Despicit ex alto volucris. Genus omne ciborum
Silvula promittit, quæque nigrescit humus.
Et juvat, ut vivens, laqueis data victima primis
Per silvam in cavea constitutatur avis.
Illa greges cœlo simul exaudivit euntes,
Subvolat, & misera voce reclamat opem.
Mane per æthereas quæ maxima ducitur auras,
Quæque sub occiduum turba profecta diem,

Devolat, ac laqueos reperit. Laqueosque, docebo,
420 Ut facias: virgas cædua forbus habet.

Tercentum aut plures exscinde: & delta Pelasgum
Singula det manibus virga coacta tuis.

Mox ad utrumque latus trigoni surgentis, equinis
Ex fetis laqueos collocet apta manus.

Sorbea sub trigono fac pendeat uva, caputque
Immittet laqueis, qui dape turdus eget.

Sunt quoque, qui pedicas volucris tollonibus addunt;
Sed miseram longa tunc nece perdis avem.

Nulla fit utilitas crudelis! nulla voluptas,
430 Tanta avis ærumna quæ sit emenda, placet.
Suspensæ ad collum brevis & subitanea mors est,
Accipitremque vocat, quæ pede pendet, avis.

Tercentum ex trigonis, longè utilioribus ergo,
Tercentum volucres per breve tempus habes.

Non nisi per mensem venatio fervet, iniquum
Quod sequitur tempus, plurima vitat avis.

Omnesque, ut glacies per aquas ostenditur, absunt:
Fortè, quod ad latebras tum vaga tendit avis.

• Aut

Aut latebras vitare fuga si transfuga possit,
 440 Inde, quod è terra prima fit esca, vides.
 Scilicet & vernis simul illa resolvitur austris,
 Per loca nostra redux hinc quoque gaudet ali.
 Sola redit, nostris capitur quæ plurima forbis,
 Et vāfram Iliaca quam reor esse minus. (35)
 Multa per autumnos igitur, suspēsa tigillis,
 Servata est laqueis forbea bacca meis.
 Sed, seu vere novo sequitur cupidissima vermes,
 Scitve prius caro tempus abisse cibo;
 Rara subit laqueos: & servatissima, frustra
 450 Exposita est reduci bacca dolosa gregi.
 Quæ tum capta tamen de millibus unica, macro
 Pectore, nec noto visa sapore fuit.
 Et pennas mutasse, aliasque ostendere visa est,
 Fusca instar gaviæ, subviridisque caput.
 Et sic Pilarem, sed tanto corpore, turdum
 Cepimus, ut binas vinceret unus aves. (36)
 Viscivoris & avem Pilaribus addere posses:
 Cærulū errabat terga per ima color.

Sed neque viscivori pectusve, pedesve videbas,
460 Cætera Pilaris signa volucris erant.
Quale genus turdi quis vidit? tempore Plinî,
Vifus in Aufonia est & nova dictus avis.
Tertia gens turdis adscripta minoribus, & quam
Pilarem, dubites, Iliacamne voces. (38)
Aureolus color est illis per pectora summa,
Flavet, & interior, dixeris, ala rubet.
Sed rubet, & rubram dicas fore: sæpeque vifus
Turdus hic, Iliaci pullus habendus erit.
Verus & hic fertur, veteri laudatus ab avo,
470 Et quartum turdi præcipuumque genus.
Iliaco differt plumis, differtque sapore,
Vita quod huic misero rapta dat ante diem.
Nondum oculos stria flava super, quæ nascitur annis,
Et quæ pro sexu plus quoque forte nitet.
Alitis hæc oculos super est albescere visâ;
Diversumque genus dictus & ille fuit.
Ætatis quæ signa tibi certissima longæ,
Externi generis sunt nec habenda novi.

Vidimus incano seniore vertice sturnum,

480 Vifus & Iliacus vertice canus erat. (38)

Nec dubito, quin sexus avem quoque mutet, ut ille

Poffet in Iliacis multiplicare genus.

Sexus, & immutat fpeciem Pilaribus ætas.

Non alias difpar tam genus effet idem.

Pectora nonnulli maculis nigrioribus ornant,

Grande caput, plumis auctaque colla vides.

Effet mares credam, numerus nifi rarus eorum:

Signa quod hæc ætas fecerit alta, putes.

• Cauda minor pullos genus & tibi denotat anni.

490 Utile quod dominis & quoque noffe coquis. (39)

Nam tener in tantum præstat fenioribus ales,

Inde fit ut menfæ, non honor inde tuæ.

Utque fibras mutat fuccos & in alite, quantum

Poffit in externo longa colore dies?

Alterat hunc annus, confpectaque vere volucris,

Autumnis notum denegat effe genus.

Forte, quod & magno de millibus unica fato

Tam procul abfit, ut & patria mutet avem:

O S

Non

Non nihil hæc turdum vel non nimis absita mutat, (40)
500 Mutat in immensum diffitus orbis avem.
Iliades Afras tibi pingere posset Apelles,
Non, qui Mæonia præditus arte foret.
Pilares vidi, quorum omni in corpore plumas
Inficeret viridis coccineusque color.
Miserat hos tellus Columbi inventa carinis,
Illustratum avibus quæ dare vellus amat.
Omnibus utque novat tellus nimis altera plumas,
Est, ubi vox pulcro rapta colore fuit.
Omnibus Europæ turdis non deficit illa;
510 Lis gravis est cantu de meliore trium.
Et genus omne domi gelidum tepidumque per orbem,
Sed quæ de nido sumpta, tenetur, avis.
Rarior hoc nostris pullus negat hætenus oris.
Sed satis appositis jam canit ille locis.
Vere redux ales Batavis, ut sturnus, in hortis,
Et melius juncto turba canore canit.
Quodque canunt, Batavas solet exhilarare puellas,
Ut sacra virginibus Catia musa docet.

Quam

Quamque inter fagos sub Hagani collibus agri
520 Catius audierit, Martius audit avem. (41)
Dicitur in nostris per Aprilem psallere silvis,
Non audita mea quæ tamen aure fuit.
Quippe, sacram cantu, docui, violaret ut auceps,
Nec semel est laqueis turba perempta meis.
Cælestes genii, sparsæque per æthera mentes,
Parcite, si sancta est, quæ modulatur, avis.
Sed brevis est ævi, testatur ut Olina saltem,
Sed finitis milvis hanc quoque sæpe rapi.
Et procul a patria, faceret cum patria tutum,
530 Turdus inops annis omnibus exul cat.
Quàque venit, profugum sua vox laudata relinquit,
Vilis & adveniat, quod numerosus adest.
Omnia quæ faciunt, sit ut excusabilis auceps:
Sævior aucupibus fors inimica nocet.
Sors quoties dedit acre gelu profugisque pigrisque,
Destruit immensos fors inimica greges.
Et mihi, cui frigus, rerum naturaque parcit,
Cuique favor peregrè partus ubique fuit:

Qui.

Quique, velut filvis turdus, modo conditus agro,
540 Aut patria lateo conditus urbe libris:
Cuique magis raræ, quam turdo, gratia vocis,
Et prœcul auditæ gratia vocis adest:
Et mihi quot laqueos patria struit invidus urbe!
Invidus, aut vatium qui timet omne genus!
Nunc Batavos versus, stultum & quodcunque Latine
Scribitur, ut nostræ ventilat artis opus.
Nunc dicor patriæ per amicos posse nocere:
Nulla satis Gallis littera tuta datur.
Nunc, quocum vivit vulgo & sine fine fusurrat,
550 Legatis notum me nimis esse docet.
Sorte alia, & ventis magis aspirantibus illi,
Cogerer, ut turdus, vertere forte solum.
Sed mihi, sed factis, nec & uni fîsus amico,
Atque hilari studio corda propinqua gerens,
Vitam actæ similem, solitisque laboribus aptam,
Nullaque fortunæ munera posco Deos.
Si fortuna tuum tamen augeat ulla favorem,
Da, quæ fortunæ munera, Lector, amem.

N O T Æ.

(1) *Versu 5.* Ornithologis in nulla magis re inter se convenit, quam in acuta voce, & ab altissimo cœlo audita, turdis pilaribus tribuenda. Neque in cœlo admodum dispare vocem differre, docent Linnæus, Racineſcius, & Kleinius, Arſtoi ſcriptores, Ariſtoteli, Italique & Gal- lis ornithologis in hac re convenientiſſimi. Auditur avis a bonis auri- bus, quæ a bonis oculis, ut altivolans alauda, videri non poteſt. Sunt qui Iliacis turdis per cœlum euntibus vocem pene parem tribuere, ſed cum volatu non differant, pilares, utrum iliacos audias, difficul- ter diſcernitur. Iliaci per ſilvam ſalientes & exterriti clangunt, uti Viſcivori: quos lingua propterea noſtratum turdos cachinnantes vocat. Clangor ille a pilaribus nunquam auditur. Unde iliaci fulvo peſtore viſcivoris ſimiliores, iisdem & magis cognati viderentur, ſed convolant Iliaci & Pilares, nunquam cum viſcivoris alterutri. Atqui congregatio magis intimam paritatem indicat, quam color, admodum in merulis & turdis diverſus. Et tamen merulæ & turdi aves inter ſe amicæ apud Plinium dicuntur, quodque revera amicæ ſunt, indicant merulæ tor- quatæ, quæ aliquibus in terris per ſilvas in cævea conſtituuntur, ut greges turdorum ſuper ſilvam volitantes deſcendant.

(2) *Versu 14.* Pede terram verſantis aviculæ mos eſt, maxime vermivoram indicans. Id etiam ſturnos facere ab aliis rectè obſervatum. Iliacosque & pilares turdos ſturnis hoc more ſimillimos eſſe, non ſemel vidi. Guenaldus magnam in unguibus vim utriſque tribuit. Eamque vere unguibus tributam eſſe, & utriusque roſtro tribui poſſe, identi- dem ſenſi. Mordent enim & præſtringunt digitos, qui laqueis vivi exi- muntur, ut ſanguinem enti exprimant.

(3) *Ver-*

(3) *Versu* 19. Tria turdis genera dedit Aristoteles; neque plura, credo, dederat Natura. Ornithologi vero recentiores gravi errore genera multiplicarunt, differentiam sexus & ætatis diverso tanquam generi tribuentes. Quid si vero turdum vidissent, Plinio & mihi uni ex recentioribus cognitum? Quintum certè ex iis genus procreassent. Turdum illum inferius poema descripsit, & differentiam, quæ maximè inter Iliacos est juniores & adultos, & quæ genus quantum apud ornithologos constituit. Turdum singularem, bis captivum videns, dubitasse me fateor, an non quantum ex iis genus faciendum esset: sed vix credibile futurum cogitavi, Aristoteli invisum fuisse, cui aves ex omnibus terris submitti jussèrat tot terrarum diversissimarum victor Alexander. Et si avem ille vidisset, neque propter eam turdis genera multiplicasset, plus Aristotele mihi tribuendo, justè omnibus arrogantiore, & mihi ipsi viderer. Trium generum diversitates satis clare expositæ sunt in poemate. Sed de pilaris & iliaci nominibus nihil dixi, quique eorum nominum causas apud alios legent, male me produxisse primam syllabam in pilari judicabunt. Pilarem turdum Salengrius Gallus dictum putat, quod capitur fetis equinis, quas ille pilos vocat, & vocare non potuisset, si rectius latine scivisset. Et si pili setæ essent, quot aviculæ pilares essent dicendæ? Alii superna rostra huic turdo barbata, pilisque aliquatenus obducta viderunt, indeque pilarem dictum fuisse existimant. Isti pili in rostris supernis nostratium non videntur, absuntque mento, cui pilos appingi fecit Aldrovandus. Avesque ille barbatulos turdos vocat, nec credo, male. Aves pro diverso cælo differunt. Possuntque & superna rostra in aliis terris pilis aliquatenus obducta videri: sed non possent ab illis pilis turdi, pilares, vocabulo tanquam illis unice proprio, dicti fuisse. Avibus haud paucis, & Picæ Glandariæ in primis, pilaris nomen melius convenisset. Sed ut latine scientes vident, a pilis lamuginem significantibus nullæ aves pilares latine dici possunt: Pilosæ enim latinis scriptoribus dictæ fuissent. Veteres enim adverbium pi-
la-

laris a pila tantum, & a pilo teli genere derivarunt. Etymon vocis viderat Gesnerus, quod primam syllabam in pilari turdo productam apud nescio quem poetam legerat. Indeque non a pila, cuius prima corripitur, sed avem a pilo dictam fuisse intellexit. Intelligere vero non potuit, quomodo a pilo teli genere turdus a veteribus græcis & latinis dictus fuisset. Dicitur enim Trichas apud Aristotelem, quod & Græcè teli genus significat. Sed pila & sagittæ (quas Belgæ a Romanorum voce pilo *pilen* dicimus) quotidie a militibus, præcipuè tironibus in scopum album vibrari jubebantur uti ex scriptorum veterum centum locis constat: scopumque album, pilis pertusum, qui indies ante oculos habebant, eum turdi pectus pertuso scopo persimile viderent, pilarem hunc dixerint, ut ab iliaco turdo congenerem discernerent. Iliaci nominis causam derivat Guenaldus, quod a vetere Ilio hoc turdi genus in Græciam devolabat, sed eum turdos & advenas aves omnes semper ex septentrione versus austrum profugere testetur, non video, quomodo ex Phrygia iliacos in minus australem Græciam accersat.

(4) *Versu* 25. Tertius turdus, viscivorus, a visco, dilecto ejus cibo, dictus, picæ magnitudine similis ab Aristotele dictus fuit: ideoque a recentioribus explosus fuit, tanquam pica minor esset. Estque minor, caudata, sed non quam glandaria quam Aristotelis & veterum picam fuisse, in pica mea ostendi. Quantumque illa avis viscivoro turdo magnitudine similis sit, hoc anno amicis turdos egregiè noscentibus licuit ostendere. Picam glandariam turdorum laqueis eeperam, circaque primos dies Octobris, quatuor fere septimanis, antequam primi adveniunt viscivori. Ex advena igitur tam præpropero ut amicis laqueos meos commendarem, deinde ut iis ostenderem, quam vere Aristoteles viscivorum picæ a magnitudine comparasset, glandariam meam detracto capite tanquam a milvis exempto turdos inter pilares convivis apposui: cum
que

que nullus avem viscivoro majorem vidisset, plumas adferri glandariæ meæ jussi, quibus visis sicut advenæ præproperi miraculum desiit, secuta est confessio omnium, Aristotelem utramque avem recte a magnitudine comparasse.

(5) *Versu* 31. Turdi omnis generis teste Kleinio in agro Gedanensi circa medios dies Septembris eo numero apparent, ut aucupium ab iis diebus ferveat: parique & stato tempore primi advenæ capiuntur ad Oderæ ostia. Sed hæc festina majoris numeri apparitio Arctoïs regionibus peculiaris non est. In Lotharingia & Burgundia primi advenæ (sed non omnis generis turdorum) pari tempore crebrescunt. Et eodem tempore in nostris minoribus silvis apparent, qui in majoribus nostris nidificaverant. Differentia igitur non est nisi in numero, numerus enim nostratium perexiguus, sed crebrior & frequentissimus in iis locis, quibus maximæ silvæ sunt in propinquo. Ager Gedanensis maximis silvis ad Vistulam extensis adjacet, & ex iis Kleinius primos greges arcessit. Eosque scribit maxima sua parte propelli versus Borussiam, simul ac alteri greges magis septentrionales circa primos dies Octobris adveniunt. Illique ab alteris novis advenis propelluntur, teste eodem Kleinio, ad idus usque Octobris; quo stato semper tempore cessat Gedanensibus aucupium. Et pilarium aucupium eodem tempore nostratibus cessat. Iliacorum ad ultimos mensis dies, & viscivororum ad idus Novembris prorogatur. Fervere tamen & Iliacorum aucupium desinit, circa vigesimum Octobris diem.

(6) *Versu* 48. De augurio veris proximi aut mansuri frigoris ex turdis viscivoris capto primus credo mentionem fecit Crescentius, qui sæculo XIII vixit Bononiæ. Mentionem illam exscribere ornithologi complures, præter Gesnerum, qui augurium istud fidele esse ab hominè rustico acceperat. Sunt apud nostros, qui viscivororum hibernos gre-

greges cantillare audiverunt. Ego qui eos greges hiberno tempore sæpe secutus sum, & sæpe in silvarum extremis arboribus sedentes ex propinquò consideravi, cantum ab illis nullum inaudivi, sed, quod in versibus meis dixi, greges seræ hiemis numerosiores vidi, quam qui per Novembrem mihi identidem obvii fuere.

(7) *Versu 56.* Vermiculos, & nihil præterea in cibum legunt verni reduces, sed qui reduces turdi tantum pilares sunt. Videnturque transfugæ lentè procedere, & a primis sæpe veris diebus ad nonum & decimum mensis Maji diem videntur. Quod si vero rigidior frigore est Martius, ineunte Aprili, & quandoque etiam serius aspecti, & tum ad idus Maji magno numero in nostris terris moram trahentes visi sunt.

(8) *Versu 59.* Præter ea, quibus turdos pilares maxime vermivoros ostendi, ostendenda est Joannis Coleri experientia: qui in agro Brandenburgico ad Spream ineunte sæculo priore vivens, eos ob cantum in caveis ali, alique scribit pane tritici contrito, aut farina Saracenæ segetis aquis macerata. Illoque eos a cibo cum languescerent vidisset, revalescere & lætius eos vidit cantare, simul ac araneam ipsis obrulerat. Cujus experientiæ & Romanus Olina consentit, contrita ovium corda pilaribus monens necessaria esse. Sed in dissectis pilarium autumnalium ventriculis nunquam vermes aut araneas, & persæpe in iliacorum reperi. An quod stomacho ardentior sit pilaris? ingenio & natura ardentior videtur iliacus, qui in laqueis multo magis se exagitat & diutius vivit, quam pilaris. Vidi pilarem araneas silvestres laceffere, & ante oculos meos devorare. Sed tinearum scutato tergore, quæ aliorum visitant foliis, sæpe integra senta in ventriculis iliacorum vidi. Venantur igitur insecta, & per arborem & per humum salientes.

(9) *Versu* 64. Avis minus baccivora, quam vermivora est turdus. Quodque inter mensæ delicias habetur, minus, credo, a baccis, quam a vermibus habet. Indequ minus fortasse interest, utrum baccis forbeis an uvis vescatur. Juniperi in agris nostris non silvescunt, sed in proxima nostratibus Vestphalia crebescunt, ut thynius in Hybla. Possunt igitur nostrates advenæ saturi & junipero videri, tamquam alii cujusvis terræ turdi. Memini me turdos Romæ comedisse, minusque mihi quam nostrates placuisse. Sed dabantur mense Februario, quo tempore omnes aviculæ minus, quam per autumnum, pingues & vermibus saturæ sunt. Parisiis, perque Germaniam, & Sabaudiam turdos sæpissime & per autumnum comedi, sed quod nostratibus præferendi essent, non sensi, nisi forte in Sabaudia. Sed utrum judicium veræ eorum bonitati, utrum fami meæ a frigore Alpium accensæ tribuendum sit, dubito: & præparatio ciborum Allobrogum magis ad nostram & Gallicam accedens, turdos Alpino's delicatiores potuit fecisse, ut multa, quæ diu aliter præparata, & palato magis aliena, gustaveram.

(10) *Versu* 72. Sunt scriptores, qui pilarem turdum in cibis, sunt plurimi, qui istacum prætulere. Belonius inter primores omni titulo, qui de avibus scripserunt, viscivorum prætulit. Ejusque judicium eo magis advertendum est, quoniam ab homine prolatum est, qui magnus peregrinator, variis in terris avibus illis in cibum potuit usus fuisse, aliorumque de illis judicia intellexisse. Inque Gallia, unde oriundus fuit, & ubi extremum vitæ tempus ob eruditionem inter magnates peregit, quod de turdis commune esset judicium, potest videri in scriptis suis reliquisse. Nihilominus plurimi scriptorum, & præcipue Galli judicium ipsius carpsere. Sed ipsius judicium hoc nostro tempore secutus est scriptor Helvetius, Medicus Bernas, Burgaus nomine, qui Bommarii Lexicon Historiæ Naturalis observatis suis adauxit. In quibus turdos pedibus nigris (quos viscivoros puto, non enim alios pedibus nigris vidi)

tur-

turdos in Gallia contentos, delicatissimum Bernatibus cibum esse testatur, sic ut asibus duodecim Gallicis singuli vencent. Neque id pretium ab raritate potest exauctum videri, quod sub autumnum Bernatibus magno numero ab altissimis jugis dilabuntur, magnoque numero capiuntur per retia, satis illis raris retibus similia, quæ in agro Sabino turdis edacibus tetendit Horatius.

(11) *Versu 75.* Iis rationibus, quibus innui viscivorum minus aliis turdis vermivorum esse, contradictum est, quod serius venit, quam eum in humo superna sunt vermes. Inde eum terram non legere, inde altis arboribus insidere. Sed scolopaces, altisne illæ arboribus sedent, an humum silvestrem, diuque post adventum viscivori legunt? Et quare serius cornices in arvis recens peraratis magno numero videntur? vermibus duei, vermibus eas maxime recreari novimus, licet etiam frugilegæ sint. Regulus & scolopax frugilegi non sunt, & per hiemem inter folia silvarum decidua non modo victum reperiunt, sed victum, unde ille perpetuo cantat & unde altera ventrem sæpe præpinguem mensis ostentat. In nivibus sunt vermes: perque humum silvestrem inter alta folia non essent? adde, quod aves maximè vermivoræ naturæ ductu terram semper perquirunt, & terras vermium avaras. Est aliquod igitur argumentum, turdos viscivoros, minus vermivoros esse, quod nunquam per humum silvestrem, semper in summis arboribus per hiemem videntur.

(12) *Versu 87.* Viscum, unde à veteribus dictus fuit viscivorus, arboribus australis terræ, uti nostris muscus, innascitur. Ejusque plantæ parasitæ baccas tantopere amant hi turdi, ut arbores viscum ferentes ab aliis avibus agmine facto defendant: quod in silvis ad Ligerim positis se observasse scribit Salengrius, addens tamen, viscæ non admodum in suæ Galliæ silvis frequentia esse, cibique dilecti caritatem fortasse viscivoros ad tam singularem earum arborum custodiam invitare. in nostris

vero silvis tam nulla sunt viscæ, ut Abraamus Muntingius Groningensis, exoticarum plantarum cultor ingeniosissimus, rationem non invenerit, ex seminibus aliunde ascitis viscum sub nostro cœlo procreandi. Sed nidificant viscivori apud Sarmatas, Silesios & Brandenburgicos, ubi pro visco per hiemem non nisi oxyachanta utuntur. Adque Spream teste Colero ante, quam alii turdi, capiuntur viscivori. Sed si inde, aut ex Hercinia silvâ, ad nos venirent viscivori, ut pilares turdi, septentrionales advenæ verno tempore inter refugas aves viderentur.

(13) *Versu* 94. Turdos in caveis haberi, satis est assolitum. Galli Iliacos & viscivoros, Sueci teste Linnæo & Brandenburgici teste Colero pilares in caveis habent, & teste Olina Romani, sed omnes a nido caveis immisissos. Romani autem veteres advenas etiam, iliacos saltem & pilares, ab uno autumnio ad alterum in caveis habuere: quod nostratibus fas non est. Varronis cibos & tenebras, pullis & adultis, junctis & disjunctis dedi. Nullo profectu. Omnes moriuntur. Eademque Vestphalis, & Albicolis est experientia, uti mihi rescriptum ab amicis. In mentem igitur venit profugos septentrionales sive a cibis sive à cœlo in sanguine forsitan habere, quod vivere captos vetat. Coturnices per ver & æstatem captæ vivunt, moriuntur autumnales captivæ. De sturnis diverso tempore captis eadem diversa est experientia. Videbis inferius verisimile esse, turdos, advenas etiam nostrates, per hiemem aliquantum temporis latere.

(14) *Versu* 107. In Lotharingiæ silvis nidificant iliaci teste Gualdo: Lotharingi veterum Leuci fuere. Propius nostratibus iliacos nidificare dixeram in versibus, vero simile non esse. Sed scripseram hoc anno sæculi septuagesimo quarto, ante quod tempus ab omni memoria aucupum iliaci decem diebus post pilares advenere. Ab annis vero duobus, post duram illam hiemem, circa calendas Octobris cum primis pi-

la

laribus capiuntur. Unde iliacos nunc propius nobis defedisſe conſector, uti etiam, ex verſibus poemati adjectis, inferius videbitur.

(15) *Verſu 133.* Licet omne turdorum genus ſub cœlo admodum Arctoo nidificet, pilares tamen longe majore numero quam cæteri. Præterquam Ornithologi, id mihi & nauæ & mercatores noſtri retulerunt, qui in Balthici maris portubus hibernarunt. Per Germaniam turdorum autumnalium captura, proprio nomine a pilaribus dicta eſt *Kramsvogelen vangſt*. Tempusque fuit, quod in noſtris terris perpaucci capiebantur iliaci, uti memini me à parente meo accepisse, cui id a ſenioribus aucupibus traditum fuerat. Nomenque Germanicum iliaci avem indicat non indigenam, ſed a terris vitiferis adveſtam: dicuntur enim Vinipetæ à Germanis, & ab ipſis Sarmatis Gedanenſibus, uti apud Kleinium videas. Neque aliud huic avi nomen Colerus dedit, qui plus ſæculo toto ante Kleinium ad Spream ſcripſit. Deinde per Germaniæ terras, ubi nunquam ante nidificarunt turdi, prius nidificant pilares, quod avem indicat frigidioribus illis terris magis propriam. Apud Gallos non nidificant, in pluribus ſaltem magni imperii partibus: neque apud Italos, niſi in gelidiſſimis Appennini jugis, piniferis quidem, ſed glacie & nive, perpetua fere, interſtratis.

(16) *Verſu 140.* Altera alteram avem profugam a ſedibus ſuis fugat. Atque inde, credo, ſola avibus aut præcipuâ eſt peregrinandi neceſſitas. Cui tamen cauſæ adjicias, increſcentem nimis in locis avium ſœcundioribus multitudinem. Sed inde veniens neceſſitas tantos non propelleret greges. Propelluntur aves & quæ per hiemes cœlum tenent, & quæ latituræ ſunt. Deſiciente ob advenas cibo, antequam latendi tempus advenit, inſtar anſerum & cornicum, propelluntur etiam, quæ latituræ ſunt: avesque vernaculæ, & congeneres, ubi adveniunt, auſtrum verſus, ſed non in longinquum, propellunt. Morantur enim,

ubi cibus copiam ostendit. Sed ubi penuria, sive a terra minus benigna, sive a novis advenarum gregibus, longioris fugæ necessitatem imperat, propelluntur, usque dum latendi tempus adventit. Et quæ locis apicis viciniore nata sunt, propulsa ad aprica loca, cælum hibernum patiuntur, & non latescunt. Turdi indigenæ nostrates eam mihi sententiam persuasere. Secedunt a majoribus silvis in minores, primo Septembris euro. Decimoque die Septembris a me capti sunt, sed exiguo numero & prope omnes pulli. Pullos enim, quos in nido nostrate volucres vidi, ab exigua cauda, rostroque flavo & magis tenero dignovi, & vernaculæ quod essent, a colore tergi minus fusco. Quali omnes colore sunt per æstatem in cerasis visi, nec semel ab illis nostratum interfecti, quibusque persimiles erant in uido a me deprehensi. Pulli igitur, quos certe nostrates dicam, capiuntur ad vigesimum quintum aut sextum Septembris. Quo tempore in nostris silvis primi videntur advenæ, ab Amisii terris, credo, ad nos missi. Nonnihil discolors illi, licet pulli, sed discolors magis, magisque fusci sunt & adulti & pulli, quo ferius adveniunt. Nostrates igitur pulli post primos advenas nunquam visi aut capti, propulsi quod habeantur, necessum est.

(17) *Versu* 162. Turdus a tardo dictus videtur Isidoro. Certe volatu tardus est, comparatus autumnali sturno, qui circa latendi tempus, ut in versibus dixi, velut hasta per cælum fugit: ille vero saltum imitante volatu, & quod magis viam longam facere impedit, dextrorsum & sinistrorsum versus, uti volitant greges, qui cibum quærunt.

(18) *Versu* 176. Auferes, anates feri, & cornices bicolores, longissimam avium mihi novarum quotannis peregrinationem faciunt. Anserum & anatum aliqui apud nos manent: cornices bicolores nullæ. Veniunt ante idus Octobris, & nullæ ante Aprilis idus recedunt. Ad Archangelum litus, Moscoviticæ terræ portum, uti a nostris audio nautis,

im-

immani numero per æstatem videntur. Ad Viſulæ vero oſſia (ubi etiam æſſivant) teſte Kleinio per omnem hiemem & magno numero morantur. Quæ apud noſtrates morari captiva cogitur (cogiturque perſæpe, quod pacifica & hominum patiens volucris invitat ad ſui capturam pueros) circa villatica teſta exciſis, pennis ambulans moratur, piſciumque viſcerebus & qualicunque cibo paſſa, menſe Junio perit, vermibus dorſum perſeſa. Anſeres & anates feri apud noſtrates, ut in terra nimis populofa, non mora æſſivant feliciore. Omnes enim cum genere & prætenero capiuntur.

(19) *Verſu 200.* Nihil magis in longinquum non peregrinari turdos docet, quam quod tam immenſis gregibus per Arcticam terram advæne, perque noſtram multo pauciores, & ut Horatii verbo utar, numerabiles quodammodo tranſeant. Aves Gothicæ, Livones, Sarmatæ, Sileſiæ, & quæ propius ad Spream magno numero nidiſcant, ſi ad Alpes uſque & trans Alpes profugerent, uti exiſtimabat Kleinius, majore numero apud nos, quam apud Kleinii conterraneos, viderentur. Greges enim ab ultima Arcto proſugi, greges intermediis ſecum trahentes, quanto numero apud noſtrates viderentur! partem quidem apud conterraneos ſuos manere, majorem vero partem peregrinari in remotiſſimas terras australes exiſtimabat. Sed proſugos greges cum veris tempore reverti non videret, alia via per Cimbros credebat & Gothos in ultimum ſeptentrionem reverti. Erat enim neceſſe, ut reverterentur: quo minus Siberia & ultimus ſeptentrio altero autumnio turdos ad Viſulam non remitteret: quos fatis, credo, intellexerit Kleinius in iſta frigidiffima terra hibernare non poſſe. Sed cur avibus illis aliud iter autumnio, aliud placeret vere? Et, ſi Borrichius Cimper, & Linnæus, qui Gothus natione fuit, revertentem immenſum illum numerum vidiffent, alter turdos non latere ſcripſiſſet ſub aquis, alterque mentionem aliquam revertentium ſeciſſet. Multo enim minus notabilia Linnæus de turdis memoriæ prodiit. Sed certe neque

per Cimbros neque per Gothos revertentes videntur. Antequam enim ab Alpibus & ab Italia usque ad illos pervenirent, viderentur a populis, qui de avibus quotannis scribunt; viderenturque, uti per litora proficisci solent, a nostratibus: qui perexiguos greges vident reverti, & tam fero morantes, ut vix partus tempore Visurgim aut ad Melibocum pertingant.

(20) *Versu* 209. Compendium cis Parisios, ad octodecim Leucas Belgium versus, Galliae regis villa est, hinc planitie, inde collibus & silvis undique circumcincta. Ad cujus immensae & densissimae silvae extimos dumos per Novembrem, confluunt & magno numero capiuntur iliaci. Sex septimanis ocus capiuntur a Burgundis: & Guenaldus, qui Burgundus est, Iliacos illos Compendienses, advenas, & septentrionis extremi alumnos existimat esse. Quid? cum per omnem Galliam nidificant, deque interioribus silvis, uti testatur Guenaldus, ad earum latera se recipiunt? Sed si illos Compendienses, aut Picardos, advenas esse asseverat, quare tot septimanis ocus septentrionales advenae ad magis australem Burgundiam veniunt? diversissimae, & admodum alienae apparitionis ratio non inveaiatur, si quos per hiemem Burgundia & Compendium videt turdos, advenae sunt & Sarmatae; invenietur facillime, si sunt indigenae. Burgundiam aëriis, silvosis, ideoque frigidissimis montibus, Compendium vidi silvis circumseptum apricis, serius turdis victum, seriusque teporem praestantibus. Ex Burgundiae igitur silvis multo frigidioribus citius descendunt, quam ex apricis Compendii & pinguis terrae saltubus. Et quare iliaci apud Burgundos campastres diu ante pilares veniunt? Si utrumque genus ex ultimo veniret septentrione, praecederet, uti in nostris locis, genus pilarium. Sed non nidificant pilares sicut iliaci in Burgundia: videri advenas igitur post indigenas, quid mirum? Nescio quam prope Burgundiam nidificent pilares, sed si in Vogesi silvis non aestivant, Germaniam Rheno proximam nidis frequentant. Nec dubito, quin proximiores

Bur-

Burgundiæ, inque Lotharingiæ silvis nidificent. Inde igitur eos venire in Burgundiam vero similis, quam ex remotissimo septentrione, verosimilius dico, ne verbis minus lenibus illustrissimo Guenaldo contradicam.

(21) *Versu 225.* Turdos Cimbricos sub aquis latere scripsit Olaus Borrichius, interque scopulorum fissuras repositos fuisse testatur Georgius Agricola, qui Misniacus fuit. Utrum in terra minus frigida, & apricis terris viciniore, quam Saxonia est, latebant, nullis testibus aut experientia asseram. Sed allegati magni nominis testes latere turdos inter turtures & sturnos viderunt. Sturni in nostris terris latent, ut ipse multis circumcinctus testibus vidi, inchoantque latebras suas ab idibus Octobris, & aliquot sæpe diebus prius. Sed in cœlo nostro conspiciuntur pilares quindecim diebus serius, serius multo iliaci, & per omnem sæpe hiemem conspiciuntur viscivori. Turdis igitur omnis generis minor est larendi necessitas, quam sturnis.

(22) *Versu 272.* Nulla forsitan avis ab hominibus magis destruitur, quam turdus. Gabriel Racincius Polonus naves turdis confertas ex Sandomia in inferiorem demitti Poloniam, tantumque scribit numerum cappi ab Elbingensibus, ut venationis tempore vendi non possint. Deplumes butyro perfusos in doliis scribit fervari, & mercium instar in populos finitimos distribui. Apud Silesios aves eadem semiasia aceto immerguntur, quod, quæ capiuntur per Octobrem, comedi nequeant: licet omnis & infimus populus per mensem nonnisi turdis pascatur teste Suensfeldio, qui suum Silesiæ Aviarium anno edidit superioris sæculi septimo. Non est igitur recens turdorum omnis generis destructio. Quodque illa per eas gentes non cesset, nostri temporis testis docet Kleinius: qui præter infinitum numerum a solis Gedanensibus quotannis destrui solitum, Myriades turdorum scribit destrui in Borussia, Myriades in Po-

lonia. Cibus Racincius scribit saluberrimum inveniri, sed tam assiduo sumptum, unis credam saluberrimum inveniri Polonis.

(23) *Versu* 300. Quantumcunque destruuntur, turdos non imminui apud Vistulam videri, & aequè numerosos quotannis, maris arenas vincente numero, reverti scribit Kleinus. Nequaquam hoc illi mirum sit, qui superstitem multitudinem, longe majorem, latebris apud Vistulam conservari, demptamque laqueis, per æstatem nidis, perque autumnum adventitiis gregibus restitui existimarit. Neque numerum non imminui admirari potuit Kleinus, qui advenas tam longe & ab extrema Siberia ad Vistulam deduxit, eaque immensi itineris facilitate deduxit, ut maxima pars Cimmeriis illis terris restitui posset. Sed miror hominis bonum iudicium non vidisse, perire quotannis exomnes per Siberiam, perire exules debuisse per sævas hiemes: quarum in vita sua Kleinus binas sensit, adolescens annum nonum, & quadragesimum sæculi, cum jam multa super avibus observarat. Et si animum observator avium ad eas hiemes non advertisset, ad Cimmeriam illam Scythiam respiciens, qua ratione incolumes ibi per hiemem turdos vivere crediderit, non video. Nox continua, & terra nivibus clausa quem illis præbere potnerit cibum? manentes ad Vistulam per lenes hiemes cœlo nentes viderat: sed lucet ad Vistulam, & sæviore hieme quod Vistula turdos non videat, certo certior sum: & si non videat, ubi sint non visi, nisi in latebris?

(24) *Versu* 328. Sicuti advenas aut refugos relinquunt turdi, ubi prius nulli fuerant, relinquunt certè & majorem numerum, ubi locum à natura pridem generi suo accommodatum repererint. Cum vero advenæ respectu loci, quò adveniunt, semper boreales sint, vacua turdis sedes quò vicinior est locis frigidioribus, eò promptius numerum suum recipiat. In locis enim frigidioribus teste experientia nunquam deficiunt turdi. Præter Kleinii experientiam habemus Suenveldium, qui Silesios,

habemus Colerum, qui Brandenburgicos turdos nunquam defecisse viderunt. Latere Saxonicos vidit Agricola, & præter Agricolam Zornius, qui nostro sæculo vixit. Si per latebras incolumes sunt Saxones, servantur per latebras Silesii & Brandenburgici. Per eorum igitur advenas restituere turdos suos Melibocus, restituere potuit Visurgis, & Albis Oceano propinquior: unde advenas ad nos venire consuevisse, docui in versibus, plus quam vero simile esse.

(25) *Versu* 333. Deleri & reparari in aliqua terra turdos posse, per hominum gentem nullam aptius ostendam, quam per eam, quæ maxime mihi cognita est. Decæarchus, qui de interitu hominum apud Cicero- nem in Officiis scripsit, terram hominum magis deletricem, & nullam certè ostendere potuisset, incolas citius sibi reparantem. De tribus hominum deletricibus causis, quas in versibus dixi Batavis nocere, una est, quæ ab omnibus retro sæculis nocuit: terra nimirum coelo suo hominum deletrix. Quatuor ante Christum sæculis reparati sunt Batavi immigratione Cattorum. Qui, si post ingressum Romanorum terram incolis omnino vacuum non videre, tantam, post eorum discessum, tamque continuam multitudinem immisere, ut eos Bataviam nostram incolis propè vacuum non semel reperisse, credibile sit. Et si secuto tempore non singulis sæculis venit ingens juncta hominum colluvies, per vim vacuos agros occupans, fideli scimus historia, nequaquam a Cattis desitum esse, colonos Batavis singulis annis submittere. Idque in hunc diem usque non modo a Cattis, sed ab omni sit Germania eum in modum, ut advenarum, manentium numerus ad viginti millia hominum apud Batavos & foederatum Batavis populum quotannis ascendat. Qui tantus numerus ne supervacuus sit, faciunt quidem navigationes, & Coloniae Indicæ, faciunt & bella; quæ a ducentis annis intra tam exiguum terræ spatium plus certè hominum, quam in ulla parvi spatii terra, abstrulere: sed plus quam
bel-

bellum, plus quam mare, & India, hominum nostratibus aufert, terra
 coelo suo, uti dixi, hominum deletrix.

(26) *Versu* 340. Constans & vetus experientia Iliacos turdos circa
 nonum decimum aut undecimum Octobris diem venire viderat: sed per
 duos jam autumnos ultimo Septembris aut primo die Octobris non unum
 sed complures captos vidi. Utque prioribus annis seriores, ita nunc
 primis pilaribus advenis juncti descendere in silvas nostras visi sunt. Quid
 aliud exinde arguas, nisi defedis & nidificasse Iliacos in locis, Pilares
 tantum ante expellentibus? Veniunt alteri greges solito tempore. Neque
 ferissimi ad suos dies videri desiterunt. Manserunt igitur primi iliaci,
 unde prius verno tempore remigrarint, sed ubi nunc, (pilarium nume-
 ro per frigus exhausto aut imminuto) locum nidis & cibis aptum inve-
 nerint. Aliam saltem ex dispare eorum adventu consequentiam ratio mea
 non deducat.

(27) *Versu* 385. Viscivorum turdum Gesnerus nidificare vidit in ca-
 vo arboris trunco. Testis Gesnero non minor, qui Viscivorum per humi-
 les & per altos fagi ramos nidificare vidit, Illustrissimus est Guenaldus.
 Fagosque non tantum, sed & arbores eligi scribit quascunque densioris
 foliaturæ, & quibus cortex est musco vestitus. Viscivori nidum multa
 arte compositum laudat Zinannus, merulæ nidis similem, & ramis dicit
 altioribus, tam firmo luto illigatum, ut valentissimos ferat ventos. Ova
 quinque numero, cortice admodum tenui, virentia, sed virore claro,
 parvisque & rotundis maculis interstineta bis quotannis avem ponere
 scribit idem Zinannus.

(28) *Versu* 373. Cum turdum meum primæ editioni appararem,
 credebam Viscivoros non propius nostratibus nidificare quam in Germania
 australi & circa Tigurinos. Post eos & in Lotharingia & in maximis
 Bel-

Belgii Cæsarei filvis nidificare didici. Nidificant & per omnem septentrionalem Germaniam, perque Sarmatiam & Sueciam. Nequaquam igitur tam australis avis est, quam mihi primum visa. Sed quod ex locis frigidioribus ad nos non adveniunt viscivori, videtur & serior eorum adventus indicare, & quod septentrionem versus nulli inter pilares refugiant. Quos ultimus circiter Februarius ex nostris terris vidit defugisse, tepidior videtur, quam frigentior tractus subduxisse.

(29) *Versu* 380. Pompejus jam grandis natu, postque diuturnum morbum cibi fastidio laborans, a medicis, ut turdo uteretur, admonitus fuit. Sed cum præterita earum avium apparitione in macello non veniret, turdusque (cibus valenti forsitan dilectus, & qui palatum ægro refrigeraret) haberi non posset, nisi ex aviariis Luculli, maluit cibo commendato abstinere, quam cum ab homine sibi adverso petere. Abstinentum ipsi non fuisset, si viscivorus, maximo turdus in pretio, aut ægro placiturus fuerat. Nullo non tempore per omne videtur Latium, & facile ex Italia remotiore, ubi omni tempore pariter abundat, haberi Pompejo potuisset, tot aucupum domino. Iiaci igitur & Pilares aut alterutri eorum in caveis habebantur a Romanis, & utrique in hunc usque diem ab Ornithologis Italis, ut delicatiores commendantur.

(30) *Versu* 384. Scribit Olinæ, turdos pilares in montibus Romæ appositis nidificare, & delicatissimum Romanis cibum videri: sed nihil de ovis, nihil de forma nidi, præter morem in aliis avibus observatum. Aldrovandus, qui Bononiæ sub imminenti Apennini jugis scripsit, inque avium nidis describendis longus est, de pilaris turdi nido, ut si nusquam terrarum esset, tacet. Tacetque pariter de ea sibi præcipua re Zinannus, quod omnibus credo indicat, pilarium nidos perraros in Italia esse.

(31) *Ver-*

(31) *Versu* 388: Decem ultimos Septembris, & decem primos dies Octobris Florentiæ exegi, intraque eorum ultimos dies expositos videus in macello turdos, quod à puero earum avium auceps fueram, memini me ad eas accessisse, & longo plures iliacos quam pilares invenisse. Esse vero potest, quod pilares ibi seriores sint advenæ, numeroque majore post decimum Octobris diem videantur. Et aptissimum turdis multo numero capiendis tempus apud Tuscos decem diebus serius esse, video ex poemate Bargæi, qui illud saculo scripsit decimo sexto, & in eo egregio opere aucupium turdorum fervere apud Tuscos testatur,

Cum mediæ cedentem ex limine libræ
Scorpius exceperit solem.

Eoque tempore Pilares non apud Tuscos deficere, videtur docere, versibusque non modo perpulcris, sed de turdis incognita tradentibus. Apponendos igitur censeo, qui tales sunt.

Tum caveis auceps quos ante incluserat opertis,
Invitat lenes effundere pectore voces,
Et tempestivum garrere & fundere cantum.
Quos inter tibi si quis erit, qui fridere acutum
Turcus amat, hunc tu cerebro compescere fracto
Ne dubita. Monet ille alios discedere longe
Proditor, & tuas cursum contendere ad oras.
Illum autem lautè baccis nutritor & uvis,
Quemcunque inspectum, sub fulvo pectore, castæ
Palladis insultasse vides baccisque comisque.

Quid significant isti versus aliud, nisi iliacos turdos ad caveam eligendos, eosque solos pascentes olivas videri? Quod si ita est, turdus ve-

terum palato delicatissimus, non pilaris sed iliacus fuit. Turdum enim olivis pastum mensæ gloriam fuisse, docent veterum poetæ tantum non omnes.

(32) *Versu 394.* Non terra apud Italos turdis aptior est, quam ager Picens, & omnis illa regio, quæ ab Ancona Ravennam usque ad mare Adriaticum extenditur, Veteribusque a viæ militaris structore Æmilia dicta fuit. Quidquid turdorum in proximo & silvo Apennino nidificat, versus pingue & silvis viride litus sub autumnum descendat. Neque ab eo olivifero litore tricenas ultra leucas distat turdis frequens Illyria. Unde sub autumnum per scopulis plenum mare ad Picanos facile greges perveniant. Et quod turdis maxime, veterum tempore, frequens fuit Ausonis hæc ora, omnes testantur veterum Latinorum poetæ.

(33) *Versu 398.* Quando ante duodecim annos scribebam iliacos ægerrimè caveam ferre, indeque inferebam Pilares forte tantum in caveis veterum servatos fuisse, nondum in mentem venerat, quod in nota XIII. lectorum meorum considerationi exposui. Ea consideratio licet iliacum italicum caveis aptiorem faciat, avis tamen iliaca magis silvatica & hominum impatiens est, quam pilaris aut. viscivora. Sed durior quoque & vitæ tenacior videtur. Laqueis deprehensus magis se exagitat, & diutius cæteris collo suspensus vivit. Quod tamen in tantum tempus non ferat, quam sturnus, ut ab aliis observatum & mihi traditum.

(34) *Versu 407.* Silva turdaria ex alnis potius quam ex betulis debet conferi, quod illa pinguiorem & vermibus aptiorem facit terram, quodque pinguis ejus silvæ folia magis araneis muscis & tineis scutati tergoris abundant: interferi debet rubis, licet per Octobrem non amplius fructiferis, foliatura turdos allectantibus: iliceis denique aut fagineis

neis circumcingi dumis, quod brevior alnorum foliatura silvam ab utroque latere perspicuam circa idus faceret Octobris, turdosque iliacos a laqueis deterreret. Turdique omnes in locis magis umbrosis sibi placent, forte quod a milviis se in iis tutiores experiuntur. Video apud Bargæum, ididem turdorum aucupio necessarium Tusci fuisse. Silvam illiceam buxo circumdari debere suadet:

Sat fuerit, si silva nigra circumdata buxo
 Constaque illicibus densis surrexerit, unde
 Æthereas tantum pateat prospectus in auras.
 Quæ tamen haud spatiosa fluat; sed sinibus inter
 Clausa suis, tercentenas circum ambiat ulnas.

Vides & Bargæum silvam non amplam desiderasse. Magna enim dispergit turdos, cibique tantum promittit, ut ibidem a te positum cibum præterierint. Sunt quoque, qui advenas greges in silvas majores infrequentius labi, expertos se testantur: silvamque credunt eligi breviorē, quod in ea non dispergendus grex facilius se convocet, sive ad prosequendum iter, sive cum a Milviis infestentur. Paulo tamen amplior, quam Bargæi silvula, requiritur, turdos ad aliquem numerum nostro modo capturis. Bargæus visco tantum capiebat turdos. Romani vero laqueis turdos capiunt, sed operosioribus & minus bonis, quam sunt Germanorum & nostrates laquei. Romanorum laqueos apud Olinam depictos vides. Capiebat & ille has aves tollonibus, pariter apud eum depictis. Sed uti crudelem illum capiendi aves modum, & nequidem licitum credo, perinutilem vidi. Quiritantur enim deprehensa in tantum, ut non modo milvios accersant, sed si numerus quiritantium augeatur, & liberum gregem exterritum in fugam præcipitet.

(35) *Versu* 444. Vasserimum turdum iliacum esse dicunt ornithologi,
 &

& nusquam laqueis albis capi. Pilarem non unum laqueis albis cepi: laqueosque nullos collo succutit pilaris, quod in locis minus umbrosis ab iliaco fieri vidimus. Proximior denique pilaris ad villatica testa accedit, voce hominum parum exterritus, minusque suspicax videtur, quod in hac & Batava populis frequentata regione nidos jam ponere non dubitat.

(36) *Versu* 456. Singularem illum in versibus descriptum turdum ante annos circiter quindecim primus aucupum nostratum cepi. Quem tum viscivoro duplo majorem, aviumque dignoscendarum minus eo tempore peritus, viscivoris propiorem judicavi, uti testatur prima opusculi hujus editio. Sed hoc autumnno persimilem ab amico captum vidi: qui ut agrum habet duobus tantum passuum millibus a meo distitum, ut singularissimum turdum, quem vivum ceperat, dijudicarem, rogavit. Erat ille viscivoro major, sed non duplo: pilari similior, quam viscivoro. Habebat caudam præ omnibus turdis, etiam pro modo corporis, longiorem. De tergo visum magis ad viscivoros eum accedere dixisses. Sed pectus candens pilarium maculis distinctum, venterque pariter candens, paribusque maculis ad uropygium usque inter pictus, pilarium generi propinquiorem assererebat. Pedesque flavi, & margines rostri pariter erant, ut in junioribus pilarium, flavi: rostrumque totum pilaris rostrum referebat. Habet vicinus ille meus villicum ex Hestis (Veterum Catitis) oriundum, ab annis compluribus ipsi servientem: qui turdum dicebat apud Hestos non admodum esse infrequentem, visumque a se fuisse, qui in supernæ caudæ principio, aliquot rosei coloris plumas habebat. Quod, ut a tali homine, sed sepe & probo relatum, adscribi posse, nihil visum est vetare.

(37) *Versu 464.* Eram anno septuagesimo tertio ineunte Parisiis turdosque in Museo Regio videnti quantum turdorum genus ostendebat in scriptio, quod properantibus oculis inspectum pilare aut iliacum, sed veris tempore captum videbatur. Scribebam igitur in Turdo meo, varietatem, quæ novum genus apud Ornithologos creaverat, plumis ab anni tempore mutatis adscribendam esse. Sed vix fuit, quod scripseram, editum, cum & Turdus illustrissimi Guenaldi editus, varium, Parisiis inter exsuctas aves visum, turdum docebat Aristoteli incognitum fuisse. Turdos igitur quos iis annis magno numero capiebam, diligentius inspieiebam. Visumque, (& ex collatis pluribus visum non difficulter) Iliacum juniorem esse, qui in Gallia pro quartæ generis turdo accipitur. Quod licet adjectis poemati versibus satis unicuique ante oculos posuerim, notulam hanc tamen feci, ne prima turdi mei editio inspecta, quæ me deceptum fuisse docet, opinionem meliorem, & quam ut certam ausim proponere, infirmaret.

(38) *Versu 480.* Turdus iliacus vertice canus ab Aldrovando delinatus, & ab eo leucocephalos dictus, novum turdorum genus secutis aliquot Ornithologis fuit; mihi vero turdus senior. Nempe & a Linnæo visus est iliacus, cui albescerebat stria, quæ super adulatorum oculos fulva conspicitur. Captus & a me fuit iliacus, striam illam prope canescentem ostendens: quem cum ex eo signo seniore esse suspicabar, apponi inter alios turdos, notatum, in cœna iussi, & vix manducabilem inveni, omne pectus nervos, omne cartilaginem esse.

(39) *Versu 490.* Cupediariis, & de assandi turdos gloria certantibus, nulla certe utilior est doctrina, quam quæ iliacos & pilares dignosci fecit. Adjungendum, recens captos mensis aptiores esse. Incipiens

piens putredo vel minima amaritudinem visceribus addit, quæ perquam est ingrata.

(40) *Versu 444.* Dixi superius turdos aliquibus in terris barbatulos esse. Tales pilares Guenaldus in Burgundia; tales in Italia vidit & depinxit Aldrovandus. Nec dubito, quin unumquodque genus pro natali terra majus & minus inveniantur. Vidi iliacos notis longe minores. Amicis Batavis exsuctarum avium gazophylaciâ habentibus, consului, ut non tam exoticas, nostræque terræ incognitas, immenso sæpe pretio, sed exoticas, quas pariter & nos habemus, per nautas suos conveyi juberent: differentiam inde ex vario cœlo & variâ terra factam cognoscendam esse, eamque differentiam facturam, ut turdus Gadibus aut Gerdano aut ex Norvagia adductus, & vili pretio adductus, grande pretium adderet gazophylacis. Quod se facturos esse cum mihi ab uno & altero promissum sit, notissimarum avium cognitionem exinde mihi auctiorem promitto.

(41) *Versu 520.* Catius, Ovidius nostratium, in Annulo, credo, Nuptiali suo de turdis habet, quod ab illo commemoratum in versibus meis retuli. Cum vero turdi maxime fagis gaudeant, inque fagis nidos ponant, cumque nidificent nostro tempore in Batavis, uti apud Nozemannum video, potuit Catiuss turdos cantantes audivisse in villa sua tam apud nostrates celebri. Quam fagis confertissimam & Catii tempore fuisse ante triennium didici. Cum enim villam illam pulcerrimam etiam nunc cum amico quodam meo ineunte vere perambularem, excidebatur ultima superstes fagus, Catii manibus, ut dicebat nobis horti custos, ante paulo plus quam centum & quadraginta annos posita. Catium virum & poetam amabilem, in multisque dotibus egregium, exteris notiore fa-

cere vel alienus permittit locus. Apponam igitur ex iconibus meis ingeditis, quod de eo, nec nimis longum, composui.

Icon JACOBI CATSI, magni Hollandiæ Pensionarii, Nati
anno 1577. Defuncti anno 1660.

Catsius, ostensus per maxima munia Belgis,
Post cineres musa noscor, amorque, mea.
Deque illa jactem, quod vatum nemo priorum,
Priscos, sive, recens qui cecinere, vides.
Rex ut, qui regnat, populo sum cognitus omni,
Quamque canens notus, post mea fata fui.
Utque prior cunctis cecini bona carmina Belgis,
Optima mirantur, quæ data prima legunt.
Cumque nocet nimium scripssisse, per omnia laudor
Scripta, licet vatum tot, puto, nemo dedit.
Perque meos versus ad maxima munia veni:
Ad quæ per versus quis sibi fecit iter?
Contigit hoc etiam, quod vivo gloria parta est;
Juvit & hæc sensus per prope lustra decem.
Cumque solet celebres livor mordere poetas,
Invidiæ nulli gloria nostra fuit.
Et Batavum nulli quod contigit, omnia nostra,
Qua data sunt lingua, versaue Teuto legit.
Tam faciles versus, tam scribere moribus aptos,
Argumenta legi tamquæ venusta juvat.

M E R U L A.

Nondum, me puero, nostris res cognita terris
 Nidus erat merulæ. Silvis crescentibus illa
 Nunc quoque mansit avis, nidumque dat omnibus annis.
 Sed non sepositis tamen advena vixerat oris:

Drentia, & Amisei, multis lætissima silvis;
 Terra ferebat aves; ubi forte per omnia visæ
 Sæcula, Quintilii subierunt fercula Vari (1). (bes,

Quique recens turdus, quæ galbula, quæque palum-
 Quæque per has oras nidum facit una scolopax,

10 Deque Caledoniis data saltibus esse putatur (2),
 Non procul huc veniunt me iudice. Quippe paterno
 Dissita terra solo, non colle, nec aëre noto,
 Nec dape consueta gaudentes duceret. Utque
 Curfibus immensis macras præstaret, & ægras (3);
 Sic nihil alliceret sub verni temporis horam,
 Cur longum refugas iter affectare juvaret.
 Multum alius movet aër aves. Et causa ciborum
 Sola moram faciat. Vermes, insectaque terræ,

Arborci foetus, stirpesque & gramina cum sint
20 Altera pro cœlo, dic, unde molestius illis
Exsilium, placeatque remoto nidus in orbe?

Paulatim sua regna homines, sua regna volucres
Produxere, quibusque locis cunabula ponunt,
Omnia reppererant, & vitæ & idonea nidis:
Omnia quæ tellus non proferat omnis abunde.

Sed merulas, quas ova recens hic ponere, dixi,
Sub brumam profugæ, numero majore videntur,
Quam quas Amiseus, Drentinaque mitteret ora.
Adde igitur, quas jungat aves venientibus Albis
30 Proximus oceano, silvosaque ripa Visurgis.
Longius accitæ lassarent corpora tarda;
Subque dies veris, cœlo, victuque, novisque
Affectæ filvis, cælum revidere relictum
Et cuperent filvas, quas non reperire daretur,
Aut reduci magnetis avi concefferis usum.
Sed male veloci neque gemmam hanc nosse, necesse est.
Cum paribus, patriæque locis propioribus hæret,
Rara sub Octobrem patriæ quæ frigora fugit.

Quæ.

Quæque sub autumnum non desperaverat escæ,

- 40 Nata per australes avis & velocior oras,
 Haud iter affectat, piceasque relinquit amatas (4).
 Et fugerent, filvasque Spreæ, filvasque Borussi
 Littoris implerent, Gothiæ super æquora vectæ,
 Veloces minus Arctoæ, queis frigore tardus
 Sanguis hebet, visaque sopor venit altus ab urfa?
 Charta senis docet hoc famæque accepta Coleri (5).
 Sed merulis per lenem hiemem se aspectat opertum
 Vistulaque & Viader; quæ frigore tacta rigenti
 Protinus ad latebras fugit indiga turba sopore.

- 50 Scilicet Agricolæ (majorem adducere testem
 Vix licet) Agricolæ, cui quanta scientia rerum,
 Tanta fuit probitas, quo se Germania cive
 Jactat, & Ausoniam sæclo superavit inertī,
 Agricolæ magno sic condita visa volucris (6),
 Condita Semnonum scopulis, quâ flumine raucō
 Sala ruit, filvasque videt folioque perenni.

Perfimilis tellus, diverso subdita cælo,
 Alpibus aëriis imposita Subaudia, somni

Expertes merulas, nivibusque illudere cernit,
60 Torquatasque aliis medias, ut mense Novembri
Vidimus, angustas quoties via panderet Alpes.
Unde mihi similes muscis habeantur, aprica
Quas vigilare videt domus & volitare, sed acri
Frigore contactas par sopit inertia letho.

Nec dubito, quin acris hiems, si frigus iniquum (7)
Sævius extendit, sopitis noxia muscis,
Et vigiles volucres, & fomno occidat inertes.
Nam grave præteritis quod frigus sæviit annis,
Tresque ultra menses terram nive clausit opertam,
70 Quam stragem dedit alitibus, latumque per orbem? (8)
Vidi aquilas, vidi confectos frigore corvos,
Vidi cornices labentes æthere, & illas
Quas tellus nobis bicolores Arctica mittit.
Cumque idus ad Aprilis hiems quæ duruit, austris
Cesserat & zephyris, rarissima quæque volucris
Parva videbatur, rarissima grandior ales.
Utque aberant villis embryza, & passer; ut una
Fringilla in silvis, cœloque canebat alauda:

- Pene fuit nullus per rura, per oppida, sturnus,
80 Ipsaque perrara saliebat in arbore pica.
Quæque omnis nostris se tractibus abdit hirundo,
Persensit latebris penetrabile frigus, & agris
Pluribus æstatem vix est conspecta per omnem.
Quod mirere tamen, philomela tenerrima fibris,
Tempore se, numeroque suo, solitoque canore
Nec nimis ob frigus dilato, reddidit hortis.
Senior excessit solito lacubusque, fretisque,
Sed salva, & cunctis revocata ciconia nidis.
Nec periit perdix cœlo nostrate perennans,
90 Nec periit cœlo latitans nostrate coturnix (9).
Æquo etiam numero filvis post frigora visa est
Galbula, uti perhibent, merulæi sanguinis ales.
Et gavia, & cuculus, turturque, & reddita paucis
Mensibus in nostris se condens ardea filvis (10).
Contra aberant cœlo falcoque & milvius omni;
Pacatosque avibus nidos fecere, per annum
Non modo, sed numero nondum rediere frequenti (11).
Nec quoque, prædo avium nocturnus, bubo revifus,

Et periere homines, funesto carmine nullo (12)
100 Præmoniti, factumque licet mirabile vulgi
Tarda fides sequitur, furdīs cecinisse minacem
Dum credunt multi, multorum fata sequentur,
Nulla diem extremum quibus affore noctua dicet.
Scilicet & numerum non reddidit altera multa (13),
Multaque in hoc tempus cœlo disparuit ales.
Sed simul ac sturnum numero tam dispare vidi,
Jam tum de merulis, turdisque avis illa finistrum
Præstitit augurium, neque conjectura fefellit.
Noster enim ut periit, vix transiit advena turdus,
110 Nec merula autumnō torquata, nec altera visa est
Vere novo, nec vere quidem revocata secundo.
Tanta igitur, nivibus veniens & frigore clades,
Cur nondum gelidis scriptorem adverterat annis (14)?
Ante quaterdenos & jam prope quinque Decembres,
Quæque prior nonum sæcli infamaverat annum,
Sæva recens ut hiems, clade accusatur eadem.
Prisca recente tamen levior fuit utraque clades,
Turdorum ut docuit grandævus & annuus auceps.

- De merula nostras non crebrescente per oras
120 Judicium nequit extincta super alite sumi.
Tercentum, credas, nostrum æstivasse per agrum (15),
Cum pare namque sua plerisque erat obvia filvis.
Deque illo numero cum nulla superfuit ales,
Frigore per similes periit pars maxima terras.
Sed nostris similes ecquæ videantur? ut altis
Plurima terra tumet scopulisque petentibus astra;
Collibus & tumulis bona pars telluris iniqua est (16).
Est in utrisque locis contra grave frigus asylum.
Per planas nihil est avibus terrasque palustres
130 Præsidii: ventis vigiles feriuntur, & acri
Frigore victus abest. Defunt loca sicca latebris;
Suntque ubi sicca satis, non inveniuntur aperta,
Frigore compulsis subeunda ad proxima quæque.
Quidquid id est, nostris merularum vere reverso
Nulla superstes erat, Batavis fuit unica filvis (17),
Forte cavis per litus & altis sospes arenis.
Nec metuo, Batavum cultos servata per hortos,
Nostra reformidet ne magna & inhospita tesqua:

Plus

Plus ubi pacis avi nec parcioreſca legatur.

140 Servat & Amifeus, quas reddat, & ipſe Viſurgis.

Foſſa referta luto, fimus & villatica fordes,

Ducere quærentem nidis loca commoda fertur.

Vermivoram ver omne videt, nidisque ſibique

Venantem muſcas, ſcarabæos atque locuſtas.

Gaudet & crucis: quibus ut pomaria purgat;

De ceraſis partem ſibi ſumit & omnibus uvis.

Nec tibi diſpliceat prædatrix, ore rependens

Dulciſono, quodcunque rapit: volucrisque favorem

Pone volans hominem, ſpectandaque sæpe, meretur:

150 Ante oculosque tuos nidum quæ conſtruit, hirtis

Sepibus impoſitum, per & infima brachia fagi.

Gaudet & hunc laricis, piceæque imponere ramis,

Præcipue ſi quas nemus altum claudit, & udum

Terra propinqua lutum dederit. Facit adſita tantum

Foſſula, truncatæ ſalici ſua ponat ut ova,

Sola ſalix quamvis præto aſpiciatur ab omni (18).

Sed ſolet hoc Batavis in tractibus una, ciborum

Copia ſiqua pigram nemoroſis abſtulit hortis.

Per

Per nostras volucris multum silvatica terras,
160 Aut silvam nidis legit aut conjungere gaudet.
Est, ubi fissuris scopuli, silvamque ferentis,
Est, ubi sturnus uti, truncis dedit ova cavatis,
Multa solet, quæ sturnus amat: Vidi ipse bovino
Impositam tergo, muscam aut insecta sequentem (19).
Sed sturno differt, nidum fabricata volucris.
Nidus ubique lutum teneris radicibus addit:
Oblongum quod opus, matris formatus ad artus
Sex habet ova ferè. Vix inchoat altera nidos
Ocius, arbutis credens infrondibus ova,
170 Sæpe reverfuris spem deceptura pruinis.
Non prior est partus tamen omnibus irritus annis,
Ut docti scripsere viri: neque credere fas est,
Naturam stimulare ad semper inania matrem
Tædia. Et obloquitur certa experientia magnis (20)
Testibus: ad caveas primum edita quæritur ales,
Ut valida & docilis, canturaque fortius, utque
Mensibus una novem, nonum cantura per annum:
Talis & hic primis Maji fuit emptæ diebus.

Mul.

Multa operâ nidus, ramis infrondibus auctus,
180 Sæpius a pueris, quam frigore perditur acri.
Frigora dura tamen, terras claudentia, matrem
Vermivoram potuere suis seducere ab ovis.
Credo, Lycaonium sic posse nocere per orbem,
Haud alio persæpe loco. Limacibus ales
Pascitur & muscis, humus & silvestris abundat
Vermibus & tineis non deficientibus, & quæ
Omnia mas confert matri super ova cubanti,
Sæpius ipse cubans. Nostris avis unica filvis
Si qua parit, silvæ dominus gratatur, avemque
190 Sedulus observat, nidumque & tempora partus.
Cumque ferè pullis, nemus oblectare creatis,
Parcitur, & silvâ nidus datur alter eâdem,
Nec nimium distante loco: quem credere possis
Forte aliis terris aliam posuisse parentem,
Non nostris: ubi quæque avis est notissima silvæ;
Silvaque conjugibus geminatis inclyta nulla est.
Partum igitur, conjux satis observata secundum
Quem dederat, volucrem lux longior ultima vidit (21).

Par-

Partus & hunc sequitur: cujus male firma propago
200 Nascitur ærumnis, hiemem visura propinquam:

Nec res certa tamen, quod nascitur illa quotannis.

Viderat hunc partum, merulam omni æstate secutus,

Prima dari mediis Quintilibus ova, foveri

Per bis octo dies, volucresque sub ultima pullos

Tempora Sextilis. Non est dubitabile, partus

Tertius hic quod erat: sed tempora nostra videntes

Infolitum credunt. Dabāt hunc calidissimus annus,

Nec minus æstiferum Calabro fervore secutus (22):

Multiparæ volucris qui festinarit ut ova,

210 Præstiterit partus merulis australibus æquos.

Nam qui avium partus numerat Zinannus & ova,

Ter parere Hadriacas merulam testatur ad oras.

Omne per hoc litus vernis aquilonibus udum,

Certa dies partus non inchoat: utque videmus

Certa dies finit. Docet hoc philomela silendo (23)

Et docet hoc cuculus, non tempora vocis apertæ,

Tempora sed clausæ certissima semper habentes.

Quæque greges faciunt, & junctæ tempus amoris

Fi-

Finitum testantur aves, testantur amoris

220 Tempora prima parum. Gaviis, quibus ova foveri

Non finis, & generis rapitur spes tota, gregatim

Certa dat ire dies, sed quam certissima partus (24)

Prima dies minus est? populo quod teste probarim.

Inque greges coeunt merulae, licet agmine parvo.

Quaque volant junctae, genus anni cursibus aptum

Significant, curasque pias cessare parentum.

Prima dies Septembris aves, modo senserit eorum (25),

In patriae dumos filvis majoribus exci.

Sed numero exiguo, junctoque excedere nido,

230 Et primae, filvisque solent properare remotis,

Serius aspectae. Turbam comitando parentes

Se juvenes monstrant. Seniores conjuge jungi

Indigenae, profugaeque solent, & conjuge solo (26).

Nec puto se multae jungunt, nisi saepe revissus

Milvus, & insolitus densaverit agmina terror,

Agmina Chaucorum filvis, nostrisque November.

Quae semel ostendit, mirantibus agmina filvis.

Illaque, vicenum mihi saepe relata per annum (27),

Mit-

Mittere tum bellis ardens Germania visa est.

- 240 Ardebat, nostræque locis propioribus oræ,
 Ardebatque locis, quibus instet miles, & unde,
 Quæ veniunt, nostrum merulæ mittantur in orbem.
 Insolitas igitur, numeroque, & tempore feri
 Adventus, numeroque pares prope quinque diebus
 Continuis, haud noto alias terrore fugatas
 Qui putat, assensum me iudice speret ab æquis.
 Tempore quodque illo rudis omnis opinio vidit,
 Bellorum strepitu balistarumque fragore
 Docta docet fieri, sed quæ non agnita doctis (28)
 250 Pagina Longolii. Numerusque immensus euntum
 Persuasit, cunctas nulla venisse relictæ
 Per patriæ silvas: patriamque fuisse peramplam.
 Tamque die sero profugæ, dubitasse videntur,
 Speravisse moram: belloque augente fragores
 Tandem exsternatæ, vel iniquo tempore cursum
 Coepisse, & nostro sic agmina visa Novembri:
 Qui prius haud merulam nisi solo conjuge junctam
 Viderat. Et tanto servavit ab agmine plures,

Frigore post visas leni & graviore latentes. (29)
260 Deque illis, numero tum quantocumque relictis,
Percrebuisse genus, tugurique nemuscula pullos
Fama dedisse refert memor admirabilis anni.

Et quàm nidificat, non advēna vere revertens,
Sed cœlum latebrasve hiemis jam passus, & ales
Nidificat, filvis haud uno assuetus ab anno.

Idque mihi assensu multorum, & constat ab illis,
Qui partus docuere, & eadem sæpe triennes
Viderunt silva notos per signa parentes. (30)

Vere avis australi non redditur orbe: nec annus,
270 Qui tot aves circa Martinia festa videbat,
Vere gregem vidit per litora nostra reverti.

Visa hiemis per tempus avis se detinet horto,
Perque nemus, qua parte nemus despectat in agrum.
Utque pererrat humum cum conjuge, plurima baccis
Pascitur, & sorbis, quasque oxyacantha reservat (31).
Pascitur & ductis per rustica tecta racemis,
Si qua fami neglecta, immitis & uva, relicta est.
Nec semel hinc urbis per frigora venit in hortos;

Est

Estque mihi canente gelu satis hispida Jani

280 Vifa per urbanam cum conjuge ludere vitem.

Non minus intenso se frigore condit, humumque
Et densos frutices, subit aut cava robora silvis,
Fertur & exciso conspecta latefcere trunco (32),
Pingui animam fomno vel conjugis alta vapore.
Et cur de merulis declinẽm credere, sturni (tum,
Quod sopor ostendit? merulæ prope sanguine junc-
Congeneremque putas, sturnusque latefcere nostra
Visus in urbe mihi est. Cecidit de culmine tecti

Lignea compages, & concava, sæpe caminis

290 Structa super. vento moles dejecta Novembris

Horreolo invecta est: quod aprica in sede, focusque
Illatis tepuit, cum Februus ipse teperet.

Quintaque lux mensis sic molem accendit, ut omnis

Clausus in hac sturnus (tabulati concava sturnus

Plurimus implerat) regelatus sole focusque,

Sese agere inciperet, tabulataque plangeret alis.

Servus in horreolo mandata facefcere differt,

Et nova percussus vocat ad miracula testes,

Nec, quot heri laribus, sed tot quot habere macellio
300 Finitimo potuit. Numerus secluditur ingens,
Inque vicem spectans plebs tendit ad æthera palmas!
Nam sonus alarum, crepitu mistusque canore,
Res erat efficiens vel in omni mente stuporem.
Inconspectum animans dum quisque expectat, & in-
Versatur moles, parvum invisumque foramen (gens
Apparet, cui quisque oculos adjungit, &, ecce!
Furum animal, sturnis speculantia fertur in ora.
Moxque ea perculsos circumsonat undique turba
Ut, quæ avis exierat, vix cognita forte fuisset;
310 Pars nisi vix spirans, ad apertis visa cavernis,
Monstrasset sturnos. Sed & hæc, quia rumpere molem,
Utilitas vetuit, solis recreata calore,
Solis & ejusdem, sibi consuluisse per auras
Dicitur, inque meis cantans sedisse fenestris (33).

Succia fert sturnos, & plus quam cætera tellus
Succia fert merulas: quas, terra nisi abderet illa,
Non habitura foret. Nec enim foret algida cælo
Incolumis, neque speret avis per nata repente

Fri.

Frigora discessum, tantum claudentia terræ,
 320 Nulla brevi cursu quantum superaret, alenda (34)
 Vermibus & baccis. Baccasque ut præstet eunti
 Terra aliqua in promptu, terra altera sæpe negaret.
 Adde, greges magni nusquam quod inania tranent,
 Quos mare cursuros, & plurima terra videret,
 Bisque iter ut fieret, bis ituros omnibus annis.
 Bis tamen invisis cœlo quibus ire daretur,
 Finito reduces spectaret Suecia Majo,
 Unumque ad partum fessas vix tempus habentes,
 Quos videt in silvis plusquam altera terra frequentes,
 330 Proptereaque videt, latebris quia servat opertos.
 Et nisi sic servet, voluerum ditissima tellus
 Haud spectaret avem. Cœlum non posse teneri
 Mensibus hibernis terram claudentibus omnem,
 Jam prius admonui. Latione rediret amœno?
 Aut Ligerim fugeret Gothicis fruitura pruinis?
 Tempora deinde via nidorum prima perirent (35),
 Quæ nullis avibus, durum propterque laborem
 Haud pereant merulis ver prævenientibus ovo.

Et si avidæ partûs, festinatoque celebres,
340 Longum iter & durum, quam partus gaudia, mallent,
Diffuaderet iter grave corpus, amansque ciborum,
Et brevis immensis non apta volatibus ala.
Tardivolis igitur liceat loca nota tenere,
Utque sub eduro Jove Cimmerioque supersint,
Somnus Hyperboreum semestris sospitet annum.

Nulla avibus melior, quam terra Lycaonis ursæ,
Vera parens, natas quia, quas tulit, optima servat.
Semper habet nimias, & quas sub Pleiadis ortum
Quærere cogit opes, numero crescente negandas.
350 Sed fuga nullarum, quam quatenus illa necesse est,
Porrigitur. Junctisque fere regionibus hæret
Pars hiemis latitura die, & quæ maxima pars est.
Quaque venit fugiens, græx incola congener, auctum
Seu metuit numerum, seu victum defore sentit,
Magna parte, aliis venientibus, ipse fugatur.
Adventuque suo facit, alter ut altera visus
Agmina grex abigat. fluctusque propellere fluctus
Ut solet Arctos, & nostrâ ad litora vergit

Non

Non mare Mænalium, sed quod mare propulit illud:

360 Sic volucris populi non cessans cursus ad austrum,
 Albis, & Amisei, merulasque Visurgis alumnas,
 Protrusas Gothicis, & Herulis, deinde Suevis,
 Ad nemora Unsingis fugat, ulteriusque, quotannis (36).
 Sensim igitur Gothicas, sed non fert unica Pleias,
 Utque juvat Gothicas, plures venisse per annos,
 Quas varius subito mutatus perderet aër,
 Brumaeque consueto caritura repente sopore (37);
 Sic semel adductis orbis tamen officit olim

Longè alius noto. Nam quanto blandior orbis

370 Natura, tanto venientibus, indeque natis
 Noxior esse solet. præter mala maxima luxus
 Humani, minus his avibus nocitura sub Arcto,
 Multa fides cælo nocet, & data dulcibus oris.
 Subsequitur spem præter hiems, nivibusque geluque
 Sævior Arctoa, latebrasque oblita propago
 Sternitur, æstivo volucres ut ab æthere muscæ,
 Cum subita venit imber aqua. Natura peremptas
 Reddit aves, gelidisque jugis, gelidamque per Arctum.

Quodque jugis citius redduntur, tardius Arcto,
380 Nos merule docuere, recens per frigus ademptæ.
Vidimus ut neutras, anno post frigora primo,
Altera restituit Fleias, numeroque frequenti,
Torquatas. Citiusne nigris reparata videtur,
Quæ partu genus auget avis neque pluribus ovis?
Ovaeque, congeneres testans, color inscit unus.
Credere prætulerim, quod tutius una late scat,
Altera tuta minus, nostras vel & ausa per oras
Ferre hiemes. Sedet illa jugis ita semper in altis,
Ut pro torquata montanam Alemannia dicat (38).
390 At quæ monticolæ, prius & nocitura volucres
Frigora formidant, melius citiusque late scunt,
Indeque præpingues adeo nostratibus adsunt;
Ut latitura brevi quæcunque animantia cernis.
Sed primo post frigus avem nec Frisonis anno,
Terraque Chaucorum, nec proxima cætera vidit.
Montibus exiguis se effuderit unde, Cheruscus
Quos videt, & propior silvosaque ripa Visurgis.
In quibus (aut queis cunque voles) male testata latebris

Cor-

Corpora credibile est, a frigore pressa fuisse,

400 Restituisse tamen juga proxima vere volucrem:

Quæ juga sunt, silvas Melibocus ad æthera tollens
Hercinias, juga plena avibus, merulisque referta
Torquatis, ut nulla ferat Germania plures.

Nigra pari numero Melibocum fertur habere;
Sed nigra vere novo non spargitur, estque latefcens,
Sed minus ac torquata soror; perpessaque somnum
Longius hibernum se spargit latius ales,
Sæpe recens pulso velut effera visa sopore.
Sic, ubi limoso subit æquora flumine Mosa,

410 Udaque divitibus pascuntur prata colonis,

Ales amans Batavum, formosa ciconia, pennis
Capta luto tinctis ob pendula calcibus æra,
Quæ matrem docuere, Visurgis ad ostia dextra
Bis & continuis peperisse prioribus annis.

Sic pede signa ferens, ad Scaldim condita Procne,
Venit ad extremos, quos jungit Iberia, Gallos.

Tam procul extendit merularum nulla volatum
Vere vel autumnio; quem certe extendere major

Et gravior nequit, & plausum facientibus alis
 420 Tardior, inque greges ideo coitura minores.
 Et tamen antiquis torquata incognita scriptis,
 Quamque, recens author duo sæcla Belonius ante,
 Saltubus angustis Moriennæ clauferat (39), omnem
 Permeat Europam, celeberrima gentibus ales.
 Finibus & nostris, quondam procul absita, sensim
 Facta fuit propior, tricenosa facta per annos.
 Nam, quæ præterito fuit hic incognita sæclo,
 Non modo adhuc vivæ primum est ostensa senectæ,
 Sed quoque rara prius, neque, quo nunc, tempore ve-
 430 Nunc, ut multa venit, numeroque ut vincere nigras (nit.
 Sæpe solet merulas, sic, advena serior olim,
 Jam præit & turdos, veniens Septembris ad idus:
 Nec minus & feris veniens Octobribus horis.
 Arguit ergo prior vicinos advena nidos;
 Senior amotos. Fore tempus & inde putemus,
 Ut pariat nostris jam proximus accola filvis.
 Nam, quod nigra facit, volucris factura videtur,
 Moribus & victu similis: placidaque sorore

Vel

Vel minus ipsa hominem fugiens: hominique propinqua

440 Quæ falit in filvis, villæque suavia propter (40)
 Sæpe venit, gaudensque cibis, quas fordibus haurit,
 Vix, tribus abstantem te passibus, horret. Ut inde
 Solivaga, & silvæ desertæ filia nosci,
 Quæ pejus nos esse feris genus unica nescit,
 Sic nidis lectura locum vitæque, videtur,
 Non loca formidans domibus populoque referta.

Grata mihi nidis, gratissima voce veniret,
 Congeneris nigræ similem quam fertur habere (41)
 Mensibus æstivis. testique & credere possis,
 350 Advena voce pari filvis pavescit cachinnat.

Sunt neque dissimiles nidi, nec & ova colore.
 Nidos propter humum tamen hæc, & sepibus imis
 Semper habet: sic nigra locat quos rarior ales.
 Cum venit ad nostras, venit aut cum conjuge, terras,
 Aut cum anni sobole & nido fortasse supremo.
 Sex & aves septem focia plerumque videntur.
 Sanguineque inter se junctas, & adesse parentem,
 Ut videas, ostenta docent non una: velut cum

Par-

Parva per autumnos sorbo super arbore turbâ,
460 Sæpe videnda, salit, salit, & cupidissima baccis
Vescitur. una strepens, ramos faliensque per omnes,
Una nihil carpit, saturamque impasta juventam
Insequitur, vermes fulcata per arva potentem.
Cui non inde parens turbæ videatur adesse,
Inde videndus erit. Quoties mihi cunque pependit
Præda recens laqueis, toties non absita prædæ
Turba, vel una comes ramo propiore videtur.
Sæpe duas miseranda comes manet illa per horas,
Quodque mihi multis durato cædibus, uda
Lumina fecit, avis visa est, & visa propinquo,
Pendentem stans poné diu, rostroque morantem
Exstimulans fociam, caput & frigentia pungens
Corpora, crudeli mox immittenda culinæ! (quam
Non tamen hæc immissa avis est. Stat corpore, tam-
Viva, sed exsucto: decimumque aspecta per annum,
Admonet, ut fociis parcam, laqueisque prehensas
Ut solvam vivas, & in æthera libera mittam.
Sed cibus egregius, turdos bonitate saporis

Ilia-

Iliacos vincens: nigras vincitque sorores,
 480. Ut prope congeneres, nec junctas sanguine, credas.
 Atque ea disparitas succorum advertere posset
 Partitorem avium, distinguens forte volucres
 Justius, ac quæ nunc numeratur penna per alas,
 Rostrorumque pilus, pilus & qui genua velat.
 Sed, Gothici minus admirans inventa magistri, (42)
 Quas veteris famæ consensus, plurima morum,
 Et vocis, paritasque cibi conjungit, amicas
 Et socias facio, non tantum gente propinquas.
 Nam nemus haud raro, jungitque volatus euntes,
 490. Si quas cura cibi, vel nox, in proxima transfert.
 Ut torquata igitur, merulis & tertia nigris
 Accensetur avis, cui candet pluma per alas,
 Perque aliquot caudæ pennas. Vetus illa per ævum,
 Notaque Aristoteli fuit & descripta: sed unam
 Quæ tunc Arcadium, Cyllenesque ardua faxis,
 Arduaque & silvis, juga nubibus æqua tenebat.
 Græcia nunc omnis, jamque Appenninus, & Alpes,
 Galliaque & volucris nidos Germania vidit;

Sed

Sed tantum, qua parte jugis tumet utraque tellus.
500 Adque oras patriæ venisse, sed unica, visa est;
Versibu utque meis avis ostentanda veniret,
Per nemus exiguum, quâ filvis Fivela parcit (43),
Decidit in laqueos vatem auxiliantis amici.
Descriptæ similis transmissa, & vertice cano
Visa fuit: merulasque acturdos venerat inter,
Quos suus adventus filvis docet ire remotis.

Sed non propterea, nec quicquam propter, ad unam
Tam varias volucres redigas, nigramque parentem (44).
Sic faciens, turdos omnes genus esse minoris,
510 Anseribusque anates atavum tribuisse, putaris.
Passer ut arboreus, dictusque domesticus, utque
Præterea innumeræ similes aliquatenus, omnes
Sunt a se merulæ diversæ, aliæque volucres.
Nec corpus, rostrumque, ac diversissima pluma,
Naturæ est ludentis opus. Color, aspice, pullis
Torquatis, quos cauda minor distinguit, & ipsis
Anniculis nigrior. Plumarumque ultima margo,
Et pectus magis atque magis senioribus albert.

Con-

Contra alijs merulis crescenti crescit ab ævo

520 Nigrities. Primum rufescit pluma per annum,
 Altera nigra satis, corvum prope tertia vincit;
 Sed vincit corvum, quæcunque sequentibus annis
 Induitur: splendet, variaque ætate creatas
 Si dederint laquei, varias agnoscitur inter.
 Perque vitrum spectans oculorum viribus auctis,
 Dissimiles nigrore suo miraberis alas.
 Tantaque disparitas, licet unicoloribus, ævum
 Designans varium, designet longius illis,
 Quas & præterea longævas signa fatentur,

530 Pectoris ut nullo fibra manducabilis ore (45).

Non tamen his avibus data grandis creditur ætas,
 Ætatem modo rite hominum testentur alumna.
 Octo annos ad summum author dedit Insuber illis
 Olina, servatarum avium non optimus altor.
 Ex mihi pernotis multas necat ante senectam,
 Quam dare cura potest, naturaque doctior illâ:
 Inter & has merula est: quæ nido implumis adempta,
 Vivit in his terris decimum quandoque per annum,
 Et

Et decimum est egressa semel, sed carcere mundo,
540 Nec justis fraudata cibis, nec & amne: patentem (46)
Qui subeat caveam, præstetque lavacra per æstus,
Et quoties collo sordem insudavit & alis.

Tempore Roma tuo, perque omnia barbara sæcla,
Incinuit caveis, laudataque voce canora est (46).
Albertus numeros imitantem audiverat omnes,
Musica quos faciat. similique avis altera voce,
Judice FRANCISCO Gallorum rege, vel ipsam
Lusciniam vicit. Cantatrix optima certe,
Carminibusque meis, foret ut sua gratia vati,
550 Notior esse potest, non est imitabilis ales.

NOTÆ.

(1) *Versu 7.* Merulas dixi mea memoria in agro Groningano nidi-
ficare cœpisse: non tam propria, oculis licet docta, quam aucupum &
omnium amatorum avium consulta experientia: antè vero eas nidi-
ficasse in agro Drentino, non assignata agri parte. Cujus agri pars Gro-
ningano apposita est & circumjecta, pars ad decem & duodecim leucas
femota. Univerfus vero ager altior & nostrate silvestrior. Tempus fuit,
quo maxima pars agri Groningani sub aquis fuit, ut eam, credo, Romanos
plurima vidisse saltem parte proavosque nostros tertiam agri nostratis par-
tem palustrem & inhabitatam vidisse, inter omnes constat; uti eam partem
nunc segetes vides & silvas ferre. Drentia nunquam sub aquis forte, Roma-
norum certe tempore non fuit: quod tumuli & lapidea eorum sepulera
innumera, nunc, velut ipsorum tempore extantia, indicant. Non ta-
men Drentiam ab omni ævo Merulas habuisse, multo minus dixi Quinti-
lium Varum Merulas cœnasse aut in Drentia aut in ea Vespaliæ parte,
quæ provincie nostræ apposita est. Amisii terram maxime silvestrem
indicavi: qualis est ad fluvii fontes. Silvestris est Drentia, & multis
lata silvis Vespalia, etiam quæ proxima. Sed majoribus, & silvis
confertam prope perpetuis superiorem Vespaliæ esse, nisi aspectu &
inhabitatione prope annua, per topographos etiam intellexissem. Inde-
que, cum ad aves attendere cœpi, eas silvas existimavi Merulas
forte ab omni ævo habuisse, & Quintilii Vari tempore. Ejus varia
castra, ejus stativa, & campum peragravi, in quo casus est cum ex-
ercitu. Certus sum tantam Quintilii notitiam non habere, tam male
versus meos qui intellexerant, ut scribere ausi sint, me Quintilio Varo
Merulas in cœnam apposuisse aut in Drentia aut in proxima agris nostris
Vespalia. Utque magis appareat, nullam iis ridendi causam fuisse,

Quintilius dux

doceam antiquarios eos, esse posse, *Quintilius ducem* & proximam Vestphaliā & agrum Drentinum ut perlustrarit. Cohortes saltem aliquas & hujus agri praesidio ab ipso missas fuisse, tam vero simile est, quam certum ducant, vindicem caedis ejus venisse, agrumque non modo Drentinum, sed & Groningā cum maxima exercitus parte pervasisse. Id sicut Menso Altingius, & ego novis argumentis in vita Albinovani epigrammatibus meis praefixa ostendi. Ostendam & Marci Antonii & Marci Agrippae numismata, in sepulchris Drentinis inventa, quae certe in manibus militum Quintilii possunt fuisse.

(2) *Versu 10.* Scolopax Nemesiani versibus celebris, advena apud foederatos Belgas avis, non aliunde quam ex Scotia adesse, conterraneis meis pro certo habetur. Batavis, credo, id persuasum fuisse a mercatoribus Scotis, Amstelam & Rottram nostrum bibentibus: nostratibus vero ab Anglis & Scotis, Barbeiracum secutis, jus gentium Groningae me puero docentem. Eorum unus Scotorum, nobili origine & multa instructus rerum eognitione, ducta uxore eum apud nostrates desedisset, scolopaces, inter quas aliqua est differentia, non modo omnes patriae suae, sed & aliquas his, aliquas illis Scotiae terrae tractibus assignabat. Cumque evenisset, scolopaces in agro foci ipsius nidificare visas esse, idque ipsi & me praesente objiceretur, scolopaces non omnes Scoticas esse, omnes verò jurabat advenas Caledonias esse. Parientes apud focerum suum inventas, desedisse, ubi conterraneum invenerant, & conterraneum avium amatorem. Visos a se parentes, & bene perspectos genus istud apparuisse, quod suae familiae juga plus quam alia frequentabat. Cum esset vir, nec serio nec joco mendax, & ipse, credo, quod persuadere volebat, crederet; auditores, vidi, quod persuasissimos dimitteret interdum. Nidificant apud nostrates, ut Nemesiano teste, apud Romanos.

(3) *Versu*

(3) *Versu* 14. Qui de avibus non nisi ad mensam cogitant, considerata advenarum pinguedine, eas saepe non nisi ex propinquo adductas vident. Id idem aucupes & macelliariorum vilissimos sensisse, expertus sum. Scolopaces utique deplumes in macello viderit Horunus, & pinguisimo pectore & dorso non considerato, eas ex Caledonia ad nos accersit. Alius de Merularum & turdorum autumnali pinguedine prolixus est scriptor, salivam ut moveat lectoribus, & eos ex ultimo dicit septentrione advenisse. Remittuntur deinde vere novo in Scotiam scolopaces, turdi & merulae in ultimam Gothiam, & ut perveniant, quodam modo jubentur. Scio quidem, si omnes his ex terris aufugissent, necessarium esse aliquarum reditum. Sed extenuato per hiemem corpore, quae earum vires ad reditum sufficiant, non scio. Itinerum praeterea memoria aut peritia datur avibus, quae hominibus, si omnes Daidali aut Ieari essent, deficeret. Graeci sapientissimi scriptorum coturnicibus ortygoimetram attribuerunt, ne non in Aethiopicam sine duce pervenirent. De duce scolopacibus turdis & merulis ut provideatur, consulendum est ornithologis.

(4) *Versu* 41. Burgundicas Merulas non peregrinari, abietum inter & picearum silvas, adque repentis aquae fontes hiemare testatur illustris scriptor Guenaldus. Torquatas nihilominus peregrinationibus admodum deditas arbitratur: circulum vero percurrere ipsi nequaquam cognitum. Circulum illum, si circulans peregrinatur, admodum brevem credat. Est enim congenere nigra pinguior & gravior corpore. & nigra montibus innata, non nisi in vicina & aprica, sub hiemum discedit, uti jam videtur Aristoteles. Belgii superioris merulas sub hiemem praeter nimiam pinguedinem volare non potuisse Gulielmus *Van den Bosche*, medicus Terneramundanus, testatur in libris, quos IV. de natura scripsit animalium. Cum scriptorem avium ignotum, aut necdum allegatum video, indicandum est opus ornithologis, editum Bruxellis in quarto anno saeculi

superioris trigesimo nono typis Joannis Mommartii. Avis, & omne animal cognoscendum non tam per multos, quam per diversarum regionum scriptores.

(5) *Versu* 46. Suenveldius, Joannes Colerus, & Jacobus Kleinus Arctoas Merulas peregrinari in longinquum putant, & Viadrum & Vistulam, Silesiæ & Poloniæ fluvios, merulis per lenem hiemem opertos vident. Colerus Regiomontanus, sed qui Brandenburgii ad Spream videtur vixisse, merulas nigras incolas, & advenas vidit. torquatas tantum advenas, & transmarinas vocat, & per Balthicum mare ex Suecia advenire existimabat. Autorem sapius a me laudatum, in non alia re magis deceptum video.

(6) *Versu* 54. Georgius Agricola, qui in Misiæ montibus frigidissimis ætatem peregit, merulas latentes, inque fissuris scopulorum per hiemem sopitas vidit. Vixit Sæculo XVI ineunte, scriptor celebratus eruditus ob libros, quos de re metallica dedit immortales. Quibus additus cum sit liber ejus de animantibus subterraneis, tantum virum vix apud ornithologos allegatum video, raros saltem affectus habentem. Quod fecit igitur, ut laudem & fidem ejus tanto impensius per versiculos meos ostenderim. Utque illustrissimus Guénaldus videat, avium naturas regione terrarum mutari, in terra piceis & abietibus operta, fontibusque tepidis non destituta, merulas latentes ostendi, quas in pari sed australi regione per omnem hiemem vidit cælum tenere.

(7) *Versu* 65. Quod de avibus & muscis latentibus per frigus acrius occidendis, uti dubium proposui in versibus, anno octogesimo quarto non amplius vidi qui tabile esse. Muscæ enim, quas Galli *Cousins*, Latini cicindulas, credo, dixere, simul ac æstas secuta fuerat, in nostris agris palustribus perquam incommodæ, notabiliter perierant. Sed

aves

aves non minus notabiliter. Ipsumque vulgus agreste, quod nihil advertit, istud quod adverteret, subinde mirabar.

(8) *Versu 70.* Præter aves, quas in versibus per frigus imminutas, aut prorsus extinctas, enumeravi, notabiliter etiam motacillæ perierunt cæruleæ, & quæ ad villam meam complurimæ, & propemodum cicurate fuerant, forte quod parentes interdum carneis-frustulis inescaveram. Per ver & æstatem nullæ revidebantur. Avis illa apud nostrates latefcens, per lene hibernum frigus, cœlo interdum utitur. unde quod altis & tutis latebris non utatur, existimem. Perierunt quoque notabiliter vireo & liuaria. fringuillæ, quæ, uti in versibus dixi, maxime etiam perierant, nec advenas greges per autumnos jam tres subsecutos habuere. quibus ut permixtæ cardueles veniunt, eadem & illis videtur a frigore clades accidisse. nondum a me ullæ revisæ hæcenus, & quod paucissimis aucupibus apparuerint, audio.

(9) *Versu 90.* Coturnix, quæ mature & frigora ante prima latebras subit, nec anno octogesimo quarto, nec quinto pariter sere rigido perierat, aut saltem imminuta videbatur. sed hoc anno octogesimo sexto notabiliter imminuta est. Hiems satis lenis, missimum Februarium, sed Martium mensem ad Idus usque rigentissimum dedit. Unde, quod Februarii tepore excitata, latebras complurima reliquerit, sunt qui existimant.

(10) *Versu 94.* Ardeam nobilem fama, frequentem & perutilem in nostris terris, vanis rerum arbitris incognitam, vicijs avibus, quas descripturus eram, adlegeram. Partaque cognitione, quæ haberi ex libris potest, amicos agricolas, ut obviam attentione sequerentur, precatus, a proposito per eosdem, qui ardeam meam juvarent, revocatus sum. Interim peregrinacem non esse, ut in hoc versu ostendi, depre-

hendi. Nostratium aliquis, silvæ ad villam positæ majoris dominus, ligneam struem, dissectam & usilem, quam in silva positam habebat, penultima hieme ultra spem longa, conveyi in urbem jussërat. Pars igitur struis satis magnæ dum in plaustra ponitur, inter stipitum sectorum concava duæ videntur pectore se contingentes ardeæ, propemodum ut judicabatur, exanimæ. Projiciuntur in terram. Diuque tanquam immobiles, restitutæ tamen in pedes viæ sunt, cum eas plaustra & servi relinquerent. Venit tribus post septimanis ad villam dominus, videtque, comitatus villico, quantum de ligno avectum fuerat. Stabant in strue, quæ magna parte superabat, duæ se contingentes ardæ: quas dominus ad accessum suum non fugientes, & uno stantes in pede cum indicasset villico, audit easdem esse, quæ & à se & à conservis inter ligna prope exanimæ repertæ fuerant. Consideratis avibus; nihil a propiore accessu & loquentium voce territis, recedit; & postera die non propter struem, sed propter aves, in silvam redit. Miratur revisas, & uno stantes in pede tanquam immobiles. Tertiâ die id idem videt: urbemque repetens, villicum jubet, aliqua culinæ ejestamenta avibus ut proponeret. De quibus nihil comestum villicus post aliquot videns dies, pisciculos ipsis objecit, & hos intactos aut saltem vix imminutos, avesque viventes cum miraretur, quotidie ad eas & sæpe bis de die accefferat; cum quindecim post dies, dominum remisso frigore revertentem vidit, quædam ut serantur, jubentem. Sed ille animo pleno avium sibi commissarum, nihil prius esse respondit, quam ut ad ardeas, vento viventes, revertantur. Festinant ad struem, cernusque stantes mirati, dum strui veniunt propiores, avolantes vident in arborem, ramoque ut eodem sederent, plausis alis conantes. Nec de loco novo, dum vespersceret dies, se commovère. Altera vero luce serenum diem promittente ad arborem reversi, ad accessum suum viderunt avolantes in longinquum. Quinque illæ septimanis carnerant cibo, aut de projecto vix quicquam, quod vires daret, absumptum fuerat. Res est

est certa, & si ante, quam vixenas aves meas descripseram, intellecta esset, ab ardea descriptione non forte revocandus fuisset.

Invitaverat me maxime tamen avis ad sui descriptionem, quod in nulla avi magis naturam admirarer. Habet in longissimis pedibus, ad aquam & paludes subeundas factis, ungues ferratos, & quibus, sensu & forte præditis, ranas, & hirudines ex profundioribus aquis detrahens, rostro, ut pſittacus, admovet. Anguillaque glabræ, seque detorquentes, rostris ferratis ne decidunt, linguam a natura pariter ferratam accepit. Depascitur multa ingrata oculis animantia, noxia, & palustres aquas bobus & ovibus venenantia. Viperas quoque depascitur, ut in Italia agens & ad Arteinum lacum ambulans, vidiſſe me recordor. Mures aquaticos, talpas & bufones quod depascatur, in agris meis & finitimis vidi. Avis præterea videtur ex prudentioribus, quod multa docet memoria, gravis incessus, crebra ejus circumſpectio, astus in superando falcone admirabilis, & nidus loco suo ab hominis animalis injuria maxime noxii, defensus. Videtur ex felicioribus ales contemplator, & qui se animo suo, ut homo philosophus, oblectat in solitudine. Videtur denique ex longævioribus, quod non modo per nerveam corporis compagem, per inedia, quam ferat longissimam, sed & per vires video, quibus se supra nubes ad altissimorum montium lacus transfert, crebroque nec semel de die transfert. Hæc omnia versibus digna, & ad unum cum versum, quem de ardea composui, referenda duxi.

(11) *Versu 79.* Addidi hos versus Merulae meae hieme præterita; Æstate vero & autumno jam præterlapso, anni scilicet octogesimali sexti, revisi sunt falcones alaudarum hostes. Majorum accipitrum nulli etiamnum revisi sunt.

(12) *Versu 99.* Bubones exiguiſſimo numero hæc tandem æstate revisi sunt. De formidato agrestibus bubonum ululatu, quod in versibus dixi,

dixi, nequaquam pertinet ad veteres & municipales agri Groningani colonos, agri scilicet borealis, occidentalis & orientalis. Quà vero ad ortum hibernum, & ad austrum se extendit provincia, terra ante centum & quinquaginta annos ab illuvie & paludibus per rivos, fossas & cataractas redempta, incolis, cum recrearetur, indiga, advenas Vestphalos, Chaucos, Cheruscòs, Hefios, Palatinos etiam & Helvetios accepit. Qui sicut industrii admodum agricolæ fuere, patriæ suæ opiniones secum adduxere, tamque eas natis natorum bene infixas tradidere, ut certe bubonum genus omne in ea provinciæ parte formidandi semper augures videantur. Bubones tamen, in ea agri parte creberrimi quondam, non fecere, ut amenissima non sit provinciæ illa pars, incolarum plenissima, & saluberrima, villisque patriciorum maxime propterea instructa. Quibus, sicut & mihi in ea etiam parte nato, nihil funesti aut omnino unquam cecinere bubones.

(13) *Versu 104.* Avium; vel ante oculos meos frigore extinctarum; genera ob numerum dici non possunt. Frigusque anni octogesimi quarti an quinti occiderit plura genera, non discernam. Bicolores cornices sicut iis annis innumeras, & frigore hujus anni, sero illo Martii mensis frigore, labentes ex cælo vidi, labentemque unam ab urbana mea domo, ad camini spiracula quæ federat, admotam focis, cibisque obiectis ad edendum invitata restaurare non potui. Anseres & anates feri, assuetissimos frigori quos diceres, magno numero in glacie lacuum stantes manibus hominum prehensi fuere. Urbem Groningam latissimæ cingunt fossæ, altissimis vallis ad austrum ab aquilone defensæ. Pomeridianis horis anserum & anatum grex numerosus in iis fossis se posuerat, raris hominum ob frigus locum frequentantibus: sed inter quos & ego & amicus quidam meus (ambulantes ibi) fuimus. Sicut omnes, qui aderant, gregem admirabamur, aliqui ad aves accessere lapidibus magnis condensatas impeturi. Quorum injectu avolabant quidem illæ.

sa. Sed ad austrum a fossa ulmorum ordines stant altissimorum, centum passibus quidem a fossa remoti. Eas arbores tamen supervolare fugientium multae non potuerunt. Quaeque ramis illisae fuere, deciderunt, & manibus vulgi comprehensae sunt. Id mihi anni octogesimo quinti Februarius ostendit. Unde, quanta exiguis avibus & delicatioribus, non latentibus, a frigore perniciēs acciderit, colligere est. Nul- lumque exiguarum avium genus tam in agro nostro etiamnum frequens dicitur vulgo, quam ante annum octogesimum quartum apparuerat. Quod tamen ego, quantum ad autumnales advenas, verum maxime existimarem, praecipueque ad fringuillas, cardueles & pyrrhulas. Alcyones etiam & upupas nondum revidi; raras tamen & ante: sed upupae, quas in propinqua Vestphalia frequentissimas vidi & superesse credo, quod absint etiamnum, satis notabile.

(14) *Versu 113.* Suenveldium, Colerum, Kleinium, Racinseium & Linnaeum, qui hoc & praeterito saeculo scriptores avium Arctoi fuere, nullam de avibus per frigus amissis aut imminutis mentionem fecisse, admirarer maxime, nisi avium partem maximam in septentrionalibus ter- ris latentem crederem.

(15) *Versu 121.* Sunt plures silvae in provinciae nostrae agro, quam tercentum. Sed de silvis loquor majoribus, decem, quindecim, aut viginti jugerum. Nemora nostra & exiguae silvae merulas nidificantes solenniter saltem, non viderunt.

(16) *Versu 127.* Orbis terrae superficiem montibus saxosis exsurgere aut collibus iniquam esse, versibus aliquot me docere ridiculum videbitur praeter Groningatus. In urbe enim foederati Belgii post Amstelodamum ex maximis, paucissimos, qui me legant, nosco, quibus haec doctrina non aliquatenus necessaria est. Aliqui montes non tam altos,

ali-

aliqui ex luto omnes putant & arena constare, aliqui infrequentes, aliqui in Norvagia tantum scopulosos esse. Homo doctus, & quod notabilius, physicam in Academia urbis nostrae docens, inter eos videtur, qui Norvagiæ montes tantum scopulosos existimat. Ager Drentinus, & Groningæ suburbanus, austrum versus altus & sabulosus, silices gignit, quas ille scripto publicato dignatus, non indigetes, sed advenas & ex Norvagiæ montibus avulsas putat. Advenas? sed quomodo ex Norvagiâ adductas? Sunt multitudine silices innumerae, & majores, quamquæ navibus aut clâssibus maximis adductæ videantur. Effodiuntur enim, & terris extant, quacunque se extendit Drentia, ad quindecim se leucas latissimo dorso extendens. Erantque silices in eo agro Romanorum tempore, architectonicis machinis qui alteras super alteris, sicut Ossæ Pelion imposuerunt. Non igitur navibus adductæ. Quas si ante Romanorum adventum fabricarint majores nostri, perexiguas fabricarunt: & quæ, ab iis factæ, ne ad iter quidem Norvagicum vacuæ habiles fuissent. Et tantas tamque innumeras silices ipse vir doctus non existimat navibus adduci potuisse. Sed quod existimat fieri potuisse, portentosum. Terræ motu scopulis Norvagiæ scopulos avulsos existimat; & violentissima tempestate per profundum & immensum mare ad nostrum litus propulsos & provolutos fuisse. Silicesque ad litus nostrum propulsas, eadem tempestate ex litore in altum & a mare remotum agrum eiectas, & dispersas fuisse; idque se non existimare scribit, sed tanquam advolantes vidisset, demonstrat. Drentinis agricolis, quibus id de lapidibus cum doceri in Academia narratum est, horror dicitur subisse animos. Nec est sanè, ut hac nota sententiam doctissimi viri impugnem, sed ut versiculos meos apud externum lectorem a ridiculo defendam, diu terræ partem maximam docent scopulosis montibus exsurgentem, & scopulosis etiam collibus iniquam esse.

(17) *Versu* 135. Vere anni octogefimi quarti mense Majo jam adulto (ut quotannis soleo) apud Batavos agenti dixit mihi Nozemannus, merulam a se revifam esse, & deinde etiam scripsit, revifas esse per aſſa-tem non nullas, pauciore tamen numero. Si per aliquot menses in Batavis latent merulae, ut non dubito. Tutiores habent latebras, quam in agris aut in ſilvis noſtris. Arenosi enim litoris Batavi colles, qui *duni* celtica voce dicuntur, per cuniculos in tantum excavati ſunt, ut nusquam forte avibus aptiores aut tutiores ſint latebrae. Cuniculi enim foſſulas innumeras & multo plures, quam quas ingrediantur, fecere: & ab omni ſcilicet aeo colles cuniculis frequentiffimos fuiſſe veterum accolarum nomen docet, qui Caninefates dicti ſunt, *caninefraters*, id eſt cuniculorum comedones.

(18) *Versu* 156. In ſtipite falicis truncatae, ſed novas virgas agente, nidificantes merulas ſe vidiffe ſcribit in avibus ſuis Batavis Nozemannus, ſicque eas in Batavis nidificare ſolere. Earum falicum nullas ſilvas, ſed ad foſſas, pratorum terminos, aut longo ordine, aut ad prati cujuſvis introitum ſingulas tantum duas poni ſolere, fatis credo conſtat. Unde nidus Nozemanni, conjuges oculis hominum exponens, certe ſingularis appareat. Notabilis etiam Guenaldi nidus, in trunco arboris mali cavo deprehenſus, & notabilior forte, quod avis de nido eleganti, firmo, & oblongo laborans, opus non modo trunco cavo clauſerit, ſed & oblongum facere forte nequierit.

(19) *Versu* 164. Ante annos tres vel quatuor, decimo aut undecimo Octobris die, ſereno admodum, comitatus ſervo ad vaccas meas eo: & ille, qui laqueos meos non ſemel reſtituerat, turdosque haud unum per annum culinæ deplumes dederat, ad vaccas oculos eminus intendens, ecce turdos, dicebat, vaccis noſtris inſidentes. Sturnos credebam, factus tamen propior, ſturnis majores, & avolantes in proximam
fe-

sepem, merulas ex propinquo vidi, interque nigras septem vel octo, torquatas duas.

(20) *Versu* 174. Magni isti testes, qui primum merulae partum semper ob frigus irritum esse scribunt, Gesnerus sunt, Aldrovandus, eorum exscriptor Jonstonus, Olina, Nozemannus noster, & illustrissimus denique Guenaldus. Præter quod imprudentiæ naturam accusant, eorum aliqui merulam astutam dicunt & turdis prudentiorem! nostrates, qui nidificantes merulas haud unum per annum in silvis suis secuti sunt, nunquam ob frigus desertum nidum, nunquam deslitutos aut pereuntes pullos viderunt. Quique de avium nidis peculiariter agit Zinannus, primum earum partum irritum esse, non scribit.

(21) *Versu* 198. Dies æstatis ex longissimis ultima apud nostrates vigesima Junii septima aut octava creditur. & volucres pullos eo tempore ab amico & vicino meo observatos, extremum merulae partum plerisque annis esse existimo. flurni merulis propinqui, quidquid pauci contradixerint, eo etiam tempore in greges coeunt. Nidus a vicino meo observatus & a me inspectus, piceæ ramo ad altitudinem corporis humani impositus fuit, piceæ vivario circumsitæ, sed neglecto & admodum lutofo. Merulae nidum egregie descripsit Aldrovandus.

(22) *Versu* 208. Annus septuagesimus nonus, octogesimus & octogesimus primus, æstates nobis dedere plusquam solito ardentes, sic ut calores Calabri & Siculi thermometro indice minores dicantur fuisse. Annus octogesimus primus tertium merulae partum dedit.

(23) *Versu* 215. Philomelis silentium imperare Divum Joannem, dicunt nostrates, & cuculis Divum Jacobum. Idque quotannis verum esse video. Sed sicut incertissimo die cuculus audiri incipit, philomela

cqn.

cantus inchoat intra Aprilis decimum octavum, & vigesimum quintum diem, ut a quindecim annis, quibus ad aves attendi, & a me & ab amicis meis observatum est.

(24) *Versu 222.* Gaviæ, medio ævo Vanelli dictæ, a Gallico *Taneau*, dicuntur nostratibus primum ovum dare debere die Martii mensis duodecimo, eoque pacto in terras nostras acceptæ fuisse a primis earum incolis. Sed sicut incolæ secuti nullam fidem Gaviis præstiterunt, nec illæ pactum primi partus diem observant. Hoc ipso anno, sæculi octogesimo sexto, non ante extremos Martii dies primum ovum in macello visum fuit, pretioque nostratibus insolito, Batavis solenni, decem assium ova singula per unum & alterum diem vendita fuere. Prostant illa in nostræ urbis macellis ad idus Maii. Et tanta gaviæ generis facta internecione in greges coeunt ad primos Julii mensis dies. Nec decrescere videtur nostratibus numerus, non quod aves a remotis terris advenæ sunt, sed quod in paludibus Frisiæ propter illuviem inaccessibleis, & quod in paludibus Vestphaliæ finitimis tutæ nidificant. Quatuor & ad summum quinque dant ova. Primoque violato partu, decrescunt parientibus ova, sic ut raræ nostratium Gaviæ plusquam unum & alterum ovum excludant. oceiduntur deinde sub autumnum per scolopetos a venatoribus, sed ut infimæ tantum plebis cibus sint. Videntur in cælo per integras hiemes, si lenissimæ sunt sed, quæ rarissimæ cum sint, per duos ut plurimum & tres menses latefcunt.

(25) *Versu 227.* Quod de primo merularum in silvas minores adventu in versibus dixi, longissima mihi & a teneris annis coepta experientia innouit. Quando in eas silvas pulli cum parentibus adveniunt, pulli omnes rufi, parentesque nigri videntur. Et eo dissimili colore dissimiles ætate in majoribus silvis per æstatem videntur. Quod idcirco referendum, quia feminas semper rufas esse, per male edoctos ornithologos me-

memoriæ proditur. Fæminæ & mares altero vitæ anno nigrescunt. Interque sexum una est ex corpore tantillum majore differentia. Nidorum observatoribus id nisi apparuisset, ex merulis nostratibus ad cantum in caveis a nido usque eductis constitisset. Merulas mares hiemare in Lotharingia, feminas non apparere scribit Guenaldus. Pulli igitur peregrè victum querere jussi fuere. nulla est terra, ubi aves, ut Amazonas fæminæ, viros relinquunt. Vinculum inter sexum majus a natura præstitum, quam ut semestri separatione ullæ relinquuntur. Eaque cognitione ut se præmuniant ornithologi, plusquam necessarium est.

(26) *Versu* 233. Seniores merulas, & quæ plures per annos per signa cognitæ eadem in silva nidificarant, sylvas suas hieme perraras relinquere observarunt amici mei. Silva tamen excisione arborum aut aliquo tumultu & venatorum selopetis conterrita, profugiant unde & minores in silvas profugæ, sed conjuge solo junctæ, videntur; captæque laqueis, quod perquam interdum senes sunt, manducatæ docent. Suntque etiam nigriores junioribus, plumasque per microscopium inspectas, hirtas, inflexas, & admodum dispares ostendunt.

(27) *Versu* 238. Nosco aucupes, qui ad annos septuaginta turdos & merulas cepere, quique aucupum filii sunt. Iis neque ex memoria, neque traditione cognitum est, merularum maximos greges unquam venisse, quam admirabili illo anno. Sed, quod dolendum, annus indicari non potest, ut, utrum sexagesimus secundus, an tertius fuerit, sciatur. Alterutrum tamen has aves misisse, certum est. Aucupes, & quosunque, eorum advenarum gregum memores, interrogavi, an omnes, merulis quotannis advenire visis, similes fuisse meminissent. Notis minores aliquas interfuisse, dictum mihi est ab amico, ad res omnes attentiore: interfuisse etiam torquatas, sed perexiguo numero: primos greges advenisse undecimo die Novembris, novis quotidie advenis exauctos,

aut propulſos, nec quintum diem ultra admirabiles numero fuiſſe. Idem-
que magnus numerus & Chaucos, & provinciæ noſtræ appoſitos Veſtpha-
los admiratione adfecit, ut a ſidis teſtibus acceptum retuli in verſibus.
Manſiſſe advenas complures, & merularum nidos vere ſecuto anctiores
viſos fuiſſe pariter accepi, ſic ut inter villis paupertinis circumdatas ar-
bores & ſepes reperti ſint. Habitant enim ruſtici homines, domibus
ad ducentos, trecentos, ſæpe ad mille paſſus ſeparatis : quas, ut a
ventis præmuniant, arboribus aliquot & ſepibus circumdant, ut &
Cæſar ſcribit Menapios ſuo tempore feciſſe, populum a noſtratibus non
ita remotum.

(28) *Verſu* 249. Phaſianos alites ſcribit Longolius olim in Germania
frequenſiores fuiſſe : pauci ſuo tempore quod apparerent, partim di-
cit luxuria, partim bombardarum nimio, & minime interdicto uſa
effectum fuiſſe. Nam ſæpe a viris ſenio gravibus ſe inaudiſſe ſubjungit,
aves peregriniores venire ſolitas fuiſſe, quæ tum nunquam vel decennio
toto ſemel ſe conſpiciendas præbebant. Enumerat poſtea, quas olim
aves frequentiffimas viderat Germania, ſuoque tempore ſtrepitu bombarda-
rum aut plane ejeſtas, aut rariffimas videbat. Notabilè habeo, ruſti-
cos homines de viſa illa merularum multitudine mecum locutos id idem
ſenſiſſe, quod non niſi ante annum coemptus docuit Longolius. Fuit
ille natalibus Ultrajectinus, ſequè ad docendam literas Latinas Coloniam
Agrippinæ receperat paulo ante annum ſæculi decimi quinti quadrage-
ſimum. Ubi & libellum de avibus ſcripſit, & paulo poſt mortuus eſt.
Librum vero, mortuus anno vitæ trigeſimo ſexto, imperfectum cum
reliquiſſet, edidit Gulielmus Turnerus anno ſæculi XLIV. primus eſt
igitur Giſbertus Longolius, qui poſt Albertum Magnum de avibus a
veterum ſcripſit tempore, vel hoc uno titulo memoria dignus : legendus
præterea, ut aves ex locis, ubi deſcriptæ ſunt, cognoscantur. Allega-
tum video a Geſnero, ab Aldrovando, & ab ornithologis poſt ſecutis.
Sed

Sed librum ejus a nemine nisi a Gesnero lectum fuisse existimo. inde in versibus observationem ejus notabilem non agnitam fuisse queror.

(29) *Versu 259.* Nihil magis impediit cognitionem avium, quam quod alias pro aliis esse locis, a scriptoribus earum non observatum sit. Deinde & pro necessitatibus alias esse consuetudines, aut aliam potius earum naturam, observare necesse est. Frigora satis dura ferunt merulae, sed durissima non ferunt. Habent igitur in locis minus septentrionalibus aliquid propitiae istius naturae, quae eas in maximè septentrionalibus conservat. Quod nisi iis datum esset, innumerae perirent in locis, quae hiemes modo lenes, modo asperiores ferunt. Visae sunt per hiemes satis duras merulae, sed per durissimas a nullis hic visae sunt. Ubi ergo sint merulae, ubi picæ, ubi fringuillæ, ubi passerres etiam, nisi in latebris? ubi aliæ, quæ per grave aliquot dierum, aliæ per longius & bimestre frigus cælo absunt? sunt, ut dixi, hiemes, quæ merulam nostro cælo non abegere. Sed pleræque merulam, & complurimas aves cælo abigunt, eoque tempore, quo eas peregre ire nec liceat, nec observatum sit.

(30) *Versu 265.* Aliqui qui per omnem annum in villis suis manent, merulas conjuges tam ex longo earum conspectu perovare, ut certos se dicant esse, easdem extremo hiemis & primo veris die revisas esse. Alii parentibus in nido captis filum aureum tenuissimum calcibus annexerunt, & easdem tertio post anno in silva sua nidificantes reviderunt. Pullis complurimis cum pares annuli ad calces nexi fuere, alius ex calcibus merulam per biennium in sua silva nidificantem vidit, cui ipse filum non dederat.

(31) *Versu 275.* Quamdiu merulae & turdi vermibus, tuncis, & insectis vesci possunt, baccis arborum & arbutorum pro cibo secundo
&

& tanquam pro bellariis utuntur. Cum vero hiems solum clausit, supersunt multa insecta, quæ frigore gaudent, & quæ iis in cibum veniunt. Erucae, quæ vernantia arborum folia depascuntur, in terram decidunt, terrisque progeniem commendant. Eaque progenies primo hiemis frigore in truncos arborum reverti observatur, tantaque truncos perrepat multitudine, ut trunci sevo aut liquida pice impietæ agmina insectorum contineant viventium. In arbores enim eo redeunt tempore, ut gemmas fubeant, inque iis per hiemem morentur. Recenti hoc cognitum observatione. Unde videre est, quanta avibus vermivoris, & quam incognita supersint vermium pabula. Sorborum baccas, sæpe in nudis pridem ramusculis, ad multam hiemem vides. Oxyacantha vero, in nostris terris complurima, baccas suas non nisi novis amittit induenda foliis. Eaque arbore non modo merulae per hiemem gaudent, sed in ea nidificantes visæ sunt: vide Nozemannum.

(32) *Versu* 283. Merulas duas in Vestphalicæ arboris trunco latentes & sopitas à se repertas fuisse, dixit mihi homo rusticus, ex advenis unus, omni vere agminatum ad nos laborandi causa properantibus. Arborem dicebat a se excisam, & in illa magna excisam silva fuisse, quæ, Meppena oppido haud procul, ad Amisium posita, tamque vetus est, quam ipsum forte oppidum Meppena.

(33) *Versu* 314. Surnos in ea lignea compage, in versibus meis descripta, semisomnes ipse vidi, volantes non vidi. Veneram enim, licet proximè habitans, non nisi postquam res rumorem fecerat. Sedentes vero, quæ avolarant, in proximæ domus fastigio vidi. Nec dubitare ob innumeros testes, nec anni ob tempus potui, quin avolassent ex tabulato, quod & alios surnos semivivos in suo cavo ostendebat. Avolasse, & eos deinde aliquot dies post cantasse, ab ipsis domesticis meis testibus intellexi. Mira autem de surnis res non erat,

nisi quod ante a nostratibus observatum non esset. In stramineis enim Hollandorum Borealium testis, quotannis, latentes sturnos per hiemem inveniri scribit Hotunus, scripsitque Jonstonus pariter eos latere in Silesia.

(34) *Versu* 320. Ad Merulas in Gothia, & omni septentrione frequentissimas qui respicit, & merulas aves neget latentes, omnem mihi videtur abdicare rationem. Fert frigus satis durum merula; non igitur modico autumnorum frigore externata, fugam, ut neque nostris ex terris, capessit. Sed Gothica, acriore & subitaneo frigore urgente, quantum maris & terræ tardivola pervolet, antequam terram pertingat hiber-
~~p~~eculis suis aptam? cumque, nullam faciat ut moram, necessitas properandi jubeat, ubi, & unde viaticum, cibis scilicet necessariis? Revertatur deinde in Sueciam, & revertatur invisâ! revertatur nidorum tempore, & tam sera revertatur, ut, ubi avis frequentissima est, uni para sit! actum ago, & versuum meorum claritati dissiderem, plura adjiciens.

(35) *Versu* 336. Merulæ peregrinaces; & vere novâ ad septentrionem reditura, eo tempore, quò iter inciperet, ut aliæ tepidis in locis mansuræ, Venerem & partus desideria sentire inciperent. Eoque vehementer sensu præditas quatuor & forte quinque septimanarum iter instituere velle aut posse quis credat, vel qui greges per tot intermedias terras invisos ire crediderit? Naturæ imperia alteris naturæ imperiis cedere, scribit mihi, datis propterea literis, Nozemannus. Quam doleo optimum & sapientissimum virum tam a recto sensu discedere! Naturæ imperia nunquam pugnant. Homini-
 bus verum ostendere, omittendum est, si merulas tot adductis in poemate meo rationibus, in longinquum peregrinaces non ostendero. Anseres primo tepido post hiemes die, per cælum remeare videmus, an in ultimam tamen Gothiam rever-

tantum nonnulli, valde dubito. Nonnulli eo tempore, nidos ut ichoent, harent, & in nostris Batavisque lacubus morantur. Idemque & aliis complurimos facere in locis, antequam ad patriam usque perveniant verosimile est. Supervacuos, me iudice, expulerit septentrio, non ut reposeat, sed ut exules aliis terris nutriendos, aliisque terris utiles aut necessarios committat. Quid vero ad anseres Merulae? Tardivolas & remeare nusquam visas, festinati partus avidissimas merulas, partus primi & secundi partus tempore in Arctum remittere, inconsiderantia est, & major, quam quae refutari mereatur.

(36) *Versu 363.* Unsingis, amnis praecipuus provinciae Groninganae, a Tacito, quod magno sibi ducit honori, commemoratus (Annalium primo cap. LXX) sicut agri Groningani a multis retro saeculis partem tertiam nomine suo induit, tam de suo designet nomine omnem eamquam provinciam, quam Tiberis omne Latium terram Tibidem, terramque dixit Sebethidem Agrum Neapolitanum Sebethus, nullatenus Unsingi comparandus. Est quidem Unsingis non tam longi cursus quam Tiberis. Sed cum urbs Groninga ab Oceano aequo distet intervallo, ac ob Ostiis Roma, magis intra urbem, quam circumluit interius, naviget est, quam intra suam celeberrimam Romam Tiberis nostro saltem tempore. Originem ducit ad quindecim supra Groningam millia in agro Drentino, lacumque permeans Larium, a quibus ita dictum vicis, quos Romani ad lacum positos Tres Lares dixere, deinde, uti jam in lacu, naviget agrum urbis, urbanique subiens, portumque urbi satis magnis navibus accessum praestans, Oceano illabitur ad viginti ab urbe passuum millia.

(37) *Versu 367.* Multae aves, uti jam superius dixi, tempore veris captae caveas ferunt, quae per autumnum caveis immisso protinus moriuntur, non alium, credo, verisimilem ob causam, quam quod latendi

desiderium aut necessitatem non ferant. Latent diutius Hyperboreæ, quam quæ apud nostrates latent. Quid avibus eveniret igitur subitaneo cursu ex ultima Arcto, ad nos & ulterius versus austrum delatis? Natura igitur, si quas supervacaneas aves ex Arcto versus austrum dimittit, pædetentim, & per plures annos eas propellit, primaque hieme eas non nisi in vicinia detineat patriæ, ut, quas profugas jubet esse, sapientissima matrum conservet.

(38) *Versu* 389. Germani Torquatam dicunt *Berg Amstel*, id est montanam, & *Rots Amstel*, id est rupeam. Locisque scopulosis & montanis hanc merulam gaudere omnes fatentur, in hoc scriptores unanimi. Apud populos tamen plerosque denominatam a torque video. Nostrates enim & Angli, & Germanorum complurimi hanc *Ring Merle*, *Ring Ouzel*, & *Ring Amstel*, id est merulam annularem dixere. Galli, quos ut lingua sua maxime gentibus influentes, ante alios indicare debueram, hanc pariter a torque suo denominarunt, *Merle a Collier*. Veteri tamen linguæ suæ vocabulo substituit novum illustrissimus Guenaldus, idque popularibus suis non ut aptius commendat, sed assumendum quodammodo imperat. Sed cum vocabulum ejus a re oculis parum subjecta, vulgoque hominum incognita petium sit, vereor non adoptandum fore. Vocat enim hanc merulam a pectorali serreo, quod loricae super induerunt milites medii ævi: quodque milites non album, uti merulae, gesserunt, si jam istud pectorale ferreum omnibus ante oculos esset. Deinde *Merle à plastron blanc*, vocabulum tam longum, ut non nisi ab admodum otiosis sit pronuntiabile.

(39) *Versu* 423. Petrus Belonius Gallus (qui, cum mediis sæculi XVI annis Græciam, Asiam minorem, & Ægyptum peregrinator attentissimus vidisset, in patriam redux luculentum opus de avibus omnigenis Parisiis in lucem dedit anno 1555) Torquatas merulas non nisi in
Mo.

Moriennæ salubus scribit inveniri. Inter omnes constat, Moriennam Subaudiaæ partem esse perexiguam, Alpibus citra Cinsium montem interclusam. Merulis nigris & torquatis quod abundet non tantum Morienna, sed omnis Subaudia, ipse pertransiens Alpes vidi, non modo magno eas numero mense Novembri in nivibus ludentes conspicuus, sed ex iis etiam in omni diversorio pransus & cœnatus. Idque sicut Belonii fidem commendat, imminuit Gēsnerus, eodē anno, quo de Avibus Belonius, & suum omnibus notum opus edens: in eoque testatus merulas Torquatas sub Alpibus, qui Germaniam spectant, in vicina scilicet Tiguri inveniri. Earundemque avium, ut sibi propinquarum, non modo mentionem, sed & descriptionem fecit paulo post Gēsnerum scribens Aldrovandus. Credas igitur Belonium Torquatas ex sua tantum & amicorum adjecta cognitione descripsisse. Sed quare Merula Torquata, uti in versibus dixi, sub finem prioris sæculi aucupibus nostris non modo incognita, sed & ineunte ætate mea perrare in silvis nostris advenæ fuerunt? In versibus dixi, complurimas nunc advenire & longe ocius quam pridem. Et cur eas credam ex longinquo appropere? suas omnes barbatulas vidit Gēsnerus. Ego qui tot torquatas vidi & cepi, barbatulam ne semel quidem vidi, & nullus nostratium pariter barbatulam vidit.

(40) *Versu 440.* Dixi in versibus Torquatam ad nos venientem montibus & præsertim Hérciniis innatam videri. Uti ex variis ejus moribus non nimium feris & hominum fugitantibus id collegeram, sic Merula mea jam descripta maxime id idem videor doctus fuisse. Per primos mensis Octobris dies vespertinis horis ex villa mea ambulatum iens, casulam satis solitariam pertransiens, ad siliis ostiolum stantem vidi, tamque ex propinquo, ut bacillo manibus gesto avem contigissem. Hæsitans ad conspectum, avemque ante pedes pascentem considerans, meque, ut videbatur, subinde respectantem, credebam merulam captam.

laqueis laesam, aut ex caveis dilapsam fuisse, indeque disposui me, avem ut manibus prehenderem: sed vix incurvato pectore, avolantem & celerrimo volatu vidi in haud procul positas silvulas se corripientem. Adjeci igitur hoc versibus, non dubitans, avis inde cognitior quin videatur.

(41) *Versu* 448. Torquatam instar Merulae nigrae canentem describit Salernus, Medicus Aurelianensis, nostri saeculi ornithologus. Idque, mihi credendum ex testimonio satis boni scriptoris, ex verisimilitudine mihi persuassissem. Omnia cum nigra merula habet communia. Aves deinde vermivoras omnes vocales valde, si non muscas reperieris.

(42) *Versu* 485. Sicut unicuique apparet satis, me non serio exigere, ut palatum de avium cognatione ex gustu carniū judicet. Sic eam tamen paritatem prosteri ausum tanti & pluris forte valere, quam quae cognatio ex pari pennarum numero in cauda aut in alis observato sequeretur. Ex Linnæi argumentis eveniat, ut aves mutae cum canoris, pacatissimae cum rapacibus, munda cum immundis socientur. Et si inde granivoras tantum cum vermivoris necessario conjungeres, eutaxiam scientiae naturalis offenderes satis. Dicat aliquis agrestibus sed sani iudicii arbitris, accipitres & columbas, bubones & lusciniās, cornices & mergos cognatas valde aut ejusdem generis volucres videri; idque videri, quia naturalium rerum scientia jam multo magis exaucta est, quam prius unquam fuit: Auctores scientiae non auxisse sibi rationem, absurdi & delirantes videbuntur, vel si plausum eos ab hominibus verè doctis meruisse dixeris. Aves, quas nominavi, apud Linnæum forte unius generis non sunt. Sed unius generis animalia apud ipsum sunt homo, simia, & vespertilio. Qui simiam non modo, sed vespertilionem alatum cum homine, ut agnatos, jungat, quas non ille cognatas faciat volucres? invidcantne agrestes arbitri novam illam

Lin-

Linnaeo & ejus discipulis cognationem? opiniones eatenus paradoxae numquid omnem doctis hominibus fidem & reverentiam detrahunt? numquid avertant adolecentes a studiis sano natos cum judicio? numquid Linnaei & ejus discipulorum scholam subiturus, abdicet se primum judicio? Sed si in eam scholam admittendis judicio non opus est, opus est memoria. Doctus Plinii & Aristotelis nomina, nova a Linnaeo substituta videbit omnibus non modo volucris, sed & quadrupedibus & ipsis herbis. Memoriam, credo, discipulis aevum voluerit ea nova Linnaeus mentis fatigatione. Obruit & felicissimam eatenus memoriam obruit, ut hominis barbari vocabula ex ejus schola abegerint aliquos qui submisso famae ipsius judicio scholam intraverant. Dixi hominem barbarum, non quia Gothus est, & ex ea lumen suum protendit terra, unde olim Graecis & Latinis scientiis tenebrae sunt inductae. Revereor, ut cultissimos & eruditissimos viros, ejus populares. Barbarum dixi, quia sine auribus natum tot barbara docent data rebus vocabula. Eae novae & dissonantissimae voces fore usu ut invalescerent, qui sperare potuerit, non viderem, nisi ab aliquibus adoptatas viderem. Sed desipere qui docet, facilius discipulos invenit, quam qui esurire, & qui esurire docuit, discipulos invenit. De humani generis judicio non desperandum est. Et uti dixi in Gavia mea, de eo etiam agens:

Ventura peritor aetas

Surget, & huius operi partaeque per irrita famae
 Constituet pretium. Veterum mihi more sequenti
 Naturam, nec res ex tegmine, fortuitisque,
 Spectanti, ad dignas animo succedere spes est
 Notitias: tabulaeque in parva ostendere magnas
 Si nequeo, stultas fugiam dare, garrula quasque
 Prodat anus, pennasque eoquo detraxerat alis.

(43) *Versu* 502. Fivela agri Groningani amniculus, ut verbis Menfonis Altiagii clarissimi popularis nostri utar, tertiam agri partem, sicut & naviger Unsingis, a multis retro sæculis denominavit, eam scilicet partem, quæ ab urbe ad orientem & versus Amisii ostium sinistrum vergit. Isque ager quia ex fertilissimis est provinciæ, in eo silvis pareitur, vel & circum villas patriciorum.

(44) *Versu* 508. Est inter ornithologos, qui ex nigra merula non modo torquatam sed & Areadem Aristotelis merulam naturæ aberrantis lusu profectam existimat. Tam levis hæc est judicii aberratio in ornithologo, ut propterea ipsum nominare, censuram videretur prodigere. Qui vero Gallus homo, Latine scribens, turdorum genus *turdinum* vocat, quique a viscivoro turdo non modo omnes turdos, sed & merulas profectas docet, quique nigram merulam decimi generis turdum, torquatam dicit duodecimi, turdosque deinde varios ad sexaginta sex dinumerat, ut prodigiosus turdorum cognitor, ne dicam generum conturbator, ostendi mereretur, sed non libenter accusator viderer, & Gallo homini, qui tanti exteros facit, ut latine scribere hoc sæculo dignatus sit, verecundiam debeo. *Turdinum* quidem genus apud ipsum videns, primo intuitu non agnoscebam. Aves *Turdines* mihi incognitas, & ob tam innumera earum genera exoticas ducebam valde. Sed mox grammatici errorem videns, barbariem vocis excusavi, commissam ab Academico viro Dalemberti socio. Is enim tanti judicii vir Dalembertus! permittit scientiarum enueleatoribus solis Latine scribere, sed quoquo modo scribere: ne quis scilicet terse scripturus operam perdat. Operam vero perdet scriptor, qui vix, & ita difficulter intelligitur, ut propterea rejiciatur. Et si ob res maximi momenti, quas doceret, non rejiceretur, barbara & ineulta verba posteris scriptorem facere, invenere videtur. Potuit igitur Dalembertus, nonnullam Latine scripturis diligentiam permittere, præcipuè Gallis, quibus id culte præ-

præstare perfacile videtur, ex tot cultis & ad gentis gloriam facientibus scriptis.

(45) *Versu* 530. Hieronymus Cardanus, medicus Insuber, & inter summos sæculi XVI physiologus, anferem eum ad duecentesimum audiverat annum pervenisse, contempserat famam ut nugivendulam. Sed cum advenam ferum sibi offerri elixum in mensa jussisset, & non manducabilem invenisset, coquo dedit recoquendum, alteraque die non magis manducabilem deprehendens, mutavit sententiam, quam de anserum vita in aliquo jam edito opere prodierat. Sapiuit Cardanus, & ejus sapiens super anseris longævitate judicium referens Aldrovandus non satis æstimare videtur. Æstimeret vero unusquisque, necesse est. Aves enim, quas, ut cibum, teneris fibris deprehenderas, vix manducabiles & cartilagineas qui inveneris, tuto inter longæviores numeres. Nullis ornithologorum hoc pro regula est, regula vero & satis docens esse potest, præcipue aliæ id idem notæ cum significarint.

(46) *Versu* 540. Avibus pulveratricibus sicut multo sabulo ornithotrophæi inspergendum est solum, sic balnearicibus immittendus est caveæ canaliculus, lacunculæ præstans lymphas, quibus identidem vel & hieme se immergunt merulæ, & picæ, ut sapius vidi. Præscripsit id idem merulas alentibus Varro, idque si quis omiserit, breve intra tempus verminant plumæ, & cutis. Cavea deinde patens, alta ad duos pedes & semissim merulæ, & ad duos pedes lata sit, necesse est. Quæque in aviariis majoribus junguntur merulæ dispari sexu, longius observantur vivere, quam quæ cavea singulæ separantur.

(46*) *Versu* 544. Franciscum primum Galliæ regem merulam judicasse luseinias cantu vicisse, invenitur apud Belonium & apud alios avium scriptores. Apud Romanos quanto ob cantum in pretio essent
mo-

me ulæ, testatur post Varronem Plinius major, nec secius Plinius Minor: cujus scilicet tempore erat Romæ consularis vir, nomine Regulus, ob eloquentiam a Martiali laudatus, qui, cum unicum extinctum lugeret filium, quidquid pretiosum filio in delitiis fuerat, rogo ejus iussit immitti, merulas vero circa rogum occidi, ne filii delitias post lætos dare cantus audiret. Sed cum omnia, quæ Romanis delitiæ fuerant, infecuta post barbaries aut abrogaret aut oblivisceretur, singulare est merulas cantus gratia alere, non desitum fuisse. Quod barbarorum iudicium aves cantatrices non minus videtur commendare, quam quod de earum cantu eruditiores auriculæ testatum reliquere.


F I N I S.

ERRORES TYPORUM.

Pagina	20	linea	2	<i>prolo</i> ,	—	lege	—	polo	
42	—	9	<i>pariut</i> ,	—	l.	—	pariunt		
44	—	4	<i>Salengrius</i> ,	—	l.	—	Salernus.		
66	—	7	<i>Aërea</i> ,	—	l.	—	Aëria		
73	—	20	<i>en</i>	—	l.	—	in Ægyptum		
74	—	14	<i>itirationibus</i> ,	—	l.	—	itineribus		
74	—	20	<i>mirum eam & tamen scriptoribus</i>	—	l.	—	mirum?		
			Eam vidēs jam scribentibus						
76	—	2	<i>quo</i>	—	l.	—	quid		
76	—	15	<i>vedere</i>	—	l.	—	vidēre.		
82	—	14	<i>evaguant</i>	—	l.	—	evaganti		
96	—	3	<i>His</i>	—	l.	—	Mas		
167	—	29	<i>invideant dissidia</i>	—	l.	—	invidia dissideant.		
223	—	20	<i>minor : caudata</i>	—	l.	—	minor caudata		
223	—	21	<i>quamquam</i>	—	l.	—	quam		
238	—	4	<i>eas</i>	—	l.	—	eos		
278	—	8	<i>parte</i>	—	l.	—	parte.		
274	—	1	<i>Quintellium</i>	—	l.	—	Quintilius Dux		
285	—	20	<i>Sunt sed</i>	—	l.	—	sunt. Sed		
286	—	13	<i>profugiunt</i>	—	l.	—	profugiunt.		
286	—	22	<i>Decimi quinti</i>	—	l.	—	Decimi sexti		

THE HISTORY OF THE







7

